

*Handwritten:* Rising

C. A T V L L V S.

T I B V L L V S.

P R O P E R T I V S.

H I S A C C E S S E -

R V N T

C O R N. G A L L I

F R A G M E N T A.

V I R T U T E D V C E.



C O M I T H F O R T V N A.

*Handwritten:* J. G. Seba

A P V D S E B. G R Y -

P H I V M L V -

G D V N I,

1 5 4 8.

*Handwritten:* 160 YC  
36







3

CATULLI VITA EX  
PETRI CRINITI LIBRO  
SECUNDO DE POETIS  
LATINIS.

**C** Valerius Catullus, Verona natus, quo tem-  
pore Ter. Varro in urbe claruit: quidā Cri-  
spum Sallustium Catullo supparem faciunt. A Ca-  
tulli autem natalibus ad P. Vergilium paulomi-  
nus quàm duodeviginti anni cōnumcrantur, si quo-  
rundam annales sequimur, quādo & illud constat,  
carmen de passere Lesbie ad Verg. missum:

Sic forsā tener ausus est Catullus

Magno mittere passerem Maroni.

Ceterū non humili loco aut obscuro natus est, si-  
quidem eius parens (autore Suetonio) Iulij Cesaris  
hospitio usus est. Val. autem Catullus primo tradi-  
tur à Mallio Romam deductus, cū adhuc in te-  
nera etate ageret, paulò mox ingenij facilitate &  
doctrina adeò Romæ acceptus, atq; civibus gra-  
tus, ut M. Tullij patrocinium meruerit, quod ipsum  
eleganti epigrammate ingenuè testatus est, quo  
gratias Ciceroni patrono egit:

Disertissime Romuli Nepotum,

Quot sunt, quotq; fuere Marce Tulli,

Quotq; pòst alijs erunt in annis,

Gratias tibi maximas Catullus

Agit, pessimus omnium poëta,

Tantò pessimus omnium poëta,



Quanto tu optimus omnium patronus.

Mallium uerò, & eius nuptias magno studio celebravit, cum quo se excusat parum sibi licere ueteres amores (ut antea) decantare, quoniam fratrem amisserit, ex quo studium inquit suum scribendi carminis se abiecissee. Sic enim ad Mallium:

Sed tibi ne mea sint ignota incommoda Malli,

Neu me odisse putes hospitis officium,

Accipe quàm merseer fortuna fluctibus ipse,

Ne amplius à misero dona beata petas.

Tempore quo primū uestis mihi tradita pura est,

Iucundum cū etas florida uer ageret,

Multa satis lusi, non est dea nescia nostri,

Quæ dulcem curis miscet amariciem.

Sed totum hoc studium luctu fraterna mihi mora

Abstulit, hei misero frater adempte mihi.

Tu mea tu moriens fregisti commoda frater,

Tecum una tota est nostra sepulta domus.

Inter ceteros amicos Furium, & Aurelium dilexit, Cinnam quoq; Cornificium, Fabullum, & Veranniam, quem alicubi & Veranniolum blanditer appellat: puellam præterea Ipsithillā ciuem suam, & Clodiam amauit, quam ficto nomine Lesbiam dicit, sicuti Madaurēsis Apuleius testatur in oratione ad Cl. Maximū. Eruditorū consensu docti cognomē accepit: ita enim peculiari epitheto Catullus censetur, atq; hunc quidem Ouid. Vergilianæ maiestati opponit tantū nominis apud eruditos, ac laus est consequutus. Sed & uersus ipsius, quāquā



ut duriusculi notantur, quod uterq; Plinius asserit, sectatores tamen in his habuit cōplures, sicuti Pompeium Saturinum, & Sentium augurem, qui Catulli epigrammata, ac Licinij, mira diligentia, & studio sunt amulati, ut aliās diximus. Val. quoque Martialis Catullum sibi ipsi audacter præponit.

Sic enim ad Maetum:

Nec multos mihi præferas poëtas,

Vno sed tibi sim minor Catullo.

Opus suum ad Nepotē Cor. misit, virū doctrina & rerū cognitione egregiū. Diuiditur autem in libros III. ut primus lyricos, secundus elegidia, tertius autem epigrammata contineat: ad hunc enim modū ordinem ferè meliorē custodiemus. Elegiam de coma Berenices ex poëta Callimacho in Latinos numeros conuertit: eamq; ad Orialū amicum misit, quæ in elegiarum adhuc libro legitur. Idem Val. Catullus à Fabio Quintiliano, & Diomedē inter iambicos reponitur, ab alijs inter lyricos. In Atticis uerò noctibus ut elegātiß. & mūdissiμus à Gellio laudatur, qui eius quoq; carmen, ut uenustißimū celebrat. Neq; illud omittendam, fuisse ab ipso Catullo & alia cōposita: nam et à Latinis grāmaticis afferuntur uersiculi aliquot, quos in hoc opere haud inuenies, ex quo deprauatū adhuc, inuersumq; alicubi Catulli carmen est. Tum illud in primis, quo Aegnatini ineptijs illudit, quod ex ipsa lectione constare omnibus potest. C. autem Plinius lib. hist. naturalis XXI. ad Cæs. Vespasianū, cū de ma-



gia differit, amatorium de incantamentis carmen à Catullo editum refert. Hinc Theocrii, inquit, apud Græcos, Catulli apud nos, proximeq; Vergilij incantamentorum amatoria imitatio. Sed & carmen Ithyphalicum scripsit, ut est optimus testis Maurus Terentianus ad Nonatemum, qui hos Catulli uersiculos citat:

*Et ferme modus hic datur à plerisq; Priapo,  
Inter quos cecinit carmen quoq; tale Catullus.  
Hunc tibi lucum dedico, consecroq; Priape,  
Quà domus tua Lampfaci est, quaq; Priape  
Nam te præcipuè in suis urbibus colit ora  
Hellepontica cæteris ostreosior oris.*

Cæsarem maximè Iulium, Phormianum Mamurram, & Nonium Strumam, iambicis nominatim proscidit, ex ueterū cōsuetudine, ut C. Lucillus iambicorum autor, Luciliusq; & Næuius. Dignumq; illud uideri potest, quòd ipse Cæsar cū perpetua sibi stigmata (ut ait Suetonius) imposita uideret ex Catulliano carmine de Mamurra, eadem tamen die poëtam ipsum cœnæ adhibuit, simulq; hospitio suo nō secus atq; antea, uti eum permisit. Mortuus autem Romæ est iuuenili admodum ætate ( & ut quidam putarunt) annum circiter XXX. agens, quo tempore P. Maro, uelut ex annalibus Eusebij colligitur, in urbe Cremona studijs operam daret, uulgatum quoq; de Val. Catullo illud:

*Tantum parua suo debet Verona Catullo,  
Quantum magna suo Mantua Vergilio.*

7  
C. VALERII

CATVLLI VERO

NENSIS AD CORN.

NEPOTEM LI-

BELLVS.

\*



VOI dono lepidum nouum libellū,  
Arido modò pumice expolitum  
Corneli? tibi. nanq; tu solebas  
Meas esse aliquid putare nugas  
Iam tū, cū ausus es unus Italorū

Omne auum tribus explicare chartis,  
Doctis, Iuppiter, & laboriosis.  
Quare habe tibi quicquid est libelli,  
Qualecunq; quidem ora per uirorum  
Plus uno maneat perenne seculo.

Ad passerem Lesbix.

Passer delicia mea puella,  
Qui cum ludere, quem in sinu tenere,  
Cui primū digitum dare appetenti,  
Et acreis solet incitare morsus  
Cū desiderio meo nitenti,  
Charum nescio quid lubet iocari,  
Et solatiolum sui doloris,  
Credo, ut tum grauis acquiescat ardor,  
Secum ludere, sicut ipse possem,



*Et tristes animi leuare curas:  
 Tum gratum mihi, quam ferunt puellæ  
 Pernici aureolum fuisse malum,  
 Quod zonam soluit diu ligatam.*

*De passere mortuo Lesbix.*

*Lugete o Veneres, Cupidinesq;  
 Et quantum est hominum uenustiorum.  
 Passer mortuus est meæ puellæ,  
 Quem plus illa oculis suis amabat.  
 Nam mellitus erat suamq; norat  
 Ipsam tam bene, quam puella matrem:  
 Nec sese à gremio illius mouebat:  
 Sed circumsiliens modò huc, modò illuc,  
 Ad solam dominam usq; papilabat.  
 Qui nunc it per iter tenebricosum  
 Illuc, unde negant redire quenquam.  
 At uobis malè sit mala tenebræ  
 Orci, quæ omnia bella deuoratis:  
 Tam bellum mihi passerem abstulistis.  
 O factum malè, o miselle passer,  
 Vestræ nunc opera meæ puellæ  
 Flendo turgiduli rubens ocelli.*

*De Phaselo, quo in patriam  
 reuectus est.*

*Phasellus ille quem uidetis hospites,  
 Ait fuisse nauium celerrimum:  
 Neq; ullius natantis impetum trabis  
 Nequisse præterire, siue palmulis  
 Opus foret uolare, siue linteo.*

Et hoc negat minacis Adriaticæ  
 Negare litus, insulas'ue Cycladas,  
 Rhodum'ue nobilem, horridam'ue Thraciam,  
 Propontida, trucem'ue ponticum sinum:  
 Vbi iste post phasellus, antea fuit  
 Comata sylua. nam Cythorio in iugo  
 Loquente sæpe sibilum edidit coma.  
 Amastri Pontica, & Cythore buxifer  
 Tibi hæc fuisse, & esse cognitißima  
 Ait phasellus, ultima ex origine  
 Tuo stetisse dicit in cacumine,  
 Tuo imbuisse palmulas in æquore:  
 Et inde tot per impotentia freta  
 Herum tulisse, leua, siue dextera  
 Vocaret aura: siue utrunq; Iuppiter  
 Simul secundus incidisset in pedem:  
 Neq; ulla uota littoralibus dijs  
 Sibi esse facta, cum ueniret à mari  
 Nouißimo hunc ad usq; limpidum lacum.  
 Sed hæc prius fuere: nunc recondita  
 Senet quiete, seq; dedicat tibi  
 Gemelle Castor, & gemelle Castoris.

Ad Lesbiam.

Viuamus, mea Lesbia, atq; amemus:  
 Rumoresq; senum seueriorum  
 Omneis unius æstimemus æßis.  
 SOLES occidere, & redire possunt:  
 Nobis cum semel occidit breuis lux, //  
 Nox est perpetua una dormienda. //



Da mi basia mille, deinde centum,  
 Dein mille altera, dein secunda centum,  
 Dein usq; altera mille, deinde centum.  
 Dein cum millia multa fecerimus:  
 Conturbabimus illa, ne sciamus:  
 Aut nequis malus invidere possit,  
 Cum tantum sciat esse basiorum.

Ad Flaviū.

Flavi delicias tuas Catullo,  
 Ni sint illepida, atq; inelegantes,  
 Velles dicere, nec tacere posses.  
 Verum nescio quid febriculosi  
 Scorti diligis: hoc pudet fateri.  
 Nam te non viduas iacere noctes  
 Nequicquam tacitum cubile clamat,  
 Seris, & Syrio flagrans oliuo:  
 Pulvinusq; per eque & hic, & illic  
 Atritus, tremuliq; quassa lecti  
 Argutatio, inambulatioq;.  
 Nam ni praeualet ista nil taceres.  
 Cur non tam latera exsuta pandas,  
 Ni tu quid facias ineptiarum?  
 Quare quicquid habes boni, maliq;,  
 Dic nobis, uolo te, ac tuos amores  
 Ad coelum lepidō uocare uersu.

Ad Lesbiam.

Quæris, quot mihi basiationes  
 Tuae Lesbia sint satis, superq;?  
 Quam magnus numerus Libysse arenæ

Laserp

*La serpiciferis iacet Cyrenis  
Oraculum Iouis inter æstuosi,  
Et Batti ueteris sacrum sepulchrum:  
Aut quàm sydera multa, cùm tacet nox,  
Furtiuos hominum uident amores:  
Tam te basia multa basiare  
Vesano satis, & super Catullo est:  
Quæ nec pernumerare curiosi  
Possint, nec mala fascinare lingua.*

*Ad seipsum.*

*Miser Catulle desinas ineptire:  
Et quod uides perijisse, perditum ducas.  
Fulsere quondam candidi tibi soles,  
Cùm uenitabas, quò puella ducebat  
Amata nobis, quantum amabimur nulla.  
Ibi illa multa tum iocosa fiebant,  
Quæ tu uolebas, nec puella nolebat.  
Fulsere uerè candidi tibi soles.  
Nunc iam illa non uult, tu quoq; impotens es. nec  
Quæ te fugit sectare, nec miser uiue:  
Sed obstinata mente perfer, obdura.  
Vale puella, iam Catullus obdurat:  
Nec te requireret, nec rogabit inuitam.  
At tu dolebis, cùm rogaberis nulli.  
Scelesta te ne? quæ tibi manet uita?  
Quis nunc te adibit? cui uideberis bella?  
Quem nunc amabis? cuius esse dicêris?  
Quem basiabis? cui labella mordebis?  
At tu Catulle destinatus obdura.*

*Ad*



## Ad Verannium.

*Veranni omnibus è meis amicis  
 Antistes mihi millibus trecentis,  
 Venisti'ne domum ad tuos penates?  
 Fratresq; unanimes, tuamq; matrem  
 Venisti? ô mihi nuntij beati.  
 Visam te incolumem: audiamq; Iberum  
 Narrantem loca facta, nationes,  
 Ut mos est tuus: applicansq; collum,  
 Iucundum os, oculosq; suaviabor.  
 O quantum est hominum beatorum,  
 Quid me lætius est, beatus'ne?*

## De Varri scorto.

*Varrus me meus ad suos amores  
 Visum duxerat è foro otiosum.  
 Scortillum, ut mihi tum repente uisum est,  
 Non sanè illepidum, nec inuenustum,  
 Huc ut uenimus, incidere nobis  
 Sermones uarij: in quibus, quid esset  
 Iam Bithynia, quomodo se haberet,  
 Et quanto mihi profuisset ære.  
 Respondi, id quod erat, nihil neq; ipsi,  
 Nec prætorebus esse, nec cohorti  
 Cur quisquam caput unctius referret:  
 Præsertim quibus esset irrumator  
 Prætor, nec faceret pili cohortem.  
 At certè tamen, inquiunt, quod illic  
 Natum dicitur, ære comparasti  
 Ad lecticam homines. ego, ut puella*

Vnum me facerem beatiorum  
Non, inquam, mihi tam fuit malignè,  
Vt prouincia quòd mala incidisset,  
Non possem octo homines parare rectos.  
At mi nullus erat neq; hic, neq; illic  
Fractum qui ueteris pedem grabati  
In collo sibi collocare posset.  
Hic illa, ut decuit cinadiorem,  
Quæso, inquit, mihi mi Catulle paulum  
Istos commodita: uolo ad Serapin  
Ferri mæne. Mæne, inquit, puella:  
Istud quod modò dixeram me habere,  
Fugit me ratio: meus sodalis  
Cinna est Caius: is sibi parauit.  
Verùm utrum illius, an mei, quid ad me?  
Vtior tam bene, quàm mihi parassem.  
Sed tu insulsa, mala, & molestæ uiuis:  
Per quam non licet esse negligentem.

Ad Furium & Aurelium.

Furi, & Aureli comites Catulli,  
Siue in extremos penetrarit Indos,  
Longè ubi litus resonante Eoa  
Tunditur unda:  
Siue in Hyrcanos, Arabasq; molleis,  
Seu Sacas sagittiferosq; Parthos,  
Siue qua septemgeminus colorat  
Aequora Nilus:

Siue trans alias gradietur Alpeis,  
Cæsaris uisens monimenta magni

Galli



*Gallicum Rhenum,horribiles & ,ulti-  
mosq; Britannos:*

*Omnia hæc,quæcunq; feret uoluntas  
Calitum,tentare simul parati,  
Pauca nuntiate meæ puellæ*

*Non bona dicta:*

*Cum suis uiuat,ualeatq; mœchis,  
Quos simul complexa tenet trecentos,  
Nullum amans uerè, sed identidem omnium  
Ilia rumpens:*

*Nec meum speret,uelut antè, amorem,  
Qui illius culpa cecidit,uelut prati  
Vltimus flos, prætereunte postquam  
Tactus aratro est.*

*In Asinium.*

*Inter cœnam, Asini, manu sinistra  
Non belle uteris in ioco, atq; uino.  
Tollis lintea negligentiorum:  
Hoc falsum esse putas? fugit te inepte  
Quamuis sordida res, & inuenusta est.  
Non credis mihi? crede Pollioni  
Fratrì, qui tua furtiua uel talento  
Mutari uelit. est enim lepòrum  
Disertus puer, ac facetiarum.  
Quare aut hendecasyllabos trecentos  
Expecta: aut mihi linteum remitte,  
Quod me non mouet æstimatione,  
Verùm est μνημόσυνον mei sodalis.  
Nam sudaria setaba ex Iberis*

*Miserunt mihi muneri Fabullus,  
Et Verannius: hoc amem necesse est,  
Ut Veranniolum meum, & Fabullum.*

*Ad Fabullum.*

*Cœnabis bene, mi Fabulle apud me  
Paucis, si tibi dij fauent, diebus:  
Si tecum attuleris bonam, atq; magnam  
Cœnam: non sine candida puella,  
Et uino, & sale, & omnibus cachinnis.  
Hæc si, inquam, attuleris Fabulle noſter,  
Cœnabis bene. nam tui Catulli  
Plenus sacculus est aranearum.  
Sed contrà accipies meos amores:  
Sen, quid ſuauius, elegantius'ue eſt.  
Nam unguentum dabo, quod mea puella  
Donarunt Veneres, Cupidinesq;:  
Quod tu cùm olfacies, deos rogabis,  
Totum ut te faciant Fabulle naſum.*

*Ad Caluum Licinium Oratorem.*

*Ni te plus oculis meis amarem,  
Iucundiſſime Calue: munere iſto  
Odifſem te odio Vatiniانو.  
Nam quid feci ego, quid'ue ſum locutus,  
Cur me tot malè perderes poëtus?  
Iſti dij mala multa dent clienti,  
Qui tantum tibi miſit impiorum.  
Quòd ſi (ut ſuſpikor) hoc nouum repertum  
Munus dat tibi Sylla litterator:  
Non eſt mi malè, ſed bene, ac beatè,*

*Quòd*



Quòd non dispereunt tui labores.  
 Dū magni horribilem, & sacrum libellum,  
 Quem tu scilicet ad tuum Catullum  
 Misti, continuo ut die periret  
 Saturnalibus optimo dierum,  
 Non, non hoc tibi false sic abibit.  
 Nam si luxerit, ad librariorum  
 Curram scrinia: Cæsios, Aquinos,  
 Suffenum, omnia colligam uenena:  
 Nec te his supplicijs remunerabor.  
 Vos hinc interea ualete: abite  
 Illuc, unde malum pedem attulistis,  
 Secli incommoda, pessimi poëtae  
 Legistis. malè me marem putastis:  
 Si qui fortè mearum ineptiarum  
 Lectores eritis, manusq; uestras  
 Non horrebitis ad mouere nobis.

Ad Aurelium.

Commendo tibi me, ac meos amores  
 Aureli: ueniam peto pudentem.  
 Vi si quicquam animo tuo cupisti,  
 Quod castum expeteres, & integellum,  
 Conserues puerum mihi pudicè.  
 Non dico à populo (nihil ueremur  
 Istos, qui in platea modò huc, modò illuc  
 In re prætereunt sua occupati)  
 Verùm à te metuo, tuoq; pene  
 In festo pueris bonis, malisq;  
 Quem tu, quà lubet, ut lubet moueto,

Quam

Quantum vis, ubi erit foris, paratum.  
Hunc unum excipio, ut puto pudenter.  
Quòd si te mala mens, furorq; uecors  
In tantam impulerit scelestè culpam,  
Ut nostrum insidijs caput laceffas:  
Ah tum te miserum, maliq; fati  
Quem attractis pedibus patente porta  
Percurrent raphaniq; mugilesq;.

Ad Aurelium, & Furium.

Pædicabo ego uos, & irrumabo  
Aureli pathice, & cinæde Furi:  
Qui me ex uersiculis meis putatis,  
Quòd sint molliculi, parum pudicum.  
NAM castum esse decet pium pòctam  
Ipsam, uersiculos nihil necesse est:  
Qui tum deniq; habent salem, ac lepòrem,  
Si sunt molliculi, ac parum pudici:  
Et quod pruriat incitare possunt,  
Non dico pueris, sed ijs pilosis,  
Qui duros nequeunt mouere lumbos.  
Vos qui millia multa basiorum  
Legistis, malè me marem putastis.  
Siqui fortè mearum ineptiarum  
Lectores eritis, manusq; uestras  
Non horrebitis admouere nobis,  
Pædicabo ego uos, & irrumabo.

Ad Coloniam.

O Colonia quem cupis ponte ledere longo,  
En salire paratum habes: sed uereris ineptia



Crura ponticuli, sub his totus irrediuuius  
 Ne supinus eat, cauaq; in palude recumbat.  
 Si tibi bonus ex tua pons libidine fiat,  
 In quo uel salisubfuli sacra suscipiantur,  
 Munus hoc mihi maximi da Colonia risus.  
 Quendam municipem meum de tuo uolo ponte  
 Ire præcipitem in lutum per caputq; pedesq;  
 Verum totius ut lacus, putidaq; paludis  
 Liuidissima, maximeq; est profunda uorago.  
 Insulsissimus est homo. nec sapit pueri instar  
 Bimuli tremula patris dormientis in ulna:  
 Cui cum sit uiridissimo nupta flore puella,  
 Ut puella tenellulo delicatior hædo,  
 Asseruanda nigerrimis diligentius uis,  
 Ludere hanc sinit, ut lubet: nec pili facit uni:  
 Nec se subleuat ex sua parte: sed uelut alnus  
 In fossa Liguris iacet separata securi,  
 Tantundē omnia sentiens quā si nulla sit usquam:  
 Talis iste meus stupor nil uidet, nihil audit:  
 Ipse quis sit, utrum sit, an non sit, id quoq; nescit.  
 Hunc ego uolo de tuo ponte mittere pronum:  
 Si potest olidum repentē excitare ueternum,  
 Et supinum animum in graui derelinquere cæno,  
 Ferream ut soleam tenaci in uoragine mula.

Ad Aurelium.

Aureli pater esuritionum,  
 Non harum modò, sed quot aut fuerunt,  
 Aut sunt, aut alijs erunt in annis,  
 Pedicare cupis meos amores,

Nec

Nec clàm: nam simul & iocaris unà,  
 Herens ad latus omnia experiris  
 Frustra. nam insidias mihi instruente  
 Tangam te prius irrumatione.

Atqui, si id faceres satur, tacerem.

Nunc ipsum id doleo, quòd esurire

Næ meus puer, & suture discet.

Quare desine, dum licet pudico:

Nec finem facies, nisi irrumatus.

Ad Varum.

Suffenus iste Vare, quem probè nōstī, *in malum poetam*  
 Homo est uenustus, & dicax, & urbanus,  
 Idemq; longè plurimos facit uersus.

Puto esse ego illi millia aut decem, aut plura

Perscripta, nec sic: ut fit, in palimpsesto

Relata, chartæ regię, noui libri,

Noui umbilici, lora rubra, membrana

Disecta plumbo, & pumice omnia equata.

Hæc cū legit, tum bellus ille, & urbanus

Suffenus unus, caprimulgus, aut fossor

Rursus uidetur: tantum abhorret, ac nutat.

Hoc quid putemus esse? qui modò scurra,

Aut siquid hac re tristius uidebatur,

Idem infaceto est infacetior rure,

Simul poëmata attingit: neq; idem unquam

Aequè est beatus, ac poëma cū scribit:

Tam gaudet in se, tamq; se ipse miratur.

Nimirū idē omnes fallimur: NEQVIB est quisquam,

Quem non in aliqua te uidere Suffenum



Posis: s v v s cuiq; attributus est error.

SED non uidemus mantica quid in tergo est.

Ad Furium.

In paupere  
securu.

Furi, cui neq; seruus est, neq; arca,

Nec cimex, nec araneus, nec ignis:

Verum est & pater, & nouerca, quorum

Dentes uel silicem comesse possunt:

Est pulchrè tibi cum tuo parente,

Et cum coniuge lignea parentis.

Nec mirum: bene nam ualetis omnes:

Pulchrè concoquitis: nihil timetis,

Non incendia, non graueis ruinas,

Non facta impia, non dolos ueneni,

Non casus alios periculorum.

At qui corpora sicciora cornu,

Aut si quid magis aridum est, habetis,

Sole, & frigore, & esuritione:

Quare non tibi sit bene, ac beatè?

A te sudor abest, abest salina,

Muccusq; & mala pituita nasi.

Hanc ad munditiem adde mundiozem,

Quod culus tibi purior salillo est,

Nec toto decies cacas in anno,

Atq; id durius est faba, & lapillis:

Quod tu si manibus teras, fricesq;,

Non unquam digitum inquinare posses.

Hæc tu commoda tam beata Furi

Noli spernere, nec putare parui:

Et sestertia quæ soles precari

Centum desine. nam sat es beatus.

Ad puerum.

*In sodomitam*

O qui flosculus es iuenculorum\*  
 Non horum modò, sed quot aut fuerunt,  
 Aut posthac alijs erunt in annis,  
 Mallem delicias mihi dedisses,  
 Quàm isti, cui neq; seruus est, neq; arca:  
 Quàm sic te sineres ab isto amari,  
 Cui nil est. homo bellus, inquit, est.  
 Sed bello huic, neq; seruus est, neq; arca.  
 Hæc tu quàm lubet obijce, elenaq;  
 Nec seruum tamen ille habet, neq; arcam.

Ad Thallum.

*In latrone  
delicatu*

Cinæde Thalle mollior cuniculi capillo,  
 Vel anseris medullula, uel hinnula tenella,  
 Vel pene languido senis, situq; araneoso:  
 Idemq; Thalle turbida rapacior procella,  
 Cùm dira maris hyems aues ostendit oscitantes:  
 Remitte pallium mihi meum, quod inuolasti,  
 Sudariumq; Setabam, catagraphosq; Thynos,  
 Inepte quæ palàm soles habere tanquam auita,  
 Quæ nunc tuis ab unguibus reglutina, & remitte:  
 Ne laneum latiusculum, manusq; mollicellas  
 Iniusta turpiter tibi flagella conscribillent:  
 Et insolenter æstues, uelut minuta magno  
 Deprensa nauis in mari uesaniēte uento.

cc

cc

Ad Furium.

Furi uillula nostra non ad Austri  
 Flatus opposita est, nec ad Fauoni,

b 3

Nec



*Nec seui Borea, aut Apeliota:  
Verum ad millia quindecim, & ducenta.  
O ventum horribilem, atq; pestilentem.*

*Ad puerum suum. Et merum  
Minister uetuli puer falerni bonum fundae  
Inger mi calices amariores,  
Ut lex Posthumiae iubet magistrae,  
Ebriosa acino ebriosioris.  
At uos quò lubet hinc abite lymphæ,  
Vini pernicies, & ad seueros  
Migrate: hic merus est Thyonianus.*

*Ad Veranium, & Fabullum.*

*Pisonis comites, cohors inanis,  
Aptis sarcinulis, & expeditis  
Verani optime, tuq; mi Fabulle,  
Quid rerum geritis? satis'ne cum isto  
Vappa, frigoraq; & famem tulistis?  
Ecquidnam in tabulis patet lucelli  
Expensum? ut mihi, qui meum secutus  
Prætozem, refero datum lucello.*

*Ad Memmium.*

*O Memmi bene me, ac diu supinum,  
Tota ista trabe lentus irrumasti:  
Sed (quantum uideo) pari fuisti  
Casu. nam nihilo minore uerpa  
Es fartus. pete nobiles amicos,  
At uobis mala multa Di, Deaq;  
Dent opprobria Romuli, Remiq;.*

In Mamurram.

*Præm. pro concilio*

Quis hoc potest uidere, quis potest pati:  
 Nisi impudicus, & uorax, & aleo?  
 Mamurram habere, quod comata Gallia  
 Habebat, & cuncta ultima Britannia.  
 Cinæde Romule hoc uidebis, & feres?  
 Es impudicus, & uorax, & aleo.  
 Et ille nunc superbus, & superfluens  
 Perambulabit omnium cubilia,  
 Ut albulus columbulus Dionæus?  
 Cinæde Romule hoc uidebis, & feres?  
 Es impudicus, & uorax, & aleo.  
 Eo'ne nomine Imperator unice  
 Fuisti in ultima occidentis insula,  
 Ut ista uestra diffututa mentula  
 Ducenties comesset, aut trecenties?  
 Quid est? an hæc sinistra liberalitas  
 Parum expatruisti? an parum belluatus es?  
 Paterna primum lancinata sunt bona,  
 Secunda præda Pontica, inde tertia  
 Ibera, quam scit amnis aurifer Tagus.  
 Hunc Gallie timent, timent Britannie.  
 Quid hunc (malum) fouetis? aut quid hic potest,  
 Nisi uncta deuorare patrimonia?  
 Eo'ne nomine urbis opulentissimæ  
 Socer, generq; perdidistis omnia?

Ad Alphenum.

Alphene immemor, atq; unanimis false sodalib<sup>9</sup>,  
 Iam te nil miseret dure tui dulcis amiculi.



Iam me prodere, iam non dubitas fallere perfide.  
 «NEC facta impia fallacū hominū cœlicolis placēt.  
 «Quæ tu negligis, ac me miserum deseris in malis.  
 Heu quid faciāt dico homines, cui'ne habeant fidē?  
 Certè tute iubebas animam tradere iniquè, me  
 «Inducens in amorem, quasi tuta omnia mi forent:  
 «Idem nunc retrahis te, ac tua dicta omnia, facta q̃;  
 «Ventos irrita ferre ad nebulas ærias sinis.  
 Si tu oblitus es, at Dī meminerunt: meminit fides,  
 Quæ te ut pœniteat postmodo facti faciet tui.

Ad Sirmionem peninsulam.

Peninsularum Sirmio, insularum q̃;  
 Ocelle, quas cunq; in liquentibus stagnis,  
 Mariq; vasto fert uterq; Neptunus.  
 Quàm te libenter, quamq; lætus inuiso:  
 Vix mi ipse credens Thyniam, atq; Bithynos  
 Liquisse campos, & uidere te in tuto.  
 «O' QUID solutis est beatius curus?  
 «Cum mens onus reponit, ac peregrino  
 «Labore fessi uenimus larem ad nostrum,  
 «Desideratoq; acquiescimus lecto?  
 «Hoc est, quod unum est pro laboribus tantis.  
 Salue ô uenusta Sirmio, atq; hero gaude:  
 Gaudete uosq; Lydiæ lacus undæ:  
 Ridete quicquid est domi cachinnorum.

Ad Ipsithillam.

Amabo mea dulcis Ipsithilla,  
 Meæ deliciæ, mei lepôres,  
 Iube ad te ueniam meridiatum.

Quod

Quod si iusseris, illud adiuvato,  
 Ne quis liminis obseret tabellam:  
 Neu tibi lubeat foras abire:  
 Sed domi maneat, paresq; nobis  
 Nouem continuas fututiones.  
 Verum siquid ages, statim iubeto.  
 Nam pransus iaceo: & satur supinus  
 Pertundo tunicamq; palliumq;.

In Vibennium furem, & Fu-  
 rium cinædum.

O' furum optime balneariorum  
 Vibenni pater, & cinæde fili:  
 Nam dextra pater iniquatiore,  
 Culo filius est uoracior:  
 Cur non exilium, malasq; in oras  
 Itis? quandoquidem patris rapina  
 Notæ sunt populo, & nates pilosas  
 Fili non potes asse uenditare?

Seculare carmen ad Dianam.

Diana sumus in fide  
 Puella, & pueri integri:  
 Diana pueri integri,  
 Puellaq; canamus.  
 O' Latonia maximi  
 Magna progenies Iouis,  
 Quam mater propè Deliam  
 Deposuit oliuam:  
 Montium domina ut fores,  
 Sylvarumq; uirentium,



*Saluumq; reconditorum,*

*Amniumq; sonantum.*

*Tu Lucina dolentibus,*

*Iuno dicta puerperis:*

*Tu potens Trivia, & notho es*

*Dicta lumine Luna.*

*Tu cursu Dea menstruo*

*Metiens iter annum,*

*Rustica agricolæ bonis*

*Tecta frugibus explēs.*

*Sis quocunq; tibi placet*

*Sancta nomine: Romuliq;*

*Antiquam (ut solita es) bona*

*Sospites ope gentem.*

*Ad libellum.*

*Poëta tenero meo sodali*

*Velim Cæcilio papyre dicas,*

*Veronam ueniat, Noui relinquens*

*Comi mœnia, Lariumq; litus.*

*Nam quasdam uolo cogitationes*

*Amici accipiat sui, meiq;.*

“ *Quare (si sapiet) uiam uorabit:*

“ *Quamuis candida millies puellæ*

“ *Euntem reuocet, manusq; collo*

“ *Ambas inijciens roget morari,*

“ *Quæ nunc (si mihi uera nuntiantur)*

“ *Illum deperit impotente amore.*

*Nam quo tempore legit inchoatam*

*Dindymi dominam, ex eo misellæ*

*Ignes interiorum edunt medullam.  
 Ignosco tibi Sapphica ô puella  
 Musa doctior. est enim uenustè  
 Magna Cecilio inchoata mater.*

*In Annales Volufii.*

*Annales Volusi cacata charta,  
 Votum soluite pro mea puella.  
 Nam sanctæ Veneri, Cupidiniq;  
 Vouit, si sibi restitutus essem,  
 Desissemq; truces uibrare iambos,  
 Electissima pessimi poetæ  
 Scripta tardipedi Deo daturam  
 Infelicibus ustulanda lignis.  
 Et hoc pessima se puella uidit  
 Iocosè, & lepidè uouere Diuis.  
 Nunc ô cæruleo creata ponto,  
 Quæ sanctum Idalium, Vriosq; apertos,  
 Quæq; Ancona, Cnidumq; arundinosam  
 Colis, quæq; Amathunta, quæq; Colchos,  
 Quæq; Dyrrhachium Adriæ tabernam,  
 Acceptum face, redditumq; notum:  
 Si non illepidum, neq; inuenustum est.  
 At uos interea uenite in ignem  
 Pleni turis, & infacetiarum,  
 Annales Volusi cacata charta.*

*Ad Contubernales.*

*Salax taberna, uosq; contubernales,  
 Apileatis nona fratribus pila,  
 Solis putatis esse mentulas uobis?*

*Solis*



Solis licere, quicquid est puellarum  
 Confutere, & putare cæteros hircos?  
 An, continenter quòd sedetis insulsi  
 Centum, aut ducenti: non putatis ausurum  
 Me unà ducentos irrumare sessores?  
 Atqui putate. nanq; totius nobis  
 Frontem tabernæ scipionibus scribam.  
 Puella nanq; quæ meo sinu fugit,  
 Amata tantum, quantum amabitur nulla,  
 Pro qua mihi sunt magna bella pugnata,  
 Consedit istic: hanc boni, beatiq;  
 Omnes amatis: & quidem (quod indignum est)  
 Omnes pusilli, & semitarij mæchi.

Ad Cornificium.

Malè est Cornifici tuo Catullo,  
 Malè est, hercule me, & laboriosè,  
 Magisq; & magis in dies, & horas,  
 Quem tu (quod minimum, facillimumq; est)  
 Qua solatus es allocutione?  
 Irascor tibi sic meos amores?  
 Paulum quidlibet allocutionis  
 Mœstius lacrymis Simonideis.

In Egnatium.

Egnatius quòd candidos habet denteis,  
 Renidet usquequaq; seu ad rei uentum est  
 Subsellium, cum orator excitat fletum,  
 Renidet ille: seu p̃ij ad rogam filij.  
 Lugetur, orba cum flet unicum mater,  
 Renidet ille. quicquid est, ubicunq; est,

Quode

Quodcunq; agit, renidet. Hunc habet morbum  
 Neq; elegantem (ut arbitror) neq; urbanum.  
 Quare monendus es mihi bone Egnati,  
 Tu præter omneis une de capillais  
 Cuniculoſæ Celtiberiæ fili  
 Egnati, opaca quem bonum faciat barba,  
 Et dens Hibera defricatus urina.  
 Si urbanus eſſes, aut Sabinus, aut Tyburs,  
 Aut parcus Umber, aut obesus Hetruſcus,  
 Aut Lanuvinus ater, atq; dentatus,  
 Aut Transpadanus (ut meos quoq; attingam)  
 Aut quilibet, qui puriter lauit dentes:  
 Tamen renidere uſquequa; te nollem,  
 NAM riſu inepto res ineptior nulla eſt.  
 Nunc Celtiberus Celtiberia in terra  
 Quod quiſq; minxit, hoc ibi ſolet manè  
 Dentem, atq; ruſam defricare gingiuam:  
 Ut quo iſte ueſter expolitior dens eſt,  
 Hoc te amplius bibiſſe prædicet loti.

Ad Rauium.

Quanam te mala mens, miſelle Ravi,  
 Agit præcipitem in meos iambos?  
 Quis Deus tibi non bene aduocatus  
 Vecordem parat excitare rixam?  
 An' ne ut peruenias in ora uulgi?  
 Quid uiſ? qualubet eſſe notus optas?  
 Eris: quandoquidem meos amores  
 Cum longa uoluisti amare poena.



## De Acme.

Acme an, illa puella defututa,  
 Tota millia me decem poposcit?  
 Ista turpiculo puella naso,  
 Decoctoris amica Formiani?  
 Propinqui, quibus est puella cura,  
 Amicos, medicosq; conuocate.  
 Non est sana puella. Nec rogate,  
 Qualis sit: solet hæc imaginosum.  
 Adeste hendecasyllabi, quot estis  
 Omnes undiq; quotquot estis omnes:  
 Iocum me putat esse mœcha turpis.  
 Et negat mihi uestra reddituram  
 Pugillaria. Si pati potestis,  
 Persequamur eam, & reflagitemus.  
 Quæ sit queritis? illa, quam uideris  
 Turpè incedere myrmicè, ac moleste  
 Ridentem catuli ore gallicani  
 Circumsistite eam, & reflagitate:  
 Mœcha putida redde codicillos,  
 Redde putida mœcha codicillos.  
 Non assis facis oblitum lupanar,  
 Aut si perditius potest quid esse.  
 Sed non est tamen hoc satis putandum.  
 Quòd si non aliud potest, ruborem  
 Ferreo canis exprimamus ore.  
 Conclamate iterum alioque uoce:  
 Mœcha putida redde codicillos.  
 Redde putida mœcha codicillos.

Sed

*Sed nil proficimus: nihil mouetur  
Mutanda est ratio, modusq; uobis.  
Si quid proficere amplius potestis:  
Pudica, & proba redde codicillos.*

*In amicam Formiani.*

*Salue nec minimo puella naso,  
Nec bello pede, nec nigris ocellis,  
Nec longis digitis, nec ore sicco,  
Nec sanè nimis elegante lingua,  
Decoctoris amica Formiani.*

*Te'n' prouincia narrat esse bellam?  
Tecum Lesbia nostra comparatur?  
O' seclum insipiens, & infacetum!*

*Ad fundum.*

*O' funde noſter, ſeu Sabine, ſeu Tyburs:  
(Nam te eſſe Tyburtem autumant, quibus non eſt  
Cordi Catullum lædere: at quibus cordi eſt,  
Quouis Sabinum pignore eſſe contendunt)  
Sed ſeu Sabine, ſiue uerius Tyburs:  
Fui libenter in tua ſuburbana  
Villa, malamq; pectore expuli tuſſim.  
Non immerenti quàm mihi ueretur mens.  
Dum ſumptuoſas appeto dari cœnas.  
Nam Sextianus dum uolo eſſe conuiua,  
Orationem in Accium petitoſem  
Plenam ueneni, & peſtilentiæ legit.  
Hic me grauedo frigida, & frequens tuſſis  
Quaſſauit, uſquedum in tuum ſinum fugi,  
Et me recurant ocymoq; & urtica.*

*Quare*



Quare reſectus maximas tibi grates  
Ago, meum quòd non es ulia peccatum.  
Nec deprecor iam, ſi nefaria ſcripta  
Sentire ceſſo, cùm grauedinem, & ruſſim  
Non mi, ſed ipſi Sextio ferat frigus:  
Qui tunc uocat me, cùm malum legit librum.

De Acme, & Septimio.

Acmen Septimius ſuos amores,  
Tenens in gremio, Mea inquit Acme,  
Ni te perditè amo, atq; amare porrò  
Omneis ſum aſſiduè paratus annos,  
Quantum qui pote plurimum perire:  
Solus in Libya, Indiaq; toſta,  
Caſio ueniam obuius leoni.  
Hoc ut dixit, Amor ſiniſtra, ut antè,  
Dextra ſternuit approbatione.  
At Acme leuiter caput reflectens,  
Et dulcis pueri ebrios ocellos,  
Illo purpureo ore ſuauitata:  
Sic inquit, mea uita Septimille,  
Huic uni domino uſq; ſeruiamus:  
Vt multo mihi maior, acriorq;  
c Ignis mollibus ardet in medullis.  
Hoc ut dixit, Amor ſiniſtra, ut antè,  
Dextra ſternuit approbatione.  
Nunc ab auſpicio bono proſecti,  
Mutuis animis amant, amantur.  
Vnam Septimius miſellus Acmen,  
Maui, quàm Syrias, Britanniasq;:

*Vno in Septimio fidelis Acme  
Facit delicias, libidinesq;  
Quis ullos homines beatiore  
Vidi? quis Venerem auspiciorem?*

*Ad seipsum de aduentu ueris.*

*Iam uer egelidos refert tepores:  
Iam cœli furor æquinoctialis  
Iucundis Zephyri silescit auris.  
Linguantur Phrygiæ Catulle campi,  
Niceæq; ager uber æstuosæ:  
Ad claras Asiæ uolemus urbes.  
Iam mens prætrepidans auet uagari,  
Iam leti studio pedes uigescunt.  
O dulces comitum ualete cœtus,  
Longè quos simul à domo profectos,  
Diuersos uariè uia reportant.*

*Ad Porcium, & Socrationem.*

*Porci, & Socratio, duæ sinistræ  
Pisonis scabies, famesq; Memmi:  
Vos Veraniolo meo, & Fabullo  
Verpus præposuit priapus ille:  
Vos conuiuia lauta sumptuosè  
De die facitis: mei sodales  
Querunt in trinio uocationes.*

*Ad Iuencium.*

*Mellitos oculos tuos Iuenci,  
Si quis me sinat usque basiare,  
Usque ad millia basiem trecenta:  
Nec unquam uidear satur futurus,*

c

Non



*Non si densior aridis aristis  
Sit nostræ seges osculationis.*

*Ad Marcum T. C.*

*Disertissime Romuli nepotum,  
Quot sunt, quotq; fuere, Marce Tulli,  
Quotq; post alijs erunt in annis:  
Gratias tibi maximas Catullus  
Agit, pessimus omnium poëta:  
Tantò pessimus omnium poëta,  
Quantò tu optimus omnium patronus.*

*Ad Licinium.*

*Hesterno Licini die otiosi  
Multum lusimus in meis tabellis:  
Ut conuenerat esse delicatos.  
Scribens uersiculos uterq; nostrum,  
Ludebat numero modò hoc, modò illoc,  
Reddens mutua per iocum, atq; uinum.  
Atq; illinc abij tuo lepore  
Incensus Licini facetijsq;  
Ut nec me miserum cibus iuuaret,  
Nec somnus tegeret quiete ocellos:  
Sed toto indomitus furore lecto  
Versarer, cupiens uidere lucem,  
Ut tecum loquerer, simulq; ut essem.  
At defessa labore membra postquam  
Semimortua lectulo iacebant,  
Hoc iucunde tibi poëma feci,  
Ex quo perspiceres meum dolorem.  
Nunc audax caue sis, precesq; nostras*

*Oramus*

*Oramus caue despuas ocelle:  
Ne pœnas Nemesis reposcat à te.  
Est uehemens Dea, ledere hanc caueto.*

*Ad Lesbiam.*

*Ille mi par esse Deo uidetur,  
Ille (si fas est) superare diuos,  
Qui sedens aduersus identidem te  
Spectat, & audit  
Dulcè ridentem: misero quod omneis  
Eripit sensus mihi. nam simul te  
Lesbia aspexi, nihil est super mi  
Quod loquar amens.*

*Lingua sed torpet, tenueis sub artus  
Flamma demanat, sonitu suo pte  
Tinniunt aures, gemina teguntur  
Lumina nocte.*

*Otium Catulle tibi molestum est:  
Otio exultas, nimiumq; gestis:  
Otium & reges prius & beatas  
Perdidit urbes.*

*In Nonium, & Vatinius.*

*Quid est Catulle, quid moraris emori?  
Sella in curuli Struma Nonius sedet:  
Per consulatum peierat Vatinius,  
Quid est Catulle, quid moraris emori?*

*De quodam, & Caluo.*

*Risi nescio quem modò in corona:  
Cui cùm mirificè Vatiniana  
Meus carmina Caluus explicasset,*



Admirans ait hæc, manusq; tollens,  
 Dij magni Salaputium disertum,  
 Othonis caput oppidò est pusillum.  
 Heri rustice semilauta crura,  
 Subtile, & leue peditum Liboni est.

Ad Cæsarem.

Si non omnia displicere uellem  
 Tibi, & Suffecio seni recocto,  
 Irascere iterum meis iambis  
 Immerentibus unice Imperator.

In Camerium.

Oro, si tibi fortè non molestum est,  
 Demonstres ubi sint tuæ latebræ.  
 Te quaesiuimus in minore campo,  
 Te in circo, te & in omnibus tabernis,  
 Te in templo superi Iouis sacrato,  
 In Magni simul ambulatione.  
 Fœmellas omneis amice prendi,  
 Quas uultu mage uidimus sereno,  
 Has te sic tamen ipse flagitabam,  
 Camerium mihi pessima puella.  
 Quædam inquit, tibi nudulum reduce,  
 En hic in roseis latet papillis.  
 Non custos si ego fingar ille Cretum,  
 Non si Pegaseo ferar uolatu,  
 Non Ladas ego, pennipes'ue Perseus,  
 Non Rhœsi niueæ, citæq; bigæ.  
 Adde huc plumipedas, uolatilesq;  
 Ventorumq; simul require cursum,

Quos

Quos iunctos Cameri mihi dicaris:  
 Defessus tamen omnibus medullis,  
 Et multis languoribus peresus  
 Essem, te mihi amice queritando.  
 Sed ne querere iam Herculis labos sit,  
 Tanto te in fastu negas amice,  
 Dic nobis ubi sis futurus: ede  
 Audacter, comiti hoc lubenter ede.  
 Num te lacteolæ tenent puellæ?  
 Si linguam clauso tenes in ore,  
 Fructus proijcies amoris omneis:  
 VERBOSA gaudet Venus loquela.  
 Vel si uis, licet obseres palatum,  
 Dum uestri sim ego particeps amoris.

Ad M. Catonem Porcium.

O rem ridiculam Cato, & iocosam:  
 Dignamq; auribus, & tuo cachinno.  
 Ride siquid amas Cato Catullum:  
 Res est ridicula, & nimis iocosa.  
 Deprendi modò pupulum puellæ  
 Trusantem: hunc ego si placet Dione,  
 Pro telo rigida mea teciidi.

In Mamurram, & Cæsarem.

Pulchrè conuenit improbis cinædis  
 Mamurra pathicoq; Cæsariq;  
 Nec mirum: maculæ pares utrisq;  
 Urbana altera, & illa Formiana,  
 Impressæ resident, nec eluentur:  
 Morbosi pariter, gemelli utriq;.



*Vno in lectulo erudituli ambo.  
 Non hic, quàm ille magis uorax adulter,  
 Riuales, socij & puellularum.  
 Pulchrè conuenit improbis cinedis.*

*Ad Cælium, de Lesbia.*

*Cæli Lesbia nostra, Lesbia illa,  
 Illa Lesbia, quam Catullus unam  
 Plus, quàm se, atq; suos amauit omnes,  
 Nunc in quadriuijs, & angiportis,  
 Glubit magnanimos Remi nepotes.*

*De Rufa, & Rufulo.*

*Bononiensis Rufa Rufulum fellæ  
 Vxor Meneni, sepe quam in sepulchretis  
 Vidiſtis, ipso rapere è rogo cœnam:  
 Cùm deuolutum ex igne prosequens panem,  
 A semiraso tonderetur uſtore.  
 Nam te leana montibus Libyſſinis  
 Aut Scylla latrans infima inguinum parte,  
 Tam mente dura procreauit, ac terra,  
 Vt supplicis uocem in nouiſſimo caſu  
 Contemptam haberes? ah nimis fero corde.*

*Iuliæ, & Mallii Epitha-  
 lamium.*

*C*ollis ô Heliconij  
 Cultor, Vraniæ genus,  
 Qui rapis teneram ad uirum  
 Virginem, ô Hymenæe Hymen  
 Hymen ô Hymenæe,  
 Cinge tempora floribus

*Suaue olentis amaraci:  
Flammeum cape: laetus huc  
Huc ueni nixeo gerens  
Luteum pede soccum.  
Excitusq; hilari die,  
Nuptialia concinens  
Voce carmina tinnula,  
Pelle humum pedibus, manu  
Pineam quate tadam.  
Nanque Iulia Mallio,  
(Quales Idalium colens  
Venit ad Phrygium Venus  
Iudicem) bona cum bona  
Nubit alite uirgo:  
Floridis uelut enitens  
Myrtus hagia ramulis,  
Quos Hamadryades deæ  
Iudicrum sibi roscido  
Nutriunt in odore.  
Quare age huc aditum ferens  
Perge linquere Thespiæ  
Rupis Aonios specus,  
Lympha quos super irrigat  
Frigerans Aganippe:  
Ac domum dominam uoca  
Coniugis cupidam noui,  
Mentem amore reuinciens:  
Ut tenax edera hac, & hac  
Arborem implicat errans.*



*Vos item simul integræ  
Virgines, quibus aduenit  
Par dies, agite in modum  
Dicite, ò Hymenæe Hymen,  
Hymen ò Hymenæe:  
Ut lubentius audiens,  
Se citarier ad suum  
Munus, huc aditum ferat  
Dux bonæ Veneris, boni  
Coniugator amoris.  
Quis Deus magis optimis  
Expetendus amantibus:  
Quem colant homines magis  
Cœlitum? ò Hymenæe Hymen,  
Hymen ò Hymenæe.  
Te suis tremulus parens  
Innuocat: tibi uirgines  
Zonula solüunt sinus:  
Te timens cupida novos  
Captat aure maritos.  
Tu fero iuueni in manus  
Floridam ipse puellulam  
Matris è gremio suæ  
Dedis: ò Hymenæe Hymen,  
Hymen ò Hymenæe.  
Nil potest sine te Venus,  
Fama quod bona comprobet,  
Commodi capere: at potest,  
Te uolente: quis huic Deo*

*Compararier ausu?*

*Nulla quit sine te domus*

*Liberos dare, nec parens*

*Stirpe dicier: at potest,*

*Te uolente. quis huic Deo*

*Compararier ausu?*

*Quæ tuis careat sacris,*

*Non queat dare præsides*

*Terra finibus: at queat,*

*Te uolente. quis huic Deo*

*Compararier ausu?*

*Claustra pandite ianua:*

*Virgo adest. uiden' ut faces*

*Splendidas quatiunt comas?*

*Sed moraris, abit dies.*

*Prodeas noua nupta.*

*Tardat ingenuus pudor,*

*Quæ tamen magis audiens*

*Flet, quòd ire necesse sit.*

*Sed moraris, abit dies.*

*Prodeas noua nupta.*

*Flere desine. non tibi*

*Herculeia periculum est,*

*Nequa fœmina pulchrior*

*Clarum ab oceano diem*

*Viderit uenientem.*

*Talis in uario solet*

*Diuitis domini hortulo*

*Stare flos hyacinthinus.*



*Sed moraris, abit dies.  
Prodeas noua nupta.  
Prodeas noua nupta, si  
Iam uidetur: & audias  
Nostra uerba. uide ut faces  
Aureas quatiunt comas?  
Prodeas noua nupta.  
Non tuus leuis in mala  
Deditus uir adultera,  
Probra turpia persequens,  
A tuis teneris uolet  
Secubare papillis.  
Lenta qui uelut asbitas  
Vitis implicat arbores,  
Implicabitur in tuum  
Complexum. sed abit dies,  
Prodeas noua nupta.  
O cubile quot omnibus  
Candido pede lectulis  
Quæ tibi ueniunt bona,  
Gaudeas. sed abit dies.  
Prodeas noua nupta.  
Quæ tuo ueniunt hero,  
Quanta gaudia, quæ uaga  
Nocte, quæ medio die,  
Gaudeas. sed abit dies.  
Prodeas noua nupta.  
Tollite ò pueri faces.  
Flammeum uideor uidere,*

*Ite, concinite in modum,  
Io Hymen Hymenæe io,  
Io Hymen Hymenæe.  
Ne diu taceat procax  
Fescenina locutio:  
Neu nuces pueris neget  
Desertum domini audiens  
Concubinus amorem.  
Da nuces pueris iners  
Concubine: satis diu  
Lusisti nucibus: lubet  
Iam servire Thalasio,  
Concubine nuces da.  
Sordebam tibi uillice  
Concubine hodie, atq; heri:  
Nunc tuum cinerarius  
Tondet os. miser ah miser,  
Concubine nuces da.  
Diceris malè te à tuis  
Vnguentate glabris marite  
Abstinerere: sed abstine.  
Io Hymen Hymenæe io,  
Io Hymen Hymenæe.  
Scimus hæc tibi, quæ licent  
Sola cognita: sed marito  
Ista non eadem licent.  
Io Hymen Hymenæe io,  
O Hymen Hymenæe.  
Nuptia in quoq; quæ tuus*



*Vir petet, caue ne neges:  
Ne petitum aliunde eat.  
Io Hymen Hymenæe io,  
Io Hymen Hymenæe.  
En tibi domus & potens,  
Et beata uiri tui,  
Quæ tibi sine fine erit.  
Io Hymen Hymenæe io,  
Hymen Hymenæe.  
Vsq; dum tremulum mouens  
Cana tempus anilitas  
Omnia omnibus annuit.  
Io Hymen Hymenæe io,  
Io Hymen Hymenæe.  
Transfer omine cum bono  
Limen aureolos pedes:  
Rasilemq; subi forem.  
Io Hymen Hymenæe io,  
Io Hymen ô Hymenæe.  
Aspice unus ut accubans  
Vir tuus Tyrio in toro  
Totus immineat tibi.  
Io Hymen Hymenæe io,  
Io Hymen Hymenæe.  
Ille non minus, atq; tu,  
Pectore uritur intimo  
Flamma: sed penitus magis.  
Io Hymen Hymenæe io,  
Io Hymen Hymenæe.*

Mitte brachiolum teres  
Prætextate puellula,  
Iam cubile adeat uiri.  
Io Hymen Hymenæe io,  
Io Hymen Hymenæe.  
Binæ in ædibus unius  
Cognita bene scæmina  
Collocate puellulam.  
Io Hymen Hymenæe io,  
Io Hymen Hymenæe.  
Iam licet uenias, marite:  
Vxor in thalamo est tibi  
Ore floridulo nitens,  
Alba Parthenice uelut,  
Luteum'ne papauer.  
Non diu remoratus es,  
Iam uenis: bona te Venus  
Inuerit, quoniam palam  
Quod cupis, capis, & bonum  
Non abscondis amorem.  
At marita tuum tamen  
Celites, nihilo minus  
(Pulchræ res) neq; te Venus  
Negligit. sed abit dies.  
Perge, ne remorare.  
Ille puluis Erithræi,  
Syderumq; micantium  
Subducatur numerum prius,  
Qui uestri numerare uult

Multa



*Multa millia ludi.  
Ludite, ut lubet, & breui  
Liberos date. non decet  
Tam uetus sine liberis  
Nomen esse, sed indidem  
Semper ingenerari.*

*Torquatus uolo paruulus  
Matris è gremio suæ  
Porrigenz teneras manus  
Dulcè rideat ad patrem,  
Sed micante labello.*

*Sit suo similis patri  
Mallio, & facile inscijs  
Noscitetur ab omnibus,  
Et pudicitiam suæ  
Matris indicet ore.*

*Talis illius à bona  
Matre laus genus approbet,  
Qualis unica ab optima  
Matre Telemacho manet  
Fama Penelopæo.*

*Claudite ostia uirgines,  
Lusimus satis: at boni  
Coniuges bene uiuite, &  
Munere assiduo ualentem  
Exercete iuuentam.*

CARMEN NVPTIALE.

**V**esper adest iuuenes: cōsurgite: uesper Olympo  
Expectata diu nix tandem lumina tollit.

*Surg*

*Surgere iam tēpus, iam pingueis linquere mēsas.*

*Iam ueniet uirgo, iam dicetur Hymenæus.*

*Hymen ô Hymenæe Hymen ades ô Hymenæe.*

*Cernitis innuptæ iuuenes? consurgite contra:*

*Nimirum æthereos ostendit noctifer ignes:*

*Sic certè, uiden' ut pernicious exilueret?*

*Non temere exilueret: canent, quos uincere par est.*

*Hymen ô Hymenæe Hymen ades ô Hymenæe.*

*Non facilis nobis æqualis palma parata est.*

*Aspice, innuptæ secum ut meditata requirant.*

*Nō frustra meditatur: habet memorabile quod sit.*

*Nos aliò menteis, aliò diuisimus aureis.*

*Hymen ô Hymenæe Hymen ades ô Hymenæe.*

*Iure igitur uincemur. amat uictoria curam.*

*Quare nunc animos saltem committite uestros:*

*Dicere iam incipient, iam respondere decebit.*

*Hymen ô Hymenæe Hymen ades ô Hymenæe.*

*Hespere, qui cælo fertur crudelior ignis?*

*Qui natam possis complexu auellere matris,*

*Complexu matris retinentem auellere natam,*

*Et iuueni ardenti castam donare puellam.*

*Quid faciunt hostes capta crudelius urbe?*

*Hymen ô Hymenæe Hymen ades ô Hymenæe.*

*Hespere, qui cælo lucet iucundior ignis?*

*Qui desponsa tua firmas connubia flamma,*

*Quod pepigere uiri, pepigerunt antè parentes:*

*Nec iunxere prius, quam se tuus extulit ardor.*

*Quid datur à diuis felici optatius hora?*

*Hymen ô Hymenæe Hymen ades ô Hymenæe.*

*Hespe*



*Hesperus à nobis æquales abstulit unam.*

*Nanq; tuo aduentu uigilat custodia semper:*

*Nocte latent fures, quos idem sæpe reuertens*

*Vespere mutato comprehendis nomine eosdem.*

*At lubet innuptis ficto te carpere questu.*

*Quid tum si carpunt: tacita quod mēte requirunt?*

*Hymen ô Hymenæe Hymen ades ô Hymenæe.*

*Vt flos in septis secretus nascitur hortis,*

*Ignotus pecori nullo contusus aratro,*

*Quem mulcent auræ, firmat sol, educat hymber,*

*Multi illum pueri, multi optauere puellæ:*

*Idem cū tenui carptus defloruit ungui,*

*Nulli illum pueri, nullæ optauere puellæ:*

*Sic uirgo, dum intacta manet, dum chara suis est,*

*Cū castum amisit polluto corpore florem,*

*Nec pueris iucunda manet, nec chara puellis.*

*Hymen ô Hymenæe Hymen ades ô Hymenæe.*

*Vt uidua in nudo uitis quæ nascitur aruo,*

*Nunquam se extollit, nunquā mitē educat uuam:*

*Sed tenerum prono deflectens pondere corpus,*

*Iam iam contingit summum radice flagellum,*

*Hanc nulli agricolæ, nulli accollere iuenci:*

*At si fortè eadem est ulmo coniuncta marito,*

*Multi illam agricolæ multi accollere iuenci.*

*Sic uirgo, dum intacta manet, dū inculia senescit,*

*Cū par connubium maturo tempore adepta est,*

*Chara uiro magis, & minus est inuisa parenti.*

*Hymen ô Hymenæe Hymen ades ô Hymenæe.*

*At tu ne pugna cum tali coninge uirgo:*

NON

NON æquum est pugnare, pater cui tradidit ipse,  
 Ipse pater cum matre, quibus parere necesse est.  
 Virginitas non tota tua est, ex parte parvum est.  
 Tertia pars matri data, pars data tertia patri:  
 Tertia sola tua est. noli pugnare duobus,  
 Qui genero sua iura simul cum dote dederunt.  
 Hymen ô Hymenæe Hymen ades ô Hymenæe.

DE BERCYNTHIA,  
 & Aty.

S Vper alta uectus Arys celeri rate maria  
 Phrygium ut nemus citato cupide pede tetigit,  
 Adijtq; opaca syluis redimita loca, deæ  
 Stimulatus ut furenti rabie, uagus animi,  
 Diuellit lactes acuto sibi pondere silicis.  
 Itaq; ut relicta sensit sibi membrum sine uiro,  
 Etiam recenti terræ sola sanguine maculans,  
 Niveis citata cepit manibus leue tympanum,  
 Tympanum, tubam, Cybele tua mater initia:  
 Quatiensq; terga tauri teneris caua digitis,  
 Canere hæc suis adorta est tremebunda comitibus,  
 Agite, ite ad alta Gallæ Cybeles nemora simul,  
 Simul ite Dindymenæ dominæ uaga pecora,  
 Aliena quæ petentes uelut exules, loca  
 Sectam meam executæ duce me mihi comites  
 Rapidum salum tulistis, truculentaq; pelagi.  
 Et corpus euraſtis Veneris nimio odio.  
 Hilarate ære concitatis erroribus animum:  
 Mora tarda mente cedat: simul ite: sequimini  
 d Phryg.



Phrygiã ad domũ, Cybeles Phrygia ad nemora deã,  
 Vbi cymbalum sonat uox, ubi tympana reboant,  
 Tibicen ubi canit Phryx curuo graue calamo,  
 Vbi capita Menades ui iaciunt hederigera,  
 Vbi sacra sancta acutis ululatibus agitant,  
 Vbi suevit illa diuæ uolitare uaga cohors,  
 Quò nos decet citatis celerare tripudijs.  
 Simul hæc comitibus Arys cecinit noua mulier,  
 Thyasus repente linguis trepidantibus ululat,  
 Leue tympanum remugit, caua cymbala recrepant,  
 Viridem citus adit Idam properante pede chorus  
 Furibunda simul anhelans uaga uadit animo egēs,  
 Comitata tympano Arys per opaca nemora dux:  
 Veluti iuuenca uitans onus indomita iugi.  
 Rapida ducem sequuntur Gallæ propero pede.  
 Itaq; ut domum Cybeles teigere lassule,  
 Nimio è labore somnum capiunt sine Cerere:  
 Piger his labanteis langore oculos sopor operit,  
 Abit in quiete molli rabidi furor animi.  
 Sed ubi horis aureis sol radiantibus oculis  
 Iustrauit æthera album, sola dura, mare ferum,  
 Perpulitq; noctis umbras uegetis sonipedibus:  
 Ibi somnus exciuit Aryn fugiens citus abiit:  
 Trepidantem eum recepit dea Pasithea sinu.  
 Ita de quiete molli rapida sine rabie,  
 Simul ipsa pectore Arys sua facta recoluit:  
 Liquidaq; mente uidit sine queis, ubiq; foret,  
 Animo æstuante rursus reditum ad uada retulit.  
 Ibi maria uasta uisens lacrymantibus oculis,

Patriam

Patriam allocuta est uoce mœstula miseriter:  
 Patria ô mea creatrix, patria ô mea genitrix,  
 Ego quàm miser relinquens, dominos ut herifugæ  
 Famuli solent, ad Idæ ietuli nemora pedem:  
 Ut apud niuem, & ferarum gelida stabula forem,  
 Et earum omnia adirem furibunda latibula.  
 Vbi nam, aut quibus locis te posuam patria rear?  
 Cupit ipsa pupula ad te sibi dirigere aciem,  
 Rabie fera carens dum breue tempus animus est.  
 Ego'ne à mea remota hæc ferar in nemora domo?  
 Patria, bonis, amicis, genitoribus abero?  
 Abero foro, palæstra, stadio, & gymnasijs?  
 Miser, ah miser, querendū est etiā, atq; etiā anime,  
 Quod enim genus? figura est? ego nūquid abierim?  
 Ego mulier? ego adolescēs, ego ephebus, ego puer,  
 Ego gymnasij fui flos, ego eram decus olei.  
 Mihi ianue frequentes, mihi limina tepida,  
 Mihi floridis corollis redimita domus erat:  
 Linquendum ubi esset orto mihi sole cubiculum.  
 Ego'ne deūm ministra, & Cybeles famula ferar?  
 Ego Menas, ego mei pars, ego uir sterilis ero?  
 Ego uiridis algida Idæ niue amicta loca colam?  
 Ego uitam agam sub altis Phrygiæ columinibus,  
 Vbi cerua syluiculirix, ubi aper nemorinuagus?  
 Iam, iam dolet, quod egi: iam, iam quoq; pœnitet.  
 Roseis ut hic labellis palūm sonitus abiit,  
 Geminas decorum ad aures noua nuntia referens,  
 Ibi iuncta iuga resoluens Cybele leonibus,  
 Sæuū pecoris hostem stimulans ita loquitur,



Agedū, inq̃t, age ferox, hunc agedū aggredere furor,  
 Face ut hic furoris ic̃tu reditum in nemora ferat,  
 Mea liberè nimis qui fugere imperia cupit.  
 Age cede terga cauda tua, uerbera pateant.  
 Fac ut cuncta mugienti fremitu loca retonent.  
 Rutilam ferox torosa cernice quate iubam.  
 Ait hæc minax Cybele, religatq̃; iuga manu.  
 Ferus ipse sese adhortans rapidum incitat animum,  
 Vadit, fremit, refringit uirgulta pede uago.  
 At ubi humida albicantis loca litoris adiit,  
 Tenerumq̃; uidit Atyn prope marmora pelagi,  
 Facit impetum: ille demens fugit in nemora fera:  
 Ibi semper omne uitæ spatium famula fuit,  
 Dea magna, dea Cybele, dea Dindymi domina  
 Procul à mea tuus sit furor omnis hera domo,  
 Alios age incitados, alios age rabidos.

## ARGONAUTICA.

**P** Eliaco quondam prognatæ uertice pinus  
 Dicuntur liquidas Neptuni nasse per undas  
 Phasidos ad fluctus, & fines Aetæos:  
 Cū lecti iuuenes, Arginæ robora pubis,  
 Auratam optantes Colchis auertere pellem,  
 Ausi sunt uada salsa cita decurrere puppi,  
 Cærulea uerrentes abiegnis æquora palmis:  
 Diua quibus, retinens in summis urbibus arces,  
 Ipsa leui fecit uolitantem flamine currum,  
 Pineæ coniungens inflexæ texta carinæ.  
 Illa rudem cursu prima imbuit Amphitriten.

Quæ

Quæ simulac rostro uentosum proscidit æquor,  
 Totaq; remigio spumis incanuit unda:  
 Emergere feri candenti è gurgite uulnus  
 Aequoreæ monstrum Nereides admirantes:  
 Illaq;, atq; alia uiderunt luce marinas  
 Mortales oculi nudato corpore Nymphas  
 Iam crurum tenuis extantes è gurgite cano.  
 Tum Thetidis Peleus incensus fertur amore:  
 Tum Thetis humanos non despexit Hymenæos:  
 Quin Thetidi pater ipse iugandum Pelea sensit.  
 O nimis optato seclorum tempore nati  
 Heroës saluete, deûm genus ô bona mater.  
 Vos ego sæpe meo, uos carmine compellabo:  
 Teq; adeò eximie tædis felicibus aucte  
 Thessaliæ columen Peleu, cui Iuppiter ipse,  
 Ipse suos diuûm genitor concessit amores.  
 Te'ne Thetis tenuit pulcherrima Neptunine?  
 Te'ne suam Thetis concessit ducere neptem?  
 Oceanusq; pater, totum qui amplectitur orbem?  
 Quæ simul optatæ finito tempore luces  
 Aduenere, domum conueniu tota frequentat  
 Thessalia, oppletur latanti regia cœlu,  
 Dona ferunt, præ se declarant gaudia uultu.  
 Deseritur Scyros, relinquunt Phthiotica Tempe,  
 Graiugenasq; domos, ac mœnia Larissæa,  
 Pharsaliam coeunt, Pharsalia tecta frequentant:  
 Rura colit nemo, mollescunt colla iuuentis,  
 Non humilis curuis purgatur uinea rastris,  
 Non glebam pronò conuellit uomere taurus,



Non falx attenuat frondatorum arboris umbram,  
 Squallida desertis rubigo inferitur aratris.  
 Ipsius at sedes, quacunq; opulenta recessit  
 Regia, fulgenti splendent auro, atq; argento:  
 Candet ebur solijs, collucent pocula mense:  
 Tota domus gaudet regali splendida gaza.  
 Puluinar uerò Diæ geniale locatur  
 Aedibus in medijs, Indo quod dente politum  
 Tincta tegit roseo conchilis purpura fuco.  
 Hæc uestis priscis hominum uariata figuris,  
 Heroum mira uirtutes indicat arte.  
 Nanq; fluentifono prospectans litore Diæ  
 Thesea cedentem celeri cum classe tuetur  
 Indomitos in corde gerens Ariadna furores:  
 Nec dum etiam se seq; sui tum credidit esse:  
 Vipote fallaci quæ tum primum excita somno  
 Desertam in sola miseram se cernit arena.  
 Immemor at iuuenis fugiens pellit uada remis,  
 Irrita uentose linquens promissa procelle:  
 Quem procul ex Alga mæstis Minois ocellis  
 Saxea ut effigies bacchantis prospicit Euxæ,  
 Prospicit, & magnis curarum fluctuat undis,  
 Non flauo retinens subtilem uertice mitram,  
 Non coniecta leui uelatum pectus amicti,  
 Non terei strophio lactanteis uincta papillas:  
 Omnia quæ toto delapsa è corpore passim  
 Ipsius ante pedes fluctus salis allidebant.  
 Sed neq; tum mitra, neq; tum fluitantis amictus  
 Illa uicem curans, toto ex te pectore Theseu,

Toto animo, tota pendebat perdita mente.

Ah miseram assiduâ quam luctibus externauit  
Spinosas Erycina serens in pectore curas.

Illa tempestate ferox, quo tempore Theseus  
Egressus curuis è littoribus Pyrei

Auigit iniasti Regis Gortynia lecta.

Nam perhibent olim crudeli peste coactam

Androgeoneæ poenas exolvere cedis,

Electos iuvenes simul & decus innuptarum

Cecropiam solitam esse dapem dare Minotauris.

Quis augusta malis cum mœnia uexarentur,

Ipse suum Theseus pro charis corpus Athenis

Proicere optauit potius, quam talia Cretam

Funera Cecropiæ, nec funera, portarentur.

Atq; ita naue leui nitens, ac lenibus auris,

Magnanimum ad Minos uenit, sedesq; superbas.

Hunc simalac cupido conspexit lumine uirgo

Regia, quam suauis expirans castus odores

Lectulus in molli complexu matris alebat:

Qualeis Eurota progignunt flumina myrtos,

Aura'ue distinctos educit uerna colores:

Non prius ex illo flagrantia declinauit

Lumina, quam toto concepit pectore flammam,

Funditus, atq; imis exarsit tota medullis.

Hec miserè exagitans immitti corde furores

Sancte puer, curis hominum qui gaudia mîsces:

Quæq; regis Colchos, quæq; Idalium frondosum,

Qualibus incensam iactastis mente puellam

Fluctibus in flauo sepe hospite suspirantem?



Quantos illa tulit languenti corde timores?  
 Quanto sæpe magis fulgore expalluit auri?  
 Cum sæuam cupiens contra contendere monſtrum,  
 Aut mortem appeteret Theseus, aut præmia laudis,  
 Non ingrata, tamen frustra, munuscula Diuis  
 Promittens, tacito suspendit uota labello.  
 Nam uelut in summo quatientem brachia Tauro  
 Quercum aut conigeram sudanti cortice pinum,  
 Indomitus turbo contorquens flamine robur  
 Eruit: illa procul radicibus exturbata  
 Prona cadit, lateq; & communus omnia frangit:  
 Sic domito sæuam proſtrauit corpore Theseus  
 Nequicquam uanis iactantem cornua uentis.  
 Inde pedem uictor multa cum laude reflexit,  
 Errabunda regens tenui uestigia filo:  
 Ne Labyrinthæis è flexibus egredientem  
 Tecti frustraretur inobservabilis error.  
 Sed quid ego à primo digressus carmine, plura  
 Commemorem? ut linquens genitoris filia uultum,  
 Ut consanguineæ complexum, ut deniq; matris,  
 Quæ miseram gnatham fleret deperdita luctu,  
 Omnibus his Thesei dulcem præferret amorem:  
 Aut ut nectæ raris spumosa ad littora Dia:  
 Aut ut eam dulci deuictam lumina somno  
 Liquerit immemori discedens pectore coniunx.  
 Sæpe illam perhibent ardenti corde furentem,  
 Clarifonas imo fuisse è pectore uoces:  
 Ac tum præruptos tristem conscendere montes,  
 Vnde aciem in pelagi uastos protenderet æstus:

Tum tremuli salis aduersas procurrere in undas  
Mollia nudata tollentem tegmina suræ:

Atq; hæc extremis mœstam dixisse querelis,  
Frigidulos udo singultus ore cientem:

Siccine me patrijs abductam perfide ab oris,  
Perfide deserto liquisti in littore Theseu?

Siccine discedens, neglecto numine Diuûm  
Immemor, ah deuota domum periuria portas?

Nulla'ne res potuit crudelis flectere mentis  
Consilium? tibi nulla fuit clementia prædo,

Immite ut nostri uellet miserescere pectus?

At non hæc quondam blanda promissa dedisti

Voce mihi: non hoc miseram sperare iubebas:

Sed connubia læta, sed optatos Hymenæos,

Quæ cuncta aërii discerpunt irrita uenti.

N V N C iam nulla uiro iuranti fœmina credat,

Nulla uiri speret sermones esse fideles:

Qui dum aliquid cupiens animus prægestit apisci,

Nil metuunt iniurare, nihil promittere parcunt:

Sed simulac cupide mentis satiata libido est,

Dicta nihil metuere, nihil periuria curant.

Certè ego te in medio uersantem turbine leti

Eripui, & potius germanum amittere creui,

Quàm tibi fallaci supremo in tempore dcesse.

Pro quo dilaceranda feris dabor, aliisq;

Præda, nec iniecta tumulabor mortua terra.

Quenam te genuit sola sub rupe leæna?

Quod mare conceptum spumantibus expuit undis?

Quæ Syrtis, quæ scylla uorax, quæ uasta Charybdis.



Talia qui reddis pro dulci præmia uita?  
Si tibi non cordi fuerant connubia nostra,  
Sæua quod horrebas prisci præcepta parentis:  
Attamen in uestras potuisti ducere sedes,  
Quæ tibi incundo famularer serua labore,  
Candida permulcens liquidis uestigia lymphis,  
Purpurea'ue tuum consternens ueste cubile.  
Sed quid ego ignaris nequicquam conqueror auris  
Externata malo, quæ nullis sensibus auctæ  
Nec missas audire queunt, nec reddere uoces?  
Ille autem propè iam medijs uersatur in undis,  
Nec quisquam apparet uacua mortalis in alga.  
Sic nimis insultans extremo tempore sæua  
Fors etiam nostris inuidit questibus aures.  
Iuppiter omnipotens utinam nec tempore primo  
Gnosia Cecropiæ tetigissent littora puppes,  
Indomito nec dira ferens stipendia tauro  
Perfidus in Cretam religasset nauita funem,  
Nec malus hic celans dulci crudelia forma  
Consilia in nostris requiescet sedibus hospes.  
Nam quò me referam? quali spe perdita nitari?  
Idmoneos'ne petam montes, à gurgite lato  
Discernens pontum truculentum ubi diuidit æquor?  
An patris auxilium sperem, quem nã ipsa reliqui,  
Respersum iuuenem fraterna cæde secuta?  
Coniugis an fido consoler memet amore,  
Qui refugit lentos incuruans gurgite remos?  
Præterea nullo litus, sola insula, recto,  
Nec patet egressus pelagi cingentibus undis:

Nulla

Nulla fuga ratio, nulla est spes: omnia muta,  
Omnia sunt deserta, ostendant omnia letum.  
Non tamen antè mihi languescent lumina morte,  
Nec prius à fesso secedent corpore sensus:  
Quàm iustam à Diuis exposcam pro dita muliā,  
Cœlestumq; fidem postrema comprecer hora.  
Quare facta uirum multantes uindice pœna  
Eumenides, quibus anguineo redimita capillo  
Frons expirantis præportat pectoris iras,  
Huc, huc aduentate: meas audite querelas,  
Quas ego nunc misera extremis proferre medullis  
Cogor inops, ardens, amenti cæca furore.  
Quæ quoniam uerè nascuntur pectore ab imo,  
Vos nolite pati nostrum uanescere luctum:  
Sed quali solam Theseus me mente reliquit,  
Tali mente, Deæ, funestet seq; suosq;  
Has postquam mæsto profudit pectore uoces,  
Supplicium fœuis exposcens anxia factis,  
Annuit inuictæ cœlestum numine rector:  
Quo tunc & tellus, atq; horrida contremuerunt  
Æquora, concussitq; micantia sidera mundus.  
Ipse autem cæca mentis caligine Theseus  
Consitus, oblito dimisit pectore cuncta,  
Quæ mandata prius constanti mente tenebat:  
Dulcia nec mæsto sustollens signa parenti,  
Sospitem, & ereptum se ostendit uisere portum.  
Nanq; ferunt olim classis cùm mœnia Diuæ  
Linqueret, & gnatum uentis concrederet Ægeus,  
Talia complexo iuueni mandata dedisse:

Gnat



Gnate mihi longa iucundior unice uita,  
Gnate ego quem in dubios cogor dimittere casus,  
Reddite in extrema nuper mihi fine senectæ:  
Quandoquidem fortuna mea, ac tua feruida uirtus  
Eripit inuitò mihi te, cui languida nondum  
Lumina sunt gnati chara saturata figura:  
Non ego te gaudens letanti pectore mittam,  
Nec te ferre sinam fortunæ signa secunda:  
Sed primùm multas expromam mente querelas,  
Canitiem terra, atq; infuso puluere fœdans:  
Inde infecta uago suspendam lintea malo,  
Nostros ut luctus, nostræq; incendia mentis  
Carbasus obscura dicat ferrugine Hibera.  
Quod tibi si sancti concesserit incola Ithyni.  
Quæ nostrum genus, ac sedes defendere sueta,  
Annuat, ut tauri respergas sanguine dextram:  
Tum uerò facito, ut memori tibi condita corde  
Hæc uigeant mandata, nec ulla oblitteret ætas:  
Ut simulac nostros inuisent lumina colleis,  
Funestam antennæ deponant undiq; uestem,  
Candidaq; intorti sustollant uela rudentes:  
Quàm primùm cernens, ut leta gaudia mente  
Agnoscam, cùm te reducem sors prospera sistet.  
Hæc mandata prius constanti mente tenentem  
Thesea, ceu pulsa uentorum flamine nubes  
Aërium niuei montis liquere cacumen.  
At pater, ut summa prospectum ex arce petebat,  
Anxia in assiduos absumens lumina fletus,  
Cùm primùm infecti conspexit lintea ueli,

Præcip

Præcipitem sese scopulorum è uertice iecit,  
Amissum credens immitti Thesea fato.  
Sic funesta domus ingressus tecta paterna,  
Morte ferox Theseus, qualem Minoidi luctum  
Obtulerat mente immemori, talem ipse recepit.  
Quæ tum prospectans cedentem mœsta carinam  
Multiplices animo uoluebat saucia curas.  
At parte ex alia florens uolitabat Iacchus,  
Cum ihyaso Satyrorum, & Nisigenis Silenis,  
Te querens Ariadna, tuoq; incensus amore:  
Qui tum alacres passim lymphata mente furebant  
Euoë bacchantes, euoë capita inflectentes.  
Horum pars tecta quatiebant cuspide thyrsos:  
Pars è diuulso iactabant membra iuuenco:  
Pars sese tortis serpentibus incingebant:  
Pars obscura cauis celebrabant orgia cistis,  
Orgia quæ frustra cupiunt audire profani.  
Plangebant alij proceris tympana palmis,  
Aut tereti tenuis tinnitus ære ciebant.  
Multaq; raucisonos efflabant cornua bombos,  
Barbaraq; horribili stridebat iibia cantu.  
Talibus amplificæ uestis decorata figuris,  
Puluinar complexa suo uelabat amictu.  
Quæ postquam cupidè spectando Thessala pubes  
Expleta est, sanctis cœpi decedere Diuis.  
Hic qualis flatu placidum mare matutino  
Horrificans Zephyrus procliuas incitat undas,  
Aurora exoriente uagi sub lumina solis:  
Quæ tardè primùm clementi flamine pulse

Proced



Procedunt, leuiterq; sonant plangore cachinni:  
 Post uento crescente, magis magis increbrescunt,  
 Purpureaq; procul nantes à luce resurgent:  
 Sic tum uestibuli linquentes regia tecta,  
 A se quisq; uago passim pede discedebant.  
 Quorum post abitum, princeps è uertice Pelij  
 Aduenit Chiron portans syluestria dona.  
 Nam quoscunq; ferunt cāpi, quos Thessala magnis  
 Montibus ora creat, quos propter fluminis undas  
 Aura parit flores tepidi foecunda Fauoni,  
 Hos indistinctis plexos tulit ipse corollis,  
 Quois permulsa domus iucundo risit odore.  
 Confestim Peneos adest uiridantia Tempe,  
 Tempe, quæ syluæ cingunt super impendentes.  
 Nesonidum liquens clavis celebranda choreis  
 Non uacuis: inq; ille tulit radicitus alias  
 Fagos, ac recto proceras stipite laurus,  
 Non sine nutanti platano, lentaq; sorore  
 Flammatis Phaëthontis, & aëria cyparisso.  
 Hæc circum sedes latè contexta locauit,  
 Vestibulum ut molli uelatum fronde uireret.  
 Post hunc consequitur solerti corde Prometheus  
 Extenuata gerens ueteris uestigia pœna,  
 Quam quondam silici restrictus membra catena  
 Persoluit, pendens è uerticibus præruptis.  
 Inde pater Diuûm sancta cum coniuge, natisq;  
 Aduenit cælo, te solum Phœbe relinquens.  
 Unigenamq; simul cultricem montis Ithoni:  
 Pelea nam tecum pariter soror aspernata est,

Nec

*Nec Thetidis tædas uoluit celebrare iugaleus.  
Qui post, quàm niueis flexerunt sedibus artus,  
Large multiplici constructæ sunt dapæ mense,  
Cum interea infirmo quatiētes corpora motu,  
Veridicos Parcæ cœperunt edere cantus.  
His corpus tremulum complectens undiq; uestis  
Candida, purpurea talos incinxerat ora,  
Et roseo niuæ residebant uertice uittæ,  
Æternumq; manus carpebant riue laborem.  
Leua colum molli lana retinebat amictam.  
Dextera tam leuiter deducens fila supinis  
Formabat digitis, tum prono in pollice torquens  
Libratum tereti uersabat turbine fusum:  
Atq; ita decerpens æquabat semper opus dens,  
Lanæq; aridulis hærebant morsa labellis,  
Quæ prius in leni fuerant extantia filo.  
Ante pedes autem candentis mollia lanæ  
Vellera uirgati custodibant calathisci.  
Hæ tum clarifona pellentes uellera uoce  
Talia diuino fuderunt carmine fata,  
Carmine perfidiæ quod post nulla arguet ætas:  
O decus eximium, & magnis uirtutibus augens,  
Æmæthiæ columen Pelæu, clarissime nato,  
Accipe quod læta tibi pandunt luce Sorores,  
Veridicum oraculum: sed uos, quæ fata sequuntur,  
Currite ducentes subtegmina, currite fusi.  
Adueniet tibi iam portans optata maritis  
Hesperus: adueniet fausto cum sidere coniunx,  
Quæ tibi flexo animo mentis perfundat amorem.*

Lang



Languidulosq; paret tecum coniungere somnos,  
 Leuia subſternens robuſto brachia collo.  
 Currite ducentes ſubtegmina, currite fuſi.  
 Nulla domus tales unquam contexit amores,  
 Nullus amor tali coniunxit fœdere amanteis:  
 Qualis adeſt Thetidi, qualis concordia Pelei.  
 Currite ducentes ſubtegmina, currite fuſi.  
 Naſcetur uobis expers terroris Achilles,  
 Hoſtibus hauđ tergo, ſed fori pectere notus:  
 Qui perſepe uago uictor certamine curſus  
 Flammea præuertet celeris ueſtigia ceruæ.  
 Currite ducentes ſubtegmina, currite fuſi.  
 Non illi quiſquam bello ſe conferet heros,  
 Cùm Phrygij Teucro manabunt ſanguine riuī:  
 Troicaq; obſidens longinquo mœnia bello,  
 Periuri Pelopis uaſtabit tertius hæres.  
 Currite ducentes ſubtegmina, currite fuſi.  
 Illius egregias uirtutes, claraq; facta  
 Sæpe fatebuntur gnatorum in funere matres:  
 Cùm tremulo incanos ſoluent à uertice crines,  
 Putridaq; infirmis uariabunt pectora palmis.  
 Currite ducentes ſubtegmina, currite fuſi.  
 Nanq; uelut denſas proſternens meſſor ariſtas,  
 Sole ſub ardenti flauentia demetit arua,  
 Troiugenum infeſto proſternet corpora ferro.  
 Currite ducentes ſubtegmina, currite fuſi.  
 Teſtis erit magnis uirtutibus unda Scamandri,  
 Que paſſim rapido diffunditur Hellesponto:  
 Cuius iter caſis anguſtans corporum acernis,

Alia

Alta tepefaciet permista flumina cæde.  
 Currite ducentes subtegmina, currite fusi.  
 Deniq; testis erit morti quoq; reddita præda,  
 Cum terræ excelsæ coaceruatum aggere bustum  
 Excipiet nivos perculsæ uirginis artus.  
 Currite ducentes subtegmina, currite fusi.  
 Nam simulac fessis dederit fors copiam Achivis  
 Urbis Dardaniæ Neptunia soluere uincla:  
 Alta Polyxenia madefient cæde sepulchra,  
 Quæ uelut ancipiti succumbens uictima ferro,  
 Projiciet truncum submisso poplite corpus.  
 Currite ducentes subtegmina, currite fusi.  
 Quare agite optatos animi coniungite amores:  
 Accipiat coniux felici fœdere diuam:  
 Dedatur cupido iandudum nupta marito.  
 Currite ducentes subtegmina, currite fusi.  
 Non illam nutrit orienti luce reuisens,  
 Hæsterno collum poterit circundare filo.  
 Currite ducentes subtegmina, currite fusi.  
 Anxia nec mater discordis mœsta puellæ  
 Secubitu, charos mittet sperare nepotes.  
 Currite ducentes subtegmina, currite fusi.  
 Talia præfantes quondam felicia Pelei  
 Carmina, diuino cecinerunt pectore Parcæ.  
 Præfantes nanq; antè domos inuisere castas  
 Sæpius, & sese mortali ostendere cœtu,  
 Cœlicolæ nondum sprete pietate solebant.  
 Sæpe pater diuûm templo in fulgente reuisens,  
 Annua dum festis uenissent sacra diebus,



Conspectit terra centum procurrere currus.  
 Sæpe uagus Liber Parnassi è uertice summo  
 Thyadas effusis euanteis crinibus egit,  
 Cùm Delphi tota certatim ex urbe ruentes  
 Acciperent leti diuum, fumantibus aris.  
 Sæpe in letifero belli certamine Mauors,  
 Aut rapidi Tritonis hera, aut Rhamnusia uirgo,  
 Armatas hominum est præsens hortata cateruas.  
 Sed postquàm tellus scelere est imbuta nefando,  
 Iustitiamq; omnes cupida de mente fugarunt:  
 Perfudere manus fraterno sanguine fratres,  
 Destituit extinctos natus lugere parenteis,  
 Optauit genitor primæui funera nati,  
 Liber ut innuptæ potiretur flore nouercæ:  
 Ignaro mater substernens se impia nato,  
 Impia non uerita est diuos scelerare penates,  
 Omnia fanda, nefanda... malo permixta furore  
 Iustificam nobis mentem auertère decorum,  
 Quare non tales dignantur uiscere cœtus,  
 Nec se contingi patiuntur lumine claro.

## AD ORTALVM.

**E**T si me assiduo confectum cura dolore  
 Senocat à doctis Ortale uirginibus:  
 Nec potis est dulceis Musarum expromere fœtus  
 Mens animi, tantis stuctuat ipsa malis:  
 Nanq; mei nuper Lethæo gurgite frairis,  
 Pallidulum manans alluit, unda pedem,  
 Troia Rhoeteo quem subter littore tellus,  
Ereptum

Ereptum nostris obierit ex oculis.  
 Alloquar? audiero nunquam tua uerba loquentem,  
 Nunquam ego te uita frater amabilior  
 Aspiciam posthac? at certè semper amabo,  
 Semper mœsta tua carmina morte canam:  
 Qualia sub densis ramorum concinit umbris  
 Daulias, absumpti fata gemens Iuly  
 Sed tamen in tantis mœroribus Ortale mitto  
 Hæc expressa tibi carmina Battiadæ:  
 Ne tua dicta uagis nequicquam credita uentis  
 Effluxisse meo fortè putes animo:  
 Ut missum sponsi furtiuo munere malum  
 Procurrit casto uirginis è gremio,  
 Quod misere oblita molli sub ueste locatum  
 Dum aduentu matris profilit, excutitur:  
 Utq; illud pronò præceps agitur decursu,  
 Huic manat tristi conscius ore rubor.

De Coma Berenicis.

Omnia qui magni dispexit lumina mundi,  
 Qui stellarum ortus comperit atq; obitus:  
 Flammeus ut rapidi solis nitor obscuretur,  
 Ut cedant certis sydera temporibus,  
 Ut Truiam furtim sub Latmia saxa relegans:  
 Dulcis amor gyro deuocet aërio:  
 Idem me ille Conon cœlesti lumine uidit  
 E Beroniceo uertice cæsariem,  
 Fulgentem clarè, quam multis illa dearum  
 Leuia protendens brachia pollicita est,  
 Qua rex tempestate nouis auctus hymenæis,



*Vastatum fines ierant Assyrios,  
 Dulcia nocturnæ portans uestigia rixæ,  
 Quam de uirgineis gesserat exuijs:  
 Est ne nouis nuptis odio Venus? an ne parentum  
 Frustrantur falsis gaudia lacrymulis,  
 Vbertim thalami quas intra limina fundunt?  
 Non, ita me diui, uera gemunt, iuuerint.  
 Id mea me multis docuit regina querelis  
 Inuisente nouo prælia torua uiro.  
 At tu non orbem luxuï deserta cubile,  
 Sed fratris chari flebile dissidium:  
 Cum penitus mæstas exedit cura medullas,  
 Ut tibi tunc toto pectore sollicitæ  
 Sensibus ereptis mens excidit. ast ego ceriè  
 Cognoram à parua uirgine magnanimam.  
 An ne bonū oblita es facinus, quòd regiū adepta es  
 Coniugium, quod non fortior auxit auis?  
 Sed in mæsta uirum mittens, quæ uerba locuta es?  
 (Iuppiter) ut tersti lumina sæpe manu.  
 Quis te mutauit tantus Deus? an quòd amanteis  
 Non longè à charo corpore abesse uolunt?  
 At quæ ibi præ cunctis, pro dulci coniuge, diuis  
 Non sine iaurino sanguine pollicita es,  
 Si reditum tetulisset is, haud in tempore longo  
 Captam Asiam Aegypti finibus adiçeret.  
 Queis ego pro factis cœlesti reddita cœtu,  
 Pristina uota nouo munere dissoluo.  
 Inuita ò regina tuo de uertice cessi,  
 Inuita: adiuro teq; tuumq; caput,*

*Digna*

*Digna ferat, quod si quis inaniter adiuravit.*

*Sed qui se ferro postulet esse parem?*

*Ille quoq; eversus mons est, quem maxima in oris*

*Progenies Phthiæ clara superuehitur,*

*Cum Medi irrupere novum mare, cumq; iuventus*

*Per medium classi barbara navit Aithon.*

*Quid facient crines, cum ferro talia cedant?*

*Iuppiter ut χαλὺβωρ omne genus pereat:*

*Et qui principio sub terra querere uenas*

*Instituit, ac ferri frangere duritiem.*

*Abiunctæ paulò antè comæ, mea fata sorores*

*Lugebant, cū se Memnonis Aethiopis*

*Unigena impellens nutantibus aëra pennis*

*Obtulit Arsinoës Chloridos ales equis:*

*Hisq; per ætherias me tollens aduolat auras,*

*Et Veneris casto collocat in gremio.*

*Ipsa suum Zephyritis cō famulumq; legarat,*

*Grata Canopeis incola littoribus:*

*Scilicet in uario ne solum limite cœli*

*Ex Ariadnæis aurea temporibus*

*Fixa corona foret: sed nos quoq; fulgeremus*

*Deuotæ flauī uerticis exuuiæ.*

*Vuidulum à fletu cedentem ad templa Deūm, me*

*Sidus in antiquis diua novum posuit.*

*Virginis, & sæui contingens nanq; leonis*

*Lumina, Calisto iuncta Lycaoniæ*

*Vertor in occasum, tardum dux ante Booten,*

*Qui uix sero alio mergitur Oceano.*

*Sed quāquam me nocte premunt uestigia diuūm,*



Luce autem canæ Teihidi restitutor,  
 (Pace tua fari hæc liceat Rhamnusia uirgo,  
 Nanq; ego non ullo uera timore tegam:)  
 Non si me infestis discerpant sidera dictis,  
 Conditæ quin ueri pectoris euoluam.  
 Non his tam letor rebus, quàm me abfore semper,  
 Abfore me à domine uertice discrucior.  
 Quicum ego, dū uirgo quondā fuit omnibus expers  
 Unguentis, unā millia multa bibi.  
 Nunc uos, optato quas iunxit lumine tædæ,  
 Non prius unanimis corpora coniugibus  
 Tradite nudantes reiecta ueste papillas,  
 Quàm iucunda mihi munera libet onyx,  
 Vester onyx, casto colitis quæ iura cubili:  
 Sed quæ se impuro dedit adulterio,  
 Illius aura leuis bibat, & dona irrita puluis:  
 Nanq; ego ab indignis præmia nulla peto.  
 Sed magis ò nuptæ semper Concordia uestras  
 Semper Amor sedes incolat assiduus.  
 Tu uerò regina tuens cū sidera diuam  
 Placabis festis luminibus Venerem,  
 Sanguinis expertem: non uotis esse tuam me,  
 Sed potius largis effice muneribus.  
 Sidera cur retinent? utinam coma regia fiam,  
 Proximus Hydrochoi fulgeat Oarion.

Ad Ianuam.

O dulci iucunda uiro, iucunda parenti,  
 Salue: teq; bona Iuppiter auctet ope  
 Ianua, quam Balbo dicunt seruisse benignè

Olim

Olim, cùm sedes ipse senex tenuit:  
Quamq; ferunt rursus uoto seruisse maligno  
Post, quàm es proiecto facta marita sene.  
Dic agè, dic nobis, quare mutata feraris  
In dominum ueterem deseruisse fidem.  
Non (ita Cæcilio placeam, cui credita nunc sum)  
Culpa mea est, quanquàm dicitur esse mea.  
Nec peccatū à me quisquam pote dicere quicquam,  
Verùm isthæc potius ianitor ipse facit.  
Quin quacunq; aliquid reperitur nō bene factum,  
Ad me omnes clamant, Ianua culpa tua est.  
Non istuc satis est uno te dicere uerbo,  
Sed facere, ut quiuis sentiat, & uideat.  
Quod possum, nemo quærit, nec scire laborat:  
Nos uolumus uobis dicere, ne dubita.  
Primùm igitur, uirgo quòd fertur tradita nobis,  
Falsum est: non illam uir prior attigerat,  
Languidior tenera cui pendens sicula beta  
Nunquàm se mediam sustulit ad tunicam:  
Sed pater illius nati uiolasse cubile  
Dicitur, & miseram conscelerasse domum,  
Siue quòd impia mens cæco flagrabat amore,  
Seu quòd iners sterili semine natus erat:  
Ne quærendum aliunde foret nervosius illud,  
Quod posset zonam soluere uirgineam.  
Egrègium narras mira pietate parentem,  
Qui ipse sui gnati minxerit in gremium.  
Atqui non solùm hunc se dicit cognitum habere  
Brixia Chinæa supposita in specula,



*Flauus quam molli percurrit flumine Mela,  
 Brixia Verona mater amata mea,  
 Sed de Posthumij, & Corneli narrat amore,  
 Cum quibus illa malum fecit adulterium.  
 Dixerit hic aliquis, qui tu istaec ianua nosti,  
 Cui nunquam domini limine abesse licet,  
 Nec populum auscultare, sed huic suffixa tigillo  
 Tantum operire soles, aut aperire domum?  
 Sæpe illam audiui furtiua uoce loquentem  
 Solam consilijs hæc sua flagitia,  
 Nomine dicentem, quos diximus, utpote quæ mi  
 Speraret nec linguam esse, nec auriculam.  
 Præterea addebat quendam, quem dicere nolo  
 Nomine, ne tollat rubra supercilia.  
 Longus homo est, magnas cui lites intulit olim  
 Falsum mendaci uentre puerperium.*

*Ad Mallium.*

*Quod mihi fortuna, casuq; oppressus acerbo,  
 Conscriptum hoc lacrymis mittis epistolium:  
 Naufragum ut eiectum spumantibus æquoris undis  
 Subleuem, & à mortis limine restituam:  
 Quem neq; sancta Venus molli requiescere somno  
 Desertum in lecto cælibe perpetitur:  
 Nec ueterum dulci scriptorum carmine Musæ  
 Oblectant, cum mens anxia peruigilat:  
 Id gratum est mihi, me quonia tibi ducis amicum,  
 Muneraq; & Musarum hinc petis, & Veneris.  
 Sed tibi ne mea sint ignota incommoda Malli,  
 Ne me odisse putes hospitis officium:*

*Accipe*

Accipe quæ is merfer fortuna fluctibus ipse,  
Ne amplius à misero dona beata petas.  
Tempore quo primū uestis mihi tradita pura est,  
Iucundum cū ætas florida uer ageret,  
Multa satis lusi: non est dea nescia nostri,  
Quæ dulcem curis miscet amaritiem.  
Sed totum hoc studium luctu fraterna mihi mors  
Abstulit, ò misero frater adempte mihi,  
Tu mea, tu moriens fregisti commoda frater:  
Tecum unā tota est nostra sepulta domus.  
Omnia tecum unā perierunt gaudia nostra,  
Quæ tuus in uita dulcis alebat amor:  
Cuius ego interitu tota de mente fugavi  
Hæc studia, atq; omnes delicias animi.  
Quare, quod scribis, Veronæ turpe Catullo  
Esse, quod hic quisquis de meliore nota.  
Frigida deserto tepescit membra cubili:  
Id Malli non est turpe, magis miserum est.  
Ignoscas igitur, si, quæ mihi luctus ademit,  
Hæc tibi non tribuo munera, cū nequeo.  
Nam, quòd scriptorū nō magna est copia apud me,  
Hoc fit, quòd Romæ uiuimus. Illa domus,  
Illa mihi sedes, illic mihi carpitur ætas:  
Huc una è multis capsula me sequitur.  
Quod cū ita sit, nolim statuas me mente maligna  
Id facere, aut animo non satis ingenuo,  
Quòd tibi non utriusq; petiti copia facta est.  
Vlro ego deferrem, copia si qua foret.  
Non possum reticere, deæ, qua Mallius in re



Iuuerit, aut quantis iuuerit officijs:  
 Ne fugiens seclis obliuiscantibus ætas  
 Illius hoc cæca nocte regat studium.  
 Sed dicam uobis, uos porrò dicite multis  
 Millibus, & facite hæc charta loquatur anus:  
 Omnibus inq; locis celebretur fama sepulti,  
 Notescatq; magis mortuus, atq; magis:  
 Ne tenuem texens sublimis aranea telam,  
 Deserto in Malli nomine opus faciat.  
 Nam, mihi quã dederit duplex Amathûia curã,  
 Scitis, & in quo me corrucrit genere,  
 Cùm tantum arderem, quantum Trinacria rupes,  
 Lymphaq; in Oethæis Mallia Thermopylis,  
 Mœsta nec assiduo tabescere lumina fletu  
 Cessarent, tristiq; hymbre madere genæ,  
 Qualis in aëri pellucens uertice montis  
 Riuus muscoso profilit è lapide,  
 Qui cùm de prona præceps est ualle uolutus,  
 Per medium densi transit iter populi,  
 Dulce uiatori lasso in sudore leuamen,  
 Cùm grauis exustus æstus hiulcat agros.  
 Ac uelut in nigro iactatis turbine nautis  
 Lenius aspirans aura secunda uenit,  
 Iam prece Pollucis, iam Castoris implorata:  
 Tale fuit nobis Mallius auxilium.  
 Is clausum lato patefecit limite campum,  
 Isq; domum nobis, usq; dedit dominam:  
 Ad quam communes exerceremus amores,  
 Quò mea se molli candida diua pede

Intulit

Intulit, & trito fulgentem in limine plantam  
Innixa, arguta constitit in solea:  
Coniugis ut quondam flagrans aduenit amore  
Protesilaëam Laodamia domum,  
Incepta frustra nondum cum sanguine sacro  
Hostia, cœlestis conciliasset heros.  
Nil mihi tam ualde placeat Rhamnusia uirgo,  
Quod temere inuitis suscipiatur heris,  
Quam ieiuna pium desideret ara cruorem,  
Docta est amisso Laodamia uiro,  
Coniugis antè coacta nouum dimittere collum,  
Quam ueniens una, atq; altera rursus hyems,  
Noctibus in longis auidum saturasset amorem,  
Posset ut abrupto uiuere coniugio:  
Quod scibant Parca non longo tempore abesse,  
Si miles muros isset ad Iliacos.  
Nam tum Helenæ raptu primo res Argiuorum  
Cœperat ad sese Troia ciere uiros.  
Troia nefas, cōmune sepulcrum Europa, Asiaq;  
Troia uirum, & uirtutum omnium acerba cinis:  
Quæ nempe, & nostro letum miserabile fratri  
Attulit, heu misero frater adempte mihi:  
Hei misero fratri iucundum lumen ademptum,  
Tecum unà tota est nostra sepulta domus:  
Omnia tecum unà perierunt gaudia nostra,  
Quæ tuus in uita dulcis alebat amor.  
Quem nunc tam longè non inter nota sepulcra,  
Nec prope cognatos compositum cineres:  
Sed Troia obscœna Troia infelice sepulcrum



Detinet, à nostro terra aliena solo:  
 Ad quā tum properans fertur simul undiq; pubes  
 Græca penetralis deseruisse focos:  
 Ne Paris abducta gausus libera mœcha  
 Otia pacato degeret in thalamo.  
 Quo tibi tum casu pulcherrima Laodamia  
 Ereptum est vita dulcius, atq; anima  
 Coniugium, tanto te absorbens uorice amoris  
 Aestus in abruptum deuulerat barathrum.  
 Quale ferunt Graij Peneum propter amœnum  
 Siccari emulsa pingue palude solum:  
 Quod quondam cecis montis fodisse medullis  
 Ausus falsiparens Amphitryoniades,  
 Tempore quo certa Stymphalia monstra sagitta  
 Perculit imperio deterioris heri,  
 Pluribus ut cœli tereretur ianua diuis,  
 Hebe nec longa uirginitate foret.  
 Sed tuus altus amor barathro fuit altior illo,  
 Quod diuūm dominum ferre iugum docuit.  
 Nam neq; tam charum confecto ætate parenti  
 Vna caput seri nata nepotis alit:  
 Qui tum diuitijs uix tandem inuentus auilis  
 Nomen testatas intulit in tabulas,  
 Impia derisi gentilis gaudia tollens,  
 Suscitai a cano uulturium capite.  
 Nec tantum niueo gausa est ulla columbo  
 Compar, seu quicquid dicitur improbius  
 Oscula mordenti semper decerpere rostro  
 Quantum præcipue multinola est mulier.

Sed

*Sed tu horum magnos uicisti sola furores,  
Ut semel es flauo conciliata uiro.  
Aut nihil, aut paulum cui tu concedere digna,  
Lux mea se nostrum contulit in gremium:  
Quam circuncursans huc illuc sepe Cupido  
Fulgebat crocina candidus in tunica.  
Quæ tamen & si uno non est contenta Catullo,  
Rara uerecundæ furti feremus heræ:  
Ne nimium simus stultorum more molesti.  
Sæpe etiam Iuno maxima cœlicolum  
Coniugis in culpa flagrauit quotidiana,  
Nos cens omniuoli plurima furti Iouis.  
ATQVI nec diuis homines componier æquum est,  
Ingratum tremuli tolle parentis onus.  
Nec tamen illa mihi dextra deducta paterna  
Fragrantem Assyrio uenit odore domum:  
Sed furtina dedit nigra munuscula nocte,  
Ipsius ex ipso dempta uiri gremio.  
Quare illud satis est, si nobis id datur unis,  
Quo lapide illa diem candidiore noiet.  
Hoc tibi, quod potui, confectum carmine munus  
Pro multis alijs redditur officijs:  
Ne nostrum scabra tangat rubigine nomen,  
Hæc atq; illa dies, atq; alia, atq; alia.  
Huc addant diui quamplurima, quæ Themis olim  
Antiquis solita est munera ferre pijs.  
Sitis felices & tu simul, & tua uita,  
Et domus ipsa, in qua lusimus, & domina,  
Et qui principio nobis dominam dedit, à quo*

*Sunt*



*Sunt primo nobis omnia nata bona:  
Et longè ante omneis mihi quæ me charior ipso est,  
Lux mea, qua uiua uiuere dulce mihi est.*

*In Rufum.*

*Noli admirari, quare tibi foemina nulla  
Ruse uelit tenerum supposuisse femur:  
Non ullam rare labefactes munere uestis,  
Aut pelluciduli delicijs lapidis.  
Lædit te quædam mala fabula, qua tibi fertur  
Valle sub alarum irux habitare caper.  
Hunc metuunt omnes, neq; mirum: nam mala ualde est  
Bestia, nec quicum bella puella cubet.  
Quare aut crudelem nasorum interfice pestem:  
Aut admirari desine, cur fugiunt.*

*De inconstantia foeminei amoris.*

*Nulli se dicit mulier mea nubere malle,  
Quam mihi: non si se Iuppiter ipse petat.  
Dicit, SED mulier cupido quod dicit amanti,  
In uento, & rapida scribere oportet aqua.*

*Ad Virronem.*

*Si cui, Virro, homini sacer alarum obstitit hircus,  
Aut si quem merito tarda podagra secat:  
Aemulus iste tuus, qui uestrum exercet amorem,  
Mirifice est actu nactus utrunq; malum.  
Nam quoties fuit, toties ulciscitur ambos:  
Illam affligit odore, ipse perit podagra.*

*Ad Lesbiam.*

*Dicebas quondam solum te nosse Catullum  
Lesbia, nec præ me uelle tenere Iouem.*

*Dilexi*

*Dilexi tum te, non tantum ut vulgus amicam,  
Sed pater ut gnatos diligit, & generos.*

*Nunc te cognoui, Quare & si impensius uxor  
Multò: mi tamen es uilior, & lenior.*

*Qui potis est (inquis) quòd amantem iniuria talis  
Cogat amare magis, sed bene uelle minus?*

*Odi, & amo: quare id faciam, fortasse requiris:  
Nescio: sed fieri sentio, & excrucior.*

*In ingratum.*

*Desine de quoquam quicquam bene uelle mereri,  
Aut aliquem fieri posse putare tuum.*

*Omnia sunt ingrata. nihil fecisse benignè est?*

*Immo etiam tædet: tædet, obestq; magis.*

*Ve mihi, quem nemo grauius, nec acerbius urget:*

*Quà modò, qui me unū, atq; unicū amicū habuit.*

*In Gellium.*

*Gellius audierat, patrum obiurgare solere,*

*Siquis delicias diceret, aut faceret.*

*Hoc ne ipsi accideret, patrii perdespuit ipsam*

*Uxorem, & patrum reddidit Harpocratem.*

*Quod uoluit, fecit: nam quamuis irrumet ipsum*

*Nunc patrum, uerbum non faciet patruus.*

*In Lesbiam.*

*Huc est mens deducta tua mea Lesbia culpa,*

*Atq; ita se officio perdidit ipsa suo:*

*Vt iam nec bene uelle queam tibi, si optima fias:*

*Nec desistere amare, omnia si facias.*

*Ad seipsum.*

*Siqua recordanti bene facta priora uoluptas*

*Est*



*Est homini, cum se cogitat esse pium,  
 Nec sanctam uiolasse fidem, nec fœdere in ullo  
 Diuûm ad fallendos numine abusum homines:  
 Multa parata manent in longa etate Catulle  
 Ex hoc ingrato gaudia amore tibi.  
 Nã quæcûq; homines bene cuiquã aut dicere possût,  
 Aut facere, hæc à te dictaq; factaq; sunt:  
 Omnia quæ ingrata perierunt credita menti.  
 Quare te iam cur amplius excrucies?  
 Quin te animo obfirmas? teq; instinctuq; reducis?  
 Et dijs inuitis desinis esse miser?  
 DIFFICILE est longũ subito deponere amorem.  
 Difficile est, uerũ hoc quã lubet, efficias.  
 Vna salus hæc est, hoc est tibi peruincendum:  
 Hoc facies, siue id non pote, siue pote.  
 O dij, si uestrum est misereri, aut si quibus unquam  
 Extremam iam ipsa in morte tulistis opem,  
 Me miserum aspiciate: & si uitam puriter egi,  
 Eripite hanc pestem, perniciemq; mihi:  
 Quæ mihi subrepens imos, ut torpor, in artus,  
 Expulit ex omni pectore letitias.  
 Non iam illud quero, contrã ut me diligat illa:  
 Aut, quod non potis est, esse pudica uelit:  
 Ipse ualere opto, & tetrum hunc deponere morbum.  
 O dij reddite mi hoc pro pietate mea.*

*Ad Rufum.*

*Ruse mihi frustra, ac nequicquam cognite amice:  
 Frustra? immo magno cum pretio, atq; malo:  
 Siccine subrepsti mi? atq; intestina perurens,*

*Sic*

*Sic misero eripuisti omnia nostra bona?  
Eripuisti heu heu nostræ crudele uenenum  
Vitæ, heu heu nostræ pestis amicitie.*

## De Gallo.

*Gallus habet fratres, quorū est lepidissima coniunx  
Alterius, lepidus filius alterius.  
Gallus homo est bellus, nam dulceis iungit amores:  
Cum puero ut bello bella puella cubet.  
Gallus homo est stultus: nec se uidet esse maritum,  
Qui patruus patruī monstret adulterium.  
Sed nunc id doleo, quod puræ impura puellæ  
Suauia coniunxit spurca salina tua.  
Verūm id non impunè feres: nam te omnia secla  
Noscent: & qui sis, fama loquetur anus.*

## De Lesbio.

*Lesbius est pulcher. quid ni? quem Lesbia malit,  
Quām te cum toga gente Catulle tua.  
Sed tamen hic pulcher uendat cum gente Catullum,  
Si tria amatorum suauia reppererit.*

## Ad Gellium.

*Vis dicam, Gelli, quare rosea ista labella  
Hyberna fiant candidiora niue?  
Manè domo cūm exis, & cūm te octaua quiete  
E molli longo suscitāt hora die:  
Nescio quid certè est (an uerè fama susurrat?)  
Grandia te mediū tentā uorare uiri.  
Sic certè est, clamant Virronis rupta miselli  
Ilia, & emulso labra notata sero.*

f

Ad



Est homini, cum se cogitat esse pium,  
 Nec sanctam uiolasse fidem, nec fœdere in ullo  
 Diuûm ad fallendos numine abusum homines:  
 Multa parata manent in longa etate Catulle  
 Ex hoc ingrato gaudia amore tibi.  
 Nã quæcûq; homines bene cuiquã aut dicere possunt,  
 Aut facere, hæc à te dictaq; factaq; sunt:  
 Omnia quæ ingratae perierunt credita menti.  
 Quare te iam cur amplius excrucies?  
 Quin te animo obfirmas? teq; instinctuq; reducis?  
 Et dÿs inuitis desinis esse miser?  
 DIFFICILE est longũ subito deponere amorem.  
 Difficile est, uerũ hoc quã lubet, efficias.  
 Vna salus hæc est, hoc est tibi peruincendum:  
 Hoc facies, siue id non pote, siue pote.  
 O dÿ, si uestrum est misereri, aut si quibus unquam  
 Extremam iam ipsa in morte iulistis opem,  
 Me miserum aspiciate: & si uitam puriter egi,  
 Eripite hanc pestem, perniciemq; mihi:  
 Quæ mihi subrepens imos, ut torpor, in artus,  
 Expulit ex omni pectore letitias.  
 Non iam illud quero, contrã ut me diligat illa:  
 Aut, quod non potis est, esse pudica uelut:  
 Ipse ualere opto, & tetrum hunc deponere morbum.  
 O dÿ reddite mi hoc pro pietate mea.

Ad Rufum.

Ruse mihi frustra, ac nequicquam cognite amice:  
 Frustra? immo magno cum pretio, atq; malo:  
 Siccine subrepsti mi? atq; intestina perurens,

Sic

*Sic misero eripuisti omnia nostra bona?  
Eripuisti heu heu nostræ crudele uenenum  
Vitæ, heu heu nostræ pestis amicitie.*

De Gallo.

*Gallus habet fratres, quorū est lepidissima coniunx  
Alterius, lepidus filius alterius.*

*Gallus homo est bellus, nam dulceis iungit amores:  
Cum puero ut bello bella puella cubet.*

*Gallus homo est stultus: nec se uidet esse maritum,  
Qui patruus patrum monstrat adulterium.*

*Sed nunc id doleo, quod puræ impura puellæ  
Suauia coniunxit spurca salina tua.*

*Verūm id non impunè feres: nam te omnia secla  
Noscent: & qui sis, fama loquetur anus.*

De Lesbio.

*Lesbius est pulcher. quid ni? quem Lesbia malit,  
Quam te cum toga gente Catulle tua.*

*Sed tamen hic pulcher uendat cum gente Catullum,  
Si tria amatorum suauia reppererit.*

Ad Gellium.

*Vis dicam, Gelli, quare rosea ista labella  
Hyberna fiant candidiora niue?*

*Manè domo cum exis, & cum te octaua quiete  
E molli longo suscitatur hora die:*

*Nescio quid ceriè est (an uerè fama susurrat?)  
Grandia te medijs tenta uorare uiri.*

*Sic ceriè est, clamant Virronis rupta miselli  
Ilia, & emulso labra notata sero.*



## Ad Iuuentium.

*Nemo'ne in tanto potuit populo esse, Iuuenti,  
 Bellus homo, quem tu diligere inciperes?  
 Præterquam iste tuus moribunda à sede Pisauri  
 Hospes, inaurata pallidior statua?  
 Quid tibi nunc cordi est, quem tu præponere nobis  
 Audes? at nescis, quod facinus facias.*

## Ad Quintium.

*Quinti, si tibi uis oculos debere Catullum,  
 Aut aliud si quid charius est oculis:  
 Eripere ei noli, multò quod charius illi  
 Est oculis, seu quid charius est oculis.*

## De Lesbiæ marito.

*Lesbia mi, præsentem uiro, mala plurima dicit:  
 Hoc illi fatuo maxima letitia est.  
 Mule, nihil sentis: si nostri oblita taceret,  
 Sana esset. Quod nunc garrit, & obloquitur:  
 Non solum meminit: sed, quæ multò acrior est res,  
 Irata est: hoc est, uritur, & loquitur.*

## De Arrio.

*Chommoda dicebat, si quando Commoda uellet  
 Dicere, & Hinsidias Arrius Insidias.  
 Et tum mirificè sperabat se esse locutum:  
 Cum quantum poterat, dixerat Hinsidias.  
 Credo sic mater, sic liber auunculus eius,  
 Sic maternus auus dixerat, atq; auia.  
 Hoc misso in Syriam, requierant omnibus aures:  
 Audibant eadem hæc leniter, & leuiter.  
 Nec sibi postillà metuebant talia uerba,*

Cum

*Cum subito affertur nuntius horribilis,  
Ionios fluctus, postquam illuc Arrius isset,  
Iam non Ionios esse, sed Hionios.*

*De amore suo.*

*Odi, & amo. quare id faciam, fortasse requiris.  
Nescio: sed fieri sentio, & excrucior.*

*De Quintia, & Lesbia.*

*Quintia formosa est multis: mihi candida, longa,  
Recta est: hæc ego sic singula confiteor,  
Tota illud formosa nego. nam nulla uenustas,  
Nulla in tam magno est corpore mica salis.  
Lesbia formosa est: quæ cum pulcherrima tota est,  
Tum omnibus una omneis surripuit Veneres.*

*De suo in Lesbiam amore.*

*Nulla potest mulier tantum se dicere amatam  
Verè, quantum à me Lesbia amata mea est.  
Nulla fides ullo fuit unquam fœdere tanta,  
Quanta in amore suo ex parte reperta mea est.*

*In Gellium.*

*Quid facit is, Gelli, qui cum matre, atq; sorore  
Prurit, & abiectis peruigilat tunicis?  
Quid facit is, patrum qui non sinit esse maritum?  
Ecquid scis, quantum suscipiat sceleris?  
Suscipit ô Gelli, quantum non ultima Tethys,  
Non genitor Nympharum abluat Oceanus.  
Nam nihil est quicquam sceleris, quo prodeat ultra:  
Non si demisso se ipse uoret capite.*

*De Gellio.*

*Gellius est tenuis. quid ni? cui tam bona mater,*

f 2

*Tamq;*



*Tamq̃; ualens uiuat, tamq̃; uenusta soror,  
 Tamq̃; bonus patruus, tamq̃; omnia plena puellis  
 Cognatis, quare is desinat esse macer?  
 Qui ut nihil attingat, nisi quod fas tangere non est:  
 Quantum uis, quare sit macer inuenies.  
 Nascatur magus ex Gelli, matrisq̃; nefando  
 Coniugio, & discat Persicum aruspicium.  
 Nam magus ex matre, & gnato gignatur oportet,  
 Si uera est Persarum impia religio.  
 Natus ut accepto ueneretur carmine diuos,  
 Omentum in flamma pingue liquefaciens.*

*In Gellium.*

*Non ideo, Gelli, sperabam te mihi fidum  
 In misero hoc nostro ac perduto amore fore:  
 Quòd te cognossem bene, constantemq̃; putarem,  
 Aut posse à turpi mentem inhibere probro:  
 Sed quòd nec matrem, nec germanam esse uidebam  
 Hanc tibi, cuius me magnus edebat amor.  
 Et quamuis tecum multo coniungerer usu,  
 Non satis id causæ credideram esse tibi.  
 Tu satis id duxti, tantum tibi gaudium in omni  
 Culpa est, in quacunq̃; est aliquid sceleris.*

*De Lesbia.*

*Lesbia mi dicit semper malè, nec tacet unquam  
 De me: dispeream, me nisi Lesbia amat.  
 Quo signo? quasi eadem totidem mox deprecor illi  
 Assidue, uerum dispeream nisi amo.*

*In Cæsarem.*

*Nil nimium studeo, Cæsar, tibi uelle placere:*

*Nec*

*Nec scire utrum sis albus, an ater homo.  
Mentula mœchatur, mœchatur mentula. ceriè  
Hoc est, quod dicunt, ipsa olera olla legit.*

*De Smyrna Cinnæ poëtæ.*

*Smyrna mei Cinnæ nonam post deniq; messem  
Quàm cœpta est, nonamq; edita post hyemem,  
Millia cùm interea quingenta Hortensius uno  
In pede stans fixo carmina ructat hians.  
Smyrna cauas Atracis penitus mittetur ad undas,  
Smyrnam incana diu secula peruoluent.  
At Volusi annales Paduam morientur ad ipsam,  
Et laxas scombris sepe dabunt tunicas.  
Parua mei mihi sunt cordi monimenta sodalis,  
At populus tumido gaudeat Animacho.*

*Ad Caluum de Quintilia.*

*Si quicquam mutis gratum, acceptum'ue sepulcris  
Accidere à nostro Calue dolore potest,  
Cùm desiderio ueteres renouamus amores,  
Atq; olim missas flemus amicitias:  
Ceriè non tanto mors immatura dolori est  
Quintiliæ, quantum gaudet amore tuo.*

*De Aemylio.*

*Non, ita me dij ament, quicquam referre putavi,  
Virum os, an culum olfacerem Aemylio.  
Nil immundius hoc, nihil est immundius illo:  
Verùm etiam culus mundior, & melior.  
Nam sine dentibus est, hoc denteis sesquipedaleis,  
Gingiuas uerò ploxemi habet ueteris.  
Præterea rictum, qualem defessus in æstu*



*Meientis mule cunnus habere solet.  
 Hic futuit multas, & se fecit esse uenustum:  
 Et non pistrino traditur, atq; asino?  
 Quem si qua attingit, non illam posse putemus  
 Aegroti culum lingere carnificis?*

*Ad Vectium.*

*In te, si in quenquam dici pote, putide Vecti,  
 Id quod uerbosis dicitur, & satuis:  
 Ista cum lingua (si usus ueniat tibi) possis  
 Culos, & crepidas lingere carbatinas.  
 Si nos omnino uis omneis perdere Vecti,  
 Dicas: omnino quod cupis, efficies.*

*Ad Iuuentium.*

*Surripui tibi, dum ludis, mellite Iuuenti,  
 Suauiolum dulci dulcius ambrosia.  
 Verum id non impunè tuli: nanq; amplius horam  
 Suffixum in summa me memini esse cruce,  
 Dum tibi me purgo: nec possum fletibus ullis  
 Tantillum uestre demere seuitie.  
 Nam simul id factum est, multis diluta labella  
 Abstersti guttis omnibus articulis:  
 Ne quicquam nostro contractum ex ore maneret,  
 Tanquam commiste spurca salua lupa.  
 Præterea infesto miserum me tradere amanti  
 Non cessasti, omniq; excruciare modo:  
 Ut mi ex ambrosia mutatum iam foret illud  
 Suauiolum, tristi tristius helleboro.  
 Quam quoniam poenam misero proponis amanti,  
 Nunquam iam posthac basia surripiam.*

*De*

## De Cælio, &amp; Quintio.

*Cælius Auphilenus, & Quintius Auphilenus*

*Flos Veronensium depereunt iuuenum.*

*Hic fratrem, ille sororem, hoc est, quod dicitur, illud*

*Fraternum uerè dulce sodalitiū.*

*Cui faueam potius? Cæli, tibi: nam tua nobis*

*Perspecta exigitur unica amicitia:*

*Cum uesana meas torreret flamma medullas.*

*Sis felix Cæli, sis in amore potens.*

*Inferiæ ad fratris tumulum.*

*Multas per gentes, & multa per æquora uectus*

*Aduenio has miseras frater ad inferias:*

*Ut te postremo donarem munere mortis,*

*Et mutum nequicquam alloquerer cinerem,*

*Quandoquidem fortuna mihi tece abstulit ipsum,*

*Heu miser indignè frater adempte mihi.*

*Nunc tamen interea prisco quæ more parentum*

*Tradita sunt tristes munera ad inferias,*

*Accipe fraterno multum manantia fletu:*

*Atq; in perpetuum frater aue, atq; uale.*

*Ad Cornelium.*

*Si quicquam tacitè commissum est fido ab amico,*

*Cuius sit penitus nota fides animi:*

*Me unum esse inuenies illorum iure sacratum*

*Corneli, & factum me esse puta Harpocratem.*

*Ad Syllonem.*

*Aut sodes mihi redde decem sestertia, Sylo,*

*Deinde esto quamuis scius, & indomitus.*

*Aut si te nummi delectant, desine queso*



*Zeno esse, atq; idem seuus, & indomitus.*

*Ad quendam, de Lesbia.*

*Credis me potuisse meæ maledicere uitæ,  
Ambobus mihi quæ charior est oculis?  
Non potui: nec si possem, tam perditè amarem.  
Sed tu cum caupone omnia monstra facis.*

*In mentulam.*

*Mentula conatur Pimplæum scandere montem,  
Musæ furcillis præcipitem eijciunt.*

*De puero, & præcone.*

*cum puero bello præconem qui uidet esse,  
Quid credat? nisi se uendere discupere.*

*Ad Lesbiam.*

*Si quicquam cupidoq; optantiq; obigit unquā, &  
Insperanti, hoc est gratum animo propriè.  
Quare hoc est gratum, nobis quoq; charius auro,  
Quod te restituis Lesbia mi cupido.  
Restituis cupido, atq; insperanti, ipsa refers te  
Nobis: ô lucem candidiore nota,  
Quis me uno uiuit felicior? aut magis hac quid  
Optandum uita, dicere quis poterit?*

*In Cominium.*

*Si, Comini, arbitrio populi tua cana senectus  
Spurcata impuris moribus intereat:  
Non equidem dubito, quin primùm inimica bonorū  
Lingua execta auido sit data uulturio:  
Effossos oculos uoret atro gutture coruus,  
Intestina canes, cætera membra lupi.*

*Ad*

## Ad Lesbiam.

*Iucundum, mea uita, mihi proponis amorem  
 Hunc nostrum inter nos, perpetuumq; fore.  
 Dii magni facite, ut uelle promittere possit:  
 Atq; id sincere dicat, & ex animo:  
 Ut liceat nobis tota perducere uita  
 Alternum hoc sanctæ fœdus amicitiae.*

## Ad Aufilenam.

*Aufilena, bonæ semper laudantur amicæ:  
 Accipiunt pretium, quæ facere instituunt.  
 Tu quod promisti mihi quod mentita, inimica es:  
 Quod nec das, at fers. sepe facis facinus.  
 Aut facere ingenuæ est, aut non promisse pudicæ  
 Aufilena fuit. sed data corripere  
 Fraudando, efficitur plusquam meretricis auaræ,  
 Quæ sese toto corpore prostituit.*

## Ad eandem.

*Aufilena, uiro contentam uiuere solo est  
 Nuptiarum laus ex laudibus eximijs.  
 Sed cuius quamuis potius succumbere fas est,  
 Quàm matrem fratres efficere ex paruo.*

## In Nasonem.

*Multus homo es Naso: neq; tecum multus homo, sed  
 Descendis Naso: multus es, & pathicus.*

## In Cinnam.

*Consule Pompeio, primum duo, Cinna, sedebant  
 Mœchilia: factò consule nunc iterum  
 Manserunt duo. sed creuerunt millia in unum  
 Singula: fœcundum semen adulterio.*



## In Firmanum.

*Firmani saltus non falsò mentula dives*  
*Fertur, qui tot res in se habet egregias:*  
*Aucupium omne genus, pisces, prata, arua, ferasq;,*  
*Nec quicquam fructus sumptibus exuperat.*  
*Quare concedo sit dives, dum omnia desint:*  
*Saltum laudemus, dum tamen ipse egeat.*  
*Mentulam habet instar triginta iugera prati,*  
*Quadraginta arui, cætera sunt maria.*  
*Cur non diuitijs Cræsum superare potis sit,*  
*Vno qui in saltu tot bona possideat?*  
*Prata, arua, ingentes sylvas, saltusq; paludesq;,*  
*Vsq; ad Hyperboreos, & mare ad Occanum.*  
*Omnia magna hæc sunt: tamē ut sint maxima, et ul*  
*Non homo sed uerè mentula magna nimis. (tra,*  
*Ad Gellium.*

*Sæpe tibi studioso animo uenante requiris*  
*Carmina uti possem mittere Battiadæ,*  
*Queis te lenirem, nobis neu conarere*  
*Infestum telis icere musca caput.*  
*Hunc uideo mihi nūc frustra sumptū esse laborem,*  
*Gelli, nec nostras hinc ualuisse preces.*  
*Contra nos tela ista tua euitamus amictu,*  
*At fixus nostris tu dabis supplicium.*

F I N I S.

EX LIBRO III. DE  
POETIS LATINIS  
PETRI CRINI-  
NITI.



**A**LBIVS Tibullus Romæ (ut creditur) natus, Hircio & Pansa Cos. qui annus etiam Nasonis poetæ natalibus insignis fuit: nam uterq; Consul cum ad liberandum Brutum apud Mutinam mitteretur, fugato Antonio, occisus est: parentes habuit ex equestri ordine, bello & pace satis illustres: is autem Tibullus, quod ingenio facili, & egregia forma foret, nobiliores etiam ciuitatis sibi conciliauit: in quorum numero fuit Messala Corvinus, qui mira diligentia, & assiduis officijs poetam Tibullum fouit. Itaq; sui studiosum uocat eum Tibullus, & insigni carmine laudes eiusdem ac uirtutem celebrauit. Neq; illud ignoratur, cum in eiusdem Messalæ comitatu in prouinciam Phæacum pergeret, in aduersam eum ualeitudinem incidisse: ex quo tali carmine fidem suam atq; fortunam uoluit posteris commendari:  
*Hic iacet immitti consumptus morte Tibullus,  
Messalam terra, dum sequiturq; mari.*

*Horatium quoq; Flaccum & Macrum poetam, qui de herbis libros conscripsit familiariter dilexit. Eumq; hortatur, ne relictis castris, & militia, ad amores & Veneres redeat. Albius enim Tibullus in amoribus & delicijs (ut apparet) paulò procliuior*



uior fuit, ut qui *Marathum*, & *Cherinihum* pueros maximo affectu dilexerit, sicuti *Deliam*, *Sulpi-  
tiam*, *Nceram*, & *Nemesim*, de cuius forma & mo-  
ribus frequens in ueterum libris mentio est, unde il-  
lud notum:

*Vssit amatorem Nemesis lasciuia Tibullum,*

*In tota inuit quem nihil esse domo.*

Sed & *L. Apuleius* quo loco de amoribus differit apud *Claudium Maximum* proconsulem, fictum *Delie* nomen à poëta *Tibullo* refert, cum *Plaucia* uocaretur. *Quinetiam* *Flaccus* liberè illum hortatur amicitie nomine, ut forti animo & constanti, im-  
mitis *Glyceræ* fastum, & insolentiam perferat, tum aliorum exemplo discat, quanta sit in amore uarie-  
tas. In scribendo autem carmine, *Cassio Parmensi* eundem præponit, quo loco suorum sermonum iudi-  
cem facit, bonaq; animi & corporis illi ascribit.

*Albi nostrorum sermonum candide iudex,*

*Non tu corpus eras sine pectore: Di tibi formam,*

*Dij tibi diuitias dederant, artemq; fruendi.*

*Quid uoneat dulci nutricula maius alumno,*

*Quàm sapere, & fari possit quæ sentiat, & cui*

*Gratia, fama, ualetudo, contingat abunde,*

*Et mundus uictus non deficiente crumena?*

*Is uerò Tibullus* in carmine ad *Messalam*, copiosè ostendit, parum sibi licere in otio uersari, quòd ipsa fortune iniquitas nimium illi obfuisset, & cum sa-  
tis illi opes florarent, condicione temporum factum, ut ad paupertatem redigeretur.

Cui fuerant flauī ditantes ordine sulci,  
 Horrea fœcundis indeficientia mensis:  
 Cuiq; pecus denso pascebant agmine colles,  
 Et domino satis, & nimium furiq; lupoq;  
 Nunc desiderium superest.

Libros quatuor *Elegiarum*, siue amorum compo-  
 suit, in quibus facile probatur quàm elegans, &  
 candidum sit eius carmen, ut in eiusmodi caloribus  
 describendis *Latinos* omnes uideatur superasse, tum  
 affectibus exprimendis, tum suauitate ingenij, quod  
 ipsum & *Fab. Quintilianus* ad *Marcellum Vi-*  
*ctorium* refert, cùm poëtam *Tibullum* & elegan-  
 tem in primis, ac tersum existimarit. Obijt autem  
 cùm adhuc iunior esset, neq; sine maximo mœrore  
*Ouidij* poëte, quod ille testatus est longo carmine:  
 in quo probatur quanta literarum iactura *Tibullus*  
 occiderit, eoq; molestior fuit eius interitus, quo im-  
 maturior uisus est. In eius uerò funere & parens &  
 soror pietatis officium præstiterunt, quod & *Ne-*  
*mesius* & *Delia* pari animo fecerunt, sicuti ab *Oui-*  
*dio* refertur, uulgatumq; illud est de elegancia, &  
 carmine *Tibulli*:

Donec erunt ignes, arcusq;, Cupidinis arma,  
 Discentur numeri culte *Tibulle* tui.



ALBII TIBULLI  
 LIEQVITIS ROMANI LIBER  
 PRIMVS.

\*



IVITIAS alius fuluo sibi conge-  
 rat auro,  
 Et teneat culti iugera magna soli:  
 Quem labor assiduus vicino terreat  
 hoste,

Martia cui somnos classica pulsa fugent.  
 Me mea paupertas vitæ traducat inertis,  
 Dum meus assiduo luceat igne focus.  
 Ipse seram teneras maturo tempore vites  
 Rusticus, & facili grandia poma manu,  
 Nec spes destituat, sed frugum semper acervos  
 Præbeat, & pleno pingua musta lacu.  
 Nam veneror, seu stipes habet desertus in agris,  
 Seu vetus in trinio florida ferta lapis:  
 Et quodcunq; mihi pomum nouus educat annus,  
 Libatum agricolæ ponitur ante Deos.  
 Flaua Ceres tibi si nostro de rure corona  
 Spicea, quæ templi pendeat ante fores.  
 Pomosisq; ruber custos ponatur in hortis,  
 Terreat ut sæua falce Priapus aues.  
 Vos quoq; felicitis quondam, nunc pauperis agri  
 Custodes fertis munera uestra Lares.

Tunc

Tunc vitula innumeros lustrabat caesa iuuenos,  
 Nunc agna exigui est hostia parua soli.  
 Agna cadet uobis, quam circum rustica pubes  
 Clamet, Iò messes, & bona uina date.  
 Iam modò non possum contentus uiuere paruo,  
 Nec semper longæ deditus esse uia:  
 Sed canis æstiuos ortus uitare sub umbra  
 Arboris ad riuos prætereuntis aquæ.  
 Nec tamen interdum pudeat tenuisse bidentem,  
 Aut stimulo tardos increpuisse boves:  
 Non agnam'ue sinu pigeat, fœtum'ue capellæ  
 Desertum oblita matre referre domum.  
 At uos exiguo pecori furesq; lupiq;  
 Parcite: DE magno est præda petenda grege.  
 Hic ego pastoremq; meum lustrare quotannis,  
 Et placidam soleo spargere lacte Palem.  
 Adsitis diui: nec uos è paupere mensa  
 Dona, nec è puris spernite fictilibus.  
 Fictilia antiquus primùm sibi fecit agrestis  
 Pocula, de facili composuitq; luto.  
 Non ego diuitias patrum, fructusq; requiro,  
 Quos tulit antiquo condita messis auro.  
 Parua seges satis est, satis est requiescere lecto,  
 Scilicet & solito membra leuare toro.  
 Quàm iuuat immites uentos audire cubantem,  
 Et dominam tenero continuisse sinu?  
 Aut gelidas hybernus aquas cùm fuderit Auster,  
 Securum somnos igne iuuante sequi?  
 Hoc mihi contingat: sit diues in re, furorem

Qui



Qui maris, & tristes ferre potest pluvias.  
O quantum est auri pereat, potiusq; smaragdi:  
Quàm fleat ob nostras ulla puella uias.  
Te bellare decet terra Messala, mariq;  
Ut domus hostiles præferat exuias.  
Me retinent uinctum formosæ uincla puella:  
Et sedeo duras ianitor ante fores.  
Non ego laudari cupio, mea Delia: tecum  
Dummodo sim, quæso, segnis, inersq; uocer.  
Te spectem, suprema mihi cùm uenerit hora,  
Et teneam moriens deficiente manu.  
Flebis & arsuro positum me, Delia, lecto:  
Tristibus & lacrymis oscula mista dabis.  
Flebis: non tua sunt duro præcordia ferro  
Vincla, nec in tenero stat tibi corde silex.  
Illo non iuuenis poterit de funere quisquam  
Lumina, non uirgo sicca referre domum.  
Tu Manes ne læde meos: sed parce solutis  
Crinibus: & teneris, Delia, parce genis.  
Interea dum fata sinunt, iungamus amores:  
Iam ueniet tenebris mors adoperta caput.  
Iam subrepet iners ætas: nec amare decebit,  
Dicere nec cano blanditiis capiti.  
Nunc leuis est tractanda Venus: dum frangere postes  
Non pudet, & rixas inseruisse iuuat.  
Hic ego dux, milesq; bonus: uos signa, tubæq;  
Ite procul: cupidis uulnera ferte uiris.  
Ferte & opes: ego composito securus acervo  
Duces despiciam, despiciamq; famem.

## ELEGIA II.

**A** Dde merum, uinoq; graues cōpesce dolores:  
 Occupet ut fessi lumina uicta sopor:  
 Neu quisquam multo perfusum tempora Baccho  
 Excitet, infelix dum requiescit amans.  
 Nam posita est nostræ custodia sæua puellæ,  
 Clauditur & dura ianua firma sera.  
 Ianua difficilis dominæ, te uerberet hymber,  
 Te Iouis imperio fulmina missa petant.  
 Ianua iam pateas uni mihi uicta querelis:  
 Nec furtim, uerso cardine, aperta sones.  
 Et mala siqua tibi dixit dementia nostræ,  
 Ignoscas: capiti sint precor illa meo.  
 Te meminisse decet, quæ plurima uoce peregi  
 Supplice, cū posti florida serua darem.  
 Tu quoq; ne timidè custodes, Delia, falle:  
 Audendum est fortes adiuuat ipsa Venus.  
 Illa fauet: seu quis iuuenis noua limina tentat,  
 Seu reserat fixo dente puella fores.  
 Illa docet furtim molli decedere lecto,  
 Illa pedem nullo ponere posse sono:  
 Illa uiro coram nutus conferre loquaces,  
 Blandaq; compositis addere uerba notis.  
 Nec decet hoc omnes: sed quos nec inertia tardat,  
 Nec uetat obscura surgere nocte timor.  
 En ego cū tenebris tota uagor anxius urbe,  
 Securum in tenebris me facit esse Venus:  
 Nec sinit occurrat quisquam, qui corpora ferro  
 Vulneret, aut rapta præmia ueste petat.



g

Quisquis



Quisquis amore tenetur: eat tutusq; sacerq;  
 Qualibet: insidias non timuisse decet.  
 Non mihi pigra nocent hybernæ frigora noctis:  
 Non mihi cùm multa decidit humber aqua.  
 Non labor hic lædit, referet modò Delia postes,  
 Et nocet ad digiti me taciturna sonum.  
 Parcite luminibus, seu uir, seu fœmina fias  
 Obuia: celari uult sua furtiva Venus.  
 Neu strepitu terrete pedum, neu querite nomen,  
 Neu propè fulgenti lumina ferte face.  
 Si quis & imprudens aspexerit, occulat ille  
 Perq; deos omneis se meminisse neget.  
 Nam fuerit quicunq; loquax, is sanguine natam,  
 Is Venerem è rapido sentiet esse mari.  
 Nec tamen huic credet cōiunx tuus: ut mihi uerax  
 Pollicita est magico saga ministerio.  
 Hanc ego de cœlo ducentem sidera uidi,  
 Fluminis hæc rapidi carmine uertit iter.  
 Hæc cantu finditq; solum, manesq; sepulchris  
 Elicit, & tepido deuocat ossa rogo.  
 Iam ciet infernas magico stridore caueruas,  
 Iam iubet aspersas lacte referre pedem.  
 Cùm libet, hæc tristi depellit nubila cœlo:  
 Cùm libet, æstiuo conuocat orbe nives.  
 Sola tenere malas Medæ dicitur herbas,  
 Sola feros Hecates perdomuisse canes.  
 Hæc mihi composuit cantus, queis fallere posses:  
 Ter cane, ter dictis despue carminibus.  
 Ille nihil poterit de nobis credere cuiquam:

Non

Non sibi, si in molli uiderit esse sinu.  
Tu tamen abstineas alijs: nam cetera cernet  
Omnia: de me uno sentiet esse nihil.  
Quid credam? nempe hæc eadem se dixit amores  
Cantibus, aut herbis solacere posse meos.  
Et me lustrauit tædis: & nocte serena  
Concidit ad magicos hostia pulla deos.  
Non ut totus abesset amor, sed mutuus esset  
Orabam nec te posse carere uelim.  
Ferreus ille fuit, qui te cùm posset habere,  
Maluerit prædas stultus, & arma sequi.  
Ille licet Cilicum victas agat antiè cateruas,  
Ponat & in capto Mariia castra solo,  
Totus & argento contextus, totus & auro  
Insideat celeri conspiciendus equo,  
Ipse boues, mea si tecum modò Delia possim  
Iungere, & insolito pascere monte pecus:  
Et te dum liceat teneris retinere laceris,  
Mollis & inculta sit mihi somnus humo.  
Quid Tyrio recubare toro, sine amore secundo;  
Prodest, cùm fletu nox uigilanda uenit?  
Nam neq; tum plumæ, nec stragula picta soporem,  
Nec sonitus placide ducere posset aquæ.  
Non Veneris magnæ uiolanti numina uerbo:  
Et mea nunc pœnas impia lingua luit.  
Non feror incestus sedes adijisse deorum,  
Sertaq; de sanctis diripuisse focis.  
Non ego tellurem genibus perrepere supplex,  
Et miserum sancto tundere poste caput:



*Non ego, si merui, dubitem procumbere templis,  
Et dare sacratis oscula luminibus.*

*At tu, qui latus rides mala nostra, caueo:*

*Mox tibi non uanus scuiet ipse Deus.*

*Vidi ego qui iuuenum miseros lusisset amores,*

*Post Veneris uinclis subdere colla senem:*

*Et sibi blanditias tremula componere uoce,*

*Et manibus canas fingere uelle comas:*

*Stare nec ante fores puduit, chara'ne puella*

*Ancillam medio detinuisse foro.*

*Hunc puer, hunc iuuenis turba circumstetit arcta:*

*Despuit in molles & sibi quisq; sinus.*

*At mihi parce Venus: semper tibi dedita seruit*

*Mens mea. Quid messes uris acerba tuas?*

#### E L E G I A I I I.

Ad Messalam.

**I** Bitis Aegæas sine me Messala per undas:

O utinam memores ipse, cohorsq; mei.

Me tenet ignotis agrum Phæacia terris:

Abstineas auidas mors precor atra manus.

Abstineas mors atra precor, non hîc mihi mater,

Quæ legat in mæstos ossa perusta sinus.

Non soror, Assyrios cineri quæ dedat odores,

Et fleat effusis ante sepulchra comis.

Delia non usquam, quæ me cùm mitteret urbe,

Dicitur ante omnes consulisse deos.

Illâ sacras pueri sortes ter sustulit: illi

Rettulit è triujs omnia certa puer.

Cuncta dabât reditû: tamen est deterrita nunquam,

Quin

Quin fleret nostras, respiceretq; uias.  
Ipse ego solator, cum iam mandata dedissem,  
Querebam tardas anxius usq; moras.  
Aut ego sum causatus, Aues dant omina dira,  
Saturni sacram me tenuisse diem.  
O quoties ingressus iter, mihi tristia dixi  
Offensum in porta signa dedisse pedem.  
Audeat inuito nequis discedere amore:  
Aut sciat egressum se, prohibente Dco.  
Quid tua nunc Isis tibi Delia? quid mihi profunt  
Illa tua toties ara repulsa manu?  
Quid'ne piè, dum sacra colis, pureq; lauari  
Te memini, & puro secubuisse toro?  
Nunc dea, nunc succurre mihi: iam posse mederi  
Picta docet templis multa tabella tuis.  
Ut mea uotiuas persoluens Delia uoces  
Ante sacras lino tecta fores, sedeat:  
Bisq; die resoluta comas tibi dicere laudes  
Insignis turba debeat in Pharia.  
At mihi contingat patrios celebrare penates,  
Reddereq; antiquo menstrua tura lari.  
Quam bene Saturno uinebant rege prius, quam  
Tellus in longas est patefacta uias.  
Nondum ceruleas pinus contempserat undas,  
Effusum uentis prebueratq; sinum:  
Nec uagus ignotis repetens compendia terris  
Presserat externa nauita merce ratem:  
Illo non ualidus subiit iuga tempore taurus,  
Non domito frenos ore momordit equus:



Non domus ulla fores habuit, non fixus in agris,  
Qui regeret certis finibus arua lapis.

Ipsæ mella dabant quercus, ultroq; ferebant  
Obuia securis ubera lactis oues.

Non acies, non ira fuit, non bella, nec enses  
Immiti seuus duxerat arte faber.

Nunc Ioue sub domino cades, & uulnera semper:  
Nunc mare, nunc lei mille repente uia.

Parce pater, timidum non me periuria terrent,  
Non dicta in sanctos impia uerba deos.

Quòd si fatales iam nunc expleuimus annos,  
Fac lapis inscriptis stet super ossa notis:

Hic iacet immiti consumptus morte Tibullus,  
Messalam terra, dum sequiturq; mari.

Sed me, quòd facilis tenero sum semper Amori,  
Ipsa Venus campos ducet in Elysios.

Hic choreæ, cantusq; uigent: passimq; uagantes  
Dulcè sonant tenui gutture carmen aues.

Fert casiam non culta seges, totosq; per agros  
Floret odoratis terra benigna rosis:

Ac iuuenum series teneris immixta puellis  
Ludit, & assidue prælia miscet Amor.

Illic est cuiusq; rapax mors uenit amanti,  
Et gerit insigni myrteaserta coma.

At scelerata iacet sedes, in nocte profunda  
Abdita, quam circum flumina nigra sonant.

Tisiphoneq; impexa feros pro crinibus angues  
Seuit, & huc illuc impia turba fugit.

Tum niger in turba serpentum Cerberus ore

Stridet

Stridet, & aratas excubat ante fores.  
 Illic Iunonem tentare Ixionis ausi  
 Versatur celeri noxia membra rota:  
 Porrectusq; nouem Tityus per iugera terræ,  
 Assiduas atro uiscere pascit aues:  
 Tantalus est illic, & circum stagna, sed acrem  
 Iam iam poturi deserit unda suum:  
 Et Danaï proles, Veneris quod numina lesit,  
 In caua Lethæas dolia portat aquas.  
 Illic sit quicumq; meos uolauit amores,  
 Optauit lentas & mihi militias.  
 At tu casta precor maneat, sanctiq; pudoris  
 Assideat custos sedula semper anus.  
 Hæc tibi fabellas referat: positaq; lucerna,  
 Deducat plena stamina longa colo.  
 Ac circa grauib; pensis affixa puella  
 Paulatim somno fessa remittat opus.  
 Tunc ueniam subito: nec quisquam nuntiet ante,  
 Sed uidear cælo missus adesse tibi.  
 Tunc mihi qualis eris, longos turbata capillos,  
 Obuia nudato Delia curre pede.  
 Hoc precor: hunc illum nobis aurora nitentem  
 Luciferum roseis candida portet equis.

## ELEGIA IIII.

Ad Priapum.

Sic umbrosa tibi contingant tecta Priape,  
 Ne capiti soles, ne noceantq; niues:  
 Quæ tua formosos cæpit solertia? ceriè  
 Non tibi barba nitet, non tibi culta coma est.



*Nudus, & hybernae producis frigora brumæ,  
 Nudus & æstiuæ tempora sicca canis.  
 Sic ego. tum Bacchi respondit rustica proles,  
 Armatus curua sic mihi falce Deus:  
 O fuge te teneræ puerorum credere turba:  
 Nam causam iusti semper amoris habent.  
 Hic placet, angustis quod equum compescit habenis:  
 Hic placidam niueo pectore pellit aquam:  
 Hic, quia fortis adest audacia, cepit: at illi  
 Virgineus teneras stat pudor ante genas.  
 Sed ne te capiant, primò si fortè negabit,  
 Tædia: paulatim sub iuga colla dabit.  
 LONGA dies homini docuit parere leones,  
 Longa dies molli saxa peredit aqua.  
 ANNVS in apricis maturat collibus uvas:  
 Annus agit certa lucida signa uice.  
 Nec iurare time: Veneris periuria uenti  
 Irrita per terras, & freta summa ferunt.  
 Gratia magna Ioui: uetuit pater ipse ualere,  
 Iurasset cupide quicquid ineptus amor:  
 Perq; suas impune sinit Dictynna sagittas  
 Affirmes, crines perq; Minerva suos.  
 At si tardus eris: errabis: transiet ætas  
 Quàm citò: NON segnis stat, remeatq; dies,  
 Quàm citò purpureos deperdit terra colores,  
 Quàm citò formosas populus alta comas:  
 Quàm iacet, infirmæ uenere ubi fata senectæ,  
 Qui prior Elæo est carcere missus equus.  
 Vidi iam iuuenem, premeret cùm serior ætas*

*Mæren*

*Mœrentem, stultos præterijſſe dies.  
Crudeles diui: ſerpens nouus exiit annos:  
Formæ non ullam fata dedere moram.  
Solis æterna eſt Phœbo, Bacchoq; iuuenta:  
Nam decet intonſus crinis utrunq; Deum.  
Tu puero quodcunq; tuo tentare libebit.  
Cedas, obſequio plurima uincit Amor.  
Neu comes ire neges, quamuis uia longa paretur:  
Et canis arenti torreat arua ſui.  
Quamuis prætexens picta ferrugine cœlum  
Venturam admittat hymbrifer arcus aquam.  
Vel ſi cæruleas puppi uolet ire per undas,  
Ipſe leuem remo per freta pelle ratem.  
Nec te pœniteat duros ſubiſſe labores,  
Aut operi inſuetas attenuaſſe manus.  
Nec, uelit inſidijs alios ſi claudere ualles,  
Dum placeas, humeri retia ferre negent.  
Si uolet arma, leui tentabis ludere dextra,  
Sæpe dabis nudum uincat ut ille latus.  
Tunc tibi mitis erit: rapias tum chara licebit  
Oſcula: pugnabit, ſed tamen apta dabit.  
Rapta dabit primo, poſt offeret ipſe uolenti,  
Poſt etiam collo ſe implicuiſſe uolet.  
Heu, malè nunc artes miſeras hæc ſecula tractant:  
Iam tener aſſueuit munera uelle puer.  
Iam tua, qui Venerem docuiſti uendere primus,  
Quiſquis es, infelix urgeat oſſa lapis.  
Pieridas pueri, doctos & amate poëtæ:  
Aurca nec ſuperent munera Pieridas.*



*Carmine purpurea est Nisi coma: carmina ni sint,  
 Ex humero Pelopis non nituisset ebur.  
 Quem referent Musæ, uiuet, dum robora tellus,  
 Dum cœlum stellas, dum uehet amnis aquas.  
 At qui non audit Musas, qui uendit amorem,  
 Idææ currus ille sequatur Opis:  
 Et tercentenas erroribus expleat urbes:  
 Et secet ad Phrygios uilia membra modos.  
 Blanditijs uult esse locum Venus ipsa querelis  
 Supplicibus: miseris flentibus illa fauet.  
 Hæc mihi, quæ canerem Tityo Deus edidit ore,  
 Sed Tityum coniunx hæc meminisse uetat.  
 Pareat ille suæ: uos me celebrate magistrum,  
 Quos malè habet multa callidus arte puer.  
 Gloria cuiq; sua est: me, qui spernentur amantes,  
 Consultanti: cunctis ianua nostra patet.  
 Tempus erit, cùm me Veneris præcepta ferentem  
 Deducat iuuenum sedula turba senem.  
 Eheu quàm Marathus lento me torquet amore:  
 Deficiunt artes, deficiuntq; doli.  
 Parce puer quaso, ne turpis fabula fiam,  
 Cùm mea ridebunt uana magisteria.*

## E L E G I A V.

**A** sper erã, & bene dissidiũ me ferre loquebar:  
 At mihi nunc longè gloria fortis abest.  
 Nanq; agor: ut per plana citus sola uerbere turbo,  
 Quem celer assueta uersat ab arte puer.  
 Vre ferum, & torque: libeat ne dicere quicquam  
 Magnificum, posthac horrida uerba doma.

Parce

Parce tamen: per te furtivi foedera lecti,  
Per Venerem quaeso, compositumq; caput.  
Ille ego, cum tristi morbo defessa iaccres,  
Te dicor votis eripuisse meus.  
Ipse q; ter circum lustravit sulfure puro,  
Carmines cum magico praecinisset anus.  
Ipse procuravi, ne possent saeva nocere  
Somnia, ter salsa deueneranda mola.  
Ipse ego uelatus filo, tunicisq; solutis,  
Vota nouem Veneri nocte silente dedi.  
Omnia persolui: fruitur nunc alter amor,  
Et precibus felix utitur ille meis.  
At mihi felicem uitam, si salua fuisses,  
Fingebam demens: sed renuente Deo.  
Rura colam, frugumq; aderit mea Delia custos,  
Area dum messes sole cadente teret.  
Aut mihi seruabit plenis in lyntribus uuas,  
Pressaq; ueloci candida musta pede.  
Consuescet numerare pecus, consuescet amantis  
Garrulus in domine ludere uerna sinus.  
Illa deo sciet agricolae pro uitis uiam,  
Pro segete spicas, pro grege ferre dapem.  
Illa regat cunctos: illi sint omnia cura:  
Et iuuat in tota me nihil esse domo.  
Huc ueniet Messala meus, cui dulcia pomae  
Delia selectis detrahet arboribus.  
Et tantum uenerata uirum, hunc sedula curet,  
Huic paret, atq; epulas ipsa ministra gerat.  
Hac mihi fingebam, quae nunc Caurusq;, Notusq;  
Iactat



Iactat odoratos uota per Armenios.  
 Sæpe ego tentavi curas depellere uino,  
 At dolor, in lacrymas uerterat omne merum.  
 Sæpe aliam tenui: sed iam cum gaudia adirem,  
 Admonuit dominæ, deseruiq; Venus.  
 Tunc me discedens deuotum fœmina dixit:  
 Et pudet: & narrat scire nefanda mea.  
 Non facit hoc uerbis: facie, tenerisq; lacertis  
 Deuouet, & flauis nostra puella comis.  
 Talis ad Aemonium Neræis Pelea quondam  
 Vecta est frenato cæcula pisce Thetis.  
 Hæc nocuere mihi, quod adest huic diues amator:  
 Venit in exitium callida lena meum.  
 Sanguineas edat illa dapes, atq; ore cruento  
 Tristia cum multo pocula felle bibat.  
 Hanc uolitent animæ circum sua fata querentes  
 Semper, & è tectis strix uiolenta canat:  
 Ipsa fame stimulante furens, herbasq; sepulcris  
 Quærat, & à seuis ossa relictâ lupis.  
 Currat & inguinibus nudis, ululeiq; per urbes,  
 Post agat hanc triuijs aspera turba canum.  
 Eueniet: dat signa Deus: sunt numina amanti:  
 Sæuit & iniusta lege relictâ Venus.  
 At tu quàm primùm sage præcepta rapacis  
 Desere: N A M donis uincitur omnis amor.  
 Pauper erit præstò tibi, præstò pauper adibit  
 Primus, & in tenero fixus erit latere:  
 Pauper in angustò fidus comes agmine turba,  
 Subiicietq; manus, efficietq; uiam:

Paup

*Pauper ad occultos furtim deducet amicos,  
 Vinclaq; de nuceo detrahet ipse pede.  
 Heu canimus frustra: nec uerbis uicta patescit  
 Ianua, sed plena est percutienda manu.  
 At tu, qui potior nunc es, mea furtiva caueo:  
 VERSATUR celeri fors levis orbe rota.  
 Non frustra quidam iam nunc in limine perstat  
 Sedulus, ac crebro prospicit, ac refugit:  
 Et simulat transire domum, mox deinde recurrit  
 Solus, & ante ipsas excreat usq; fores.  
 Nescio quid furtiuus amor parat: utere quaeso  
 Dum licet: in liquida nat tibi lynter aqua.*

## ELEGIA VI.

*S*emper ut inducar, blandos offers mihi uultus,  
 Post tamē es misero tristis, & asper, Amor.  
 Quid tibi seuitia mecum est? an gloria magna,  
 Insidias homini composuisse Deum?  
 Iam mihi tenduntur casses, iam Delia furtim  
 Nescio quem tacita callida nocte fouet.  
 Illa quidem tam multa negat: sed credere durū est,  
 Sic etiam de me pernegat usq; uiro.  
 Ipse miser docui, quo posset ludere pacto  
 Custodes, eheu nunc premor arte mea.  
 Fingere tunc didicit causas, cur sola cubaret:  
 Cardine tunc tacito uertere posse fores.  
 Tunc succos, herbasq; dedi, queis liuor abiret,  
 Quem facit impresso mutua dente Venus.  
 At tu fallacis coniux incaute puella,  
 Me quoq; seruato, peccet ut illa nihil.

Nen



Neu iuuenes celebret multo sermone caueto,  
Ne'ue cubet laxo pectus aperta sinu.  
Neu te decipiat nutu, digitoq; liquorem  
Ne trahat, & mensa ducat in orbe notas.  
Exibit quàm sepe time: seu uisere dicet  
Sacra bonæ maribus non adeunda deæ.  
At mihi si credas, illam sequar unus ad aras:  
Tunc mihi non oculis sit timuisse meis.  
Sæpe uelut gemmas eius, signumq; probarem,  
Per causam memini me tetigisse manum.  
Sæpe mero somnum peperit tibi: at ipse bibebam  
Sobria supposita pocula uictor aqua.  
Non ego te læsi prudens: ignosce fatenti:  
Iussit amor: C O N T R A quis ferat arma deos?  
Ille ego sum, nec me iam dicere uera pudebit,  
Instabat tota cui tua nocte canis.  
Quid tenera tibi coniuge opus, tua si bona nescis  
Seruare? ah frustra clauis inest foribus.  
Te tenet: absentes alios suspirat amores:  
Et simulat, subito condoluisse caput.  
At mihi seruandam credas, non sæua recuso  
Verbera, de recto non ego uincla pedum.  
Tunc procul absitis, quisquis colit arte capillos,  
Effluit effuso cui toga lapsa sinu.  
Quisquis & occurreret, ne possit crimen habere,  
Siet procul, aut alia stet procul antè uia.  
Sic fieri iubet ipse Deus sic magna sacerdos  
Est mihi diuino uaticinata sono.  
Hæc ubi Bellonæ motu est agitata, nec acrem

Flam

Flammam, non amens uerbera toria timet.  
Ipsa bipenne suos cædit uiolenta lacertos,  
Sanguineq; effuso spargit inulta deam:  
Statq; latus præfixa ueru, stat saucia pectus:  
Et canit euentus, quos dea magna monet.  
Parcite, quam custodit amor, uiolare puellam:  
Ne pigeat magno post didicisse malo.  
Attigerit, labentur opes ut uulnere nostro  
Sanguis: ut hic uentis diripiturq; cinis.  
Et tibi nescio quas dixit mea Delia pœnas:  
Si tamen admittas, sit precor illa leuis.  
Non ego te propter parco tibi: sed tua mater  
Me monet, atq; iras aurea uincit anus.  
Hæc mihi te adducit tenebris, multoq; timore  
Coniungit nostras clam taciturna manus.  
Hæc foribusq; manet noctu me affixa: proculq;  
Cognoscit strepitus, me ueniente, pedum.  
Vive diu mihi dulcis anus: proprios ego tecum,  
Sit modò fas, annos contribuisse uelim.  
Te semper, natamq; tuam te propter amabo:  
Quicquid agit, sanguis est tamen illa tuus.  
Sit modò casta doce: quamuis non uitta ligatos  
Impediat crines, nec stola longa pedes.  
Et mihi sint duræ leges: laudare nec ullam  
Possum, quin oculos appetat illa meos.  
Et siquid peccasse putat, ducorq; capillis  
Immeruò, proprias proripiorq; uias.  
Non ego te pulsare uelim: sed uenerit iste  
Si furor, optarim non habuisse manus.

Nec



*Nec scæuo sis casta metu, sed mente fideli  
 Mutuus absenti te mihi seruet amor.  
 Nam quæ fida fuit nulli, post uicta senecta  
 Ducit inops tremula stamina torta manu:  
 Firmaq; conductis adnectit licia telis,  
 Tractaq; de niueo uellere dente putat.  
 Hanc animo gaudente uident, iuuenumq; caterua  
 Commemorant meritò tot mala ferre senem.  
 Hanc Venus ex alto flentem sublimis Olympo  
 Spectat: & infidis quòd sic acerba, monet.  
 Hæc alijs maledicta cadant: nos Delia amoris  
 Exemplum cana simus uterq; coma.*

## ELEGIA VII.

**H**unc cecinere diem Parca, fatalia nentes  
 Stamina, non ulli dissoluenda Deo:  
 Hunc fore Aquitanas posset qui fundere gentes,  
 Quem tremeret forti milite uictus Atax.  
 Euenere: nouos pubes Romana triumphos  
 Vidit, & euinctos brachia capta duces.  
 At te uictrices lauros Messala gerentem  
 Portabat niueis currus eburnus equis.  
 Non sine me est tibi partus honos, tua bella: Pyrene  
 Testis, & oceani littora Sanctonici.  
 Testis Arar, Rhodanusq; celer, magnusq; Garū-  
 Carnoti & flauī, cærulea lymp̃ha Liger. (næ  
 At te Cydne canam, tacitis qui leniter undis  
 Cæruleus placidis per uada serpis aquis:  
 Quantus & æthereo contingens uertice nubes  
 Frigidus intonsos Taurus arat Cilicas.

Quid

Quid referam, ut uolitet crebras intacta per urbes  
Alba Palestino sancta columba Syro?  
Viq; maris uastum prospectet turribus equor  
Prima ratem uentis credere docta Tyros?  
Qualis & arentes cum findit Sirius agros  
Fertilis aestiua Nilus abundet aqua?  
Nile pater, quanam possum te dicere causa,  
Aut quibus in terris oculuisse caput?  
Te propter nullos tellus tua postulat hymbres,  
Arida nec pluuio supplicat herba Ioui.  
Te canit, atq; suum proles miratur Osirim,  
Barbara Memphiten plangere docta bouem.  
Primus aratra manu solerti fecit Osiris,  
Et teneram ferro sollicitauit humum:  
Primus inexpertæ commisit semina terræ,  
Pomaq; non notis legit ab arboribus:  
Hic docuit teneram palis adiungere uitem,  
Hic uiridem dura cedere falce comam:  
Illi iucundos primum matura saporis  
Expressa incultis uua dedit pedibus.  
Ille liquor docuit uoces inflectere cantu,  
Mouit & ad certos nescia membra modos.  
Bacchus & agricolæ magno confecta labore  
Pectora tristitiæ dissoluenda dedit:  
Bacchus & afflictis requiem mortalibus affert,  
Crura licet dura compede pulsa sonent.  
Non tibi sunt tristes curæ, non luctus Osiri:  
Sed chorus, & cantus lenis, & aptus amor:  
Sed uarij flores, & frons redimita corymbis,



*Fusa sed ad teneros lutea palla pedes:  
 Et Tyria uestes, & dulcis tibia cantus,  
 Et leuis occultis conscia cista sacris.  
 Huc ades, & centum ludos, geniumq; choreis  
 Concelebra, & multo tempora funde mero.  
 Alius è niuido stillent unguenta capillo:  
 Et capite, & collo mollia ferta gerat.  
 Sic uenias hodiernæ tibi, dum turis honores,  
 Liba & Mopsopio dulcia melle feram.  
 At tibi subcrescat proles, quæ facta parentis  
 Augeat, & circa stet ueneranda senem.  
 Non taceam monimenta uie, quæ Tuscula tellus,  
 Candidaq; antiquo detinet Alba lare.  
 Nanq; opibus congesta tuis hîc glarea dura  
 Sternitur, hîc apta iungitur arte silex.  
 Te canit agricola è magna cùm uenerit urbe  
 Serus, inoffensum rettuleritq; pedem.  
 At tu natalis multos celebrande per annos,  
 Candidior semper, candidiorq; ueni.*

## ELEGIA VIII.

**N**on ego celarim, possit quid nutus amanti,  
 Quid uerferant mihi lenia uerba sono.  
 Nec mihi sunt sortes, nec conscia fibra deorum,  
 Præcinit euentus nec mihi cantus auis.  
 Ipsa Venus magico religatum brachia nodo  
 Perdocuit, multis non sine uerberibus.  
 Desine dissimulare, DEVS crudelius urit,  
 Quos uidet inuitos succubuisse sibi.  
 Quid tibi nunc molles prodest coluisse capillos,

Sapeq;

Sæpeq; mutatas disposuisse comas?  
 Quid fucos splendente comas ornare? quid ungues  
 Artificis docta subsecuisse manu?  
 Frustra iam uestes: frustra mutantur amictus,  
 Ansaq; compressos colligat arcta pedes.  
 Illa placet, quamuis inculto uenerit ore,  
 Nec nitidum tarda compserit arte caput.  
 Num te carminibus, num te pallentibus herbis  
 Deuouit tacito tempore noctis anus?  
 Cantus uicinis fruges traducit ab agris,  
 Cantus & irata detinet anguis iter:  
 Cantus & è curru lunam deducere tentat,  
 Et faceret, si non æra repulsa sonent.  
 Quid queror heu miser carmē nocuisse? qd herbas?  
 FORMA nihil magicis utitur auxilijs.  
 Sed corpus tetigisse nocet, sed longa dedisse  
 Oscula, sed femori conseruisse semur.  
 Nec tu difficilis puero tamen esse memento:  
 Persequitur pœnis tristitia facta Venus.  
 Munera ne poscas: dei munera canus amator,  
 Ut foueat molli frigida membra sinu.  
 Charior est auro iuuenis, cui leuia fulgent  
 Ora, nec amplexus aspera barba terit.  
 Huic tu candentes humero suppone lacertos,  
 Et regum magnæ despiciantur opes.  
 At Venus inuenit puero concumbere furtim,  
 Dum timet, & teneros conserit usq; sinus:  
 Et dare anhelanti pugnantis humida linguis  
 Oscula, & in collo figere dente notas.



*Non lapis hanc, gemmaq; iuuant, quæ frigore sola  
Dormiat, & nulli sit cupienda viro.*

*Heu serò reuocatur amor, seroq; iuuenta,  
Cum uetus infecit cana senecta caput.*

*Tum studiū formæ est, coma cum mutatur, ut annos  
Disimulet uiridi cortice tincta nucis:*

*Tollere tunc cura est albos à stirpe capillos,  
Et faciem dempta pelle referre nouam.*

*At tu dum primi floret tibi temporis ætas,  
Vtere: non tardo labitur illa pæde.*

*Heu Marathū torques: puero quæ gloria uicto est?  
In ueteres esto dura puella senes.*

*Parce precor tenero: non illi sonica causa est,  
Sed nimius luteo corpora tingit amor.*

*Ver miser absenti mæstas quàm sæpe querelas  
Conijcit, & lacrymis omnia plena madent!*

*Quid me spernis? ait: poterat custodia falli:  
Ipse dedit cupidis fallere posse Deus.*

*Nota Venus furtiua mihi est, ut lenis agatur  
Spiritus, ut nec dent oscula rapta sonum.*

*Et possum media quamuis obrepere nocte:  
Et strepitum nullo clam reserare fores.*

*Quid prosunt artes, miserum si spernit amantem,  
Et fugit ex ipso sæua puella toro?*

*Vel cum promittit subito, sed perfida fallit,  
Est mihi nox multis euigilanda modis.*

*Dum mihi uenturam fingo, quodcunq; mouetur,  
Illius credo tunc sonuisse pedes.*

*Desistas lacrymare, puer: non frangitur illa,*

*Et*

*Et tua iam fletu lumina fessa tument.  
 Oderunt Pholoës (moneo) fastidia diui,  
 Nec prodest, sanctis tura dedisse focus.  
 Hic Marathus quōdam miseros ludebat amantes,  
 Nescius ultorem post caput esse deum.  
 Sæpe etiam lacrymis fertur risisse dolentis,  
 Et cupidum ficta detinuisse mora.  
 Nunc omneis odit fastus, nunc displicet illi  
 Quæcunq; opposita est ianua firma sera.  
 At te pœna manet, nisi desinis esse superba.  
 Quàm cupies uotis hunc reuocare diem!*

## ELEGIA IX.

*Q*uid mihi, si fueras miseros laesus amoris,  
 Fœdera per diuos clàm uiolanda dabas?  
*Ah miser: ET SI QVIS primò periuria celat,  
 Sera tamen tacitis pœna uenit pedibus.  
 Parcite cœlestes: æquum est, impunè licere  
 Numina formosis ledere uestra semel.  
 Lucra petens habili tauros adiungit aratro,  
 Et durum terræ rusticus urget opus.  
 Lucra petitueros parentia per freta uentis  
 Ducunt instabiles sidera certa rates.  
 Muneribus meus est captus puer: at Deus illa  
 In cinerem, & liquidas munera uertat aquas.  
 Iam mihi persoluet pœnas: puluisq; decorum  
 Detrahet, & uentis horrida facta coma.  
 Vretur facies, urentur sole capilli:  
 Deteret inuálidos & uia longa pedes.  
 Admonui quoties, Auro ne pollue formam,*



S A E P E solent auro multa subesse mala.  
Diuitijs captus si quis uiolauit amorem,  
Asperaq; est illi, difficilisq; Venus.  
Vre meum potius flamma caput, & pete ferro  
Corpus, & intorto uerberare terga seca.  
Nec tibi celanti fas sit peccare: paranti  
Sit Deus, occultos qui uetet esse dolos.  
Ipse Deus tacito permisit lenè ministro,  
Ederet ut multo libera uerba mero.  
Ipse Deus somno domitos emittere uocem  
Iussit, & inuitos facta tegenda loqui.  
Hæc ego dicebam: nunc me fleuisse loquentem,  
Nunc pudet ad teneros procubuisse pedes.  
Tum mihi iurabas, nullo te diuitis auri  
Pondere, non gemmis uendere uelle fidem:  
Non tibi si pretium Campania terra daretur,  
Non tibi si Bacchi cura Falernus ager.  
Illis eriperes uerbis, mihi sidera cœli  
Lucere, & puras fluminis esse uias.  
Quin etiam flebas: at non ego fallere doctus  
Tergebam humentes credulus usq; genas.  
Quid facerem? nisi & ipse fores in amore puellæ:  
Sit precor exemplo sed leuis illa tuo.  
O quoties uerbis ne quisquam conscius esset,  
Ipse comes multa lumina nocte tuli.  
Sæpe insperanti uenit tibi munere nostro,  
Sed latuit clausas post adoperta fores.  
Tum miser interij stultè confisus amari:  
Nam poteram ad laqueos cauior esse tuos.

Quin

Quin etiam attonita laudes tibi mente canebam:  
Et me nunc nostri, Pieridumq; pudet.  
Illa uelim rapida Vulcanus carmina flamma  
Torreat, & liquida deleat amnis aqua.  
Tu procul hinc absis, cui formam uendere cure est,  
Et pretium plena grande referre manu.  
At te, qui puerum donis corrumpere es ausus,  
Rideat assiduis uxor inulta dolis:  
Et cum furtiuo iuuenem lassauerit usu,  
Tecum interposita languida ueste cubet.  
Sint externa tuo semper uestigia lecto,  
Et pateat cupidis semper aperta domus.  
Nec lasciuia soror dicatur plura bibisse  
Pocula, uel plures emeruisse uiros.  
Illam sepe ferunt conuiuia ducere Baccho,  
Dum rota luciferi prouocet orta diem.  
Illa queat nullam melius consumere noctem,  
Atq; operum uarias disposuisse uices.  
At tua perdidicit: nec tu stultissime sentis,  
Cum tibi non solita corpus ab arte mouet.  
Tu'ne putas illam pro te disponere crines?  
Aut tennes denso pectere dente comas?  
Ista hæc persuadet facies, auroq; lacertos  
Vinciat, & Tyrio prodeat apta sinu:  
Non tibi, sed iuueni cuidam uultu bella uideri:  
Deuoneat pro quo remq; domumq; tuam.  
Nec facit hoc iuuio: sed corpora fæda podagra,  
Et senis amplexus culta puella fugit.  
Huic tamen accubuit noster puer: hunc ego credam



Cum trucibus Venerem iungere posse feris.  
 Blanditias'ne meas alij tu uendere es ausus?  
 Tu'ne alijs demens oscula ferre mea?  
 Tunc flebis, cum me uinctum puer alter habebit,  
 Et geret in gremio regna superba tuo.  
 At tua tum me poena iuuet: Veneriq; merenti  
 Fixa notet casus aurea palma meos.  
 Hanc tibi fallaci resolutus amore Tibullus  
 Dedicat, & grata sis Dea mente, rogat.

## E L E G I A X.

**Q**uis fuit, horrendos primus qui protulit enses?  
 Quam ferus, & uerè ferreus ille fuit!  
 Tunc cades hominum, generi tunc praelia nata,  
 Tunc breuior diræ mortis aperta uia est.  
 At nihil ille miser meruit: nos ad mala nostra  
 Vertimus, in seuas quod dedit ille feras.  
 Diuitis hoc uitium est auri: nec bella fuerunt,  
 Faginus astabat cum scyphus ante dapes:  
 Non arces, non uallus erat, somnumq; petebat  
 Securus uarias dux gregis inter oues.  
 Tunc mihi uita foret, uulgi nec tristia nossem  
 Arma, nec audissem corde tremante tubam,  
 Nunc ad bella trahor: & iam quis forsitan hostis  
 Hæsuræ in nostro tela gerit latere.  
 Sed patrij seruate Lares: aluistis & iidem,  
 Cursarem uestros cum tener ante pedes.  
 Neu pudeat, prisco uos esse è stipite factos:  
 Sic ueteris sedes incoluistis ani.  
 Tunc melius tenuere fidem, cum paupere cultu

*Stabat in exigua ligneus æde Deus.  
Hic placatus erat, seu quis libauerat uiam,  
seu dederat sanctæ spiceaserta comæ.  
Atq; aliquis uoti compos liba ipsa ferebat,  
Postq; comes purum filia parua fauum.  
At nobis ærata Lares depellite tela,  
Hostiaq; è plena rustica porcus hara:  
Hanc pura cum ueste sequar: myrtoq; canistra  
Vineta geram, myrto uinctus & ipse caput.  
Sic placeam uobis, alius sit fortis in armis:  
Sternat & aduersos, Marte fauente, duces.  
Ut mihi potanti possit sua dicere facta  
Miles, & in mensa pingere castra mero.  
Quis furor est atram bellis accersere mortem?  
Imminet, & tacito clam uenit illa pede.  
Non seges est infrà, non uinea culta: sed audax  
Cerberus, & Stygiæ nauita puppis aquæ.  
Illic percussisq; genis, ustoq; capillo  
Errat ad obscuros pallida turba lacus.  
Quàm potius laudandus hic est, quem prole parata  
Occupat in parua pigra senecta casa?  
Ipse suas sectatur oues, at filius agnos,  
Et calidam fesso comparat uxor aquam.  
Sic ego sim, liceatq; caput candescere canis,  
Temporis & prisca facta referre senem.  
Interea Pax arua colat: Pax candida primum  
Duxit araturos sub iuga curua boues:  
Pax aluit uites, & succos condidit uua,  
Funderet ut nato testa paterna merum,*



*Pace bidens, uomerq; uigent: at tristia duri  
Militis in tenebris occupat arma situs.  
Rusticus è lucoq; uehit malè sobrius ipso  
Vxorem plaustro, progeniemq; domum.  
Sed Veneris tunc bella calent: scissosq; capillos  
Foemina, perfractas conqueriturq; fores.  
Flet teneras subitusa genas, sed uictor & ipse  
Flet sibi dementes tam ualuisse manus.  
At lasciuus Amor rixæ mala uerba ministrat,  
Inter & iratum lenius utrunq; sedet.  
Ah lapis est, ferrumq; suam quicunq; puellam  
Verberat, è cœlo diripit ille Deos.  
Sit satis è membris tenuem perscindere uestem,  
Sit satis ornatas dissoluisse comas:  
Sit lacrymas mouisse satis: quater ille beatus,  
Quo tenera irato flere puella potest.  
Sed manibus qui seuus erit, scutumq; sudemq;  
Is gerat: & mihi sit procul à Venere.  
At nobis Pax alma ueni, spicamq; teneto,  
Perfluat & pomis candidus antè sinus.*

F I N I S.

ALBII TIBULLI  
EQUITIS ROMANI  
LIBER II.



VISQVIS adest, ualeat: fruges  
lustramus, & agros,  
Ritus ut à prisco tradit<sup>9</sup> extat auo.  
Bacche ueni, dulcisq; tuis è corni-  
bus uua

Pendeat: & spicis tempora cinge Ceres.  
Luce sacra requiescat humus, requiescat arator,  
Et graue suspensò uomere cesset opus.  
Soluite uincla iugis: nunc ad præsepia debent  
Plena coronato stare boues capite.  
Omnia sint operata Deo: non audeat ulla  
Lanificam pensis imposuisse manum.  
Vos quoq; abesse procul iubeo, discedat ab aris  
Cui tulit hesternæ gaudia nocte Venus.  
CASTA placent superis: pura cum ueste uenite,  
Et manibus puris sumite fontis aquam.  
Cernite fulgentes ut eat sacer agnus ad aras,  
Vinctaq; post olea candida turba comas.  
Dij patrj purgamus agros, purgamus agrestes:  
Vos mala de nostris pellite limitibus.  
Neu seges eludat messem fallacibus herbis,  
Neu timeat celeres tardior agna lupos.  
Tunc nitidus plenis confusus rusticus agris  
Ingerat ardenti grandia ligna foco.  
Turbaq; uernarum saturi bona signa coloni

Ludet.



Ludet, & ex uirgis extruet arte casas.  
Euentura precor: uidén' ut felicibus extis  
Significet placidos nuntia fibra Deos?  
Nunc mihi fumosos ueteris proferte falernos  
Consulis, & Chio soluite uincla cado.  
Vina diem celebrent: non fêsta luce madere  
Est rubor, errantes & malè ferre pedes.  
Sed bene Messalam sua quisq; ad pocula dicat:  
Nomen & absentis singula uerba sonent.  
Gentis Aquitanae celebr Messala triumphis,  
Et magna intonsis gloria uictor, ades.  
Huc ades: aspiraq; mihi, dum carmine nostro  
Redditur agricolis gratia cœliiibus.  
Rura cano, rurisq; Deos: his uita magistris  
Desuevit querna pellere glande famem.  
Illi composuis primun. docuere rigillis  
Exiguam uiridi fronde operire domum.  
Illi etiam tauros primi docuisse feruntur  
Seruitium, & plaustro, supposuisse rotam.  
Tunc uictus abiere feri, tunc consita pomus,  
Tunc bibit irriguas feruilis hortus aquas.  
Aurea tunc pressos pedibus dedit uua liquores,  
Mistaq; securo est sobria lympa mero.  
Rura ferunt messes, calidi cùm sideris æstu  
Deponit flauas annua terra comas.  
Rure leuis uerno flores apis ingerit alueo,  
Compleat ut dulci sedula melle fauos.  
Agricola assiduo primùm satiatus aratro  
Cantauit certo rustica uerba pede:

Et

*Et satur arenti primùm est modulatus auena  
Carmen, ut ornatos duceret ante Deos.  
Agricola & minio suffusus Bacche rubenti  
Primus in experta duxit ab urbe choros.  
Huic datus à pleno memorabile munus ouili  
Dux pecoris hircus auxerat, hircus oves.  
Rure puer uerno primum de flore coronam  
Fecit, & antiquis imposuit laribus.  
Rure etiam teneris curam exhibitura puellis  
Molle gerit tergo lucida uellus ouis.  
Hinc & foemineus labor est: hinc pensa, colusq;  
Fusus & apposito pollice uersat opus.  
Atq; aliqua assiduè textrix operata Minervam  
Cantat, & appulso tela sonat latere.  
Ipse quoq; inter agros, interq; armenta Cupido  
Natus, & indomitas dicitur inter equas.  
Illic indocto primùm se exercuit arcu:  
Hei mihi quàm doctas nunc habet ille manus.  
Nec pecudes uelut antè petit: fixisse puellas  
Gestit, & audaces perdomuisse uiros.  
Hic iuueni detraxit opes, hic dicere iussit  
Limen ad iratae uerba pudenda senem.  
Hoc duce custodes furtim transgressa iacentes  
Ad iuuenem tenebris sola puella uenit:  
Et pedibus prætentat iter suspensa timore,  
Explorat cæcas cui manus antè uias.  
Ah miseri, quos hic grauius Deus urget: at ille  
Felix, cui placidus leniter afflat amor.  
Sancte ueni dapibus festis: sed pone sagittas,*

*Et*



*Et procul ardentem hinc precor abde faces:  
 Vos celebrem cantate Deum: pecoriq; uocate  
 Voce Palem, pecori clam sibi quisq; uocet.  
 Aut etiam sibi quisq; palam: nam turba iocosa  
 Ostrepat, & Phrygio tibia curua sono.  
 Iudite: iam nox iungit equos, currumq; sequuntur  
 Matris lasciuo sidera fulua choro.  
 Postq; uenit tacitus fuluis circumdatus alis  
 Somnus, & incerto somnia nigra pede.*

## E L E G I A I I.

*D*icamus bona uerba: uenit natalis ad aras,  
 Quisquis ades, lingua uir, mulierq; auc.  
 Vrantur pia tura focis: urantur odores,  
 Quos tener à terra diuine mittit Arabs.  
 Ipse suos Genius adsit uisurus honores,  
 Cui decorent sanctas florea ferta comas.  
 Illius è puro distillent tempora nardo:  
 Atq; satur libo sit, madeatq; mero:  
 Annuat & Cherinte tibi quodcunq; rogabis.  
 En age quid cessas? annuit ille, roga.  
 Auguror, uxoris fidos optabis amores:  
 Iam reor hoc ipsos edidicisse Deos.  
 Nec tibi malueris totum quaecunq; per orbem  
 Fortis arat ualido rusticus arua boue.  
 Nec tibi gemmarum quicquid felicibus undis  
 Nasctur, Eoi quàm maris unda rubet.  
 Vota cadunt: utinam strepitanibus aduolet alis,  
 Flauaq; coniugio uincula portet Amor.  
 Vincula quæ maneant semper, dum tarda senectus

Induc

Inducat rugas, inficiatq; comas.  
 Huc ueniat natalis auis, prolemq; ministret.  
 Ludit & ante tuos turba nouella pedes.

## ELEGIA III.

**R**ura tenent, Cornute, meam, uillæq; puellam:  
 Ferreus est eheu quisquis in urbe manet.  
 Ipsa Venus latos iam nunc migravit in agros,  
 Verbaq; aratoris rustica discit Amor.  
 O ego cum dominam aspicerem, quam fortiter illis  
 Versarem ualido pingue bidente solum:  
 Agricolaq; modò curuum sectarer aratrum,  
 Dum subigunt steriles arua serenda boues:  
 Nec quererem quòd sol graciles exureret artus,  
 Laderet aut teneras pustula rupta manus.  
 Pauit & Admeti tauros formosus Apollo:  
 Nec cithara, intonsæ profuerunt ue comæ:  
 Nec potuit curas sanare salubribus herbis:  
 Quicquid erat medicæ uicerat artis Amor.  
 Ipse Deus solitus stabulis expellere uaccas,  
 Et potum pastas ducere fluminibus:  
 Et miscere nouo docuisse coagula lacte,  
 Lacteus & mistus obriguisset liquor.  
 Tunc fiscella leui detexta est uimine iunci,  
 Raraq; per nexus est uia facta sero.  
 Ah quoties illo uitulum gestante per agros  
 Dicitur occurrens erubuisse soror.  
 Ah quoties ausæ, caneret dum ualle sub alta,  
 Rumpere mugitu carmina docta boues.  
 Sæpe duces trepidis petiere oracula rebus,

Venis



*Venit & à templis irrita turba domum.  
Sæpe horrere sacros doluit Latona capillos,  
Quos admirata est ipsa nouerca prius.  
Quisquis inornatumq; caput, crinesq; solutos  
Aspiceret, Phœbi quæreretur ille comam.  
Delos ubi nunc Phœbe tua est, ubi Delphica Pytho?  
Nempe amor in parua te iubet esse casa.  
Felices olim Veneri cùm fertur aperte  
Servire æternos non puduisse Deos.  
Fabula nunc ille est, sed cui sua cura puella:  
Fabula sit, mauult, quàm sine amore Deus.  
At tu quisquis is es, cui tristi fronte Cupido  
Imperitat, nostra sint tua castra domo.  
Ferrea non Venerem, sed prædam secula laudant:  
Præda tamen multis est operata malis.  
Præda feras acies cinxit discordibus armis:  
Hinc cruor, hinc cædes, mors propiorq; uenit.  
Præda uago iussit geminare pericula Ponto,  
Bellica cum dubijs rostra dedit ratibus.  
Prædator cupit immensos obsidere campos,  
Ut mulio innumeram iugere pascat ouem.  
Cui lapis externus cure est, urbisq; tumultus,  
Portatur ualidis multa columna iugis.  
Claudit & indomitum moles mare, lentus ut intra  
Negligat hybernas piscis adesse minas.  
At tibi leta trahant Samiæ conuiuia testæ,  
Fictaq; Cumana lubrica terra rota.  
Eheu diuini uideo gaudere puellas:  
Iam ueniant prædæ, si Venus optat opes.*

*Vt*

*Vt mea luxuria Nemesis fluat, utq; per urbem:  
Incedat donis conspicienda meis.  
Illa gerat uestes tenues, quas foemina Coa  
Texuit, auratas disposuitq; uias.  
Illi sint comites fusci, quos India torret,  
Solis & admotis inficit ignis equis.  
Illi selectos certent praebeere colores  
Africa puniceum, purpureumq; Tyros.  
Nota loquor: regnum ipse tenet, quò saepe coëgit,  
Barbara gypsatos ferre catasta pedes.  
At tibi dura seges, Nemesis quæ ducis ab urbe,  
Perfoluat nulla semina terra fide.  
Et tu Bacche tener iucundæ consitor uuæ,  
Tu quoq; deuotos Bacche relinque lacus.  
Haud impunè licet formosas tristibus agris  
Abdere, non tanti sunt tua musta pater.  
O ualeant fruges, ne sint modò rure puellæ:  
Glans alat, & prisco more bibantur aquæ.  
Glans aluit ueteres, & passim semper amarunt,  
Quid nocuit sulcos non habuisse satos?  
Tum quibus aspirabat Amor, præbebat aperit  
Mitis in umbrosa gaudia ualle Venus.  
Nullus erat custos, nulla exclusura dolentes  
Ianua: si fas est, mos precor ille redi.  
Ah pereant artes, & mollia iura colendi,  
Desideratur non nihil.  
O utinam ueteri peragrantes more puellæ  
Horrida uillosa corpora ueste tegant.  
Nunc si clausa mea est, si copia rara uidendi,*



*Heu miserum, laxam quid iuuat esse togam?  
Ducite ad imperium domina, sulcabimus agros.  
Non ego me uinclis, uerberibusq; nego.*

## E L E G I A I I I I.

*S*ic mihi seruitium uideo, dominamq; paratam,  
Iam mihi libertas illa paterna uale.  
Seruitium sed triste datur, teneorq; catenis,  
Et nunquam misero uincla remittit Amor,  
Et seu quid merui, seu quid peccaui, uror:  
Uror, iò remoue seua puella faces.  
O ego ne possim tales sentire dolores,  
Quàm mallem in gelidis montibus esse lapis:  
Stare uel insanis cautes obnoxia uentis,  
Naufraga quam uasti tunderet unda maris.  
Nunc & amara dies, & noctis amarior umbra est:  
Omnia nam tristi tempora felle madent.  
Nec prosunt elegi, nec carminis autor Apollo:  
Illa caua pretium flagitat usq; manu.  
Ite procul Musæ, si non prodestis amanti:  
Non ego uos, ut sint bella canenda, colo.  
Nec refero solisq; uias: & qualis, ut orbem  
Compleuit, uersis luna recurraat equis.  
Ad dominam faciles aditus per carmina quero:  
Ite procul Musæ si nihil ista ualent.  
At mihi per cede, & facinus sunt dona parāda:  
Ne iaceam clausam flebilis ante domum.  
Aut rapiam suspensa sacris insignia fanis,  
Sed Venus ante alias est uiolanda mihi.  
Illa malum facinus suadet, dominamq; rapacem

Dat mihi: sacrilegas sentiat illa manus.  
O pereat quicumq; legit uiridesq; smaragdos,  
Et niueam Tyrio murice tingit ouem.  
Hic dat auaritia causas, & Coa puellis  
Vestis, & è rubro lucida concha mari.  
Hæc fecere malas: hinc clauem ianua sensit,  
Et cœpit custos liminis esse canis.  
Sed pretium si grande feras, custodia uicta est:  
Nec prohibent claues, & canis ipse tacet.  
Heu quicumq; dedit formam cœlestis auaræ,  
Quale bonum multus attulit ipse malis?  
Hinc fletus, rixæq; sonant: hæc deniq; causa  
Fecit, ut infamis hic Deus esset amor.  
At tibi, quæ pretio uictos excludis amantes,  
Eripiant partas uentus, & ignis opes.  
Quin tua tunc iuuenes spectent incendia læti,  
Nec quisquam flammæ sedulus addat aquam.  
Seu ueniet tibi mors, neq; erit, qui lugeat ullus,  
Nec qui det mœstas munus in exequias.  
At bona, quæ nec auara fuit, centum licet annos  
Vixerit, ardentem flebitur ante rogam:  
Atq; aliquis senior ueteres ueneratus amores  
Annua constructo ferta dabit tumulo,  
Et bene, discedens dicet, placideq; quiescas,  
Terraq; securæ sit super ossa leuis.  
Vera quidem moneo: sed prosunt quid mihi uera?  
Illius est nobis lege colendus amor.  
Quin etiam sedes iubeat si uendere auitas,  
Ite sub imperium, sub titulumq; lares.



Quicquid habet Circe, quicquid Medea uenenū,  
 Quicquid & herbarum Thessala terra gerit,  
 Et qd' ubi indomitis gregib' Venus afflat amores,  
 Hippomanes cupida stillat ab inguine equa.  
 Si modò me placido uideat Nemesis mea uultu:  
 Mille alias herbas misceat illa, bibam.

## E L E G I A V.

**P** Hæbe faue, nou' egreditur tua tēpla sacerdos,  
 Huc agè cum cithara, carminibusq; ueni.  
 Nunc te uocales impellere pollice chordas,  
 Nunc precor ad laudes flectere uerba meas.  
 Ipse triumphali deuinctus tempora lauro,  
 Dum cumulant aras, ad tua sacra ueni:  
 Sed nitidus, pulcherq; ueni: nunc indue uestem  
 Sepositam, longas nunc bene pecte comas.  
 Qualem te memorant Saturno rege fugato  
 Victori laudes concinuisse Ioui.  
 Tu procul euentura uides, tibi deditus augur  
 Scii bene quid fati prouida cantet auis.  
 Tuq; regis sortes, per te præsentiit aruspex,  
 Lubrica signauit cū Deus exta notis.  
 Te duce Romanos nunquàm frustrata Sibylla est,  
 Abdita quæ senis fata canit pedibus.  
 Phœbe sacras Messalinum sine tangere chartas  
 Vais: & ipse precor, quod canat illa, doce.  
 Hæc dedit Aeneæ sortes, postquam ille parentem  
 Dicitur, & captos sustinuisse lares.  
 Hæc fore credebat Romam, cū mœstus ab alto  
 Ilion, ardentes respiceretq; Deos.

Romulus æternæ nondum formauerat urbis  
 Mœnia, consorti non habitanda Remo.  
 Sed tunc pascebant herbosa palatia uaccæ,  
 Et stabant humiles in Iouis arce case.  
 Lacte madens illic suberat Pan ilicis umbræ,  
 Et facta agricolæ lignea falce Pales:  
 Pendebatq; uagi pastoris in arbore uotum  
 Garrula syluestri fistula sacra Deo.  
 Fistula cui semper decrescit arundinis ordo:  
 Nam calamus cera iungitur usq; minor.  
 At quæ Velabri regio patet, ire solebat  
 Exiguus pulla per uada lynter aqua.  
 Illa sæpe gregis diuis placitura magistro  
 Ad iuuenem festâ est uecta puella die.  
 Cum qua fœcundi redierunt munera ruris  
 Caseus, & niuæ candidus agnus ouis.

Defideratur nonnihil.

Impiger Aenea uolitantis frater Amoris,  
 Troica qui profugis sacra uehis ratibus,  
 Iam tibi Laurentes assignat Iuppiter agros,  
 Iam uocat errantes hospita terra Lares.  
 Illic sanctus eris, cum te ueneranda Numici  
 Vnda Deum cœlo miserit indigetem.  
 Ecce super fessas uolitat Victoria puppes,  
 Tandem ad Troianos diua superba uenit.  
 Ecce mihi lucent Rutulis incendia castris.  
 Iam tibi prædico barbære Turne necem.  
 Ante oculos Laurens castrum, murusq; Lauini est,  
 Albaq; ab Ascanio condita longa duce.



*Te quoq; iam uideo Marti placitura sacerdos  
Ilia Vestales deseruisse focos:  
Concubitusq; tuos furtim, uittasq; iacentes,  
Et cupidi ad ripas arma relictâ Dei.  
Carpite nunc tauri de septem montibus herbas  
Dum licet, hîc magnæ iam locus urbis erit.  
Roma tuum nomen terris fatale regendis,  
Quâ sua de cœlo prospicit arua Ceres:  
Quaq; patent ortus, & quâ fluitantibus undis  
Solis anhelantes abluit amnis equos.  
Troia quidem tunc se mirabitur, & sibi dices  
Vos bene tam longam consuluisse uiam.  
Vera cano: sic usq; sacras innoxia lauros  
Vescar, & eternum sit mihi uirginitas.  
Hæc cecinit uates: & te sibi Phœbe uocauit,  
Iactauit fusas & caput ante comas.  
Quicquid Amalihea, quicquid Marpesia dixit,  
Heryphile Phœbo grataq; quod monuit,  
Quasq; Albana sacras Tyberis per flumina sortes  
Portarit, sicco perlueritq; sinu,  
Hæc fore dixerunt, belli mala signa cometen,  
Multus & in terras deplueritq; lapis.  
Atq; tubas, atq; arma ferunt strepitantia cœlo  
Audita, & lucos præcinuisse fugam.  
Ipsum etiam solem defectum lumine uidit  
Iungere pallentes nubilus annus equos:  
Et simulacra Deum lacrymas fudisse tepentes,  
Fataq; uocales præmonuisse boues.  
Hæc fuerant olim, sed tu iam mitis Apollo*

Prodigia indomitis merge sub æquoribus:  
Ut succensa sacris crepitet bene laurea flammis,  
Omne quo felix, & sacer annus eat.  
Laurus ubi bona signa dedit, gaudete coloni:  
Distendet spicis horrea plena Ceres.  
Oblitus & musto feriet pede rusticus uvas,  
Dolia dum, magni deficiuntq; lacus.  
At madidus Baccho sua festa parilia pastor  
Concinet, à stabulis tunc procul este lupi.  
Ille levis stipulae solenneis potus acervos  
Accendet, flammis transilietq; sacras.  
Et foetus matrona dabit, natusq; parenti  
Oscula compressis auribus eripiet.  
Nec tadebit auum paruo aduigilare nepoti,  
Balbaq; cum puero dicere uerba senem.  
Tunc operata Deo pubes discumbet in herba,  
Arboris antiquæ quæ levis umbra cadet.  
Aut è ueste sacris tendent umbracula sertis  
Vineta, coronatus stabit & ipse calix.  
At sibi quisq; dapes, & festas extruet aliè  
Cespitibus mensas, cespitibusq; torum.  
Ingeret hîc potus iuuenis maledicta puella,  
Postmodò quæ uotis irrita facta uelit.  
Nam ferus ille suæ plorabit sobrius idem:  
Et se iurabit mente fuisse mala.  
Pace tua pereant arcus, pereantq; sagittæ  
Phœbe: modò in terris erret inermis Amor.  
Ars bona: sed postquam sumpsit sibi tela Cupido,  
Hei mihi, quàm multis ars dedit illa malum,



*Et mihi præcipuè:taceo cùm saucius annum,*  
*Et faueo morbo,cùm iuuat ipse dolor.*  
*Vixq; cano Nemescim,sine qua uersus mihi nullus*  
*Verba potest,iustos aut reperire pedes.*  
*At tu (nam Diuûm seruat tutela poëtas)*  
*Præmoneo,uati parce puella sacro.*  
*Vt Messalinum celebrem,cùm præmia belli*  
*Ante suos currus oppida uicta feret.*  
*Ipsè gerens laurus,lauro deuinctus agrestis*  
*Miles iò magna uoce triumphæ canet.*  
*Tunc Messala meus pia det spectacula turbæ,*  
*Et plaudat curru prætereunte pater.*  
*Annue,sic tibi sint intonsi Phœbe capilli,*  
*Sic tua perpetuò sit tibi casta soror.*

## E L E G I A V I I.

**C***Astra Macer sequitur,tenero qd fiet Amori?*  
*Sit comes,& collo fortiter arma gerat.*  
*Et seu longa uirum terræ uia,seu uaga ducunt*  
*Aequora,cum telis ad latus ille uolet.*  
*Vre puer,quæso,tua qui ferus omnia liquit,*  
*Atq; iterum erronem sub tua signa uoca.*  
*Quòd si militibus parces,erit hic quoq; miles*  
*Ipsè,leuem galea qui sibi potet aquam.*  
*Castra peto:ualeatq; Venus,ualeantq; puellæ.*  
*Et mihi sunt uires,& mihi facta tuba est.*  
*Magna loquor, sed magnificè mihi magna locuto*  
*Excuiunt clausæ foriua uerba fores.*  
*Iurauit quoties rediturum ad limina nunquàm!*  
*Cùm bene iurauit,pes tamen ipse redit.*

Acer amor fractas uinam tua tela sagittas  
Scilicet extinctas, aspiciamq; faces.  
Tu miserum torques, tu me mihi dira precari  
Cogis, & insana mente nefanda loqui.  
Iam mala finissem leto, sed credula uitam  
Spes fouet, & melius cras fore semper ait.  
SPES alit agricolas: spes sulcis credit aratis  
Semina, quæ magno fœnore reddat ager.  
Hæc laqueo uolucres, hæc capiat arundine pisces,  
Cum tenues hamos abdidit ante cibis.  
Spes etiam ualida solatur compede uinctum:  
Crura sonant ferro, sed canit inter opus.  
Spes facilem Nemesis spōdet mihi, sed negat illa,  
Hei mihi ne uincas dura puella deam.  
Parce per immatura tuæ præcor ossa sororis,  
Sic bene sub tenera parua quiescat humo.  
Illa mihi sancta est, illius dona sepulcro,  
Et madefacta meis ferta feram lacrymis.  
Illius ad tumulum fugiam, supplexq; sedebo,  
Et mea cum muto fata querar cinere.  
Non feret usq; suum te propter flere clientem:  
Illius ut uerbis sis mihi dura, ueto.  
Ne tibi neglecti mittant mala somnia manes,  
Mœstaq; sopita stet soror ante torum.  
Qualis ab excelsa præceps delapsa fenestra  
Venit ad infernos sanguinolenta lacus.  
Desino, ne dominae luctus renouentur acerbi:  
Non ego sum tanti, ploret ut illa semel.  
Nec lacrymis oculos digna est fœdare loquaces:



*Lena nocet nobis, ipsa puella bona est.*  
*Lena uetat miserum Phyrne, furtimq; tabellas*  
*Occulto portans itq; reditq; sinu.*  
*Sæpe ego cum domine dulces à limite diro*  
*Agnosco uoces, hæc negat esse domi.*  
*Sæpe ubi nox promissa mihi est, languere puellam*  
*Nuntiat, aut aliquas extimuisse minas:*  
*Tunc morior curis: tunc mens mea perdita fingis*  
*Quis'ue meam tentat, quot teneat'ue modis.*  
*Tunc tibi lena precor diras satis anxia uiuas,*  
*Mouerit è uotis pars quotacunq; deos.*

F I N I S.

A L B I I T I B V L L I  
 E Q V I T I S R O M A N I  
 L I B E R I I I.



*Artis Romani festæ uenere calædæ,*  
*Exoriēs nostris hic fuit ann⁹ auis:*  
*Et uaga nunc certa discurrunt un-*  
*diq; pompa,*  
*Perq; uias urbis munera, perq; do-*  
*Dicite Pierides, quonam donetur honore* (mos.  
*Seu mea, seu fallor, chara Neæra tamen.*  
*Carmine formosæ, pretio capiuntur auaræ:*  
*Gaudeat, ut digna est, uersibus illa meis.*  
*Lutea, sed niueum inuoluat membrana libellum,*  
*Pumicet, & canas tondeat arte comas:*  
*Summaq; prætexat tenuis fastigia chartæ,*

Indis

Indicet ut nomen littera pacta tuum.  
 Atq; inter geminas pingantur cornua frontes,  
 Sic etenim comptum mittere oportet opus.  
 Per uos auctores huius mihi carminis oro,  
 Castaliamq; umbram, Pieriosq; lacus.  
 Ille domum, cultumq; illi donate libellum,  
 Sicut erit, nullus defluat inde color.  
 Illa mihi referat, si nostri mutua cura est,  
 An minor, an toto pectore deciderim.  
 Sed primùm nympham larga donate salute,  
 Atq; hæc submisso dicite uerba sono:  
 Hæc tibi uir quondam, nunc frater casta Neæra  
 Mittit, & accipias munera parua, rogat.  
 Teq; suis iurat charam magis esse medullis:  
 Siue sibi coniux, siue futura soror:  
 Sed potius coniux. Huius spem nominis illi  
 Auferet extincto pallida Ditis aqua.

## ELEGIA II.

**Q**ui primùm charã iuueni, charumq; puella  
 Eripuit iuuenem, ferreus ille fuit.  
 Durus & ille fuit, qui tantum ferre dolorem,  
 Vivere & erepta coniuge, qui potuit.  
 Non ego firmus in hoc, non hæc patientia nostro  
 Ingenio: FRANGIT fortia corda dolor.  
 Nec mihi uera loqui pudor est, uitæq; fateri  
 Tot mala perpesse tot superesse meæ.  
 Ergo ego cùm tenuem fuero mutatus in umbram,  
 Candidaq; ossa super nigra fauilla teget:  
 Ante meum ueniat longos incompta capillos,



Et flectat ante meum mœsta Neera rogam.  
 Sed ueniat charæ matris comitata dolore:  
 Mœreat hæc genero, mœreat illa uiro.  
 Præfatæ ante meos manes, animamq; precatæ,  
 Perfusæq; pias antè liquore manus.  
 Pars quæ sola mei superabit corporis ossa  
 Incinctæ nigra candida ueste legant.  
 Et primùm annoso spargant collecta Lyæo,  
 Mox etiam niueo fundere lacte parent:  
 Post hæc carbaseis humorem tollere uentis,  
 Atq; in marmorea ponere sicca domo.  
 Illic quas mittit diues Panchaia merces,  
 Eoiq; Arabes, diues & Assyria,  
 Et nostri memores lacrymæ fundantur eodem,  
 Sic ego componi, uersus in ossa uelim.  
 Sic tristem mortis demonstrat littera causam,  
 Atq; hæc in celebri carmina fronte notet,  
 Lygdamus hic situs est: dolor huic, & causa Neæ-  
 Coniugis ereptæ causa perire fuit. (ra:

## ELEGIA III.

**Q**uid prodest cœlum uotis impleſſe, Neera,  
 Blandaq; cum multa tura dedisse prece?  
 Non ut marmorei prodirem è limine tecti  
 Insignis clara, conspicuusq; domo:  
 Aut ut multa mei renouarent iugera tauri,  
 Et magnas messes terra benigna daret.  
 Sed tecum ut longæ sociarem gaudia uitæ,  
 Inq; tuo caderet nostra senecta sinu,  
 Tunc cùm permensæ defunctus tempore lucis

Nudus

*Nudus Leihæa cogere ire rate.*  
*Nam graue quid prodest pondus mihi diuitis auri?*  
*Aruaq; si findant pingua mille boues?*  
*Quid'ue domus prodest Phrygijs innixa columnis,*  
*Tenare siue tuis, siue Chariste tuis?*  
*Et nemora in domibus sacros imitantia lucos?*  
*Aurataq; trabes, marmoreumq; solum?*  
*Quid'ue in Erythraeo legitur quæ littore concha,*  
*Tinctaq; Sydonio murice lana iuuat?*  
*Et quæ præterea populus miratur in illis*  
*Inuida, quæ falsò plurima uulgus amat?*  
 NON opibus mentes homini, curaq; leuantur,  
*Nam Fortuna sua tempora lege gerit.*  
*Sit mihi paupertas tecum iucunda, Ne æra:*  
*Et sine te regum munera nulla uolo.*  
*O niueam, quæ te poterit mihi reddere lucem:*  
*O mihi felicem terq; quaterq; diem.*  
*At si pro dulci reditu quæcunq; uouentur*  
*Audiat auersa non meus aure Deus:*  
*Nec me regna iuuent, nec Lydius aurifer amnis,*  
*Nec quas terrarum sustinet orbis opes.*  
*Hæc alij cupiant, liceat mihi paupere cultu*  
*Securo chara coniuge posse frui.*  
*Adsis & timidis faueas Saturnia uotis,*  
*Et faueas concha Cypria uecta tua.*  
*Aut si fata negant reditum, tristesq; sorores*  
*Stamina quæ ducunt, quæq; futura neunt:*  
*Me uocet in uastos annes, nigramq; paladem*  
*Dives in ignaua luridus Orcus aqua.*



## E L E G I A I I I I.

**D** I meliora ferant: nec sint insomnia uera,  
Quæ tulit hesternæ pessima nocte quies.  
Ite procul uani, falsumq; auertite uisum:  
Desinite in uotis quærere uelle fidem.  
Diui uera monent, uenturæ nuntia sortis:  
Vera monent Thuscis exta probata uiris.  
Somnia fallaci ludunt temeraria nocte,  
Et pavidas mentes falsa timere iubent.  
Et uanum metuens hominum genus, omnia noctis  
Farre pio placant, & saliente sale.  
Et tamen, utcunq; est siue illi uera moneri,  
Mendaci somno credere siue uolent,  
Efficiat uanos noctis Lucina timores,  
Et frustra immeritum perimuisse uelit:  
Si mea nec turpi mens est obnoxia factis,  
Nec lesit magnos impia lingua Deos.  
Iam nox ætherium nigris emersa quadrigis  
Mundum cæruleo lauerat amne rotas.  
Nec me sopierat menti Deus utilis agræ  
Somnus sollicitas deficit ante domos.  
Tandem cum summo Phœbus prospexit ab ortu,  
Pressit languentis lumina sera quies.  
Hic iuuenis casta redimitus tempora lauro  
Est uisus nostra ponere sede pedem.  
Non illo quicquam formosius ulla priorum  
Aetas, humanum nec uidet illud opus.  
Intonsi crines longa ceruice fluebant,  
Stillabat Tyrio myrtea rore coma.

Candor erat, qualem præfert Latonia Luna,  
Et color in niveo corpore purpureus:  
Ut iuueni primùm uirgo deducta marito,  
Inficitur teneras ore rubente genas.  
Ut cum contexunt amaranthis alba puellæ  
Lilia, & autumnò candida mala rubent.  
Ima uidebatur talis illudcre palla,  
Nanq; hæc in nitido corpore uestis erat.  
Artis opus raræ fulgens testudine, & auro  
Pendebat læua garrula parte lyra.  
Hanc primùm ueniens plectro modulatus eburno  
Felices cantus ore sonante dedit.  
Sed postquam fuerant digiti cum uoce locuti,  
Edidit hæc tristi dulcia uerba modo:  
Salue cura Deum, casto nam rite poetæ  
Phæbusq; & Bacchus, Pieridesq; fauent.  
Sed proles Semeles Bacchus, doctæq; sorores  
Dicere non norunt, quid ferat hora sequens.  
At mihi fatorum leges, æuiq; futuri  
Euentura pater posse uidere dedit:  
Quare ego quæ dico non fallax accipe uates,  
Quodq; Deus uerò Cynthius ore ferat,  
Tantum chara tibi, quantum nec filia matri,  
Quantum nec cupido bella puella uiro:  
Pro qua sollicitas cœlestia numina uotis,  
Quæ tibi securos non sinit ire dies.  
Et cum te fusco somnus uelauit amictu,  
Vanum nocturnis fallit imaginibus.  
Carminibus celebrata tuis formosa Neera

Alterius



Alterius mauult esse puella uiri:  
 Diuersasq; suas agitat mens anxia curas,  
 Nec gaudet casta nupta Neera domo.  
 AH crudele genus, nec fidum foemina nomen,  
 Ah percat, didicit fallere siqua uirum.  
 Sed flecti poterit, mens est mutabilis illi.  
 Tu modò cum multa brachia tende fide.  
 Sæuus amor docuit dominae fera uerba minantis,  
 Sæuus amor docuit uerbera posse pati.  
 Me quondam Admeti niucas pauisse iuencas  
 Non est in uanum fabula ficta iocum.  
 Tunc ego nec ciuhara poteram gaudere sonora,  
 Nec similes chordis reddere uoce sonos:  
 Sed perlucen- ti cantus meditabar auena,  
 Ille ego Latonæ filius, atq; Iouis.  
 Nescis quid sit amor iuuenis, si ferre recusas  
 Immitem dominam, coniugiumq; ferum.  
 Ergo ne dubita blandas adhibere querelas,  
 VINCVNTVR molli pectora dura prece.  
 Quòd si uera canunt sacris oracula templis,  
 Hæc illi nostro nomina dicta refer.  
 Hoc tibi coniugium promittit Delius ipse  
 Felix: ac alium desine uelle uirum.  
 Dixit, & ignauus defluxit corpore somnus.  
 Ah ego ne possim tanta uidere mala.  
 Nec tibi crediderim uotis contraria uota,  
 Nec tantum crimen pectore inesse tuo.  
 Nam te nec uasti genuerunt æquora ponti,  
 Nec flammam uoluens ore Chimæra fero,

Nec

*Nec canis anguinearedimitus terga caterua,  
 Cui tres sunt lingua, tergeminumq; caput:  
 Scyllaq; uirgineam canibus submissa figuram:  
 Nec te conceptam saeva leaena tulit:  
 Barbara nec Scythia tellus, horrendaue Syrtis,  
 Sed culta, & diris non habitanda domus:  
 Et longè ante alias omnes mitissima mater:  
 Isq; pater, quo non alter amabilior.  
 Hæc Deus in melius crudelia somnia uertat,  
 Et iubeat tepidos irrita ferre Notos.*

## ELEGIA V.

**N**Os tenet Hetruscis manat quæ fontib<sup>9</sup> unda,  
 Unda sub æstium non adeunda canem.  
 Nunc autem sacris Baiarum maxima lymphis,  
 Cùm se purpureo uere remittit humus.  
 At mihi Persephone nigram denuntiat horam.  
 Immeritò iuueni parce nocere, dea.  
 Non ego tentavi nulli temeranda deorum  
 Audax laudandæ sacra docere deæ:  
 Nec mea mortiferis infecit pocula succis  
 Dexteræ, nec cuiquam certa uenena dedit:  
 Nec nos sacrilegos templis admouimus ignes:  
 Nec cor sollicitant facta nefanda meum:  
 Nec nos insanæ meditantes iurgia linguæ  
 Impia in aduersos soluimus ora Deos.  
 Et nondum cani nigros læsere capillos,  
 Nec uenit tardo curua senectæ pede.  
 Natalem primò nostrum uidere parentes,  
 Cùm cecidit fato Consul uterq; pari.



Quid fraudare iuuat uitam, crescentibus uitis?  
 Et modò nata mala uellere poma manu?  
 Parcite pallentes umbras quicunq; tencis,  
 Duraq; sortiiti tertia regna Dei.  
 Elysios olim liceat cognoscere campos,  
 Leithæamq; ratem, Cimmeriosq; lacus.  
 Cum mea rugosa pallebunt ora senecta,  
 Et referam pueris tempora prisca senex.  
 Atq; utinam uano nequicquam terrear æstu.  
 Languent ter quinos sed mea membra dies:  
 Atq; mihi Thuscæ celebrantur numina lymphæ.  
 Et facilis lenta pellitur unda manu.  
 Viuite felices, memores & uiuite nostri:  
 Sine erimus, seu nos fata fuisse uelint.  
 Interea nigras pecudes promittite Diti,  
 Et niuei lactis pocula mista mero.

## ELEGIA VI.

Candide Liber ades: sic sit tibi mystica uitis,  
 Sic edera semper tempora uincta feras.  
 Aufer & ipse meum pariter medicando dolorem:  
 Sæpe tuo cecidit munere uictus Amor.  
 Chære puer, madeant generoso pocula Baccho,  
 Et nobis prona funde Falerna manu.  
 Ite procul durum curæ genus, ite labores:  
 Fulserit hic niueis Delius aliiibus.  
 Vos modò proposito dulces faucatis amici,  
 Ne'ue neget quisquam me duce se comitem.  
 At si quis uini certamen mite recusat,  
 Fallat eum recto chara puella dolo.  
 Ille facit dites animos Deus: ille ferocem

Contudit, & domine misit in arbitrium.  
 Armenias tigres, & fuluas ille leænas  
 Vicit, & indomitis mollia corda dedit.  
 Hæc amor, & maiora uolet: sed poscite Bacchi  
 Munera, quem uestrum pocula sicca iuant.  
 Conuenit ex æquo, nec toruus Liber in illos,  
 Qui se, quiq; una uina iocosa colunt.  
 Iam uenit iratus nimium, nimiumq; seuerus,  
 Qui timet irati numina magna, bibat.  
 Quales his pœnas Deus hic, quantumq; minetur  
 Cadmeæ matris præda cruenta docet.  
 Sed procul à nobis hic sit timor: illaq; siqua est,  
 Quid ualeat læsi sentiat ira Dei.  
 Quid precor ah demens? uenti temeraria uota,  
 Aeriæ & nubes diripienda ferant,  
 Quamuis nulla mei superest tibi cura Neera:  
 Sis felix, & sint candida facia tua.  
 At nos secure reddamus tempora mense.  
 VENIT post multos una serena dies.

## ELEGIA VII.

**H**EI mihi, difficile est, imitari gaudia falsa:  
 Difficile est, tristi fingere mente iocum.  
 NEC bene mendaci risus componitur ore,  
 Nec bene sollicitis ebria uerba sonant.  
 Quid queror infelix? turpes discedite cure.  
 Odit Lenæus tristia uerba pater.  
 Gnosia Theseæ quondam periuria lingue  
 Fleuisti ignoto sola relicta mari.  
 Sic cecinit pro te doctus Minoi Catullus



*Ingrati referens impia facta uiri.  
Vos ego nunc moneo felix, quicunq; dolore  
Alterius disces posse carere tuo.  
Nec uos aut capiant pendentia brachia collo,  
Aut fallat blanda sordida lingua fide.  
Esi perq; suos fallax iurauit ocellos,  
Iunonemq; suam, perq; suam Venerem:  
Nulla fides inerit: periuria ridet amantum  
Iuppiter, & uentos irrita ferre iubet.  
Ergo quid toties fallacis uerba puellæ  
Conqueror? ite à me seria uerba, precor.  
Quàm uellem longas tecum requiescere noctes,  
Et tecum longos peruigilare dies.  
Perfida, nec meritò nobis inimica, merenti  
Perfida, sed quamuis perfida, chara tamen.  
Naiada Bacchus amat: cessas ô lente minister.  
Temperet annosum Martia lymptha merum.  
Non ego, si fugiat nostræ conuiuia mensæ  
Ignotum cupiens uana puella iorum,  
Sollicitus repetam tota suspiria nocte:  
Tu puer & liquidum fortius adde merum.  
Iandudum Tyrio madefactus tempora nardo  
Debueram sertis implicuisse comas.  
Ne tibi sit, mea lux, æquè tam feruida cura,  
Ut uideo paucos ante fuisse dies:  
Si quicquam tota commisi stulta iuuenta,  
Cuius me fatear poenituisse magis:  
Hæsterna quàm te solum quòd nocte reliqui,  
Ardorem cupiens dissimulare meum.*

F I N I S.

ALBII TIBULLI EQVI-  
TIS ROMANI LI-  
BER IIII.



**E**MESSALA canam: quanquàm  
mea cognita uirtus.

Terret, ut infirmæ ualeant subsiste-  
re uires.

Incipiã tñ à meritis, si carmina lau

Deficiant humiles, tantis sim conditor actis, (des

Nec tua te præter chartis intexere quisquam

Facta queat: dictis ut non maiora supersint,

Est nobis uoluisse satis, nec munera parua

Respueris. Etiam Phœbo gratissima dona

Cres tulit, & cunctis Baccho iucundior hospes

Icarus: ut puro testantur sidera cœlo,

Erigoneq; Canisq;: neget ne longior ætas.

Quin etiam Alcides Deus ascensurus Olympum

Læta Molorcheis posuit uestigia terris:

Paruaq; cœlestes pacauit mica, nec illis

Semper inaurato taurus cadit hostia cornu.

Hic quoq; sit gratus paruus labor: ut tibi possim

Inde alios, aliosq; memor componere uersus.

Alter dicat opus magni mirabile mundi,

Qualis in immenso descenderit aëre tellus:

Qualis & in curuum pontus confluxerit orbem:

Et uagus è terris quâ surgere nititur aër,

Huic & contextus passim fluat igneus æther,

Pendentiq; super claudantur ut omnia cœlo.



At quodcunq; mea poterunt audere Camœna,  
Seu tibi par poterunt: seu, quod spes abnuuit, ultra:  
Sine minus, certe q; canent minus: omne mouemus  
Hoc tibi: ne tanto careat mihi nomine charta.  
Nam, quāquā antiquæ gentis saperet tibi laudes:  
Non tua maiorum contenta est gloria fama:  
Nec quæris quid qua index sub imagine dicat,  
Sed generis priscos contendis uincere honores,  
Quam tibi maiores maius decus ipse futurus.  
At tua non titulus capiet sub nomine facta:  
Æterno sed erunt tibi magna uolumina uersu:  
Conuenientq; tuas cupidi componere laudes  
Undiq; quiq; canent uincto pede, quiq; soluto.  
Queis potius certamen erit: sim uictor in illis,  
Ut nostrum tantis inscribam nomen in actis.  
Quisq; tibi maiora gerit castris'ue, foro'ue:  
Nec tñ hinc, aut hinc, tibi laus maior'ue, minor'ue:  
Iusta pari premitur ueluti cum pondere libra  
Prona, nec hac plus parte sedet, nec surgit ab illa.  
Qualis, inæquatum si quando onus urget utrinq;  
Instabilis natat alterno depressior orbe.  
Nam seu diuersi fremat inconstantia uulgi,  
Non alius sedare queat: seu iudicis ira  
Sit placanda, tuis poterit mitescere uerbis.  
Non Pylos, aut Itace tantos genuisse feruntur  
Nestora, uel parue magnum decus urbis Vlysses:  
Vixerit ille senex quamuis, dum terna per orbem  
Secula fertilibus Titan decurrerit horis,  
Ille per ignotas audax errauerit urbes,

Qua

Quà maris extremis tellus includitur undis.  
 Nam Cyconumq; manus aduersis reppulit armis,  
 Non ualuit Cyclops cœptos auertere cursus:  
 Cessit & Aetnae Neptunius incola rupis  
 Victa Maroneo fœdatus lumina Baccho.  
 Vexit & Aeolios placidum per Nerea uentos:  
 Incultos adiit Lestrygonas, Antiphatenq;,  
 Nobilis Artacia gelidos quos irrigat unda.  
 Solum nec doctæ uerterunt pocula Circes,  
 Quamuis illa foret Solis genus, apta uel herbis,  
 Aptaq; uel cantu ueteres mutare figuras.  
 Cimmeriwn etiam obscuras accessit ad oras,  
 Queis nunquam candente dies apparuit ortu,  
 Siue super terras Phœbus seu curreret infrà.  
 Vidit ut inferno Plutonis subdita regno  
 Magna Deûm proles leuibus discurreret umbris.  
 Præterijtq; cita Sirenum littora puppi.  
 Illum ad tergemini nantem confinia montis  
 Nec Scyllæ sauo conterruit impetus orbe,  
 Cùm canibus rapidas inter freta serperet undas:  
 Nec uiolenta suo consumpsit more Charybdis,  
 Vel si sublimis fluctu consurgeret imo,  
 Vel si interrupto nudaret gurgite pontum.  
 Non uiolata uagi sileantur pascua Solis,  
 Non Amor, et fœcunda Atlantidos arua Calypsus.  
 Finis & errorum misero Phaacia tellus.  
 Atq; hæc seu nostras inter sunt cognita terras,  
 Fabula siue nouum dedit his erroribus orbem,  
 Sit labor illius, tua dum facundia maior.



Nam te non alius belli tenet aptius artes:  
Quà deceat tutam castris deducere fossam:  
Qualiter aduersos hosti defigere nervos:  
Quem'ue locum ducto melius sit claudere uallo,  
Fontibus ut dulces erumpat terra liquores,  
Ut facilisq; tuis aditus sit, & arduus hosti,  
Laudis & assiduo uigeat certamine miles.  
Quis tardam'ue sudem melius, celerem'ue sagittam  
Iecerit, aut lento perfregerit obuia pilo?  
Aut quis equum celerem'ue arcto compescere frano  
Possit, & effusas tardo permittere habenas,  
Inq; uicem modò directo contendere cursu?  
Seu libeat curuo melius contendere gyro:  
Parma seu quos dextra uelit, seu læua tueri:  
Siue hac, siue illac grandis uenit impetus hastæ  
Amplior: aut signata cita loca tangere funda.  
Iam simul audacis ueniunt certamina Martis,  
Aduersisq; parant acies concurrere signis:  
Tunc tibi non desit faciem componere pugna:  
Seu sit opus, quadratum acies consistat in agmen,  
Rectus an æquatis decurrat frontibus ordo:  
Seu libeat duplicem, seu iunctum cernere Martem:  
Dexteraq; ut læuum teneat, dextrumq; sinistra  
Miles, sitq; duplex gemini uictoria casus.  
At non per dubias errant mea carmina laudes.  
Nam bellis experta cano. testis mihi uictæ  
Foris Iapygiæ miles: testis quoq; fallax  
Pannonius, gelidas passim disiectus in Alpes:  
Testis Arpinus, & pauper natus in armis.

Quem

Quem si quis uideat uetus ut non fregerit ætas,  
Terna minus Pyliæ miretur secula fama:  
Nanq; senex longæ peragit dum secula uitæ  
Centum fœcundos Titan renouauerit annos.  
Ipse tamen uelox celerem super edere corpus  
Audet equum, ualidisq; sedet moderator habenis.  
Te duce non aliàs conuersus terga domator  
Libera Romanæ subiecit colla catena.  
Nec tamen his contentus eris, maiora peractis  
Instant: compertum est ueracibus ut mihi signis,  
Queis Amithaonius nequeat certare Melampus.  
Nam modò fulgentem Tyrio subtegmine uestem  
Indueras, oriente die duce fertilis anni:  
Splendidior liquidis cùm sol caput extulit undis.  
Et freta discordes tenuerunt flamina uenti,  
Curua nec assuetos egerunt flumina cursus.  
Quin rapidum placidis etiam mare constitit undis.  
Vlla nec aërias uolucris perlabitur auras,  
Nec quadrupes densas depascitur aspera syluas:  
Quin largita tuis sunt multa silentia uotis.  
Iuppiter ipse leui uectus per inania curru  
Affuit, & cœlo uicinum liquit Olympum:  
Intenta q; tuis precibus se præbuit aure,  
Cuncta q; ueraci capite annuit additus aris.  
Letior eluxit structos super ignis acernos.  
Quin hortante Deo magnis insistere rebus  
Incipe: non i'dem tibi sunt, alijsq; triumphis:  
Non te uicino remorabitur obuia Marte  
Gallia, nec latis audax Hispania terris,



Nec fera Reithæo tellus obsessa colono.  
Nec quæ uel Nilus, uel regia lymphæ Chœaspis  
Profluit, aut rapidus Cyri dementia Gindes,  
Cretæis ardens aut unda Carystia campis:  
Nec quæ regna uago Tomyris finiuit Araxe,  
Impia nec sæuis celebrans conuiuia mensis.  
Ultima uicinus Phœbo tenet arua Padæus,  
Quæq; Hebrus, Tanaisq; Getas rigat, atq; Mosinos,  
Quid moror? Oceanus Ponto quæ continet orbem,  
Nulla tibi aduersis regio sese offeret armis.  
Te manet inuictus Romano Marte Britannus,  
Teq; interiecto mundi pars altera sole,  
Nam circumfuso consistit in ære tellus,  
Et quinq; in partes totus disponitur orbis,  
Atq; duæ gelido uastantur frigore semper,  
Illic & densa tellus absconditur umbra:  
Et nulla incepto perlabitur unda liquore:  
Sed durata riget densam in glaciemq; niuemq;  
Quippe ibi non unquam Titan super ingerit oris.  
At media est Phœbi semper subiecta calori:  
Seu propior terris æstiuum fertur in orbem,  
Seu celer hybernas properat decurrere luces.  
Non ergo presso tellus consurgit aratro:  
Nec frugem segetes præbent, nec pabula terræ:  
Non illic colis arua Deus, Bacchus'ue, Ceres'ue:  
Nulla nec exustas habitant animalia partes.  
Fertilis hanc interposita est, interq; rigentes:  
Nostraq; & huic aduersa solo pars altera nostro:  
Quas simileis utrinq; tenens uicinia cœli

Temperat, alter & alterius vires negat aër.  
Hinc placidus nobis per tempora labitur annus:  
Hic & colla iugo didicit summittere taurus,  
Et lenta excelsos vitis conscendere ramos:  
Tondeturq; seges maturos annua partus:  
Et ferro tellus, pontus confinditur ære.  
Quin etiam structis exurgunt oppida muris.  
Ergo ubi præclaros poscent tua facta triumphos,  
Solutus utroq; idem dicêris magnus in orbe.  
Non ego sum satis ad tantæ præconia laudis,  
Ipse mihi non si præscribat carmina Phœbus.  
Est tibi qui possit magnis se accingere rebus  
Valgius, æterno propior non alter Homero,  
Languida non nôster peragit labor otia: quamuis  
Fortuna (ut mos est illi) me aduersa fatiget.  
Nam mihi cùm magnis opibus domus alta niteret,  
Cui fuerant flauī ditantes ordine sulci,  
Horrea fœcundis indeficientia mensis:  
Cuiq; pecus denso pascebant agmine colles.  
Et domino satis, & nimium furiq; lupoq;  
Nunc desiderium superest: nam cura nouatur,  
Cùm memor accitos semper dolor admonet annos.  
Sed licet asperiora cadant, spolierq; relictis:  
Non te deficient nostræ memorare Camænæ.  
Nec solum tibi Pierij tribuentur honores,  
Pro te uel rapidas ausim maris ire per undas,  
Aduersis hyberna licet tumeant freta uentis:  
Pro te uel solus densis obsistere turmis,  
Vel paruum. Aetnæ corpus committere flammæ.

Sum



Sum quodcunq; tuum est: nostri sit paruula cura,  
 Sit tibi quanta libet: si sit modò, non mihi regna  
 Lydia, non magni potior sit fama Gylippi,  
 Posse Meleteas nec mallem mittere chartas.  
 Quòd tibi si uersus noster notus'ue, minus'ue,  
 Vel bene si notus, summo uel mœret in ore:  
 Nulla mihi statuunt finem te fata canendi.  
 Quin etiam mea tunc tumulus cùm texerit ossa,  
 Seu matura dies fato properat mihi mortem:  
 Longa manet seu uita, tamen mutata figuram:  
 Seu me finget equum rigidos percurrere campos  
 Doctum, seu tardi pecoris sim gloria taurus:  
 Sine ego per liquidum uolucris uehar aëra pennis:  
 In quemcunq; hominem me longa receperit ætas,  
 Inceptis de te subtexam carmina chartis.

Laus Sulpitiæ ad Martem.

Sulpitia est tibi culta tuis, Mars magne, calendis:  
 Spectatum è cœlo (si sapis) ipse ueni.  
 Hoc Venus ignoscet: at tu uolente caueto,  
 Ne tibi miranti turpiter arma cadant.  
 Illius ex oculis cùm uult exurere Dinos,  
 Accendit geminas lampadas acer Amor:  
 Illam quicquid agit, quoquò uestigia mouit,  
 Componit furtim, subsequiturq; decor.  
 Seu soluit crines, fufis decet esse capillis:  
 Seu compsit, comptis est ueneranda comis.  
 Vrit, seu Tyria uoluit procedere palla:  
 Vrit, seu niuea candida ueste uenit.  
 Talis in æterno felix Verumnus Olympo,

Mille

Mille habet ornatus, mille decenter habet.  
Sola puellarum digna est, cui mollia charis  
Vellera det succis bis madefacta Tyros:  
Possideatq; metit quicquid bene olentibus aruis  
Cultor odoratæ diues Arabs segetis:  
Et quascunq; niger rubro de littore conchas  
Proximus Eois colligit Indus aquis.  
Hanc vos Pierides festis cantate calendis:  
Et testudinea, Phœbe superbe, lyra.  
Hoc solenne sacrum multos celebretur in annos:  
Dignior est uestro nulla puella choro.  
Sulpitia ad Cherinthum.  
Parce meo iuueni: seu quis bona pascua campi,  
Seu colis umbrosi deuia montis aper.  
Nec tibi sit duros acuisse in pectora dentes:  
Incolumem custos hunc mihi seruet Amor.  
Sed procul abducit uenandi Delia cura:  
O pereant syluæ, deficientq; canes.  
Quis furor est? quæ mens, densos indagine colles  
Claudentem, teneras ledere uelle manus?  
Quid ue iuuat furtim latebras intrare ferarum?  
Candidaq; hamatis crura notare rubis?  
Sed tamen, ut tecum liceat Cherinthe uagari,  
Ipsa ego per montes retia torta feram.  
Ipsa ego uelocis quæram uestigia cerui,  
Et demam celeri ferrea uincla cani.  
Tunc mihi, tunc placeant syluæ: si (lux mea) tecum  
Arguar ante ipsas concubuisse plagas.  
Tunc ueniat licet ad casses, illesus abibit,

Ne



*Ne Veneris cupida gaudia turbet aper.  
 Tunc sine me sit nulla Venus: sed lege Diana:  
 Caste puer casta retia tende manu.  
 Et quaecunq; meo furim subrepat amanti,  
 Incidat in seuas diripienda feras.  
 At tu uenandi studium concede parenti,  
 Et celer in nostros ipse recurre sinus.*

*Ad Phœbum.*

*Huc ades, & teneræ morbos expelle puellæ:  
 Huc ades intonsa, Phœbe superbe, coma.  
 Crede mihi, propera: nec te iam, Phœbe, pigebit  
 Formosæ medicas applicuisse manus.  
 Effice, ne macies pallentes occupet artus,  
 Neu notet informis pallida membra color.  
 Et quodcunq; mali est, & quicquid triste iimemus  
 In pelagus rapidis euehat amnis aquis.  
 Sancte ueni, tecumq; feras quicunq; saporis,  
 Quicunq; & cantus corpora fessa leuant.  
 Neu iuuenem torque, metuit qui fata puellæ,  
 Votaq; pro domina uix numeranda facit.  
 Interdum uouet, interdum quòd langueat illa,  
 Dicit in æternos aspera uerba Deos.  
 Pone metum Cherinthe: Deus non lædit amantes.  
 Tu modò semper ama, salua puella tibi est.  
 Nil opus est fletu: lacrymis erit aptius uiui,  
 Siquando fuerit tristior illa tibi.  
 At nunc tota tua est, te solum candida secum.  
 Cogitat, & frustra credula turba sedet.  
 Phœbe, fane: laus magna tibi tribuetur, in uno*

*Corp*

Corpore seruato, restituisse duos.  
Iam celebrer, iam letus eris: cum debit & reddes.  
Certatim sanctis letus uterq; focis.  
Tunc te felicem dicet pia turba Deorum,  
Optabunt artes & sibi quisq; tuas.

## Ad Cherinthum.

Est qui te, Cherinthe, dies dedit, hic mihi sanctus,  
Atq; inter festos semper habendus erit.  
Te nascente nouum Parca cecinere puellis  
Seruitium, & dederunt regna superba tibi.  
Vror ego ante alias, iuuat hoc Cherinthe, quod uxor,  
Si tibi de nobis mutuus ignis adest.  
Mutuus adsit amor: tua per dulcissima furta,  
Perq; tuos oculos, per geniumq; rogo.  
Magne Geni cape tura libens, uotisq; faueta,  
Si modò cum de me cogitat, ille ualet.  
Quòd si fortè alios iam nunc suspirat amores:  
Tunc precor infidos sancte relinque focos.  
Nec sis nunc iniusta Venus: uel seruiat æquò  
Vinctus uterq; tibi, uel mea uincla leua.  
Sed potius ualida teneamur uterq; catena,  
Nulla queat posthac quam soluisse dies.  
Optat idem iuuenis, quod nos, sed tutius optat:  
Nam pudet hæc illum dicere uerba palam.  
At tu natalis quoniam Deus omnia sentis,  
Annue: quid refert clam'ue, palam'ue roget?

## Ad Iunonem.

Natalis Iuno, sanctos cape turis acervos,  
Quos tibi dat tenera docta puella manu.  
Tota tibi est hodie, tibi se letissima compsit.



Staret ut ante tuos conspicienda focos.  
 Illa quidem ornandi causas tibi Diua relegat:  
 Est tamen occultè cui placuisse uelit.  
 At tu sancta faue, ne nos diuellat amantes,  
 Sed iuueni quæso mutua uincla para.  
 Sic bene compones: ulli non ille puellæ  
 Servire, aut cuiquam dignior illa uiro.  
 Nec possit cupidos uigilans deprendere custos,  
 Fallendiq; uias mille ministret Amor.  
 Annue, purpureaq; ueni perlucida palla:  
 Ter tibi sit libo, ter Dea casta mero.  
 Præcipit & nata mater studiosa quod optat:  
 Illa aliud tacita iam sua mente rogat.  
 Vritur, ut celeres urunt altaria flammæ,  
 Nec liceat quamuis sana fuisse uelit.  
 Sit iuueni grata, adueniet cùm proximus annus  
 Hic idem uotis iam uetus adsit amor.

Ad Venerem.

Tandem uenit amor: qualem texisse pudori,  
 Quàm nudasse alicui sit mihi fama magis.  
 Exorata meis illum Cytherea Camœnis  
 Attulit in nostrum, deposuitq; sinum.  
 Exoluit promissa Venus: mea gaudia narret,  
 Dicetur si quis non habuisse suam.  
 Non ego signatis quicquam mandare tabellis,  
 Ne legat id nemo quàm meus antè, uelim.  
 Sed peccasse iuuat: uultus componere famæ  
 Tædet: cùm digno digna fuisse ferar.

Ad Mellalam.

Inuisus natalis adest, qui rure molesto,

Et

*Et sine Cherintho tristis agendus erit.  
Dulcius urbe quid est? an uilla sit apta puellis,  
Atq; Eretino frigidus amnis agro?  
Iam nimium Messala mei studiose quiescas:  
Non tempestivæ sæpe propinque via.  
Hic animum, sensusq; meos abducta relinquo,  
Arbitrio quamvis non finis esse meo.*

*De Natali die.*

*Scis iter ex animo sublatum triste puellæ  
Natali Romæ non finit esse suo.  
Omnibus ille dies nobis natalis agatur,  
Qui nec opinanti nunc tibi foriè uenit.*

*Ad Sulpitiam.*

*Gratum est, securus multùm quòd iam mihi de me  
Permittis subito ne malè inepta cadam.  
Sit tibi cura togæ potior, pressumq; quasillo  
Scortum, quam Servi filia Sulpitia.  
Solliciti sunt pro nobis, quibus illa dolori est,  
Nec credam ignoto maxima cura toro.*

*Ad Cherinthum.*

*Est'ne tibi, Cherinthe tuæ placiure puellæ,  
Qui mea nunc uexat corpora fessa, calor?  
Ah ego non aliter tristes euincere morbos  
Optarim, quàm te sic quoq; uelle putem.  
Nam mihi quid profit morbos euincere? quid tu  
Nostra potes leto pectore ferre mala?  
Ne tibi sit mea lux æquè tam feruida cura,  
Ut uideo paucos antiè fuisse dies.  
Si quicquam tota commisi stulta iuuenta,*

*l*

*Cuius*



*Cuius me fateor pœnituisse magis:  
Hesterna quàm te solum quòd nocte reliqui,  
Ardorem cupiens dissimulare meum?*

*Ad Amicam.*

*Nulla tuum iuulis subducet fœmina lectum,  
Hoc primùm iuncta est fœdere nostra Venus.  
Tu mihi sola places: nec iam, te præter, in urbe  
Formosa est oculis ulla puella meis.  
Atq; utinam posses uni mihi bella uideri,  
Displiceas alijs, sic ego tutus ero.  
Nil opus inuidia est: procul absit gloria uulgi.  
Qui sapit, in tacito gaudeat ille sinu.  
Sic ego secretis possum bene uiuere syluis,  
Qua nulla humano sit uia trita pede.  
Tu mihi curarum requies, tu nocte uel atra  
Lumen, & in solis tu mihi turba locis.  
Nunc licet è cœlo mittatur amica Tibullo:  
Mittetur frustra, deficientq; Venus.  
Hæc per sancta tue Iunonis numina iuro,  
Quæ sola ante alios est tibi magna Deos.  
Quid facio demens? heu cui mea pignora credo?  
Iuravi stultè, prodeat iste timor.  
Nunc tu fortis eris, nunc tu me audacius ures:  
Hoc peperit misero garrula lingua malum.  
Iam faciam quodcunq; uoles, tuus usq; manebo,  
Nec fugiam nota seruitium domine.  
Sed Veneris sanctæ confidam uinctus ad aras.  
Hæc notat iniustos supplicibusq; fauet.*

## De infamia suæ puellæ.

*Rumor ait, crebrò nostram peccare puellam.*

*Nunc ego me surdis auribus esse uelim.*

*Crimina non hæc sunt nostro sine facta dolore.*

*Quid miserum torques? Rumor acerbe tace.*

## EPITAPHION TIBULLI.

**T***E quoq; Vergilio comitè nō æqua, Tibulle,*

*Mors iuuenem campos misit ad Elysios:*

*Ne foret aut elegis molles qui fleret amores,*

*Aut caneret forti regia bella pede.*

## ELEGIA OVIDII NASONIS,

*Deflens Tibulli immaturam mortem.*

**M***Emnona si mater, mater ploravi? Achillē,*

*Et tangunt magnas tristitia fata deas,*

*Flebilis indignos elegei a solue capillos,*

*Ah nimis ex uero nunc tibi nomen erit.*

*Ille tui uates operis, tua Fama Tibullus*

*Ardet in extructo corpus inane rogo.*

*Ecce puer Veneris fert euersamq; pharetram,*

*Et fractos arcus, & sine luce facem.*

*Aspice, demissis ut eat miserabilis alis,*

*Pectoraq; infesta tundat aperta manu.*

*Excipiunt lacrymas sparsi per colla capilli,*

*Oraq; singulu concutiente sonant.*

*Fratris in Aeneæ sic illum funere dicunt*

*Egressum castris pulcher Iule iuis.*



*Nec minus est confusa Venus moriente Tibullo,  
 Quàm iuueni rupit cùm ferus inguen aper.  
 At sacri uates, & diuùm cura uocamur,  
 Sunt etiam qui nos numen habere putent,  
 Scilicet omne sacrum mors importuna profanat,  
 Omnibus obscuras inijcit illa manus.  
 Quid pater Ismario, quid mater profuit Orptheo?  
 Carmine quid uictas obstupuisse feras?  
 Et Linum in syluis idem pater edidit aliis,  
 Dicitur inuicta concinuisse lyra.  
 Aspice Meoniden, à quo ceu fonte perenni  
 Vatum Pierijs ora rigantur aquis,  
 Hunc quoq; summa dies nigro summersit Averno,  
 Effugiunt auidos carmina sola rogos.  
 Durat opus uatum Troiani fama laboris,  
 Tardaq; nocturno tela retexta dolo.  
 Sic Nemesis longum, sic Delia nomen habebit,  
 Altera cura recens, altera primus amor.  
 Quid nos sacra iuuant? qd nos Aegyptia prosunt  
 Sistra? quid in uacuo secubuisse toro?  
 Dum rapiant malefacta bonos, ignoscite fasso,  
 Sollicitor nullos esse putare deos.  
 Viue tamen moriture pius, cole sacra colentem,  
 Mors grauis à templis in caua busta trahet.  
 Carminibus confide bonis, iacet ecce Tibullus,  
 Vix manet è toto parua quod urna capit.  
 Te'ne sacer uates flammæ rapuere rogales?  
 Pectoribus pasci nec timuere iuis?  
 Aurea sanctorum potuissent templa deorum*

*Vrere,*

*Vrere, quæ tantum sustinere nefas.*

*Avertit vultus, Erycis quæ possidet arces.*

*Sunt quoq; qui lacrymas continuisse negant.*

*Sed tamen hoc melius, quàm si Phæacia tellus*

*Ignotum vili supposuisset humo.*

*Hic certè manibus fugientes pressit ocellos*

*Mater, & in cineres ultima dona tulit.*

*Hic soror in partem misera cum matre doloris*

*Venit inornatas dilaniata comas,*

*Cumq; tuis sua iunxerunt Nemesisq; priorq;*

*Oscula, nec solos destituere rogos.*

*Delia discedens felicius inquit amata*

*Sum tibi, uixisti dum tuus ignis eram.*

*Cui Nemesis, quid ais? tibi sunt mea damna dolori?*

*Me tenuit moriens deficiente manu.*

*Si tamen è nobis aliquid nisi nomen, & umbra*

*Restat, in Elysia ualle Tibullus erit.*

*Obuius huic uenies edera iuuenilia cinctus*

*Tempora cum Caluo docte Catulle tuo.*

*Tu quoq; si falsum est temerati crimen amici,*

*Sanguinis, atq; animæ prodige Galle tuæ,*

*His comes umbra tua est, si qua est modò corporis*

*umbra,*

*Hausisti numeros culte Tibulle pios.*

*Ossa quieta precor tuta requiescere in urna,*

*Et sit humus cineri non onerosa tuo.*

*l 3*

**FINIS.**



## VITA PROPERTII

## EX LIBRO TERTIO

PETRI CRINITI DE POE-  
TIS LATINIS.

SEX. *Aurelius Propertius ex Mevania oppi-  
do oriundus, quod in Umbria est: hoc enim & ipse  
autor alicubi testatur, sicuti cum ipsam Umbriam  
Romani Callimachi patriam uocat,*

*Vt nostris tumefacta superbiat Umbria libris,*

*Umbria Romani patria Callimachi.*

*Sunt qui scribant eius patrem equestri dignitate  
ornatum, ac Triumvirali potestate fuisse, tum inter  
eos connumeratum, qui L. Antonium secuti (Pe-  
rusia capta) ex Octauij Caesaris autoritate ad aram  
diui Iulij perducti, ibidem occisi fuerunt. Illud omni-  
no constat, Aurelium hunc Propertium, magna  
ex parte amissis bonis, Romam se recepisse, cum  
patrem suum in tenera etate amisisset, quod illis  
uersibus apparet:*

*Aspice me, cui parua domus, fortuna relictæ est,*

*Nullus & antiquo Marte triumphus ani.*

*Et alibi clarius,*

*Ossaq; legisti, non illa etate legenda*

*Patris, & in tennes cogeris isse Lares.*

*Nam tua cum multi uersarent rura iuuenti,*

*Abstulit excultas peritica tristis opes.*

*Mox ubi bulla rudi demissa est aurea collo*

*Matris, & ante deos libera sumpta toga,*

*Tum*

*Tum tibi pauca suo de carmine dictat Apollo,*

*Et uetat insano uerba tonare foro.*

*In urbe autem, breui nominis celebritatem adeptus est, cum ingenij comitate tum elegantiâ carminum. Mecœnati & Cor. Gallo maximè acceptus fuit, quòd uterq; poëtæ studijs, & doctrinæ pro similitudine professionis fauerent. Ouidium quoq; Tibullũ, & Bassum inter principes amicos coluit, ad quos de suis caloribus, & puellæ ingenio sapius scripsit. C. uerò Plinius in epistola ad Romanum Paulum refert Passienum in scribendis elegis eruditum habuisse inter suos maiores Propertium. Itaq; id, inquit, Passieno gentile est, nam & ex eodem municipio est quo Propertius, unde maximum studium Passieno fuit, calores Propertij, atq; ingenium suo carmine exprimere, cum in elegijs (ut inquit Plinius) foret egregius, atque præcipuus Propertius. Libros quatuor elegiarum cõposuit. In quibus ferè suos calores, & Hostiæ laudem, ac formâ celebrat. Nam puellam Hostiam miro quidẽ affectu exarsit, quam mutato nomine (ut est Auctor L. Apuleius) Cynthiam appellare maluit: ex quo Sidonius Apollinaris sic ad Hesperium scribit, Memineris, inquit, quòd sæpe uersum Corinna cum suo Nasone compleuit, Lesbia cum Catullo, Cæsennia cum Getulico, Argentaria cum Lucano, Cynthia cum Propertio, Delia cum Tibullo. Callimachum præcipuè, Cyreneum Minermum, & Philetam Græcos poëtæ in carmine sequutus est, quorum mani-*



bus comiem se profitetur: nam ut illi apud Græcos in elegia consensu omnium præstiterunt, ita Propertius quidem apud Latinos, earum imitatione primas uidetur quorundam iudicio consecutus. Fab. autem Quintilianus censor in literis acerrimus, cum Tibullum maximè commendauerit, non deesse tamen inquit, qui Propertiū malint, cum sit Ouidius lasciuior, Gallus in elegia durior. Ouidius certè cum sæpe de ipso Propertio agat, blandum, tenerum, ac dulcem appellat, muliumq; illius carmini semper concessit, cum eundem poetam suos ignes recensentem audiret:

*Sæpe suos solitus recitare Propertius ignes,*

*Iure sodalitū qui mihi iunctus erat.*

*Sed & Val. Marcial. Propertiū ingenio, & amoribus plurimum tribuit, tum eo maximè loco quo Galli Lycoridem, Tibulli Nemefim, & Lesbiam Catulli celebrat. nā & in apophoretis sic de eodē, Cynthia facundi carmen iuuenile Propertii*

*Accepit famam, nec minus ipsa dedit.*

*De obitu eius parum comperit: Quidam scripserunt illum annos alterum & XL. natum perijisse.*

*Alium uerò Propertium fuisse Fulgentius ostendit, qui in libro ad Calcidium de prisco sermone uerba*

*hæc ex Propertio refert, Catil*

*lata geris uadimonia pu-  
blicum prosti-*

*bulum.*

# SEX. PROPER-

## TII AVRELII VMBRI

ELEGIARVM LI-  
BER PRIMVS.

AD TVLLVM.



*Cynthia prima suis miserum me ce-  
pit ocellis  
Cōtactū nullis antè cupidinibus.  
Tum mihi constantis deiecit lumi-  
na fastus,*

*Et caput impositis preßit Amor pedibus:  
Donec me docuit castas odisse puellas  
Improbis, & nullo uiuere consilio.  
Et mihi iam totò furor hic non deficit anno,  
Cū tamen aduersos cogor habere Deos.  
Mimalion nullos fugiendo, Tulle, labores  
Seuitiam duræ contudit Iasidos.  
Nam modò Partheniys amens errabat in antris,  
Ibat & hirsutas illa uidere feras.  
Ille etiam Psillei percussus uulnere rami,  
Saucius Arcadijs rupibus ingemuit.  
Ergo uelocem potuit domuisse puellam:  
Tantum in amore preces, & benefacta ualent.  
In me tardus Amor nonnullas cogitat artes:  
Nec meminit notas, ut prius, ire uias.  
Ad uos deductæ quibus est fallacia Lunæ,  
Et labor in magicis sacra piare focis:*



*En agendum dominæ mentem conuertite nostræ,  
 Et facite illa meo palleat ore magis.  
 Tunc ego crediderim uobis, uos sidera, & amnes  
 Posse Citeinis ducere carminibus.  
 Et uos, qui serò lapsum reuocatis, amici,  
 Querite non sani pectoris auxilia.  
 Fortiter & ferrum, sauos patiemur & ignes:  
 Sit modò libertas, quæ uelit ira loqui.  
 Ferte per extremas gentes, & ferte per undas,  
 Quà non ulla meum fœmina norit iter.  
 Vos remanete, quibus facili Deus annuet aure:  
 Sitis & in tuto semper amore pares.  
 In me nostræ Venus noctes exercet amaras,  
 Et nullo uacuius tempore desit Amor.  
 Hoc moneo uitare malum: sua quenq; moretur  
 Cura: neq; assueto mutet amore locum.  
 Quòd si quis monitis tardas aduerterit aures,  
 Heu referet quanto uerba dolore mea!*

## A D C Y N T H I A M.

*Q*uid iuuat ornato procedere, uita, capillo?  
 Et tennes Coa ueste mouere sinus?  
 Aut quid Oronthea crines perfundere myrrha?  
 Teq; peregrinis uendere muneribus?  
 Natureq; decus mercato perdere culu?  
 Nec sinere in proprijs membra nitere bonis?  
 Crede mihi non ulla tuæ medicina figura est.  
 Nudus Amor formæ non amat artificem.  
 Aspice quos summittat humus formosa colores,  
 Et ueniant edera sponte sua melius:

Surgat

Surgat & in solis formosius arbutus antris,  
 Et sciat indociles currere lymphas.  
 Littora natiuis perlucens picta lapillis,  
 Et uolucres nulla dulcius arte canunt.  
 Non sic Lencippis succendit Castora Phœbe,  
 Pollucem cultu non Thelayra soror.  
 Non Idæ, & cupido quondam discordia Phœbo  
 Eueni patrijs filia littoribus.  
 Nec Phrygium falso traxit candore maritum  
 Auecla externis Hippodamia rotis:  
 Sed facies aderat nullis obnoxia gemmis,  
 Qualis Apelleis est color in tabulis.  
 Non illis studium uulgò conquirere amantes:  
 Illis ampla satis forma, pudicitia.  
 Non ego nunc uereor, ne sim tibi uilior istis:  
 Vni siqua placet, culta puella sat est:  
 Cùm tibi præsertim Phœbus sua carmina donet,  
 Aoniamq; libens Calliopea lyram:  
 Unica nec desit iucundis gratia uerbis,  
 Omnia quæq; Venus, quæq; Minerva probat.  
 His tu semper eris nostra gratissima uita,  
 Tædia dum miserae sint tibi luxuria.

## AD CYNTHIAM.

O Valis Thesea iacuit cedente carina  
 Languida desertis Gnosia littoribus:  
 Qualis & accubitu primo Cephæia somno  
 Libera iam daris cotibus Andromede:  
 Nec minus assiduis Aedonis fessa choreis,  
 Qualis in herbofo concidit Appidano:  
 Talis uisa mihi mollem spirare quietem,



*Cynthia, non certis nixa caput manibus.  
Ebria cum mulio traherem uestigia Baccho,  
Et quaterent sera nocte facem pueri.  
Hanc ego nondum etiam sensus deperditus omnes  
Molliter impresso conor adire toro.  
Et quamuis duplici correptum ardore iuberent  
Hac Amor, hac Liber, durus uterq; Deus,  
Subiecto leuiter positam tentare lacerto,  
Osculaq; admota sumere, & arma manu:  
Non tamen ausus eram dominæ turbare quietem.  
Expertæ metuens iurgia senitiæ.  
Sed sic intentis harebam fixus ocellis,  
Argus ut ignotis cornibus Inachidos.  
Et modò soluebam nostra de fronte corollas:  
Ponebamq; tuis, Cynthia, temporibus,  
Et modò gaudebam lapsos formare capillos,  
Nunc furtiua cauis poma dabam manibus,  
Omniaq; ingrato largibar munera somno,  
Munera de prono sæpe uoluta sinu.  
Et quoties raro duxti suspiria motu,  
Obstupui uano credulus auspicio:  
Nequa tibi insolitos portarent uisa timores,  
Ne'ue quis inuitam cogeret esse suam:  
Donec diuersas percurrrens luna fenestras,  
Luna moraturis sedula luminibus,  
Compositos leuibus radijs patefecit ocellos,  
Sic ait in molli fixa toro cubitum:  
Tandem te nostro referens iniuria lecto,  
Alterius clausis expulit è foribus:  
Nanq; ubi longa meæ consumpsisti tempora noctis,*

*Languidus exactis hei mihi syderibus?  
 O utinam tales producas improbe noctes,  
 Me miseram quales semper habere iubes.  
 Nam modò purpureo fallebam stamine somnum,  
 Rursus & Orpheæ carmine fessa lyra:  
 Interdum grauitè mecum deserta querebar  
 Externo longas sæpe in amore moras:  
 Dum me iucundis lapsam sopor impulit alis.  
 Illa fuit lacrymis ultima cura meis.*

## AD BASSVM.

*Q*uid mihi iā multas laudādo, Basse puellas,  
 Mutatum domina cogis abire mea?  
 Quid me non pateris vitæ, quodcunq; sequetur,  
 Hoc magis assueto uiuere seruitio?  
 Tu licet Antiopæ formam Nyctæidos, & in  
 Spartanæ referas laudibus Hermionæ,  
 Et quascunq; tulit formosi temporis ætas:  
 Cynthia non illas nomen habere sinat:  
 Nedum si leuibus fuerit collata figuris,  
 Inferior duro iudice turpis eat.  
 Hæc sed forma mei pars est extrema furoris:  
 Sunt maiora, quibus Basse perire iuuat:  
 Ingenuus color, & multis decus artibus, & quæ  
 Gaudia sub tacita dicere ueste libet.  
 Quò magis, & nostros contendis soluere amores,  
 Hoc magis accepta fallit uterq; fide,  
 Non impunè feres: sciet hæc, insane, puella,  
 Et tibi non tacitis uocibus hostis erit:  
 Nec tibi me post hæc committet Cynthia, nec te  
 Quæret: erit tanti criminis illa memor.



*Et te circum omneis alias irata puellas,  
 Deferet: heu nullo limine charus eris.  
 Nullas illa suis contemnet fletibus aras,  
 Et quicumq; sacer, qualis ubiq; lapis.  
 Non ullo grauius tentatur Cynthia damno,  
 Quàm sibi cùm raptio cessat amore Deus,  
 Precipue nostri. Maneat sic semper, adoro:  
 Nec quicquam ex illa, quod querar, inueniam.*

A D A E M V L V M

suum Gallum.

**I** Nuide tu tandem uoces compesce molestas:  
 Et sine nos cursu, quo sumus, ire pares.  
 Quid tibi uis, insane (meos sentire furores?)  
 Infelix properas ultima nosse mala:  
 Et miser ignotos uestigia ferre per ignes,  
 Et bibere è tota toxica Thessalia.  
 Non est illa uagis similis collata puellis:  
 Molliter irasci non solet illa tibi.  
 Quòd si forte tuis non est contraria uotis,  
 At tibi curarum millia quanta dabit?  
 Non tibi iam somnos, non illa relinquet ocellos:  
 Illa feros animis alligat una uiros.  
 Ah mea contemptus quoties ad limina curres,  
 Cùm tibi singultu fortia uerba cadent:  
 Et tremulus mœstis orietur fletibus horror,  
 Et timor informem ducet in ore notam:  
 Et quaecunq; uoles fugient tibi uerba querenti:  
 Nec poteris qui sis, aut ubi, nosse miser.  
 Tum graue seruitium nostræ cogere puellæ  
 Discere, & exclusum quid sit abire domum:

*Nec iam pallorem toties mirabere nostrum,*

*Aut cur sim toto corpore nullus ego:*

*Nec tibi nobilitas poterit succurrere amanti.*

*NESCIT Amor priscis cedere imaginibus.*

*Quòd si parua tuæ dederis uestigia culpæ,*

*Quàm citò de tanto nomine rumor eris?*

*Non ego tum potero solatia ferre roganti,*

*Cùm mihi nulla mei sit medicina mali:*

*Sed pariter miseri socio cogemur amore*

*Alter in alterius mutua flere sinu.*

*Quare quid possit mea Cynthia, desine Galle*

*Querere. Non impunè illa rogata uenit.*

*AD TVLLVM.*

**N**on ego nunc Adriæ uereor mare noscere te-

*Tulle, neq; Aegæo ducere uela salo: (cũ,*

*Cum quo Riphæos possim conscendere montes,*

*Vlieriusq; domos uadere Memnonias.*

*Sed me complexæ remorantur uerba puellæ,*

*Mutatoq; graues sepe colore preces.*

*Illa mihi totis arguat noctibus ignes,*

*Et queritur nullos esse relictæ deos.*

*Illa meam mihi iam se denegat, illa minatur*

*Quæ solet irato tristis amica uiro.*

*His ego non horam possum durare querelis.*

*Ah pereat, siquis lentius amare potest.*

*An mihi sit tanti doctas cognoscere Athenas,*

*Atq; Asiæ ueteres cernere diuitias:*

*Vt mihi deducta faciat conuiuia puppi*

*Cynthia, & insanis ora notet manibus?*

*Osculaq;*



Osculaq; opposito dicat sibi debita uento,  
 Et nihil infido durius esse uiro?  
 Tu patrui meritas conare anteire secures,  
 Et uetera oblitis iura refer socijs.  
 Nam tua non etas unquam seruiuit Amori,  
 Semper at armata cura fuit patriæ.  
 Et tibi non unquam nostros puer iste labores  
 Afferat, & lacrymis omnia nota meis.  
 Me sine, quem semper uoluit fortuna iacere,  
 Hanc animam extremæ reddere nequitia.  
 Multi longinquo periere in amore libenter:  
 In quorum numero me quoq; terra tegat.  
 Non ego sum laudi, non natus idoneus armis:  
 Hanc me militiam fata subire uolunt.  
 At in seu mollis quæ tendit Ionia, seu quæ  
 Lydia Pactoli tingit aratra liquor,  
 Seu pedibus terras, seu Pontum carpere remis  
 Ibis, & accepti pars eris imperij,  
 Tum tibi siqua mei ueniet non immemor hora,  
 Viuere me duro sidere certus eris.

## AD PONTICVM POETAM.

Cum tibi Cadmeæ dicuntur Pontice Thebæ,  
 Armaq; fraternæ tristia militiæ:  
 Atq; (ita sim felix) primo contendis Homero,  
 Sint modò fata tuis mollia carminibus:  
 Nos, ut consuemus, nostros agitamus amores,  
 Atq; aliquid duram querimus in dominam:  
 Nec tantum ingenio, quantum seruire dolori  
 Cogor, & ætatis tempora dura queri.

Hic

*Hic mihi conteritur uita modus: hæc mea fama est:*

*Hinc cupio nomen carminis ire mei.*

*Me laudent, doctæ solum placuisse puellæ,*

*Pontice & iniustas sæpe tulisse minas,*

*Me legat assidue post hæc neglectus amator,*

*Et prosint illi cognita nostra mala.*

*Te quoq; si certo puer hic concusserit arcu,*

*Quod nolim nostros euolasse Deos,*

*Longè castra tibi, longè miser agmina septem*

*Flebis in æterno surda iacere sinu.*

*Et frustra cupies mollem componere uersum,*

*Nec tibi subiiciet carmina sæuus Amor.*

*Tunc me non humilem mirabere sæpe poetam,*

*Tunc ego Romanis præferar ingenijs:*

*Nec poterunt iuuenes nostro hoc retinere sepulcro:*

*Ardoris nostri magne poetæ iaces.*

*Tu cauè nostra tuo contemnas carmina fastu.*

*Sæpe uenit magno fœnore tardus Amor.*

AD CYNTHIAM.

**T***V'ne igitur demēs? nec te mea cura moratur?*

*An tibi sum gelida uilior Illyria?*

*Et tibi iam tanti, quicumq; est iste, uidetur:*

*Vt, sine me, uento quolibet ire uelis?*

*Tu'ne audire potes uesani murmura ponti?*

*Fortis & in dura naue iacere potes?*

*Tu pedibus teneris prorsus fulcare pruinas?*

*Tu potes insolitas, Cynthia, ferre nives?*

*O utinam hybernæ duplicentur tempora bruma,*

*Et sit iners tardis nanita Vergilijs:*

m

Nec



*Nec tibi Tyrrhena soluatur funis arena,  
Ne'ue inimica meas eleuet aura preces:  
Atq; ego non uideam tales subsidere uentos,  
Cum tibi prouectas auferet unda rates:  
Et me defixum uacua patiaris arena  
Crudelem infesta sepe uocare manu.  
Sed quocunq; modo de me periura mereris,  
Sit Galatea tue non aliena uie:  
Ut te felici uectam per cœrula remo,  
Accipiat placidis Oricos æquoribus.  
Nam me non ulla poterunt corrumpere tædæ,  
Quin ego uicta tuo limine uerba querar.  
Nec me deficiet, nautas rogitare citatos:  
Dicite quo portu clausa puella mea est.  
Et dicam, Atracijs licet hæc consadat in oris,  
Et licet Eleis, illa futura mea est.  
Hic erit, hic iurata manet: rumpantur iniqui.  
Vicimus: assiduas non tulit illa preces.  
Falsa licet cupidus deponat gaudia linor,  
Destitit ire nouas Cynthia nostra uias.  
Illi charus ego: & per me charissima Roma  
Dicitur: & sine me, dulcia regna negat.  
Illa uel angusto mecum requiescere lecto,  
Et quocunq; modo maluit esse mea:  
Quàm sibi dotatae regnum uetus Hippodamia,  
Et quas Elis opes antiè pararat equis.  
Quamuis magna daret, quamuis maiora daturus,  
Non tamen illa meos fugit auara sinus.  
Hanc ego non auro, non Indis flectere conchis,*

*Sed*

*Sed potui blandi carminis obsequio.  
 Sunt igitur Musæ, neq; amanti tardus Apollo:  
 Queis ego fretus amo: Cynthia rara mea est.  
 Nunc mihi summa licet contingere sidera plantis:  
 Siue dies, seu nox uenerit, illa mea est.  
 Nec mihi riualis certos subducet amores.  
 Ista meam norit gloria caniciem.*

## AD PONTICVM SVVM.

**D***Icebam tibi uenturos, irrisor, amores:  
 Nec tibi perpetuò libera uerba fore.  
 Ecce iaces, supplexq; uenis ad iura puellæ,  
 Et tibi nunc quæuis imperat emptæ modò.  
 Non me Chaoniæ uincant in amore columbæ  
 Dicere quos iuuenes, quæq; puella domet.  
 Me dolor, & lacrymæ meruò fecere peritum:  
 Atq; utinam posuo dicar amore rudis.  
 Quid tibi nūc misero prodest graue dicere carmen?  
 Aut Amphionie mœnia flere lyra?  
 Plus in amore ualet Mimnermi uersus Homero:  
 Carmina mansuetus lenia querit Amor.  
 I queso, & tristes istos depone libellos,  
 Et cane quod quæuis nosse puella uelit.  
 Quid si non esset facilis tibi copia? nunc tu  
 Insanus medio flumine quæris aquam.  
 Necdum etiam palles, uero nec tangeris igni.  
 Hæc est uenturi prima fauilla mali.  
 Tum magis Armenias cupies accedere tigres,  
 Et magis infernæ uincula nosse rota:  
 Quàm pueri, toties arcum sentire medullis,*



*Et nihil irata posse negare tua.*  
*Nullus Amor cuiquam facilis ita præbuit alas,*  
*Vt non alterna presserit ille manu.*  
*Nec te decipiat, quòd sit satis illa parata:*  
*Acrius illa subit Pontice, si qua tua est.*  
*Quippe ubi non liceat uacuos seducere ocellos,*  
*Nec uigilare alio nomine cecat Amor:*  
*Qui non antè patet, donec manus attingit ossa.*  
*Quisquis es assiduas aufuge blanditias.*  
*Illis & silices, & possunt cedere quercus,*  
*Nedum tu possis, spiritus iste leuis.*  
*Quare si pudor est, quàm primùm errata fateret:*  
*Dicere quo pereas, sæpe in amore iuuat.*

## A D G A L L V M.

**O** *Iucunda quies, primo cum testis amori*  
*Affueram uestris conscius in lacrymis!*  
*O noctem meminisse mihi iucunda uoluptas!*  
*O quoties uotis illa uocanda meis!*  
*Cum te complexa morientem, Galle, puella*  
*Vidimus, & longa ducere uerba mora.*  
*Quamuis labenteis premeret mihi somnus ocellos,*  
*Et medijs cœlo Luna ruberet equis.*  
*Non tamen à uestro potui secedere lusu,*  
*Tantus in alternis uocibus ardor erat.*  
*Sed quoniam non es ueritus concedere nobis,*  
*Accipe commissæ munera lætitiæ.*  
*Non solum uestros didici reticere dolores:*  
*Est quiddam in nobis maius amice fide.*  
*Possum ego diuisos iterum coniungere amantes,*  
*Et domina tardas possum aperire fores:*

*Et possum alterius curas sanare recenteis,  
 Nec levis in uerbis est medicina meis.  
 Cynthia me docuit semper quaecunq; petenda,  
 Quæq; cauenda forent: nonnihil egit Amor.  
 Tu cauē, ne tristi cupias pugnare puellæ,  
 Ne'ue superba loqui, ne'ue tacere diu:  
 Neu siquid petijt, ingrata fronte negaris:  
 Neu tibi pro uano uerba benigna cadant.  
 Irritata uenit, quando contemnitur illa,  
 Nec meminit iustas ponere læsa minas.  
 At quò sis humilis magis, & subiectus Amori,  
 Hòc magis effecto sape fruire bono.  
 Is poterit felix una remanere puella,  
 Qui nunquam uacuo pectore liber erit.*

## AD CYNTHIAM.

**E**cquid te medijs cessantem Cynthia Baijs,  
 Quà iacet Herculeis semita littoribus,  
 Et modò Thesproti mirantem subdita regno  
 Proxima Misenis æquora nobilibus,  
 Nostri cura subit memores adducere noctes?  
 Ecquis in extremo restat amore locus?  
 An te nescio quis simulatis ignibus hostis  
 Sustulit è nostris Cynthia carminibus?  
 Atq; utinam magè te remis confisa minutis  
 Paruula Lucrina cymba moretur aqua:  
 Aut teneat clausam tenui tentantis in unda  
 Alternè facilis cedere lymphæ manu,  
 Quàm uacet alterius blandos audire susurros  
 Molliter in tacito litore compositam.



*Ut solet amoto labi custode puella  
 Perfida, communes nec meminisse Deos.  
 Non quia perspecta non est mihi cognita fama,  
 Sed quòd in hac omnis parte timetur Amor.  
 Ignosces igitur, siquid tibi triste libelli  
 Attulerint, nostri culpa timoris eris.  
 An mihi non maior charæ custodia matris?  
 Aut sine te vitæ cura sit ulla meæ?  
 Tu mihi sola domus, tu Cynthia sola parentes,  
 Omnia tu nostræ tempora letitiæ.  
 Seu tristis veniam, seu contrà letus amicis:  
 Quicquid ero (dicam) Cynthia causa fuit.  
 Tu modò quàm primùm corruptas desere Baias.  
 Multis ista dabunt littora dissidium:  
 Littora, quæ fuerant castis inimica puellis.  
 Ah pereant Baie, crimen Amoris aquæ.*

## A D C Y N T H I A M.

*Q*uid mihi desidiæ non cessas fingere crimen  
 Quòd faciat nobis conscia Roma moram?  
 Tam multa illa meo diuisa est millia lecto,  
 Quantum Hypanis Veneto dissidet Eridano.  
 Nec mihi consuetos amplexu nutrit amores  
 Cynthia, nec nostræ dulcis in aure sonat.  
 Olim gratus eram: non illo tempore cuiquam  
 Contigit, ut simili posset amare fide.  
 Inuidie fuimus. num me Deus obruit? an quæ  
 Lecta Prometheus diuidit herba iugis?  
 Non sum ego, qui fueram: mutat uia longa puellas.  
 Quantus in exiguo tempore fugit Amor!  
 Nunc primùm longas solus cognoscere noctes

Cogor, & ipse meis auribus esse grauis.  
 Felix qui potuit presenti flere puella:  
 Nonnihil aspersis gaudet Amor lacrymis.  
 Aut si despectus potuit mutare calores,  
 Sunt quoq; translato gaudia seruitio.  
 Mi neq; amare aliã, neq; ab hac discedere fas est:  
 Cynthia prima fuit, Cynthia finis erit.

## AD GALLVM.

**T**V (quod sæpe soles) nostro latabere casu  
 Galle, quod abrepto solus amore uacem.  
 At non ipse tuas imitabor perfide uoces:  
 Fallere te nunquam, Galle, puella uelit.  
 Dum tibi deceptis augetur fama puellis,  
 Certus & in nullo quæris amore moram:  
 Perditus in quadam tardis pallefcere curis  
 Incipis, & primo lapsus adire gradu.  
 Hæc erit illarum contempti pœna doloris,  
 Multarum miseras exigit una uices.  
 Hæc tibi uulgares istos compescet amores,  
 Nec noua quærendo semper amicus eris.  
 Hæc ego non rumore malo, non augure doctus:  
 Vidi ego: me, quæso, teste, negare potes?  
 Vidi ego te toto uinctum languescere collo:  
 Et flere iniectis, Galle, diu manibus:  
 Et cupere optatis animam deponere uerbis,  
 Et quæ deinde meus celat amice pudor.  
 Non ego complexus potui diducere uestros.  
 Tantus erat demens inter utrosq; furor.  
 Non sic Aemonio Salmonida mistus Enipeo



*Tenarius facili preßit amore Deus:*  
*Nec sic cœlestem flagrans amor Herculis Heben*  
*Sensit in Oetæis gaudia prima iugis.*  
*Vna dies omneis potuit præcurrere amantes:*  
*Nam tibi non tepidas subdidit illa faces:*  
*Nec tibi præteritos passa est succedere fastus,*  
*Nec sinct abduci, te tuus ardor aget.*  
*Nec mirū, cū sit Ioue digna, & proxima Leda,*  
*Et Leda partu gratior una tribus.*  
*Illā sit Inachys & blandior Heroinis,*  
*Illā suis uerbis cogat amare Iouem.*  
*Tu uerò, quoniam semel es periturus amore,*  
*Vtere, non alio limine dignus eras.*  
*Quæ tibi sit felix, quoniam nouus incidit error:*  
*Et quodcunq; uoles una sit ista tibi.*

## A D T V L L V M.

**T***V* licet adiectus Tyberina molliter unda,  
*Lesbia Mentoreo uina bibas opere:*  
*Et modò tam celeres mireris currere lyncres,*  
*Et modò tam tardas funibus ire rates:*  
*Et nemus omne satas intendat uertice syluas,*  
*Vrgetur quantis Caucasus arboribus:*  
*Non tamen ista meo ualeant contendere amorì.*  
*Nescit Amor magnis cedere diuitijs.*  
*Nam siue optatam mecum trahit illa quietem,*  
*Seu facili totum ducit amore diem:*  
*Tunc mihi Pæstoli ueniunt sub tecta liquores,*  
*Et legitur rubris gemma sub æquoribus:*  
*Tam mihi cessuros spondent mea gaudia reges,*  
*Quæ mancant, dum me fata perire uolent.*

Nam quis diuinijs aduerso gaudet amore?  
 Nulla mihi tristi premia sunt Venere.  
 Illa potest magnas heroum infringere vires,  
 Illa etiam duris mentibus esse dolor.  
 Illa neq; Arabium metuit transcendere limen:  
 Nec timet Ostrino, Tulle, subire toro:  
 Et miserum toto iuuenem uersare cubili.  
 Quid releuant uarijs serica textilibus?  
 Quæ mihi dum placata aderit, non ulla uerebor  
 Regna, uel Alcinoi munera despicere.

## AD CYNTHIAM.

**S**æpe ego multa tuæ leuitatis damna timebã,  
 Hac tamen excepta, Cynthia, perfidia.  
 Aspice me quanto rapiat Fortuna periclo:  
 Tu tamen in nostro lenta timore uenis:  
 Et potes externos manibus componere crines,  
 Et longa faciem querere desidia:  
 Nec minus Eois pectus uariare lapillis,  
 Ut formosa nouo quæ parat ire uiro.  
 At non sic Ithaci digressu mota Calypso  
 Deseris olim fleuerat æquoribus.  
 Multos illa dies incomptis mœsta capillis  
 Sederat, iniusto multa locuta salo.  
 Et quamuis nunquam posthac uisura, dolebas  
 Illa tamen, longæ conscia lætiæ.  
 Alphe sibcæa suos ultra est pro coniuge frares,  
 Sanguinis & chari uincula rupit Amor.  
 Nec sic Aesoniden rapientibus anxia uentis  
 Hypsipyle uacuo constituit in thalamo.



*Hypsipyle nullos post illos sensit amores,  
 Ut semel Aemonio tabuit hospitio.  
 Coniugis Euadne miseros elata per ignes,  
 Occidit, Argine fama pudicitiae.  
 Quarum nulla tuos potuit conuertere mores,  
 Tu quoq; mihi fieres nobilis historia.  
 Desine iam renocare tuis periuria uerbis  
 Cynthia, & obliuos parce mouere Deos:  
 Audax ah nimium, nostro dolitura periclo,  
 Siquid fortè tibi durius inciderit.  
 Multa prius uasto labentur flumina Ponto,  
 Annus & inuersas duxerit antè uices:  
 Quàm tua sub nostro mutetur pectore cura,  
 Sis quodcunq; uoles, non aliena tamen:  
 Quam'ue mihi uiles isti uideantur ocelli,  
 Per quos sepe mihi credita perfidia est.  
 Hos tu iurabas, siquid mentita fuisses,  
 Ut tibi suppositis exciderent manibus.  
 Et contra magnum potes hos attollere solem?  
 Nec tremis, admissæ conscia nequitiæ?  
 Quis te cogebat multos pallere colores,  
 Et fletum inuitis ducere luminibus?  
 Quis ego nunc pereos similes moniturus amantes,  
 O nullis tutum credere blanditijs.*

## V E R B A I A N V A E

conquerentis.

**Q**uæ fueram magnis olim patefacta triumphis  
 Ianua Tarpeie nota pudicitiae,  
 Cuius inaurati celebrarunt limina currus,  
 Captorum lacrymis humida supplicibus:

Nunc ego nocturnis potorum saucia rixis,  
Pulsata indignis sepe queror manibus.  
Et mihi non desunt turpes pendere corollæ,  
Semper & exclusis signa iacere faces:  
Nec possum infamis dominæ defendere noctes,  
Nobilis obscænis tradita carminibus.  
Nec tamen illa suæ reuocatur parcere famæ  
Turpior, & secli uiuere luxuria.  
Has inter grauius cogor deflere querelis  
Supplicis à longis tristior excubijs.  
Ille meos nunquam patitur requiescere postes  
Arguta referens carmina blanditiis.  
Ianua uel domina penitus crudelior ipsa,  
Quid mihi tam duris clausa taces foribus?  
Cur nunquam reuerata meos admittis amores,  
Nescia furtiuas reddere mota preces?  
Nulla'ne finis erit nostro concessa dolori?  
Turpis & in tepido limine somnus erit?  
Me mediæ noctes, me sidera plena iacentem,  
Frigidaq; Eo me dolet aura gelu:  
Tu sola humanos nunquam miserata dolores,  
Respondes tacitis mutua cardinibus.  
O' utinam traiccta caua mea uocula rima,  
Percussas dominæ uergat in auriculas.  
Sit licet & saxo patientior illa Sicano,  
Sit licet & ferro durior, & chalybe:  
Non tamen illa suos poterit compescere ocellos,  
Surget & inuitis spiritus in lacrymis.  
Nunc iacet alterius felici nixa lacerto,  
At mea nocturno uerba cadunt Zephyro.



*Sed tu sola mei tu maxima causa doloris,  
 Victa meis nunquam ianua muneribus.  
 Te non ulla mea læsit petulantia lingua,  
 Quæ solet irato dicere uerba loco:  
 Vt me tam longa raucum patiare querela.  
 Sollicitas triuio peruigilare moras.  
 At tibi sæpe nouo deduxi carmina uersu,  
 Osculaq; impressis nixa dedi gradibus.  
 Ante tuos quoties uerui me perfida postes?  
 Debitaq; occultis uota tuli manibus?  
 Hæc ille, & si quæ miseri nouistis amantes,  
 Et matutinis obstrepiit aliiibus:  
 Sic ego nunc dominae uiuijs, & semper amantis  
 Fletibus æterna differor inuidia.*

## A D C Y N T H I A M,

de maris tempestate.

**A**T meritò, quoniam potui fugisse puellam,  
 Nunc ego desertas alloquor Alcyonas:  
 Nec mihi Cassiope solito uisura carinam,  
 Omniaq; ingrato litore uota cadunt.  
 Quinetiam absenti prosunt tibi, Cynthia, uenit:  
 Aspice quàm sauas increpat aura minas.  
 Nulla'ne placata ueniet fortuna procellæ?  
 Heccine parua meum funus arena teget?  
 Tu tamen in melius sauas conuerte querelas.  
 Sat tibi sit pœnæ nox, & iniqua uada.  
 An poteris siccis mea fata reponere ocellis?  
 Ossaq; nulla tuo nostra tenere sinu?  
 Ah pereat quicumq; rateis, & uela parauit  
 Primus, & inuito gurgite fecit iter.

*Non'ne fuit melius dominæ pervincere mores:*

*Quamuis dura, tamen rara puella fuit:*

*Quàm sic ignotis circumdata litora sylvis*

*Cernere & optatos querere Tyndaridas?*

*Illic si qua meum sepelissent fata dolorem,*

*Ulimus & posito staret amore lapis:*

*Illa meo charos donasset funere crines:*

*Molliter & tenera poneret ossa rosa.*

*Illa meum extremo clamasset pulvere nomen,*

*Vt mihi non ullo pondere terra foret.*

*At vos æquoreæ formosa Doride natæ*

*Candida felici soluite uela Noto:*

*Siquando uestras labens Amor attigit undas,*

*Mansuetis socio parcite littoribus.*

AD CYNTHIAM.

**H***æc certè deserta loca, et taciturna querēt,*  
*Et uacuum Zephyri possidet aura nemus.*

*Hic licet occultos proferre impunè dolores:*

*Si modò sola queant saxa tenere fidem.*

*Vnde tuos primùm repetam, mea Cynthia, fastus?*

*Quod mihi das flendi, Cynthia, principium?*

*Qui modò felices inter numerabar amantes,*

*Nunc in amore tuo cogor habere notam.*

*Quid tantum merui? quæ te mihi crimina mutant?*

*An noua tristitiæ causa puella tuæ?*

*Sic mihi te referas levis, ut non altera nostro*

*Limine formosos intulit ulla pedes,*

*Quamuis multa tibi dolor hic meus aspera debet:*

*Non ita seua tamen uenerit ira mea,*

*Vt tibi sim meritiò semper furor, & tua flendo*



*Lumina deiectis turpia sint lacrymis.*  
*An quia parua damus mutato signa calore?*  
*Et non ulla meo clamat in ore fides?*  
*Vos eritis testes, si quos habet arbor amores*  
*Fagus, & Arcadio pinus amata Deo.*  
*Ah quoties teneras resonant mea uerba sub umbras,*  
*Scribitur & uestris Cynthia corticibus.*  
*An tua quod peperit nobis iniuria curas,*  
*Quæ solum tacitis cognita sunt foribus?*  
*Omnia consueui timidus perferre superba*  
*Iussa, neque arguto facta dolore queri.*  
*Pro quo diuini fontes, & frigida rupes,*  
*Et datur inculto tramite dura quies:*  
*Et quodcunque meæ possunt narrare querelæ,*  
*Cogor ad argutas dicere solus aues.*  
*Sed qualiscunque es, resonent tibi Cynthia syluæ,*  
*Nec deserta tuo nomine saxa uacent.*

## A D C Y N T H I A M.

**N**on ego nunc tristes uereor mea Cynthia, ma-  
*Nec moror extremo debita fata rogo, (nes:*  
*Sed ne fortè tuo careat mihi funus amore,*  
*Hic timor est, ipsis durior exequijs.*  
*Non adeò leuiter nostris puer hæsit ocellis,*  
*Vt meus oblito puluis amore uacet.*  
*Illic Phylacides iucunde coniugis heros*  
*Non potuit cecis immemor esse locis:*  
*Sed cupidus falsis attingere gaudia palmis.*  
*Thessalis antiquam uenerat umbra domum.*  
*Illic quicquid ero, semper tua dicar imago,*  
*TRAHIT & fati littora magnus amor.*

Illic formosæ ueniant chorus heroinæ,  
 Quas dedit Argiuis Dardana præda uiris:  
 Quarum nulla tua fuerit mihi, Cynthia, forma  
 Grator, & tellus hoc ita iusta sinat.  
 Quamuis te longæ remorentur fata senectæ,  
 Chara tamen lacrymis ossa futura meis:  
 Quæ tu uiua mea possis sentire fanilla,  
 Tum mihi non ullo mors sit amara loco.  
 Quàm uercor ne te contempto, Cynthia, busto,  
 Abstrahat è nostro puluere iniquus Amor:  
 Cogat & inuitam lacrymas siccare cadentes.  
 Flectitur assiduus certa puella minis.  
 Quare (dum licet) inter nos letamur amantes.  
 Non satis est ullo tempore longus amor.

## A D G A L L V M.

**H**oc pro continuo te, Galle, monemus amore:  
 Id tibi ne uacuo defluat ex animo.  
 Sæpe imprudenti Fortuna occurrit amanti,  
 Crudelis Minyis dux erat Ascanius.  
 Est tibi non infra speciem non nomine dispar  
 Thiodamentheo proximus ardor Hylæ.  
 Nunc tu siue leges umbrosæ flumina syluæ,  
 Siue Aniena tuos tinxerit unda pedes,  
 Siue Gigantea spatia habere litoris ora,  
 Siue ubicunq; uago fluminis hospitio,  
 Nympharum cupidas semper defende rapinas,  
 Non minor Ausonijs est amor in Dryadis.  
 Ne tibi sit durum montes, & frigida saxa  
 Galle, neq; expertos semper adire lacus:  
 Quæ miser ignotis error perpeffus in oris



Herculis indomito fleuerat Ascanio.  
Nanq; ferunt olim Pagasæ naualibus Argon  
Egressam longè Phasidos isse uiam:  
Et iam præteritis labentem Athamantidos undis  
Mysorum scopulis applicuisse ratem.  
Hic manus heroum placidis ut constitit oris  
Mollia composita littora fronde tegit:  
At comes inuicti iuuenis processerat ultra  
Raram seposui querere fontis aquam.  
Hunc duo sectati fraires Aquilonia proles,  
Hunc super & Zethes, hunc super & Calais,  
Oscula suspensis instabant carpere palmis,  
Oscula & alterna ferre supina fuga.  
Ille sub extrema pendens secluditur ala,  
Et uolucres ramo submouet insidias.  
Iam Pandionia cesset genus Oriuhyie:  
Ah dolor ibat Hylas, ibat Hamadryas hinc.  
Hic erat Arganti Phlegre sub uertice montis  
Grata domus Nymphis humida Thynniacis:  
Quam supra nulli pendebant debita curæ  
Rosida desertis poma sub arboribus:  
Et circum irriguo surgebant lilia prato  
Candida purpureis mista papaueribus.  
Quæ modò decerpens tenero pueriliter ungui,  
Proposito florem prætulit officio.  
Et modò formosis incumbens nescius undis,  
Errorem blandis tardat imaginibus,  
Tandem haurire parat dimissis flumina palmis  
Innixus dextro plena trahens humero.  
Cuius ut accēse Dryades cādore puella,      Mir

*Mirata solitos destituere choros.  
 Prolapsum leuiter facili texere liquore:  
 Tum sonitum, rapti corpore, fecit Hylas.  
 Cui procul Alcides iterat responsa, sed illi  
 Nomen ab extremis fontibus aura refert.  
 His, ò Galle, tuos monitis seruabis amores,  
 Formosum nymphis credere uisus Hylam.*

## GALLVS LOQVITVR.

**T***V, qui consortem properas euadere casum,  
 Miles ab Hetruscis saucius aggeribus,  
 Quid nostro gemitu iurgentia lumina torques?  
 Pars ego sum uestræ proxima militiæ.  
 Sic te seruato, ut possint gaudere parentes.  
 Hæc soror acta tuis sentiat è lacrymis,  
 Gallum per medios ereptum Cæsaris enses,  
 Effugere ignotas non potuisse manus:  
 Et quicunq; super dispersa inuenerit ossa  
 Montibus Hetruscis, hæc sciat esse mea.*

## AD TVLLEVM DE PATRIA SVA.

**Q***Valis, & unde genus, q sint mihi, Tulle, pe-  
 Quæris p nostra semp amicitia. (nates,  
 Si Perusina tibi patriæ sunt nota sepulcra,  
 Italiæ duris funera temporibus,  
 Cùm Romana suos egit discordia ciues:  
 Sit mihi præcipuè puluis Hetrusca dolor,  
 Tu proiecta mei perpeffa es membra propinqui,  
 Tu nullo miseri contegis ossa solo.  
 Proxima supposito contingens Vmbria campo  
 Me genuit terris fertilis uberibus.*

F I N I S.



## SEX. PROPERTII

AURELII VMBRI ELE-  
GIARVM LIBER II.

AD MECOENATEM.



VAERITIS unde mihi toties  
scribantur amores?  
Vnde me<sup>9</sup> ueniat mollis iora liber?  
Non hæc Calliope, non hæc mihi  
cantat Apollo,

Ingenium nobis ipsa puella facit.  
Sive togis illam fulgentem incedere Cois,  
Hoc totum è Coa ueste uolumen erit:  
Seu uidi ad frontem sparsos errare capillos,  
Gaudet laudatis ire superba comis:  
Sive lyrae carmen digitis percussit eburnis,  
Miramur faciles ut premat arte manus:  
Seu cum poscentes somnus declinat ocellos,  
Inuenio causas mille poeta nouas:  
Seu nuda erepto mecum luctatur amictu,  
Tunc uerò longas condimus Iliadas,  
Seu quicquid fecit, siue est quodcunq; locuta,  
Maxima de nihilo nascitur historia.  
Quid mihi si tantum Mecænas fata dedissent,  
Ut possem heroas ducere in arma manus?  
Non ego Titanas canerem, non Ossan Olympo  
Impositum, ut cœli Pelion esset iter:  
Non ueteres Thebas, nec Pergama nomē Homeri,  
Xerxis & imperio bina coisse uada:

Regn

Regna'ue prima Rœni, animos Carthaginiæ aliæ,  
Cymbrorumq; minas, & benefacta Mari.  
Bellaq; resq; tui memorarem Cæsaris: & in  
Cæsare sub magno cura secunda fores.  
Nam quoties Mutinā, aut ciuilia busta Philippos,  
Aut canerem Siculæ classica bella fugæ:  
Euersosq; focos antiquæ genis Hetruscæ,  
Et Ptolemææ litora capta Phari:  
Aut canerē Aegyptū, et Nilū, cū tract<sup>9</sup> in urbē  
Septem captiuis debilis ibat aquis:  
Aut regum auratis circumdata colla catenis,  
Actiaq; in sacra currere rostra uia:  
Te mea Musa illis semper contexeret armis,  
Et sumpta, & posita pace fidele caput.  
Theseus infernis, superis testatur Achilles  
Hic Ixioniden, ille Menœtiaden.  
Sed neq; Phlegræos Iouis, Enceladiq; tumultus  
Intonet angustō pectore Callimachus:  
Nec mea conueniunt duro præcordia uersu,  
Cæsaris in Phrygios condere nomen auos.  
Nauita de uentis, de tauris narrat arator,  
Enumerat miles uulnera, pastor oues.  
Nos contrā angustō uersamus prælia lecto,  
Qua pote quisq; in ea conterat arte diem.  
Laus, in amore mori: laus, si datur altera in uno  
Posse frui: fruar ò solus amore meo.  
Si memini solet illa leues culpāre puellas,  
Et totam ex Helena non probat Iliada.  
Sed mihi sint tangenda nouercæ pocula Phædræ,



Pocula priuigno non nocitura suo:  
 Seu mihi Circeō pereundum est gramine, siue  
 Colchis Colchiacis urat ahena focis:  
 Vna meos quoniam prædata est foemina sensus,  
 Ex hac ducentur funera nostra domo.  
 Omnes humanos sanat medicina dolores,  
 SOLVS amor morbi non amat artificem.  
 Tarda Philoetæ sanauit crura Machaon:  
 Phœnicis Chiron lumina Phillyrides:  
 Et Deus extinctum Cressis Epidaurius herbis  
 Restituit patrijs Androgeona focus:  
 Mysus & Aemonia iuuenis qua cuspide vulnus  
 Senferat, hac ipsa cuspide sensit opem.  
 Hoc si quis uitium poterit mihi demere: solus  
 Tantalea poterit tradere poma manu:  
 Dolia uirgineis idem ille repleuerit urnis,  
 Ne tenera assiduo colla grauentur aqua:  
 Idem Caucasea soluet de rupe Promethei  
 Brachia, & à medio pectore pellet auem.  
 Quandocunq; igitur uitam mea fata reposcent,  
 Et breue in exiguo marmore nomen ero:  
 Mecœnas nostræ spes inuidiosa iuuenta,  
 Et uitæ, & morti gloria iusta meæ:  
 Si te fortè meo ducet uia proxima busto,  
 Esseda celatis siste Britanna iugis:  
 Taliaq; illacrymans mutæ iace uerba fauillæ,  
 Huic misero fatum dura puella fuit.

## CYNTHIAE PVELLAE LAVDES.

**L** Iber eram, & uacuo meditabar uiuere lecto:  
 At me composita pace fefellit Amor.

*Cur hæc in terris facies humana moratur?*

*Iuppiter ignosco pristina furta tua.*

*Fulva coma est, longæq; manus: est maxima toto*

*Corpore, & incedit ut Ioue digna soror:*

*Aut cùm Dulichias Pallas spatatur ad aras*

*Gorgonis anguifera pectus operta comis:*

*Qualis & Ischomache Lapithæ genus Heroina*

*Centauris medio grata rapina mero:*

*Mercurioq; Saus fertur Bæbeïdos undis*

*Virgineum primò composuisse latus,*

*Cedite iam diuæ, quas pastor uiderat olim*

*Idæis tunicam ponere uerticibus.*

*Hanc utinam faciem nolit mutare senectus,*

*Et si Cumææ secula uatis aget.*

ADVERSVM SE.

**Q***ui nullum tibi dicebas iam posse nocere,*  
*Hæsiisti: cecidit spiritus ille tuus.*

*Vix unum potes infelix requiescere mensem,*

*Et turpis de te iam liber alter erit.*

*Quærebam sicca si possit piscis arena,*

*Nec solitus ponto uiuere toruus aper:*

*Aut ego si possem studijs uigilare seueris.*

*D I F F E R T U R, nunquam tollitur ullus amor.*

*Nec me tam facies, quamuis sit candida, cepit,*

*Lilia non domina sint magis alba mea.*

*Et Mæotica nix minio si certet Hiberno,*

*Utq; rosæ puro lacte natant folia,*

*Nec de more coma per lævia colla fluentes,*

*Non oculi gemina sidera nostra faces,*



Nec si qua Arabio lucet bombyce puella.  
 Non sum de nihilo blandus amator ego.  
 Quantum quod posito formosæ saltat Iaccho  
 Egrot ut euantes dux Ariadna choros:  
 Et quantum Aeolio cū tentat carmina plectro,  
 Par Aganippæ ludere docta lyra:  
 Et sua cū antiquæ committit scripta Corinnæ,  
 Carminaq; Erinnes non putat æqua suis.  
 Num tibi nascenti primis mea uita diebus  
 Aridus argutum sternuit omen Amor?  
 Hæc tibi contulerunt cœlestia munera diui,  
 Hæc tibi ne matrem foriè dedisse putes.  
 Non non humani sunt partus talia dona,  
 Ista nouem menses non peperere bona.  
 Gloria Romanis una es tu nata puellis,  
 Romana accumbens prima puella Ioui.  
 Nec semper nobiscum humana cubilia uises:  
 Post Helenam hæc terris forma secunda redit.  
 Hæc ego non mirer si flagret nostra iuuentus,  
 Pulchrius hæc fuerat Troia perire tibi.  
 Olim mirabar, quod tanti in Pergama belli  
 Europæ, atq; Asiæ causa puella fuit.  
 Nunc Pari tu sapiens, & tu Menelaë fuisti:  
 Tu quia poscebas, tu quia lentus eras.  
 Digna quidē facies, pro qua uel obiret Achilles,  
 Vel Priamus: belli causa probanda fuit.  
 Siquis uult fama tabulas antecire uetustas,  
 Hic dominam exemplo ponat in antè meam:  
 Sine illam Hesperij, sine illam ostendet Eois:

*Uret & Eoos, uret & Hesperios.*

*His saltem ut tenear iam finibus, aut mihi siquis*

*Acrius ut moriar, uenerit alter amor?*

*Ac ueluti primò taurus detrectat aratra,*

*Pòst uenit assueto mollis ad arua ingo:*

*Sic primo iuuenes trepidant in amore feroces,*

*Dehinc domiti pòst hæc æqua, & iniqua ferunt,*

*Turpia perpeffus uates est uincla Melampus*

*Cognitus Iphicli subripuisse boues:*

*Quem non lucra magis Pero formosa cõggit,*

*Mox Amithæonia nuptia futura domo.*

AD AMANTEM.

**M**ulta prius dominæ delicta queraris oportet.

*Sæpe roges aliquid, sæpe repulsus eas:*

*Et sæpe immeritos corrumpas dentibus ungues,*

*Et crepitum dubio susciuet ira pede.*

*Nequicquam perfusa meis unguenta capillis,*

*Ibat & expenso planta morata gradu:*

*Non hic herba ualet, non hic nocturna Citeis,*

*Non per Medæe gramina cocta manus:*

*Quippe ubi nec causas, nec apertos cernimus ictus,*

*Vnde tamen ueniant tot mala, cæca uia est.*

*Non eget hic medicis, non lectis mollibus æger:*

*Huic nullum cœli tempus, & aura nocet.*

*Ambulat, & subito mirantur funus amici,*

*Sic est incautum quicquid habetur amor.*

*Nam cui non ego sum fallaci præmia uati?*

*Quæ mea non decies somnia uersat anus?*

*Hostis siquis erit nobis, amet ipse puellas:*



*Gaudeat in puero, si quis amicus erit.  
 Tranquillo tuta descendit flumine cymba.  
 Quid tibi tam parui littoris unda nocet?  
 Alter saepe uno mutat praeordia uerbo,  
 Altera uix ipso sanguine mollis erit.*

## A D C Y N T H I A M.

**H**oc uerum est, tota te ferri Cynthia Roma,  
 Et non ignota uiuere nequitia.  
 Hoc merui sperare? dabis mihi perfida poenas,  
 Et nobis Aquilo Cynthia uentus erit.  
 Inueniam tamen è multis fallacibus unam,  
 Quae fieri nostro carmine nota uelit:  
 Nec mihi tam duris insultet moribus, & te  
 Vellicet. Heu serò flebis amata diu.  
 Nunc est ira recens, nunc est discedere tempus:  
 Si dolor abfuerit, crede redibit amor.  
 Non ita Carpathiae uariant Aquilonibus undae,  
 Nec dubio nubes uertitur atra Noto,  
 Quàm facile irati uerbo mutantur amantes:  
 Dum licet, iniusto subtrahe colla iugo.  
 Nec tu non aliquid, sed prima nocte dolebis.  
 O M N E in amore malum, si patiare, leue est.  
 At tu per dominæ Iunonis dulcia iura  
 Parce tuis animis, uita, nocere tibi.  
 Non solum taurus ferit uncis cornibus hostem,  
 Verùm etiam instanti lesa repugnat ouis.  
 Nec tibi periuro scindam de corpore uestes,  
 Nec mea praeclusas fregerit ira fores:  
 Nec tibi connexos iratus carpere crines,

Nec

*Nec duris ausim ledere pollicibus.  
 Rusticus hæc aliquis tam turpia prælia quærat,  
 Cuius non edere circumiere caput.  
 Scribam igitur quod non unquam tua deleat ætas,  
 Cynthia forma potens; Cynthia uerba leuis.  
 Crede mihi, quamuis contemnas murmura famæ,  
 Hic tibi pallori Cynthia uersus erit.*

## AD EANDEM.

**N**on ita complebant Ephyrææ Laidos ædes,  
 Ad cuius iacuit Græcia tota fores:  
 Turba Menandreæ fuerat nec Thaidos olim  
 Tanta, in qua populus lusit Erichthonius:  
 Nec quæ delatas potuit componere Thebas  
 Phyrne, tam multis facta beata uiris.  
 Quin etiam falsos fingis tibi sæpe propinquos,  
 Oscula nec desunt, qui tibi iure ferant.  
 Me iuuenum facies pictæ, me nomina ledunt:  
 Me tener in cunis, & sine uoce puer:  
 Me lædet, si multa tibi dabit oscula mater:  
 Me soror, & cum qua dormis amica simul.  
 Omnia me lædent, timidus sum, ignosce timori:  
 Et miser in tunica suspicor esse uirum.  
 His olim (ut fama est) uitæ ad prælia uentum est,  
 His Troiana uides funera principijs.  
 Aspera Centauros eadem dementia iussit  
 Frangere in aduersum pocula Pirithoum.  
 Cur exempla petam Graiûm? tu criminis auctor  
 Nutritus duro Romule lacte lupa:  
 Tu rapere intactas docuisti impune Sabinas,



Per te nunc Romæ quidlibet audet Amor.  
 Felix Admeti coniux, & lectus Ulyssis,  
 Et quæcunq; uiri fœmina limen amat.  
 Templâ Pudiciæ quid opus statuisse puellis,  
 Si cuius nuptiæ quidlibet esse licet?  
 Quæ manus obscœnas depinxit prima tabellas,  
 Et posuit casta turpia uisa domo,  
 Illa puellarum ingenuos corrupit ocellos,  
 Nequitiæq; suæ noluit esse rudes.  
 Ah gemat in terris ista qui protulit arte  
 Iurgia sub tacita condita lætitia.  
 Non istis olim uariabant recta figuris,  
 Cum paries nullo crimine pictus erat.  
 Sed non immerito uelauit aranea fanum,  
 Et mala desertos occupat herba Deos.  
 Quos igitur tibi cûstodes, quæ limina ponam,  
 Quæ nunquàm supra pes inimicus eat?  
 NAM nihil inuitæ tristis cûstodia prodest,  
 QVAM peccare pudet, Cynthia, tua sat est.  
 Vxor me nunquàm, nunquàm me ducet amica:  
 Semper amica mihi, semper & uxor eris.

## AD CYNTHIAM.

G Auisa est certè sublatam Cynthia legem,  
 Quæ quondam edicta, flemus uterq; diu,  
 Ni nos diuideret: QVAMVIS diducere amanteis  
 Non queat inuitos Iuppiter ipse duos.  
 At magnus Cæsar, sed magnus Cæsar in armis:  
 Deuictæ gentes nil in amore ualent.  
 Nam citius paterer caput hoc discedere collo,

Quàm

Quàm possem nuptæ perdere in ore faces.  
An ego transirem tua limina clausa maritus  
Respicens udis perdita luminibus?  
Ah mea tum qualem caneret tibi, Cynthia, cantus  
Tibia, funesta tristior illa tuba!  
Vnde mihi patrijs natos præbere triumphis?  
Nullus de nostro sanguine miles erit.  
Quòd si uera meæ comitarem castra puella,  
Non mihi sat magnus Castoris iret equus.  
Hinc etenim tantum merui mea gloria nomen.  
Gloria ad hybernos lata Boristenidas.  
Tu mihi sola places, placeam tibi Cynthia solus:  
Hic erit & patrio sanguine pluris amor.

## AD AMICVM.

**E**Ripitur nobis iam pridem chara puella:  
Et tu me lacrymas fundere, amice, uetas?  
Nullæ sunt inimiciæ, nisi amoris, acerbæ:  
Ipsum me iugula, lenior hostis ero.  
Possum ego in alterius posuam spectare lacerto?  
Nec mea dicetur, quæ modò dicta mea est?  
OMNIA uertuntur, certè uertuntur amores:  
Vinceris, aut uincis, hæc in amore rota est.  
Magni sepe duces, magni cecidere Tyranni:  
Et Thebæ steterant, altaq; Troia fuit.  
Munera quanta dedi, uel qualia carmina feci?  
Illa tamen nunquàm ferrea dixit, Amo.  
Ergo iam multos nimium temerarius annos,  
Improba qui tulerim teq; tuamq; domum.  
Et quando ire tibi liber sum uisus? an usq;  
In nostrum iacies uerba superba capis?



Sic igitur prima moriere etate, Properti.  
 Sed morere, interitu gaudeat illa tuo.  
 Exagitet nostros manes, sectetur & umbras,  
 Insultetq; rogis, calcet & ossa mea.  
 Quid? non Antigones tumulo Bœctius Aemon  
 Corruit ipse suo saucius ense latus?  
 Et sua cum misera permiscuit ossa puellæ,  
 Qua sine Thebanam noluit ire domum?  
 Sed non efficies, mecum moriaris oportet,  
 Hoc eodem ferro stillet uterq; cruor.  
 Quamuis ista mihi mors est inhonesta futura:  
 Mors inhonesta quidem, tu moriere tamen.  
 Ille etiam abrepta desertus coniuge Achilles  
 Cessare in tectis pertulit arma sua.  
 Viderat ille fuga tractos in litore Achivos,  
 Feruere & Hectorea Dorica castra face:  
 Viderat informem multa Patroclon arena  
 Porrectum, & sparsas cæde iacere comas:  
 Omnia formosam propter Briseïda passus,  
 Tantus in erepto seuit amore dolor.  
 At postquam sera captiua est reddita pœna,  
 Fortem illum Aemonijs Hectora traxit equis,  
 Inferior multo cum sim uel Marte, uel armis:  
 Mirum si de me iure triumphat Amor?

## A D A M I C A M.

**I**ste quod est, ego sæpe fui: sed fors & in hora,  
 Hoc ipso eiecto, charior alter erit.  
 Penelope poterat bis denos salua per annos  
 Vinere, tam multis fœmina digna procis,  
 Coniugium falsa poterat differre Minerva:

Nocturno soluens texta diurna dolo:  
Visura & quamuis nunquam speraret Vlysses,  
Illum expectando facta remansit anus.  
Nec non exanimem amplectens Briseis Achillem,  
Candida uesana uerberat ora manu.  
Et dominum lauit mærens captiua cruentum,  
Apposuit fluijs in Simoënta uadis:  
Fœdauitq; comas, & tanti corpus Achillis,  
Maximaq; in parua sustulit ossa manu:  
Cum tibi nec Peleus aderat, nec cæcula mater,  
Scyria nec uiduo Deidamia uiro.  
Tunc igitur ueris gaudebat Græcia natis.  
Tunc etiam felix inter & arma pudor.  
At tu non una potuisti nocte uacare  
Impia, non unum sola manere diem.  
Quin etiam multo duxisti pocula luxu,  
Forsitan & de me uerba fuere mala.  
Hic etiam petitur, qui te prius ipse reliquit.  
Dij faciant isto capta fruarè uiro.  
Hæc mihi uota tuam propter suscepta salutem,  
Cum capite hoc Stygiæ iam peterentur aquæ.  
Et lectum flentes circūstaremus amici,  
Hic ubi tum, prò dij, perfida, quis ne fuit?  
Quid si longinquos retinerer miles ad Indos?  
Aut mea si staret nauis in Oceano?  
S E D uobis facile est uerba, & componere fraudes:  
Hoc unum didicit fœmina semper opus.  
N O N sic incerto mutantur flamine Syrtes,  
Nec folia hyberno tam tremefacta Noto:  
Quàm citò fœminea non constat fœdus in ira:



*Sive ea causa grauis, sive ea causa levis.  
 Nunc quoniam ista tibi placuit sententia, cedam:  
 Tcla precor pueri figite acuta magis.  
 Figite certantes, atq; hanc mihi soluite uitam:  
 Sanguis erit uobis maxima palma meus.  
 Sidera sunt testes, & matutina pruina,  
 Et furtim misero ianua aperta mihi:  
 Te nihil in uita nobis acceptius unquam.  
 Nunc quoq; eris, quamuis sis inimica mihi.  
 Nec domina ulla meo ponet uestigia lecto.  
 Solus ero, quoniam non licet esse tuum.  
 Atq; utinam, si fortè pios eduximus annos,  
 Ille uir in medio fiat amore lapis.  
 Non ob regna magis diris cecidere sub armis  
 Thebani media non sine matre duces:  
 Quàm mihi, si media liceat pugnare puella:  
 Mortem ego non fugiam morte subire tua.*

## A D M V S A M.

**I***Am tempus lustrare alijs Heliconæ choreis,  
 Et campum Aemonio iam dare tēpus equo,  
 Iam libet & fortes memorare ad prælia turmas,  
 Et Romana mei dicere castra ducis.  
 Quòd si deficient uires, audacia certè  
 Laus erit: in magnis & uoluisse sat est.  
 Aetas prima canat ueneres, extrema tumultus:  
 Bella canam, quando scripta puella mea est.  
 Nunc uolo subducto grauior procedere uultu:  
 Nunc aliam citharam me meâ musa docet.  
 Surge anima ex humili iam carmine: sumite uires  
 Pierides: magni nunc erit oris opus.*

Jam negat Euphrates equitem post terga tueri  
 Parthorum, & Crassos se tenuisse dolet.  
 India quin Auguste tuo dat colla triumpho,  
 Et domus intactæ te tremit Arabia.  
 Et siqua extremis tellus se subtrahit oris,  
 Sentiet illa tuas postmodò victa manus.  
 Hæc ego castra sequar uates, tua castra canendo:  
 Magnus ero, seruent hunc mihi fata diem.  
 Ut caput in magnis, ubi non est tangere, signis  
 Ponitur hic imos ante corona pedes:  
 Sic nos nunc inopes laudis conscendere carmen  
 Pauperibus sacris uilia tura damus.  
 Nondū etiam Ascræos norūt mea carmina fontes,  
 Sed modò Permessi flumine lauit Amor.

## AD CYNTHIAM.

**S**cribant de te alij, uel sis ignota licebit:  
 Ludet, qui sterili semina ponit humo.  
 Omnia (crede mihi) tecum uno munera lecto  
 Auferet extremi funeris atra dies.  
 Et tua transibit contemnens ossa uiator:  
 Nec dicet, Cinis hic docta puella fuit.

## DE AMORE.

**Q**uicūq; ille fuit, puerū qui pinxit Amorem,  
 Nōne putas miras hūc habuisse manus?  
 Is primū uidit sine sensu uiuere amantes,  
 Et leuibus curis magna perire bona.  
 Idem non frustra uentosas addidit alas,  
 Fecit & humano corde uolare Deum:  
 Scilicet alterna quoniam iactamur in unda,  
 Nostraq; non ullis permanet aura locis.



*Et meritò hamatis manus est armata sagittis,  
 Et pharetra ex humero Gnosia utroq; sonat:  
 Antè ferit quoniam, tuti quàm cernimus hostem,  
 Nec quisquam ex illo uulnere sanus abit.  
 In me tela manent, manet & puerilis imago:  
 Sed certè pennas perdidit ille suas,  
 Euolat è nostro quoniam de pectore nusquam,  
 Assiduusq; meo sanguine bella gerit.  
 Quid tibi iucundum, siccis habitare medullis?  
 Si puer es, aliò traice tela tua.  
 Intactos isto satius tentare ueneno.  
 Non ego, sed tenuis uapulat umbra mea:  
 Quam si perdidideris, quis erit, qui talia canet?  
 Hæc mea Musa leuis, gloria magna tua est:  
 Quæ caput, & digitos, & lumina nigra puellæ,  
 Et canit, ut soleant molliter ire pedes.*

## A D C Y N T H I A M.

**N**on tot *Achamenijs armatur Susa sagittis,  
 Spicula quot nostro pectore fixit Amor.  
 Hic me tam graciles uetuit contemnere Musas,  
 Iussit & Ascræum sic habitare nemus.  
 Non ut Pieriæ quercus mea uerba sequantur,  
 Aut possim Ismaria ducere ualle feras:  
 Sed magis ut nostro stupefiat Cynthia uersu:  
 Tunc ego sum Inachio notior arte Lino.  
 Non ego sum formæ tantùm mirator honestæ,  
 Nec siqua illustres fœmina iactat auos.  
 Me iuuat in gremio doctæ legisse puellæ,  
 Auribus & puris scripta probasse mea.  
 Hæc ubi contigerint, populi confusa ualet*

*Fabula: nam, domina iudice, tutus ero.  
Quòd si fortè bonas ad pacem uerterit aures,  
Possum inimicitias tunc ego ferre Iouis.  
Quandocunq; igitur nostros mors claudet ocellos,  
Accipe quæ serues funeris acta mei.  
Nec mea tunc longa spatietur imagine pompa,  
Nec tuba sit facti uana querela mei:  
Nec mihi tunc fulcro sternatur lectus eburno,  
Nec sit in Attalico mors mea nixa toro.  
Desit odoriferis ordo mihi lancibus: adsint  
Plebeij parua funeris exequiæ.  
Sat sit magna mei, si tres sint pompa libelli,  
Quos ego Persephone maxima dona feram.  
Tu uerò nudum pectus lacerata sequeris,  
Nec fueris nomen lassæ uocare meum.  
Osculaq; in gelidis pones suprema labellis,  
Cum dabitur Syrio munere plenus onyx.  
Deinde ubi suppositus cinerem me fecerit ardor,  
Accipiat manes paruula testa meos:  
Et sit in exiguo laurus super addita busto,  
Quæ tegat extincti funeris umbra locum.  
Et duo sint uersus, Qui nunc iacet arida puluis,  
Unius hic quondam seruus Amoris erat.  
Nec minus hæc nostri notescet fama sepulcri,  
Quàm fuerant Phthij busta cruenta uiri.  
Tu quoq; si quando uenies ad fata, memento,  
Hoc iter ad lapides cana ueni memores.  
Interea cauē sis nos aspernata sepultos,  
Nonnihil ad uerum conscia terra sapit.*



*Atq; uinam primis animam me ponere cunis  
 Iussisset quæuis de tribus una soror.  
 Nam quò tam dubiæ seruetur spiritus horæ?  
 Nestoris est uisus post tria secla cinis.  
 Si tam longæuæ minuisset fata senectæ  
 Gallicus Iliacis miles in aggeribus,  
 Non ille Antilochi uidisset corpus humati,  
 Diceret aut, O mors, cur mihi sera uenis?  
 Tu tamen amisso nonnunquam flebis amico,  
 Fas est præteritos semper amare uiros.  
 Testis qui niueum quondam percussit Adonim  
 Venantem Idalio uerice durus aper.  
 Illis formosum fleuisse paludibus, illuc  
 Diceris effusa tu Venus isse coma.  
 Sed frustra mutos reuocabis Cynthia manes,  
 Nam mea quid poterunt ossa minuta loqui?*

L A E T A T U R P O T I T U S A M I C A .

**N**on ita Dardanio gaudisus Atreida triūpho est,  
 Cùm caderent magnæ Laomedontis opes:  
 Nec sic errore exacto letatus Vlysses,  
 Cùm tetigit charæ littora Dulichiæ:  
 Nec sic Electra suum saluū cùm aspexit Orestem,  
 Cuius falsa tenens fleuerat ossa soror:  
 Nec sic incolumem Minois Thesèa uidit  
 Dædaleum lino cùm duce rexit iter:  
 Quanta ego præterita collegi gaudia nocte:  
 Immortalis ero, si altera talis erit.  
 At dum demissis supplex cernicibus ibam  
 Dicebar sicco uilior esse lacu.

Nec

*Nec mihi iam fastus opponere querit iniquos,  
 Nec mihi ploranti lenta sedere potest.  
 Atq; utinam non tam serò mihi nota fuisset  
 Conditio, cineri nunc medicina datur.  
 Ante pedes cæcis lucebat semita nobis,  
 Scilicet insano nemo in amore uidet.  
 Hoc sensi prodesse magis, contemnite amantes:  
 Sic hodie ueniet, si qua negauit heri.  
 Pulsabant alij frustra, dominamq; uocabant:  
 Mecum habuit positum lenta puella caput.  
 Hæc mihi deuictis potior uictoria Parthis:  
 Hæc spolia, hæc reges, hæc mihi currus erunt.  
 Magna ego dona tua figam Cytherea columna,  
 Taleq; sub nostro nomine carmen erit:  
 Has pono ante tuas tibi diua Propertius ædes  
 Exuias, tota nocte receptus amans.  
 Nunc ad te mea lux ueniet mea littora naui:  
 Seruata, an medijs fidat onusta uadis?  
 Et si fortè aliqua nobis mutabere culpa,  
 Vestibulum iaceam mortuus ante iuui.*

## NARRAT VOLUPTATES SVAS.

**O** Me felicem, nox ô mihi candida, & ô tu  
 Lectule delitijs facte beate meis:  
 Quàm multa apposita narramus uerba lucerna?  
 Quantaq; sublato lumine rixa fui?  
 Nam modò nudatis mecum est luctata papillis,  
 Interdum tunica duxit operta moram.  
 Illa meos somno lassos patefecit ocellos,  
 Ore suo: & dixit, siccine lente iaces?



Quàm uario amplexu mutamus brachia? quantum  
Oscula sunt labris nostra morata tuis?  
Non iuuat in cæco Venerem corrumpere motu:  
S I nescis, oculi sunt in amore duces.  
Ipse Paris nuda fertur perijsse Lacæna,  
Cum Menelaëo surgeret è thalamo.  
Nudus & Endymion Phœbi cepisse sororem  
Dicitur, & nudæ concubuisse deæ.  
Quòd si pertendens animo uestita cubaris,  
Scissa ueste meas experiere manus.  
Quin etiam si me ulterius prouexerit ira,  
Ostendes matri brachia læsa tuæ.  
Necdum inclinatæ prohibent te ludere mammae,  
Viderit hæc siquam iam peperisse pudet.  
Dum nos fata sinunt, oculos satiemus amore:  
Nox tibi longa uenit, nec reditura dies.  
Atq; utinam herentes sic nos uincire catena  
Velles, ut nunquam solueret ulla dies.  
Exemplo iunctæ tibi sint in amore columbæ,  
Masculus & totum foemina coniugium.  
Errat qui finem uesani querit amoris,  
V E R V S amor nullum nouit habere modum.  
Terra prius falso partu deludet arantes,  
Et citius nigros sol agitabit equos:  
Fluminaq; ad caput incipient reuocare liquores,  
Aridus & sicco gurgite piscis erit:  
Quàm possim nostros aliò transferre calores.  
Huius ero uiuus, mortuus huius ero.  
Quòd mihi si tecum tales concedere noctes

Illa uelit, uita longus & annus erit.  
 Si dabit hæc multas, fiam immortalis in illis,  
 Nocte una quiuis uel Deus esse potest.  
 Qualem si cuncti uellent decurrere uitam,  
 Et preßi multo membra iacere mero:  
 Non ferrum crudele eßset, neq; bellica nauis:  
 Nec noßtra Actiacum uerteret ossa mare:  
 Nec toties proprijs circum oppugnata triumphis  
 Lassa foret crines soluere Roma suos.  
 Hæc certè meritò poterunt laudare minores,  
 Læserunt nullos pocula noßtra deos.  
 Tu modò, dum licet, hunc fructum ne desere uitæ:  
 Omnia si dederis, oscula pauca dabis.  
 At ueluti folia arentes liquère corollas,  
 Quæ passim calathis strata natare uides:  
 Sic nobis, qui nunc magnum speramus amantes,  
 Forsitan includet crastina fata dies.

## AD CYNTHIAM.

**P** Rætor ab Illyricis uenit modò Cynthia, terris:  
 Maxima præda tibi, maxima cura mihi.  
 Non potuit saxo uitam posuisse Cerauno:  
 Ah, Neptune, tibi qualia dona darem.  
 Nunc, sine me, plena fiunt conuiuia mensa:  
 Nunc, sine me, tota ianua nocte patet.  
 Quare, si sapis, oblatas ne desere messes:  
 Et stolidum pleno uellere carpe pecus.  
 Déinde ubi consumpto restabit munere pauper:  
 Dic, alias iterum nauiget Illyrias.  
 Cynthia non sequitur fasces, nec curat honores:



*Semper amatorum ponderat illa sinus.  
 At tu nunc nostro Venus ò succurre dolori,  
 Rumpat ut assiduis membra libidinibus.  
 Ergo muneribus quivis mercatur amicam:  
 Iuppiter, indigna merce puella perit.  
 Semper in Oceanum mittit me quærere gemmas,  
 Et iubet ex ipsa tollere dona Tyro.  
 Atq; utinam Romæ nemo esset dives, & ipse  
 Straminea posset dux habitare casa.  
 Nunquam uenales essent ad munus amicæ,  
 Atq; una fieret cana puella domo.  
 Non quia septenas noctes seiuncta cubaris,  
 Candida tam fœdo brachia fusa viro,  
 Non quia peccaris, testor te: sed quia V V L G O  
 Formosis leuitas semper amica fuit.  
 Barbarus excussis agitat uestigia lumbis,  
 Et subito felix nunc mea regna tenet.  
 Aspice quid donis Eriphyla inuenit amaris,  
 Arserit & quantis nupta Creusa malis.  
 Nulla'ne sedabit nostros iniuria fletus?  
 An dolor hic vitij nescit abesse suis?  
 Tot iam abiire dies, cùm me nec cura theatri,  
 Nec tetigit campi: nec mea musa iuuat.  
 Ah pudeat certè, pudeat, nisi fortè quod aiunt,  
 T V R P I S Amor surdis auribus esse solet.  
 Cerne ducem, modò qui fremitu compleuit inani  
 Actia damnatis æquora militibus:  
 Hunc infamis Amor uersis dare terga carinis  
 Iussit, & externo quærere in orbe fugam.*

*Cæsaris hæc uirtus, & gloria Cæsaris hæc est:*  
*Illâ (quâ uicit) condidit arma manu.*  
*Sed quascunq; tibi uestes, quoscunq; smaragdos,*  
*Quos'ue dedit flauo lumine chrysolithos,*  
*Hæc uideam rapidas in uanum ferre procellas:*  
*Quæ tibi terra uelim, quæ tibi fiet aqua.*  
*NON semper placidus periuros ridet amantes*  
*Iuppiter, & surda negligit aure preces.*  
*Vidisti'n' toto sonitus percurrere cœlo?*  
*Fulminaq; ætheria desiluisse domo?*  
*Non hæc Pleiades faciunt, neq; aquosus Orion:*  
*Nec sic de nihilo fulminis ira cadit.*  
*Periuras tunc ille solet punire puellas:*  
*Deceptus quoniam fleuit & ipse Deus.*  
*Quare ne tibi sit tanti Sidonia uestis,*  
*Ut timeas, quoties nubilus Auster erit.*

## DE EXCLVSIONE.

**M***Entiri noctem, promissis ducere amantem,*  
*Hoc erit infectas sanguine habere manus.*  
*Horum ego sum uates: quoties desertus amaras*  
*Expleui noctes, fractus uiroq; toro?*  
*Vel tu Tantalea moueare ad flumina sorte,*  
*Ut liquor arenæ fallat ab ore sitim:*  
*Vel tu Sisyphios licet admirere labores,*  
*Difficile ut toto monte uoluet onus:*  
*DVRIUS in terris nihil est quod uiuat amante:*  
*Nec (modò si sapias) quod minus esse uelis.*  
*Quem modò felicem, inuidia admirante, ferebant,*  
*Nunc decimo admittor nix ego quoq; die.*



*Nunc iacere è duro corpus iuuat impia saxo,  
 Sumere & in nostras trita uenena manus.  
 Nunc licet in trinijs sicca requiescere luna,  
 Aut per rimosas mittere uerba fores.  
 Quod quamuis ita sit, dominam mutare cauebo:  
 Tum flebit, cum mi senserit esse fidem.*

## A D C Y N T H I A M.

**A** *sfidua multis odium peperere querela:  
 Frangitur in tacito foemina saepe uiro.  
 Siquid uidisti, semper uidisse negato:  
 Aut siquid doluit fortè, dolere nega.  
 Quid si iam canis aetas mea candeat annis?  
 Et faceret scissas languida ruga genas?  
 At non Tithoni spernens Aurora senectam  
 Desertum Eoa passa iacere domo est:  
 Illum saepe suis decedens fouit in ulnis,  
 Quàm prius adiunctos sedula lauit equos:  
 Illum ad uicinos cum amplexa quiesceret Indos,  
 Maturos iterum est quæsta redire dies:  
 Illa Deos currum conscendens dixit iniquos,  
 Inuitum & terris præstitit officium:  
 Cum maiora sanis Tithoni gaudia uiuis  
 Quàm grauis, amisso Memnone, luctus erat.  
 Cum sene non puduit talem dormire puellam,  
 Et canæ toties oscula ferre comæ.  
 At tu etiam iuuenem odisti me perfida: cum sit  
 Ipsa anus, haud longa curua futura die.  
 Quin ego diminuo curam: quòd saepe Cupido  
 Huic malus esse solet, cui bonus antè fuit.*

Nunc

*Nunc etiam infectos demens imitare Britannos:*

*Ludis & externo tincta nitore caput.*

*UT natura dedit, sic omnis recta figura:*

*Turpis Romano Belgicus ore calor.*

*Illi sub terris fiant mala multa puella,*

*Quæ mentita suas uertit inepta comas.*

*De me mi cericè poteris formosa uideri:*

*Mi formosa satis (si modò sæpe uenis.)*

*An si cæruleo quædam sua tempora fūco*

*Tinxerit, idcirco cærulea forma bona est?*

*Cū tibi nec frater, nec sit tibi filius ullus:*

*Frater ego, & tibi sim filius unus ego.*

*Ipse tuus semper tibi sit custodia lectus,*

*Nec nimis ornata fronte sedere uelis.*

*Credam ego: narranti noli committere famæ.*

*ET terram rumor transfilit, & maria.*

#### AD CYNTHIAM.

**E***T si me inuito discedis, Cynthia, Roma:*

*Lætor quòd sine me deuia rura colis.*

*Nullus erit castis iuuenis corruptor in agris,*

*Qui te blanditijs non sinat esse probam.*

*Nulla neq; ante tuas orietur rixa fenestras,*

*Nec tibi clamata somnus amarus erit.*

*Sola eris: & solos spectabis, Cynthia, montes,*

*Et pecus, & fines pauperis agricola.*

*Illic te nulli poterunt corrumpere ludi,*

*Fanaq; peccatis plurima causa tuis.*

*Illic assidue tauros spectabis arantes,*

*Et uitem docta ponere falce comas.*



Atq; ibi rara feres inculto tura sacello,  
 Hædus ubi agrestes corruet ante focos.  
 Protinus & nuda choræas imitabere sura,  
 Omnia ab externo sint modò tuta uiro.  
 Ipse ego uenabor: iam nunc me sacra Dianæ  
 Suscipere, & Veneri ponere uota iuuat.  
 Incipiam captare feras, & reddere pinu  
 Cornua, & audaces ipse monere canes:  
 Non tamen ut uastos ausim tentare leones,  
 Aut eeler agrestes communus ire sues.  
 Hæc igitur mihi sit lepores audacia molles  
 Excipere, & stricto figere auem calamo:  
 Qua formosa sua Clitumnus flumina luco  
 Integit, & niveos abluit unda boues.  
 Tu quoties aliquid conabere, uita, memento  
 Venturum paucis me tibi luciferis.  
 Sic me nec sola poterunt auertere syluæ,  
 Nec uaga muscosis flumina fusa iugis:  
 Quin ego in assidua mutem tua nomina lingua:  
 Absenti nemo non nocuisse uelit.

## A D C Y N T H I A M.

Quid fles abducta grauius Briseïde? qd fles?  
 Anxia captiua tristius Andromacha?  
 Quid ue mea de fraude Deos insana fatigas?  
 Quid quereris nostram sic cecidisse fidem?  
 Non tam nocturna uolucris funesta querela  
 Auica Cecropijs obstrepit in folijs,  
 Nec tantum Niobe bis sex ad busta superba  
 Sollicito lacrymans defluit à Sipulo.  
 Me licet æratis astringant brachia nodis,

Sint mea uel Danaës condita membra domo:  
In te ego & æratas rumpam, mea uita catenas:  
Ferratam Danaës transiliamq; domum.  
De te quodcunq; ad surdas mihi dicitur aures:  
Tu modò ne dubita de grauitate mea.  
Ossa tibi iuro per matris, & ossa parentis:  
Si fallo, cinis heu sit mihi uterq; grauis.  
Me tibi ad extremas mansurum uita tenébras:  
Ambos una fides, auferet una dies.  
Quòd si nec nomen, nec me tua forma teneret:  
Possset seruitium mite tenere tuum.  
Sèptima iam plene deducitur orbita Luna:  
Cùm de me, & de te compita nulla tacent.  
Interea nobis non unquam ianua mollis,  
Non unquam lecti copia facta tui:  
Nec mihi muneribus nox ulla est emptæ beatæ:  
Quicquid eram, hoc animi gratia magna tui.  
Cùm te tam multi peterent, tu me una petisti.  
Possum ego naturæ non meminisse tuæ?  
Tunc me uel tragicæ uexetis Erinnyes, & me  
Inferno damnes. Aeace iudicio,  
Atq; inter Tityi uolucres mea penna uagetur,  
Tumq; ego Sisyphio saxa labore geram.  
Nec tu supplicibus me sis uenerata tabellis:  
Vltima talis erit, quæ mea prima fides.  
Hoc mihi perpetuò ius est, quòd solus amator  
Nec ciò desisto, nec temere incipio.

AD CYNTHIAM, DE PANTHO.

**A**H quātum de me Panthi tibi pagina finxit,  
Tantum illi Pantho non sit amica Venus.



*Sed tibi iam uideor Dodonæ uerior augur:  
 Vxorem ille tuus pulcher amator habet,  
 Tot noctes periere, nihil pudet: aspice cantat  
 Liber, tu nimium credula sola iaces.  
 Et nunc inter eos tu sermo es, te ille superbus  
 Dicit se inuito sæpe fuisse domi.  
 Dispeream, si quicquam aliud, quàm gloria de te  
 Queritur: has laudes ille maritus habet.  
 Colchida sic hospes quondam decepit Iason:  
 Eiecta est: tenuit nanq; Creusa domum.  
 Sic à Dulichio iuvene est elusa Calypso.  
 Vidit amatorem pandere uela suum.  
 Ah nimium faciles aurem præbere puella,  
 Discite desertæ non temere esse bonæ.  
 Huic quoq; qui restat, iam pridem queritur alter:  
 E X P E R T A in primo stulta cauere potest.  
 Nos quocunq; loco, nos omni tempore tecum,  
 Sine agra pariter, sine ualente sumus.*

## A D D E M O P H O O N T E M.

*S*cis here mi multas pariter placuisse puellas:  
 Scis mihi, Demophoon, multa uenire mala.  
 Nulla meis frustra lustrantur compita plantis.  
 O nimis exitio nata theatra meo:  
 Sine aliquis molli deducit candida gestu  
 Brachia, seu uarios incinit ore modos.  
 Interea nostri querunt sibi uulnus ocelli,  
 Candida non tecto pectore siqua sedet:  
 Sine uagi crines puris in frontibus errant,  
 Indica quos medio uertice gemma tenet.  
 Qua si fortè aliquid uultu mihi dura negarat,

*Frigida de tota fronte cadebat aqua.  
Quæris Demophoon, cur sim tam mollis in omnes?  
Quòd quæris quare non habet ullus amor?  
Cur aliquis sacris laniat sua brachia cultris?  
Et Phrygis insanos cæditur ad numeros?  
VNICVIQVE dedit vitium Natura creato:  
Me Fortuna aliquid semper amare dedit.  
Me licet & Thamyra cantoris fata sequantur:  
Nunquam ad formosas, inuide, cæcus ero.  
Sed tibi si exiles uideor tenuatus in artus,  
Falleris. HAVD unquam est culta labore Venus.  
Percontare licet, sæpe est experta puella  
Officium tota nocte ualere meum.  
Iuppiter Alcmena geminas requieuerat arctos,  
Et cælum noctu bis sine Rege fuit:  
Nec tamen idcirco languens ad fulmina uenit:  
NULLVS amor vires eripit ipse suas.  
Quid cùm è complexu Briseïdos iret Achilles,  
Num fugère minus Thessala tela Phryges?  
Quid ferus Andromache lecto cùm surgeret Hector,  
Bella Mycenæ non innuere rates?  
Ille, uel hic classes poterat, uel perdere muros,  
Hic ego Pelides, hic ferus Hector ego.  
Aspice uti cælo modò sol, modò luna ministret:  
Sic etiam nobis una puella parum est.  
Altera me cupidis teneat, foveatq; lacertis,  
Altera (si quando est) non sinat esse locum.  
Aut si fortè irata meo sit facta ministro:  
Ut sciat esse aliam, quæ uelit esse mea.  
NAM melius duo defendunt retinacula nauem.*



*Tutius & geminos anxia mater alit.  
 Aut si es dura, nega: sin es non dura, uenito.  
 Quid iuuat in nullo pondere uerba loqui?  
 Hic unus dolor est ex omnibus acer amanti,  
 Speranti subito si qua uenire negat.  
 Quanta illum toto uersant suspiria lecto?  
 Cur recipi, quam non nouerit, illa uetat?  
 Et rursum puerum querendo audita fatigat,  
 Quem quæ scire timet, querere plura iubet.*

## DE AMORIS SERVITUTE.

*C**ui fuit indocti fugienda hæc semita uulgi,  
 Ipsa petita lacu nunc mihi dulcis aqua est.  
 Ingenuus quisquam alterius dat munera seruo,  
 Ut commissa suæ uerba ferat domina?  
 Et querit toties, quenam nunc porticus illam  
 Integit, & campo quo mouet illa pedes?  
 Deinde ubi pertuleris, quos dicit fama labores  
 Herculis, ut scribat muneris & quid habes?  
 Cernere uti possis uultum custodis auari,  
 Captus & immunda sæpe latere casa.  
 Quam carè semel in toto nox ueritur anno.  
 Ah pereant, si quos ianua clausa iuuat.  
 Contrà reiecto quæ libera uadit amictu,  
 Custodum & nullo septa timore, placet.  
 Cui sæpe immundo sacra conteritur uia socco,  
 Nec sinit esse moram, si quis adire uelit:  
 Differet hæc nunquam, nec poscet garrula, quæ te  
 Astrictus pleret sæpe dedisse pater.  
 Nec dicet timeo, propera iam surgere quæso:*

*Infelix hodie uir mihi rure uenit.  
 Et quas Euphrates, & quas mihi misit Orontes,  
 Me capiant, nolim furta pudica tori.  
 Libertas quoniam nulli iam restat amanti,  
 Nullus liber erit, si quis amare uolet.*

## DE CYNTHIA, IN AEMVLVM.

**T***V loqueris, cum sit iam toto fabula libro,  
 Et tua sit toto Cynthia lecta foro?  
 Cui non his uerbis aspergat tempora sudor?  
 Aut pudor ingenuus, aut reticendus amor?  
 Quod si tam facilis spiraret Cynthia nobis:  
 Non ego nequitie dicerer esset caput:  
 Nec sic per totam infamis traducerer urbem:  
 Vreret & quamuis nomine, uerba darem.  
 Quare ne tibi sit mirum, me querere uiles.  
 Parcius infamant: num tibi causa leuis?  
 Et modò pauonis caudæ flabella superbæ,  
 Et manibus dura frigus habere pila,  
 Et cupit iratum talos me poscere eburnos,  
 Quæq; nitent sacra uilia dona uia.  
 Ah peream, si me ista mouent dispendia: sed me  
 Fallaci dominæ iam pudet esse iocum.  
 Hoc erat in primis, quod me gaudere iubebas?  
 Tam te formosam non pudet esse leuem?  
 Vna, aut altera nox nondum est in amore peracta,  
 Et dicor lecto iam grauis esse tuo.  
 Me modò laudabas, & carmina nostra legebas.  
 Ille tuus pennas tam citò uertit Amor?  
 Contendat mecum ingenio, contendat & artes:  
 In primis una discat amare domo.*



Si libitum tibi erit, Lerneas pugnet ad hydras,  
 Et tibi ab Hesperio mala dracone ferat:  
 Tetra uenena libens, & naufragus ebibat undas,  
 Et nunquam pro te deneget esse miser.  
 Quos utinam in nobis, uita, experiare labores:  
 Iam tibi de timidis iste proteruus erit.  
 Qui nunc se in tumidum iactando uenit honorem,  
 Dissidium uobis proximus annus erit.  
 At me non etas mutabit tota Sibyllæ,  
 Non labor Alcidae, non niger ille dies.  
 Tu mea compones: & dices, Ossa, Properti,  
 Hæc tua sunt: eheu tu mihi certus eras:  
 Certus eras eheu, quamuis nec sanguine auito  
 Nobilis, & quamuis non ita diues eras.  
 Nil ego non patiar, nunquam me iniuria mutat.  
 FERRE ego formosam, nullum onus esse puto.  
 Credo ego non paucos ista perÿsse figura:  
 Credo ego, sed multos non habuisse fidem.  
 Paruo dilexit spatio Minoïda Theseus,  
 Phyllida Demophoon: hospes uterq; malus.  
 Iam tibi Iasonia nota est Medea carina,  
 Et modò seruato sola relictæ uiro.  
 D V R A est, quæ multis simulatum fingit amorem:  
 Et se plus uni siqua parare potest.  
 Noli nobilibus, noli conferre beatis.  
 Vix uenit extremo qui legit ossa die.  
 Si tibi nos erimus: sed tu potius, precor, ut me  
 Demissis plangas pectora nuda comis.

V

AD CYNTHIAM.

Nica nata meo pulcherrima cura dolori,

Excludit quoniam fors mea sæpe, ueni.  
 Ista meis fiet notissima forma libellis:  
 Calue tua uenia, pace Catulle tua.  
 Miles depositis annosus secubat armis,  
 Grandæuiq; negant ducere aratra boues:  
 Putris & in uacua requiescit nauis arena,  
 Et uetus in templo bellica parma uacat:  
 At me ab amore tuo deducet nulla senectus,  
 Siue ego Tithonus, siue ego Nestor ero,  
 Non'ne fuit satius duro seruire Tyranno?  
 Et gemere in tauro sæue Perille tuo?  
 Gorgonis & satius fuit obdurescere uultu?  
 Caucasias etiam si pateremur aues?  
 Sed tamen obscura teritur rubigine mucro  
 Ferreus, & paruo sæpe liquore silex:  
 At nullo domine teritur sub limine amor, qui  
 Restat, & immerita sustinet aure minas.  
 Vltro contemptus rogat, & peccasse fateitur  
 Læsus, & inuitis ipse redit pedibus.  
 Tu quoq; qui pleno fastus assumis amore,  
 Credule, nulla diu fœmina pondus habet.  
 An quisquam in medijs persoluit uota procellis,  
 Cum sæpe in portu fracta carina nalet?  
 Aut prius infecto deposcit præmia cursu,  
 Septima quam metam triuerit arte rota?  
**MENDACES** ludunt flatus in amore secundi:  
 Siqua uenit serò, magna ruina uenit.  
 Tu tamen interea, quamuis te diligat illa,  
 In tacito cohibe gaudia clausa sinu.

P

Nanq;



*Nanq; in amore suo semper sua maxima cuiq;  
 Nescio quo pacto, uerba nocere solent,  
 Quamuis te persepe uocet, semel ire memento:  
 INUIDIAM quod habet, non solet ire diu.  
 Et si secla forent antiquis grata puellis,  
 Essem ego quod nunc tu: tempore uincor ego.  
 Non tamen ista meos mutabant secula mores:  
 VNVSQVISQVE sua nouerit ire uia.  
 At uos, qui officia in multos reuocatis amores,  
 Quantum sic cruciat lumina uestra dolor?  
 Vidistis pleno teneram candore puellam,  
 Vidistis fusco: dulcis uterq; color.  
 Vidistis quandam Argiua prodire figura,  
 Vidistis nostras: utraq; forma rapit.  
 Illaq; plebeio, uel sit sandycis amictu:  
 Hæc, atq; illa mali uulneris una uia est.  
 Cum satis una iuis insomnia portet ocellis,  
 Vna sit & cuius scemina multa mala.*

## A D C Y N T H I A M

de somnio naufragii.

**V**idi te in somnis fracta, mea uita, carina  
 Ionio lassas ducere rore manus:  
 Et quacunq; in me fueras mentita, fateri,  
 Nec iam humore graues tollere posse comas:  
 Qualem purpureis agitauit fluctibus Hellen,  
 Aurea quam molli tergore uexit ouis.  
 Quam timui ne fortè tuum mare nomen haberet,  
 Atq; tua labens nauita fleret aqua.  
 Quæ tum ego Neptuno, quæ tum cū Castore fratri,  
 Quæq;

Quæq; tibi excepi tum Dea Leucothoë.  
 At tu uix primas extollens gurgite palmas,  
 Sæpe meum nomen iam peritura uocas.  
 Quod si fortè tuos uidisset Glaucus ocellos,  
 Esses Ionij facta puella maris.  
 Et tibi præ inuidia Nereïdes increpitarent,  
 Candida Nisee, cærule Cymothoë.  
 Sed tibi subsidio Delphinum currere uidi,  
 Qui puto Arioniam uexerat antè lyram.  
 Iamq; ego conabar summo me mittere saxo,  
 Cùm mihi discussit talia uisa metus.  
 Nunc admirentur, quod tam mihi pulchra puella  
 Seruiat, & tota dicar in urbe potens.  
 Non, si Cambyse redcant, & flumina Cræsi:  
 Dicat de nostro surge poët a toro.  
 Nam mea cùm recitat dicit se odisse beatos,  
 Carmina, tam sanctè nulla puella colit.  
 MULTVM in amore fides, multùm cōstātia pdest.  
 Qui dare multa potest, multa & amare potest.  
 Seu mare per longum mea cogitet ire puella,  
 Hanc sequar, & fidos una aget aura duos.  
 Vnum littus erit sopitis, unaq; tecto  
 Arbor, & ex una sæpe bibemus aqua.  
 Et tabula una duos poterit componere amantes:  
 Prora cubile mihi, seu mihi puppis erit.  
 Omnia perpetiar, seuus licet urgeat Eurys,  
 Velaq; in incertum frigidus Auster agat:  
 Quicumq; & uenti miserum uexastis Vlysses,  
 Et Danaùm Euboico litore mille rates:



*Et qui mouistis duo littora, cum rudis Argus  
 Dux erat ignoto missa columba mari.  
 Illa meis tantum non unquam desit ocellis,  
 Incendat nauem Iuppiter ipse licet.  
 Certè iisdem nudi pariter iactabimur oris:  
 Me licet unda ferat, te modò terra tegat.  
 Sed non Neptunus tanto crudelis amori,  
 Neptunus fratri par in amore Ioui:  
 Testis Amymone latice cum ferret in aruis  
 Compressa, & Lerne pulsa tridente palus.  
 Iam Deus amplexu uotum persoluit: at illi  
 Aurca diuinas urna refudit aquas.  
 Crudelem & Boream rapta Oriihya negauit.  
 Hic Deus & terras, & maria alta domat.  
 Crede mihi nobis mitescet Scylla, nec unquam  
 Alternante uorans uasta Charybdis aqua:  
 Ipsaq; sidera erunt nullis obscura tenebris:  
 Purus & Orion, purus & Hædus erit.  
 Quod mihi si ponenda tuo sit corpore uita:  
 Exiis hic nobis non inhonestus erit.*

## Q U O D I N C E R T A

hora mortis.

**A** T uos incertam mortales funeris horam  
 Queritis, & qua sit mors aditura uia:  
 Queritis & cælo Phœnicum inuenta sereno,  
 Quæ sit stella homini commoda, quæq; mala:  
 Seu pedibus Parthos sequimur seu classe Britânos,  
 Et maris, & terræ cæca pericla uie:  
 Rursus & obiectum fletis capui esse tumultum,

Cum

Cùm *Maiores* dubias miscet utrinq; manus:  
*Prætereà* domibus flammam, domibusq; ruinam:  
*Ne* subeant labris pocula nigra tuis.  
*Solus* amans nouit quando periturus, & à qua  
*Morte*: neq; hic *Boreæ* flabra, neq; arma timet.  
*Iam* licet & *Stygia* sedeat sub arundine remex,  
*Cernat* & *infernæ* tristia uela ratis:  
*Si* modò clamantis reuocauerit aura puellæ,  
*Concessum* nulla lege redibit iter.

## AD IOVEM PRO

amica ægrotante.

**I** *Vppiter* affectæ tandem miserere puellæ:  
*Tam* formosa tuum mortua crimen erit.  
*Venit* enim tempus, quo torridus æstuat aër,  
*Incipit* & sicco feruere terra cane:  
*Sed* non tam ardoris culpa est, neq; crimina cœli,  
*Quàm* toties sanctos non habuisse *Deos*.  
*Hoc* perdit miseræ, hoc perdidit antè puellas:  
*QVICQV* ID iurarunt, uentus & unda rapit.  
*Num* sibi collatam doluit *Venus*? illa peræquè  
*Præ* se formosis inuidiosa *Dea* est.  
*An* contempta tibi *Iunonis* templa *Pelasgæ*?  
*Palladis* aut oculos ausa negare bonos?  
*SEMPER* formosæ non nostis parcere uerbis:  
*Hoc* tibi lingua nocens, hoc tibi forma dedit.  
*Sed* tibi uexatæ per multa pericula uitæ,  
*Extremo* uenit mollior hora die.  
*Io* uersa caput primos mugierat annos,  
*Nunc* *Dea*, quæ *Nili* flumina uacca bibit.



Ino etiam prima terras ætate uagata est,  
 Hanc miser implorat nauita Leucothoën.  
 Andromede monst'ris fuerat deuota marinis,  
 Hæc eadem Persei nobilis uxor erat.  
 Calisto Arcadios errauerat ursa per agros,  
 Hæc nocturna suo sidere uela regit.  
 Quod si fortè tibi properarint fata quietem,  
 Illa sepulture fata beata tua.  
 Narrabis Semele quo sit formosa periclo,  
 Credet & illa suo docta puella malo.  
 Et tibi Mæonidas, interq; Heroidas omneis  
 Primus erit, nulla non tribuente, locus.  
 Nunc utcunq; potes fato gere saucia morem,  
 ET Deus, & durus uertitur ipse dies.  
 Hoc tibi uel poterit coniux ignoscere Iuno.  
 Frangitur & Iuno, si qua puella perit.  
 Deficiunt magico torii sub carmine rhombi,  
 Et iacet extincto laurus adusta foco:  
 Et iam Luna negat toties descendere cælo,  
 Nigraq; funestum condidit omen anus.  
 Vna ratis fati nostros portabit amores  
 Cæcula ad infernos uelificata lacus.  
 Si non unius, queso miserrere duorum.  
 Viuam, si uiuet: si cadet illa, cadam.  
 Pro quibus optatis sacro me carmine damno,  
 Scribam ego, Per magnū est salua puella Iouem.  
 Ante tuosq; pedes illa ipsa adoperta sedebit,  
 Narrabitq; sedens longa pericla sua.  
 Hæc tua Persephone maneat clementia: nec tu

Perseph

*Persephones coniux sauior esse uelis.*  
*Sunt apud infernos tot millia formosarum,*  
*Pulchra sit in superis, si licet, una locis.*  
*Vobiscum est Iope, uobiscum candida Tyro,*  
*Vobiscum Europe, nec proba Pasiphaë:*  
*Et quot Troia tulit, uetus & quot Achaia formas,*  
*Et Phœbi, & Priami diruta regna senis:*  
*Et quaecunq; erat in numero Romana puella*  
*Occidit, has omnes ignis auarus habet.*  
*NEC forma eternam, aut cuiq; est fortuna perennis:*  
*LONGIVS, aut ppius mors sua quenq; manet.*  
*Tu quoniam es, mea lux, magno demissa periclo:*  
*Munera Dianæ debita redde choro.*  
*Redde etiam excubias diuæ nunc antè iuuentæ.*  
*Votiuas noctes & mihi solue decem.*

## AD CYNTHIAM.

**H** *Esterna mea lux cùm potius nocte uagarer,*  
*Nec me seruorum duceret ulla manus,*  
*Obuia nescio quot pueri mihi turba minuta*  
*Venerat, hos uetuit me numerare timor:*  
*Quorum alij faculas, alij retinere sagittas,*  
*Pars etiam uisa est uincla parare mihi.*  
*Sed nudi fuerant. Quorum lasciuior unus,*  
*Arripite hunc, inquit, nam bene nostis eum.*  
*Hic erat, hunc mulier nobis irata reliquit,*  
*Dixit: & in collo iam mihi nodus erat.*  
*Hic alter iubet in medium propellere: & alter,*  
*Intereat qui nos non putat esse Deos.*  
*Hæc te non meritum totas expectat in horas:*



At tu nescio quas quæris inepte fores.  
 Quæ cum Sidoniæ nocturna ligamina mitra  
 Soluerit, atq; oculos mouerit illa graues:  
 Afflabunt tibi non Arabum de gramine odores,  
 Sed quos ipse suis fecit Amor manibus.  
 Parcite iam fratres: iam certos spondet amores,  
 Et iam ad mandatam uenimus ecce domum.  
 Atq; ita me iniecto duxerunt rursus amictu:  
 Inunc, & noctes disce manere domi.  
 Mane erat: & uolui, si sola quiesceret illa,  
 Visere: at in lecto Cynthia sola fuit.  
 Obstupui: non illa mihi formosior unquam  
 Visa, neq; ostrina cum fuit in tunica.  
 Ibat & in casta narratum somnia ueste,  
 Neu sibi, ne' ue mihi quæ nocitura forent.  
 Talis uisa mihi somno demissa recenti:  
 H E V quantum per se candida forma ualet!  
 Quid tu matutinus ait speculator amice?  
 Me similem uestris moribus esse putas?  
 Non ego tam facilis: sat erit mihi cognitus unus,  
 Vel tu, uel si quis uerior esse potest.  
 Apparent non ulla toro uestigia presso,  
 Signa uoluptatis non iacuisse duos.  
 Aspice ut in toto nullus mihi corpore surgat  
 Spiritus, admissio notus adulterio.  
 Dixit, & opposita propellens suauia dextra,  
 Profilit in laxa nixa pedem solea.  
 Sic ego tam sancti custode recludor Amoris,  
 Ex illo felix nox mihi nulla fuit.

## AD EANDEM.

**Q**uò fugis ah demens? nulla est fuga: tu licet  
usque

*Ad Tanaim fugias, usque sequetur Amor.  
Non si pegaseo uecteris in aëre dorso,  
Nec tibi si Persei mouerit ala pedes,  
Vel si te sectæ rapiant talaribus auræ:  
Nil tibi Mercurij proderit alta uia.  
Instat semper Amor supra caput: instat amantii:  
Et grauis ipse super libera colla sedet.  
Excubat ille acer custos, & tollere nunquam  
Te patietur humo lumina, capta semel.  
Et iam si pecces, Deus exorabilis ille est:  
Si modò præsentis uiderit esse preces.  
Ista senes licet accusant conuiuia duri:  
Nos modò propositum, uita, teramus iter.  
Illorum antiquis onerentur legibus aures,  
Hic locus est, in quo tibia docta iones:  
Quæ non iure uado Meandri iacta natasti,  
Turpia cùm faceret Palladis ora tumor.  
Nunc iam dura paras Phrygias nunc ire per undas,  
Et petere Hyrcani littora nota maris.  
Spargereq; alterna communes cæde penates,  
Et ferre ad patrios præmia dira lares.  
Vna contentum pudeat me uiuere amica:  
Hoc si crimen erit, crimen Amoris erit.  
Mi nemo obijciat, libeat tibi Cynthia mecum  
Rosida muscosis antra tenere iugis.  
Illic aspicias scopulis hædere sorores,*



*Et canere antiqui dulcia furtiva Iouis,  
 Ut Semele est combustus, ut est deperditus Iō,  
 Deniq; ut ad Troiæ tecta uolarit auis.  
 Quòd si nemo extat, qui uicerit alitis arma:  
 Communis culpæ cur reus unus agor?  
 Nec tu uirginibus reuerentia moueris ora:  
 Hic quoq; num nescit quid sit amare chorus?  
 Si tamen Oeagri quedam compressa figura  
 Bistonij olim rupibus accubuit.  
 Hic ubi me prima statuent in parte choreæ,  
 Et medius docta cuspide Bacchus erit:  
 Tum capiti sacros patiar pendere corymbos.  
 Nam sine te nostrum non ualet ingenium.*

## A D C Y N T H I A M.

*Q*uæris cur ueniam tibi tardior? aurea Phœbi  
 Porticus à magno Cesare aperta fuit.  
 Tantam erat in speciem Pœnis digesta columnis,  
 Inter quas Danaï fœmina turba senis.  
 Hic equidem Phœbo uisus mihi pulchrior ipso  
 Marmoreus tacita carmen hiare lyra:  
 Atq; aram circum steterant armenta Myronis  
 Quattuor artificis uiuida signa boues.  
 Tum medium claro surgebat marmore templum,  
 Et patria Phœbo charius Ortygia.  
 Auro Solis erat supra fastigia currus,  
 Et ualuæ Libyci nobile dentis opus.  
 Altera deiectos Parnassî uertice Gallos,  
 Altera mœrebat funera Tantalidos.  
 Deinde inter matrem Deus ipse, interq; sororem  
 Pythius in longa carmina ueste sonat.

## AD EANDEM.

**Q**ui uidet, is peccat: qui non te uiderit, ergo  
 Non cupiet: FACTI crimina lumē habet.  
 Nam quid Preneſtis dubias ō Cynthia ſortes?  
 Quid petis Aëai mœnia Thelegoni?  
 Cur'ue te in Herculeum deportant eſſeda Tybur?  
 Appia cur toties te uia ducit anum?  
 Hoc utinam ſpatiēre loco, quocunq; uagaris  
 Cynthia, ſed tibi me credere turba uetat:  
 Cū uidet accenſis deuotam currere tædis  
 In nemus, & triuia lumina ferre Deæ.  
 Scilicet umbroſis ſordet Pompeia columnis  
 Porticus, aulæis nobilis Attalicis:  
 Et creber pariter platanis ſurgentibus ordo,  
 Flumina ſopito quæq; Marone cadunt.  
 Et leuiter Nymphis tota crepitantibus urbe,  
 Cū ſubito Triton ore recondit aquam.  
 Falleris: iſta tui furtum uia monſtrat amoris:  
 Non urbem demens, lumina noſtra fugis.  
 Nil agis, inſidias in me componis inanes.  
 Tendis iners docto retia nota mihi.  
 Sed de me minus eſt: fama iactura pudicæ  
 Tanta tibi miſeræ, quanta mereris, erit.  
 Nuper enim de te noſtras me lædit ad aures  
 Rumor, & in tota non bonus urbe fuit.  
 Sed tu non debes inimicæ credere lingua,  
 Semper formoſis fabula pœna fuit.  
 Non tua deprenſo damnata eſt fama ueneno:  
 Teſtis eris puras Phœbe uidere manus.  
 Sin autem longo nox una, aut altera luſu



Consumpta est, non me crimina parua mouent.  
Tyndaris externo patriam mutauit amore,  
Et sine decreto est uina reducta domum.  
Ipsa Venus quamuis corrupta libidine Maris,  
Nec minus in cœlo semper honesta fuit.  
Quamuis Ida Parin pastorem dicat amasse,  
Atq; inter pecudes accubuisse Deam:  
Hoc & Hamadryadum spectauit turba sororum,  
Sileniq; senes, & pater ipse chori:  
Cum quibus Idæo legisti poma sub antro,  
Supposita excipiens Naica dona manu.  
An quisquam in tãto stuprorum examine querit,  
Cur hæc tam diues? quis dedit? unde dedit?  
O nimium nostro felicem tempore Romam,  
Si contra mores una puella facit.  
Hæc eadem ante illam impune, & Lesbia fecit,  
Quæ sequitur, certè est inuidiosa minus.  
Qui querit Tacios ueteres, durosq; Sabinos,  
Hic posuit nostra nuper in urbe pedem.  
Tu prius & fluctus poteris siccare marinos,  
Altaq; mortali deligere astra manu:  
Quàm facere, ut nostræ nolint peccare puellæ.  
Is mos Saturno regna tenente fuit,  
Et cùm Deucalionis aquæ fluxere per orbem,  
Et post antiquas Deucalionis aquas.  
Dic mihi quis potuit lectum seruare pudicum?  
Quæ Dea cum solo uiuere sola Deo?  
Vxorem quondam magni Minois (ut aiunt)  
Corrupti torui candida forma bonis.

Nec

*Nec minus arato Danaë circumdata muro  
Non potuit magno casta negare Ioui:  
Quòd si tu Graias, seu sis imitata Latinas,  
Semper uine meo libera iudicio.*

## AD CYNTHIAM.

**T***Ristia iam redeunt iterum solennia nobis,  
Cynthia iam noctes est operata decem.  
Atq; utinam Nilo pereat, quæ sacra repente  
Misit matronis Inachis Ausonijs.  
Quæ Dea tam cupidos toties diuisit amantes:  
Quæcunq; illa fuit, semper amara fuit.  
Tu certè Iouis occultis in amoribus Io  
Sensisti, multas quid sit inire uias,  
Cum te iussit habere puellam cornua Iuno,  
Et pecoris duro perdere uerba sono.  
Ah quoties quernis læsisti frondibus ora,  
Mansisti stabulis abdita pasta tuis.  
An quoniam agrestem detraxit ab ore figuram  
Iuppiter, iccirco facta superba Dea es?  
An tibi non satis est suscis Aegyptus alumni?  
Cur tibi tam longa Roma petita uia est?  
Quid uè tibi prodest, uiduas dormire puellas?  
Sed tibi (crede mihi) cornua rursus erunt.  
Aut nos è nostra te seua fugabimus urbe:  
Cum Tyberi Nilo gratia nulla fuit.  
At tu, quæ nostro nimium placata dolore es,  
Noctibus his uacui ter faciamus iter.  
Non audis? Quæ uerba finis mea ludere, cum iam  
Flectant Icarij sidera tarda boves.  
Lenta bibis, mediæ nequeunt te frangere noctes.*



*An nondum est talos mittere lassæ manus?*  
*Ah pereat quicumq; meracas repperit uuas,*  
*Corruptiq; bonas nectare primus aquas.*  
*Ecce Cecropijs meritò iugulate colonis,*  
*Pampineus nosti quàm sit amarus odor.*  
*Tu quoq; ô Eurition uino Centaure peristi,*  
*Nec non Ismario tu Polypheme mero.*  
 VINO forma perit, uino corrumpitur ætas,  
*Vino sæpe suum nescit amica uirum.*  
*Me miserum, ut multo nil es mutata Lyæo:*  
*Iam bibe, formosa es, nil tibi uina nocent.*  
*Cùm tua præpendenti demissa in pocula ferta,*  
*Et mea deducta carmina uoce legis,*  
*Largius effuso madeat tibi mensa falerno,*  
*Spumet & aurato mollius in calice.*  
*Nulla tamen lecto recipit se sola libenter:*  
*Est quiddam, quod uos quærere cogat Amor.*  
*Semper in absenteis felicior æstus amantes,*  
*Eleuat assiduos copia longa uiros.*

AD LYNCEVM POETAM.

**C***Ur quisquã faciẽ domina iam credat amico?*  
*Sic crepta mihi penè puella mea est.*  
*Expertus Dico, NEMO est in amore fidelis.*  
*Formosam rarò non sibi quisq; petit.*  
*Polluit ille Deus cognatos, soluit amicos,*  
*Et bene concordēs tristia ad arma uocat.*  
*Hospes in hospitium Menelao uenit adulter.*  
*Colchis & ignotum nonne secuta uirum est?*  
*Lynceum tu'ne meam potuisti tangere curam?*

Perfide

Perfide non'ne tuæ tunc cecidere manus?  
 Quid si non constans illa, & iam certa fuisset?  
 Posset & in tanto uiuere flagitio?  
 Tu mihi uel ferro pectus, uel perde ueneno:  
 A domina tantum te modò tolle mea.  
 Te socium uitæ, te corporis esse licebit,  
 Te dominum admitto rebus anice meis.  
 Lecto te solùm, lecto te deprecor uno:  
 Riualet possum non ego ferre Iouem.  
 Ipse meas solus (quod nil est) æmulor umbras  
 Stultus, quòd stulto sæpe timore tremo.  
 Vna tamen causa est, qua crimina tanta remitto:  
 Errabant multo quòd tua uerba mero.  
 Sed nunquam uitæ me fallat ruga seueræ,  
 OMNES iam norunt, quàm sit amare bonum.  
 Lynceus ipse meus seros insanit amores,  
 Solùm te nostros letor adire Deos.  
 Quid tua Socraticis tibi nunc sapientia libris  
 Proderit? aut rerum dicere posse uias?  
 Aut quid Tyrtæi tibi prosunt carmina lecta?  
 Nil iuuat in magno uester amore senex.  
 Tu satius memorem Musis imitare Philetam,  
 Et non inflati somnia Callimachi.  
 Nam rursus licet Aetoli referas Achiloi  
 Fluxerit ut magno factus amore liquor:  
 Atq; etiam ut Phrygio fallax Meandria campo  
 Errat, & ipsa suas decipit unda uias:  
 Qualis & Adraستي fuerit uocalis Arion,  
 Tristis ad Archemori funera uictor equus:

Non



*Non Amphiareæ profunt tibi fata quadrigæ,  
 Aut Capanei grata ruina Ioui.  
 Desine & Aeschyleo componere uerba cothurno:  
 Desine, & ad molles membra resolue toros.  
 Incipe iam angusto uersus includere torno,  
 Inq; tuos ignes dure poëta ueni.  
 Tu non Animacho, non tutior ibis Homero:  
 DESPICIT & magnos recta puella Deos.  
 Sed non antè graui taurus succumbit aratro,  
 Cornua quàm ualidis hæserit in laqueis.  
 Nec tu tam duros per te patieris amores,  
 Trux tamen à nobis antè domandus eris.  
 Harum nulla solet rationem quærere mundi:  
 Nec cur fraternis luna laboret equis:  
 Nec si post Stygias aliquid restauerit undas:  
 Nec si consultò fulmina missa tonent.  
 Aspice me cui parua domi fortuna relictæ est,  
 Nullus & antiquo Marte triumphus aui,  
 Ut regnem mistas inter conuiuia puellas:  
 Hoc ego quo tibi nunc, eleuor ingenio.  
 Me inuet æternis positum languere corollis,  
 Quem tetigit iactu certus ad ossa Deus.  
 Actia Vergilium custodis littora Phæbi,  
 Cæsaris & fortes dicere posse rates,  
 Qui nunc Aeneæ Troiani suscitât arma,  
 Iactaq; Laninus mœnia littoribus.  
 Cedite Romani scriptores, cedite Graij:  
 Nescio quid maius nascitur Iliade.  
 Tu canis umbrosi subter pineta Galefi*

*Thyrsin*

*Thyrſin, & attritis Daphnin arundinibus:  
Vtq; decem poſſint corrumpere mala puellam,  
Miſſus & impreſſis hœdus ab uberibus.  
Felix, qui uiles pomis mercaris amores,  
Huic licet ingrata Tityrus ipſe canat.  
Felix intactum Corydon qui tentat Alexim  
Agricolæ domini carpere delitias.  
Quamuis ille ſua laſſus requieſcat auena,  
Laudatur facileis inter Hamadryadas.  
Tu canis Aſcræi ueteris præcepta poetæ  
Quo ſeges in campo, quo uiret uua ingo.  
Tale facis carmen docta teſtudine, quale  
Cynthius impoſitis temperat articulis.  
Non tamen hæc ulli uenient ingrata legenti:  
Siue in amore rudis, ſiue peritus erit.  
Nec minor his animis, aut ſi minor ore canorus  
Anſeris indocto carmine ceſſit olor.  
Hæc quoq; perfecto ludebat Iaſone Varro:  
Varro Leucadiæ maxima flamma ſuæ.  
Hæc quoq; laſciui cantarunt ſcripta Catulli.  
Leſbia queis ipſa notior eſt Helena:  
Hæc etiam docti confeſſa eſt pagina Calui,  
Cum caneret miſeræ funera Quintiliæ:  
Et modò formoſa quàm multa Lycoride Gallus  
Mortuus inferna uulnera lauit aqua:  
Cynthia quin etiam uerſu laudata Properti,  
Hos inter ſi me ponere fama uolet.*



## S E X. P R O P E R T I I

A V R E L I I V M B R I E L E -  
G I A R V M L I B E R I I I .

ALLIMACHIMANES, &amp; Coisacra Phileta,

In uestrū queso me finite ire nem⁹.  
Primus ego ingredior puro de fonte  
sacerdos

Itala per Graios orgia ferre choros.  
Dicite quo pariter carmen tenuastis in antro,  
Quo'ue pede ingressi, quam'ue bibistis aquam.  
Ah ualeat Phœbum quicumq; moratur in armis:  
Exactus tenui pumice uersus eat.  
Quo me Fama leuat terra sublimis, & à me  
Nata coronatis Musa triumphat equis:  
Et mecum in curru parui neſtantur Amores,  
Scriptorumq; meas turba secuta rotas.  
Quid frustra missis in me certatis habenis?  
NON datur ad Musas currere lata uia.  
Multi Roma tuas laudes annalibus addent,  
Qui finem imperij Baſtra futura canent:  
Sed quod pace legas, opus hoc de monte sororum  
Detulit intacta pagina nostra uia.  
Mollia Pegasides uestro date sarta poëta  
Non faciet capiti dura corona meo.  
At mihi quòd uiuo detraxerat inuida turba,  
Post obitum duplici fœnore reddet honos.  
OMNIA post obitum fingit maiora uetustas,

MAIVS ab exequijs nomen in ora uenit.  
 Nam quis equo pulsas abiegnō nosceret arces?  
 Fluminaq; Aemonio commixtus isse uiro?  
 Idem Simoenta Iouis cunabula parui  
 Hectora per campos ter maculasse rotas?  
 Deiphobūq; Helenūq; & Polydamātas in armis,  
 Qualem cunq; Parin uix sua nosset humus.  
 Exiguo sermone fores nunc Ilion, & tu  
 Troia bis Oetai numine capta Dei.  
 Nec non ille tui casus memorator Homerus  
 Posteritate suum crescere sensu opus.  
 Meq; inter seros laudabit Roma nepotes:  
 Illum post cineres auguror esse diem.  
 Ne mea contempto lapis indicet ossa sepulcro,  
 Prouisum est Lycio uota probante Deo.  
 Carminis interea nostri redeamus in orbem,  
 Gaudeat ut solito tacta puella sono.  
 Orphen te tenuisse feras, & concita dicunt  
 Flumina Threicia detinuisse lyra:  
 Saxa Citharonis Thebas agitata per artem  
 Sponte sua in muri membra coisse ferunt:  
 Quin etiam Polypheme fera Galathea sub Aetna  
 Ad tua rorantes carmina flexit equos.  
 Miremur, nobis & Baccho, & Apolline dextro,  
 Turba puellarum si mea uerba colit.  
 Quod non Tanarijs domus est mihi fulta columnis,  
 Nec camera auratas inter eburna trabes:  
 Nec mea Phaeacias aequant pomaria syluas,  
 Non operosa rigat Marius antra liquor:



*At musæ comites, & carmina chara legenti,  
 Et defessa choris Calliopea meis.  
 Fortunata meo siqua es celebrata libello,  
 Carmina erunt formæ tot monimenta tuæ.  
 N A M neq; pyramidum sumptus ad sidera ducti,  
 Nec Iouis Elei cœlum imitata domus,  
 Nec Mausolei diues fortuna sepulcri  
 Mortis ab extrema conditione uacat:  
 Aut illis flamma, aut humber subducet honores,  
 Annorum aut ictu pondera uicta ruent.  
 At non ingenio quæsitum nomen ab æuo  
 Excidet. I N G E N I O stat sine morte decus.*

## P R O P E R T I I S O M N I V M.

**V**isus eram molli recubans Heliconis in nmbra  
 Bellerophontei quæ fluit humor equi,  
 Reges Alba tuos, & regum facta tuorum  
 Tantum operis neruis hiscere posse meis:  
 Paruaq; tam magnis admoram fontibus ora,  
 Vnde pater suiens Ennius antiè bibit,  
 Et cecinit Curios fratres, & Horatia pila,  
 Regiaq; Aemilia uicta trophæa rate,  
 Victricesq; moras Fabij, pugnamq; sinistram  
 Cannensem, & uersos ad pia uota Deos,  
 Annibalemq; Lares Romana sede fugantes,  
 Anseris & tutum uoce fuisse Iouem:  
 Cùm me Castalia speculans ex arbore Phœbus  
 Sic ait aurata nixus ad antra lyra,  
 Quid tibi cum tali demens est flumine? quis te  
 Carminis heroi tangere iussit opus?

Non

*Non hic ulla tibi speranda est fama, Properti:*

*MOLLIA sunt paruis prata terenda rotis.*

*Vt tuus in scamno iactetur saepe libellus,*

*Quem legat expectans sola puella uirum:*

*Cur tua prescripto seuecta est pagina gyro?*

*Non est ingenij cymba grauanda tui.*

*Alter remus aquas, alter tibi radat arenas,*

*Tutus eris, MEDIO maxima turba mari est.*

*Dixerat, & plectro sedem mihi monstrat eburno,*

*Qua naua muscoso semita facta solo est.*

*Hic erat affixis uiridis spelunca lapillis,*

*Pendebantq; cauis tympana pumicibus.*

*Ergo musarum, & Sileni patris imago*

*Fictilis, & calami Pan Tegeae tui.*

*Et Veneris dominae uolucres mea turba columbae*

*Tingunt Gorgoneo Punica rostra lacu.*

*Diversaeq; nouem sortitae rura puellae*

*Exercent teneras in sua dona manus.*

*Hec ederas legit in thyrsos, haec carmina neruis*

*Aptat, & illa manu textit utraq; rosam:*

*Ex quarum numero me contigit una dearum:*

*Vt reor, a facie, Calliopea fuit:*

*Contentus niueis semper uettabere cygnis,*

*Nec te fortis equi ducet ad arma sonus.*

*Nil tibi sit rauco praetoria classica cornu*

*Flere, nec Aonium cingere Marte nemus:*

*Aut quibus in campis Mariano praelia signo*

*Stent, & Teutonicas Roma refringat opes:*

*Barbarus aut sano perfusus sanguine Rhenus*



Saucia mœrenti corpora uellet aqua.  
 Quippe coronatos alienum ad limen amantes,  
 Nocturnæq; canes ebria signa fuga:  
 Vt per te clausas sciat excantare puellas,  
 Qui uolet austeros arte ferire uiros.  
 Talia Calliope, lymphisq; à fronte petitis  
 Ora Philetea nostra rigauit aqua.

DESCRIPTIO TRIUMPHI.

**A** Rma Deus Caesar dices meditatur ad Indos,  
 Et freta gemmiferi findere classe maris.  
 Magna uiri merces, parat ultima terra triumphos:  
 Tigris, & Eufrates sub tua iura fluent.  
 Sera sed Ausonijs ueniet provincia uirgis:  
 Assuescent Latio parua trophœa Ioui.  
 Ite, agite, expertæ bello date lintea prora,  
 Et solitum armigeri ducite munus equi.  
 Omnia fausta cano: Crassos, cladesq; piate:  
 Ite, & Romanae consulite historie.  
 Mars pater, & sacra fatalia lumina Veste  
 Ante meos obitus sit precor illa dies:  
 Qua uideam spolijs oneratos Caesaris axes  
 Ad uulgi plausus saepe resistere equos.  
 Inq; sinu charæ nixus spectare puellæ  
 Incipiam, & iutulis oppida capta legam:  
 Tela fugacis equi, & brachati militis arcus,  
 Et subter captos arma sedere duces.  
 Ipsa tuam prolem serua Venus: hoc sit in æuum,  
 Cernis ab Aenea quod superesse caput.  
 Præda sit hæc illis, quorum meruere labores:

*Misat erit, media plaudere posse uia.*

AD AMICAM IRATAM.

**P**ACIS amor Deus est, pacem ueneramur amātes,  
 Stant mihi cum domina praelia dura mea.

*Nec tamen inuiso pectus mihi carpitur auro,*

*Nec bibit è gemma diuite nostra sitis:*

*Nec mihi mille iugis Campania pinguis aratur:*

*Nec miser æra peto classe Corinthe tua.*

*O prima infelix fingenti terra Prometheo,*

*Ille parum cauti pectoris egit opus:*

*Corpora disponens, mentem non uidit in arte,*

*Recta animi primùm debuit esse uia.*

*Nunc maris in tantum uentis iactamur, et hostem*

*Querimus atq; armis neſtimus arma noua.*

*HABD* ullas portabis opes Acherontis ad undas.

*NVDVS* ad infernas stulte uehère rates.

*Victor cum uictis pariter miscebitur umbris,*

*Consule cum Mario capte Iugurtha sedes.*

*Lydus Dulichio non distat Cræsus ab Iro,*

*OPTIMA* mors parca quæ uenit apta die.

*Me iuuat in prima coluisse Heliconæ iuuenta,*

*Musarumq; choris implicuisse manus:*

*Me iuuat & multo mentem uincire Lyæo,*

*Et caput in uerna semper habere rosa.*

*Atq; ubi iam Venerem grauis interceperit ætas,*

*Sparserit integras alba senecta comas:*

*Tum mihi natura libeat perdiscere mores,*

*Quis Deus hanc mundi temperet arte domum:*

*Quà uenit exoriens, quà deficit: unde coactis*



Cornibus in plenum menstrua Luna rediit:  
 Unde salo superant uenti, quid flamine capiet  
 Eurys, & in nubes unde perennis aqua:  
 Sit uentura dies, mundi quæ subruat arces:  
 Purpureus pluuias cur bibit arcus aquas:  
 Aut cur Perrhebi tremuere cacumina Pindi,  
 Solis & atratis luxerit orbis equis:  
 Cur seruus uersare boues, & plaustra Bootes:  
 Pleiadum spisso cur coit igne chorus:  
 Cur'ne suos fines altum non exeat æquor,  
 Plenus & in partes quattuor annus eat:  
 Sub terris sint iura Deum, et tormenta Gigantum:  
 Thisiphones atro si furit angue caput:  
 Aut Alcmeoniae furie, aut ieiunia Phinei:  
 Num rota, num scopuli, num suis inter aquas:  
 Num tribus infernum custodit faucibus antrum  
 Cerberus, & Tityo iugera pauca nouem:  
 An ficta in miseras descendit fabula gentes,  
 Et timor: aut ultra quam rogas esse potest.  
 Exiis hic uita superest mihi. Vos, quibus arma  
 Grata magis, Crassi signa referte domum.

## A D L Y G D A M V M.

**D** Ic mihi de nostra, quæ sentis, uera puella:  
 Sic tibi sint dominae, Lygdame dempta iu-  
 Dum me letitia tumefactum fallis inani, (ga.  
 Hæc referens, quæ me credere uelle putas.  
 OMNIS enim debet sine uano nuntius esse:  
 Maioremq; timens seruus habere fidem.  
 Nunc mihi, si qua tenes, ab origine dicere prima

Incipe

Incipe: suspensis auribus ista bibam.  
Siccine eam incomptis uidiſti flere capillis?  
Illius ex oculis multa cadebat aqua?  
Nec speculum strato uidiſti Lygdame lecto?  
Ornabat niueas nulla'ue gemma manus?  
Ac mœſtam teneris ueſtem pendere laceris?  
Scriniaq; ad lecti clauſa iacere pedes?  
Tristiſ erat domus? & triſtes ſua penſa miniſtræ  
Carpebant? medio nebat & ipſa loco,  
Humidaq; impreſſa ſiccabat lumina lana?  
Rettulit & querulo iurgia noſtra ſono?  
Hæc te teſte mihi promiſſa eſt Lygdame merces?  
Eſt pœnæ ſeruo rumpere teſte fidem.  
Ille poteſt nullo miſeram me linquere factò?  
Aequalem nulla dicere habere domo?  
Gaudet me uacuo ſolam tabeſcere lecto:  
Si placet inſulter Lygdame morte mea.  
Improba non uicit me moribus illa: ſed herbis,  
Staminea rhombi ducitur ille rota.  
Illum turgentis ranæ portenta rubetæ,  
Et lecta ex ſectis anguibus oſſa irahunt:  
Et ſtrigis inuenta per buſta iacentia plumæ,  
Cinctaq; funeſto lanea uitta uiro.  
Si non uana canunt mea ſomnia, Lygdame: teſtor  
Pœna erit ante meos ſera, ſed ampla pedes:  
Putris & in uacuo texetur aranea lecto,  
Noctibus illorum dormiet ipſa Venus.  
Quæ tibi ſi ueris animis eſt queſta puella,  
Hac eadem ruruſ Lygdame curre uia:



*Et mea cum multis lacrymis mandata reporta,  
Iram, non fraudes esse in amore meo,  
Me quoq; consimili impositum torquerier igni,  
Iurabo & bis sex integer esse dies.  
Quòd mihi si tanto felix concordia bello  
Exitierit: per me, Lygdame, liber eris.*

## D E M O R T E P E T I

ob auaritiam.

**E***rgo sollicita tu causa pecunia uita es,  
Per te immaturum mortis adimus iter.  
Tu uitjs hominum crudelia pabula præbes,  
Semina curarum de capite orta tuo.  
Tu Petum ad Pharios tendentem lintea portus  
Obruis insano terq; quaterq; mari.  
Nam dum te sequitur, primo miser excidit æno,  
Et noua longinquis piscibus esca natat:  
Et mater non iusta pie dare debita terræ,  
Nec pote cognatos inter humare rogos.  
Sed tua nunc uolucres adstant super ossa marinæ,  
Nunc tibi pro tumulo Carpathium omne mare.  
Infelix Aquilo rapta timor Orithyie  
Quæ spolia ex illo tanta fuere tibi?  
Aut quidnam fracta gaudes Neptune carina?  
Portabat sanctos alueus ille uiros.  
Pete quid ætatem numeras? quid chara natanti  
Mater in ore tibi est? non habet unda Deos.  
Nam tibi nocturnus ad saxa ligata procellis  
Omnia detricto uincula fune cadunt.  
Sunt Agamemnonias testantia littora curas,*

*Qua*

Qua notat Argini pœna minantis aquæ.  
Hoc iuvene amisso, classem non soluit Atirides:  
Pro qua mactata est Iphigenia mora.  
Reddite corpus humo: positaq; in gurgite uita  
Petum sponte tua uilis arena tegas.  
Et quoties Peti transibit nauta sepulcrum,  
Dicat, & audaci tu timor esse potes.  
Ite rates curuæ, & leti quoq; texite causas:  
Ista per humanas mors uenit acta manus.  
Terra parum fuerat, terris adiecimus undas,  
Fortunæ miseras auximus arte uias.  
Anchora te teneat, quem non tenuere penates?  
QV ID meritum dicas, cui sua terra parum est?  
Ventorum est quodcunq; paras, haud ulla carina  
Consenuit: fallit portus & ipse fidem.  
Natura insidians Pontum subtrauit auaris:  
Ut tibi succedat, uix semel esse potest.  
Saxa triumphales fregere Capharea puppes,  
Naufraga cùm uasto Græcia tacta salo est.  
Paulatim sociûm iacturam fleuit Vlysses,  
In mare cui soli non ualuere doli.  
Quòd si contentus patrio bone uerteret agros.  
Verbaq; duxisset pondus habere mea:  
Viueret ante suos dulcis conuiua penates,  
Pauper & in terra nil ubi flere potest.  
Non tulit hîc Petus stridorem audire procellæ,  
Et duro teneras ledere fune manus:  
Sed thie thalamo, aut Oricia terebintho,  
Et fultum pluma uersicolore caput.

Huic



Huic fluctus uiuo radicitus abstulit unguis,  
 Et miser inuisam traxit hiatus aquam.  
 Hunc paruo ferri uidit nox improba ligno,  
 Petus ut occideret tot coïere mala.  
 Flens tamen extremis dedit hæc mandata querelis,  
 Cùm moribunda niger clauderet ora liquor:  
 Dij maris Aegæi, quos sunt penes æquora, uenti,  
 Et quæcunq; meum degrauat unda caput:  
 Quò rapitis miseros primæ lanuginis annos?  
 Attulimus longas in freta uasta manus.  
 Ah miser halcyonum scopulis affigar acutis?  
 In me cæruleo fuscina sumpta Deo est?  
 At saltem Italiae regionibus euehat æstus:  
 Hoc de me sat erit, si modò matris erit.  
 Subtrahit hæc fantem torta uertigine fluctus,  
 Ultima quæ Peto noxq; diesq; fuit.  
 O centum æquorea Nereo genitore puellæ,  
 Et tu materno tacta dolore Thetis:  
 Vos decuit lasso supponere brachia mento:  
 Non poterat uestras ille grauare manus.  
 At tu seue Aquilo nunquam mea uela uidebis.  
 Ante fores dominae condar oportet iners.

## A D C Y N T H I A M.

**D**ulcis ad hesternas fuerat mihi rixa lucer-  
 Vocis et insanæ tot maledicta tuæ: (nas,  
 Cùm furibunda mero mensam propellis, & in me  
 Projicis insana cymbia plena manu.  
 Tu uerò nostros audax inuade capillos,  
 Et mea formosis unguibus ora nota:

*Tu munitare oculos subiecta exurere flamma,*

*Fac mea rescisso pectora nuda sinu.*

*Nimirum ueri dantur mihi signa caloris.*

*NAM sine amore graui foemina nulla dolet,*

*Quæ mulier grauida iactat conuiuia lingua,*

*Et Veneris magnæ uoluitur ante pedes,*

*Custodum gregibus circum se stipat euntem,*

*Seu sequitur medias, Menas ut acta, uias:*

*Seu timidam crebrò dementia somnia terrent,*

*Seu miseram in tabula picta puella mouet.*

*His ego tormentis animi sum uerus aruspex,*

*Nam didici certo sæpe in amore notas.*

*Non est certa fides, quam non iniuria uersat.*

*Hostibus eueniat lenta puella meis.*

*In morso æquales uideant mea uulnera collo:*

*Me doceat liuor mecum habuisse meam.*

*Aut in amore dolere uolo, aut audire dolentem:*

*Siue meas lacrymas, siue uidere tuas:*

*Tecta supercilijs siquando uerba remittis,*

*Aut tua cùm digitis scripta silenda notas.*

*Odi ego quæ nunquam pungunt suspiria somnos.*

*Semper in iratum pallidus esse uelim.*

*Dulcior ignis erat Paridi, cùm grata per arma*

*Tyndaridi poterat gaudia ferre suæ.*

*Dum uincunt Danaï, dum restat barbarus Hector,*

*Ille Helenæ in gremio maxima bella gerit.*

*Aut tecum, aut pro te mihi cum riuilibus arma*

*Semper erunt, in te pax mihi nulla placet.*

*Gaude quòd nulla est æquè formosa: doleres,*

*Siqua*



*Siqua foret: nunc sis iure superba licet.  
 At tibi, qui nostro tendisti retia lecto,  
 Sit socer, æternum nec sine matre domus:  
 Cui nunc siqua data est furanda copia noctis,  
 Infensa illa mihi, non tibi amica dedit.*

## A D M E C O E N A T E M.

**M** Ecœnas eques Hetrusco de sanguine Regū,  
 Intra fortunam qui cupis esse tuam,  
 Quid me scribendi tam vastum mittis in æquor?  
 Non sunt apta meæ grandia uela rati.  
 T V R P E est quod nequeas capiti cōmittere pondus:  
 Et pressum inflexo mox dare terga genu.  
 O M N I A non pariter rerum sunt omnibus apta:  
 Fama nec ex æquo ducitur ulla iugo.  
 Gloria Lysippo est, animosa effingere signa:  
 Exactis Calamis se mihi iactat equis:  
 In Veneris tabula summam sibi ponit Apelles:  
 Parrhasius parua vindicat arte locum:  
 Argumenta magis sunt Mentoris addita formæ:  
 At Myos exiguum flectit acanthus iter:  
 Phidiacus signo se Iuppiter ornat eburno,  
 Praxitelem Parius vindicat arte lapis:  
 Sunt quibus Eleæ concurrit palma quadrigæ:  
 Sunt quibus in celeres gloria nata pedes:  
 Hic satus ad pacem, hic castrensibus utilis armis:  
 N A T V R A B sequitur semina quisq; sua.  
 At tua Mecœnas uitæ præcepta recepi,  
 Cogor & exemplis te superare tuis.  
 Cū tibi Romano dominas in honore secures,

*Et liceat medio ponere iura foro:  
Vel tibi Medorum pugnaces ire per hostes,  
Atq; onerare tuam fixa per arma domum:  
Et tibi ad effectum vires det Caesar, & omni  
Tempore tam faciles insinuentur opes:  
Parcis, & in tenues humilem te colligis umbras,  
Velorum plenos subtrahis ipse sinus.  
Crede mihi magnos equabunt ista Camillos  
Iudicia, & uenies tu quoq; in ora virum:  
Caesaris & famæ uestigia iuncta tenebis:  
Mecœnatis erunt uera trophæa, fides.  
Non ego uelifera tumidum mare findo carina,  
Tota sub exiguo flumine nostra mora est.  
Non flebo in cineres arcem sedisse paternos  
Cadmi, nec semper prælia clade pari:  
Nec referam Scæas, & Pergama Apollinis arces,  
Et Danaûm decimo uere redisse rates,  
Mœnia cùm Graio Neptunia præsit aratro  
Victor Palladiæ ligneus artis equus.  
Inter Callimachi sat erit placuisse libellos,  
Et cecinisse modis Coë poëta tuis.  
Hæc curant pueros, hæc curant scripta puellas,  
Meq; Deum clament, & mihi sacra ferant.  
Te duce uel Iouis arma canam, cæloq; minantem  
Cæum, & Phlegræis Oromedonta iugis;  
Celsaq; Romanis decepta palatia iauris  
Ordiam, & cæso mœnia firma Remo:  
Eductosq; pares syluestri ex ubere reges:  
Crescet & ingenium sub tua iussa meum:*

*Proseq*



Prosequar & currus utroq; ab litore ouantes  
 Parthorum, astuta tela remissa fugæ:  
 Castraq; Pelusij Romano subruta ferro,  
 Antonijq; graues in sua fata manus.  
 Mollis tu coëpta fautor cape lora iuuentæ,  
 Dextraq; immisissis da mihi signa rotis,  
 Hoc mihi Mæcenas laudis concedis, & à te est,  
 Quod ferar in partes ipse fuisse tuas.

DE NATALI AMICAE SVÆ.

**M** Irabar quidnam misissent manè camœnæ  
 Ante meum stantes sole rubente torum:  
 Natalis nostræ signum misere puella,  
 Et manibus faustos ter crepuere sonos,  
 Transeat hic sine nube dies, stent aëre uenti,  
 Ponat & in sicco molliter unda minas:  
 Aspiciam nullos hodierna luce dolentes:  
 Et Niobe lacrymas supprimat ipse lapis:  
 Halcyonum positis requiescant ora querelis,  
 Increpet absumptum nec sua mater Ilym.  
 Tuq; ò chara mihi felicibus edita pennis  
 Surge: & poscentes iusta precare Deos:  
 Ac primùm pura somnum tibi discute lymphea,  
 Et nitidas presso pollice finge comas:  
 Dein qua primùm oculos cepisti ueste Propertii  
 Indue, nec uacuum flore relinque caput:  
 Et pete, qua polles, ut sit tibi forma perennis,  
 Inq; meum semper stent tua regna caput:  
 Inde coronatas ubi ture piaueris aras,  
 Luxerit & tota flamma secunda domo:

Sit mensæ ratio, noxq; inter pocula currat:  
 Et crocino nares murrheus ungat Onyx:  
 Tibia nocturnis succumbat rauca choreis:  
 Et sint nequitiæ libera uerba tuæ:  
 Dulciaq; ingratos adimant conuiuia somnos,  
 Publica uicinæ perstrepat ara uia:  
 Sit sors & nobis talorum interprete iactus,  
 Quem grauibus pennis uerberet ille puer:  
 Cùm fuerit multis exacta trientibus hora,  
 Noctis & instituet sacra ministra Venus,  
 Annua soluamus thalamo & solennia nostro,  
 Natalisq; tui sic peragamus iter.

F O E M I N A S I M P E -  
 rare amantibus.

**Q**uid mirare, meam si uersat foemina uitam?  
 Et trahit addictum sub sua iura uirum?  
 Criminaq; ignaui capitis mihi turpia fingis,  
 Quòd nequeam fracto rumpere uincla iugo?  
 Venturam melius præfagit nauita mortem,  
 Vulneribus didicit miles habere metum.  
 Ista ego præterita iactaui uerba iuuenta:  
 Tu nunc exemplo disce timere meo.  
 Colchis flagranteis adamantina sub iuga tauros  
 Egit, & armigera prælia seuit humo:  
 Custodisq; feros clausit serpentis hiatus,  
 Iret ut Aesonias aurea lana domos.  
 Ausa ferox ab equo quondam oppugnare sagittis  
 Meotis Danaûm Penthesilea rates:  
 Aurea cui postquam nudauit cassida frontem,

r Vicit



Vicit uictorem candida forma uirum.  
Omphale in tantum formæ processit honorem  
Lydia Gygeò tincta puella lacu,  
Vi qui pacato statuisset in orbe columnas  
Tam dura traheret mollia pensa manu.  
Persarum statuit Babylona Semiramis urbem,  
Vi solidum cocto tolleret aggere opus:  
Et duo in aduersum misit per mœnia currus,  
Ne possent tacto stringere ab axe laus:  
Duxit & Eufraatem medium quâ condidit arces,  
Iussit & imperio surgere Bactra caput.  
Nam quid ego heroas, quid rapte in crimine diuos?  
Iuppiter infamat seq; suamq; domum.  
Quid modò quæ nostris opprobria uexerit armis,  
Et famulos inter fœmina trita suos?  
Coniugis obscœni pretium Romana poposcit  
Mœnia, & addictos in sua regna patres,  
Noxia Alexandrina dolis aptissima tellus,  
Et toties nostro Memphi cruenta malo,  
Tres ubi Pompeio detraxit arena triumphos.  
Tollet nulla dies hanc tibi Roma notam.  
Issent Phlegreò melius tibi funera campo,  
Vel tua si socero colla daturus eras:  
Scilicet incesti meretrix regina Canopi  
Vna Philippeo sanguine adusta nota.  
Ausu Ioui nostro latrantem opponere Anubim,  
Et Tyberim Nili cogere ferre minas:  
Romanamq; tubam crepitanti pellerè sistro,  
Baridos & conis rostra Liburna sequi:  
Fœdaq; Tarpeio canopea tendere saxo

*Iura dare statuas inter, & arma mari.  
 Quid nunc Tarquini fractas iuuat esse secures,  
 Nomine quem simili uita superba notat?  
 Si mulier patienda fuit, cape Roma triumphum:  
 Et longam Augusto salua precare diem.  
 Fugisti tamen in timidi uaga flumina Nili,  
 Accepere tuæ Romula uincla manus.  
 Brachia spectant sacris admorsa colubris,  
 Et trahere oculum membra soporis iter.  
 Non hæc Roma fuit tanto tibi ciue uerenda  
 Dixit, & assiduo lingua sepulta mero.  
 Septem urbs alta iugis, toto quæ præsidet orbi,  
 Fœmineas timuit territa Marte minas.  
 Annibalis spolia, & uicti monimenta Siphacis,  
 Et Pyrrhi ad nostros gloria fracta pedes.  
 Curius expletis statuit monimenta lacunis.  
 At Decius misso prælia rupit equo.  
 Coclitis abscissos testatur semita pontes,  
 Et cui cognomen Coruus habere dedit.  
 Hæc Dii cōdiderāt, hæc Dii quoq; mœnia seruant:  
 Vix timeat saluo Casare Roma Iouem.  
 Nunc ubi Scipiadae classes? ubi signa Camilli?  
 Aut ubi Pompeia Bosphora capta manu?  
 Leucadius uersas acies memorabit Apollo,  
 Tantum operis belli sustulit una dies.  
 At tu siue petes portus, seu nauita linques,  
 Caesaris in toto sis memor Ionio.*

**P** AD POSTHVMVM DE GALLA.  
 Posthume plorantē potuisti relinquere Gallam?



Miles & Augusti fortia signa sequi:  
 Tanti'ne ulla fuit spoliati gloria Parthi,  
 Ne faceres Galla multa rogante tua?  
 Si fas est, omnes pariter pereatis auari,  
 Et quisquis fido pretulit arma toro.  
 Tu tamen iniecta reclusus uesane lacerna  
 Potabis galea fessus Araxis aquam:  
 Illa quidem interea fama tabescet inani:  
 Hæc tua ne uirtus fiat amara tibi:  
 Ne'ue tua Medæ latentur cæde sagittæ,  
 Ferreus aurato neu cataphractus equo:  
 Ne'ue aliquid de te flendum referatur in urna,  
 Sic redeunt, illis qui cecidere locis.  
 Ter, quater in castra felix ò Posthume Galla,  
 Moribus his alia coniuge dignus eras.  
 Quid faciet nullo munita puella timore,  
 Cùm sit luxuriæ Roma magistra tua?  
 Sed securus eas, Gallam non munera uincant,  
 Duritiæq; tuæ non erit illa memor.  
 Nam quocunq; die sanum te fata remittent,  
 Pendebit collo Galla pudica tuo:  
 Posthumus alter erit miranda coniuge Ulysses,  
 Non illi longæ tot nocuere moræ,  
 Cæta decem annorum & Ciconum mons, Ismara, Calpe,  
 Exusta q; tuæ mox Polypheme genæ,  
 Et Circe fraudes, lotosq; herbæq; tenaces,  
 Scylla q; & alternas scissa Charybdis aquas:  
 Lampeties, Ithacis uerubus mugisse iuencos,  
 Pauperat hos Phæbo filia Lampetie:

*Et thalamum Aeëæ flentis fugisse puellæ,  
 Totq; hyemis noctes, totq; natasse dies:  
 Nigrantesq; domos animarum intrasse silentium,  
 Sirenum surdo remige adisse lacus:  
 Et ueteres arcus leto renouasse procorum,  
 Errorisq; sui sic statuisse modum:  
 Nec frustra, quia casta domi persederat uxor.  
 Vincit Penelopes Lælia Galla fidem.*

## DE AVARITIA PUELLARVM.

*Q*ueritis unde auidis nox sit pretiosa puellis,  
*Et Venerē exhaustæ dāna querātur opes?*  
*Certē equidem tantis causa est manifesta ruinis,  
 Luxuriæ nimium libera facta uia est.  
 Inda cauis aurum mittit formica metallis,  
 Et uenit è rubro concha Erycina salo:  
 Et Tyros ostrinos præbet Cadmea colores,  
 Cinnamon & muli pastor odoris Arabs.  
 Hec etiam clausas expugnant arma pudicas,  
 Quæq; terunt fastus Icarioni tuos.  
 Matrona incedi: census induta nepotum,  
 Et spolia opprobrii nostra per ora trahit.  
 Nulla est poscendi, nulla est reuerentia dandi:  
 Aut si qua est, pretio tollitur ipsa mora.  
 Felix Eois lex funeris una maritis,  
 Quos aurora suis rubra colorat equis.  
 Nanq; ubi mortifero iacta est fax ultima lecto,  
 Uxorū fufis stat pia turba comis:  
 Et certamen habent leti, quæ uina sequatur  
 Coniugium: pudor est, non licuisse mori:*



Ardent uictrices, & flammæ pectora præbent,  
 Imponuntq; suis ora perusta uiris.  
 Hic genus infidum nuptiarum, hic nulla puella  
 Nec fida Euadne, nec pia Penelope.  
 Felix agrestum quondam pacata iuuentus,  
 Diuitiæ quarum messis, & arbor erant.  
 Illis pompa fuit, decussa cydonia ramo,  
 Et dare puniceis plena canistra rubis:  
 Nunc uiolas tondere manu, nunc mista referre  
 Lilia uirgineos lucida per calathos:  
 Et portare suis uestitas frondibus uuas,  
 Aut uariam plumæ uersicoloris auem.  
 His tum blanditijs furtiua per antra puellæ  
 Oscula syluicolis emptia dedere uiris:  
 Atq; hinuli pellis totos operibat amantes,  
 Altaq; natio creuerat herba toro:  
 Pinus & incumbens latas circumdabat umbras,  
 Nec fuerat nudas pœna uidere deas.  
 Corniger Idæi uacuam pastoris in aulam  
 Dux aries saturas ipse reduxit oues.  
 Diiq; Deaq; omnes, quibus est tutela per agros,  
 Præbebant uestris uerba benigna focis.  
 Et leporem quicumq; uenis uenaberis hospes,  
 Et si fortè meo tramite quæris auem:  
 Et me Pana tibi comitem de rupe uocato,  
 Siue petas calamo præmia, siue cane.  
 At nunc desertis cessant sacraria lucis,  
 A V R V M omnes uicta iam pietate colunt.  
 A V R E A nunc uerè sunt secula: plurimus auro

Venit

*Venit honos: Auro conciliatur amor:  
 A V R O pulsa fides: Auro uenalia iura:  
 Aurum lex sequitur, mox sine lege pudor.  
 Torrida sacrilegum testantur lumina Brennum,  
 Dum petit intonsi Pythia regna Dei:  
 At mons laurigero concussus uertice duras  
 Gallica Parnassi sparsit in arma nives:  
 Et scelus accepto Thracis Polymnestoris auro  
 Nutrit in hospitio non Polydore pio.  
 Tu quoq; ut auratos gereres, Eryphila, lacertos,  
 Dilapsis nusquam est Amphiaræus equis.  
 Proloquar, atq; utinam patriæ sim uerus aruspex:  
 Frangitur ipsa suis Roma superba bonis.  
 Certa loquor, sed nulla fides: neq; enim Ilia quondã  
 Verax Pergameis manas habenda malis.  
 Sola Parim Phrygiæ fatum componere, sola  
 Fallacem patriæ serpere dixit equum.  
 Ille furor patriæ fuit utilis, ille parenti.  
 Experta est ueros irrita lingua Deos.*

## A D S P A R T E N

de ludis Laconicis.

**M**ulta inæ Sparte miramur iura palæstra,  
 Sed mage uirginei tot bona gymnasi:  
 Quod non infames exercet corpore laudes  
 Inter luctantes nuda puella uiros:  
 Cùm pila ueloceis fallit per brachia iactus,  
 Increpat & uersi clauis adunca trochi:  
 Puluerulentaq; ad extremas stat fœmina metas,  
 Et patitur duro uulnera pancratio:



Nunc ligat ad cestum gaudentia brachia loris,  
 Missile nunc dici pondus in orbe rotat:  
 Gyrum pulsat equis, niueum latus ense reuincit,  
 Virgineumq; cauo protegit ære caput:  
 Qualis Amazonidum nudatis bellica mammis  
 Thermodoonteis turba lauatur aquis.  
 Et modò Taygeti crines aspersa pruina  
 Sectatur patrios per iuga longa canes.  
 Qualis & Eurota Pollux, & Castor arenis,  
 Hic uictor pugnis, ille futurus equis:  
 Inter quos Helene nudis capere arma pupillis  
 Fertur, nec fratres erubuisse Deos.  
 Lex igitur Spartana uetat secedere amantes,  
 Et licet in trinijs ad latus esse suæ:  
 Nec timor, aut ulla est clausæ tutela puellæ,  
 Nec grauis austeri pœna cauenda uiri.  
 Nullo præmisso, de rebus tute loquaris  
 Ipse tuis, longæ nulla repulsa moræ.  
 Non Tyriæ uestes errantia lumina fallunt,  
 Est neq; odoratæ cura molestâ domi.  
 At nostra ingenti uadit circumdata turba,  
 Nec digitum angustâ est inseruisse uia:  
 Nec quæ sint facies, nec quæ sint uerba rogandi  
 Inuenias, cæcum uersat amator iter.  
 Quòd si iura fores, pugnâsq; imitata Laconum,  
 Charior hoc esses tu mihi, Roma, bono.

## AD CYNTHIAM DE LYCINNA.

Sic ego non ullos iam norim in amore tumultus,  
 Nec ueniat sine te nox uigilanda mihi:

*Ut mihi prætextæ pudor est uelatus amictu,  
Et data libertas noscere amoris iter:  
Illa rudes animos per noctes conscia primas  
Imbuit, heu nullis capta Lycinna datis.  
Tertius haud multò minus est cùm ducitur annus:  
Vix memini, nobis uerba coisse decem.  
Cuncta tuus sepeliuit amor, nec fœmina post te  
Vlla dedit collo dulcia uincla meo.  
Testis erit Dirce tam uerò crimine sœua  
Nycteos Antiopen accubuisse Lyco.  
Ah quoties pulchros traxit regina capillos,  
Molliaq; immites fixit in ora manus!  
Ah quoties famulam pensis onerauit iniquis,  
Et caput in dura ponere iussit humo!  
Sæpe illam immundis passa est habitare tenebris:  
Vilem ieiunæ sæpe negauit aquam.  
Iuppiter Antiopæ nusquam succurris habenti  
Tot mala: corrumpit dura catena manus.  
Si Deus es, tibi turpe, tuam seruire puellam:  
Inuocet Antiopæ quem nisi uincta Iouem?  
Sola tamen, quæcunq; aderant in corpore uires,  
Regales manicas rupit utraq; manu:  
Inde Cithæronis timido pede currit in arces:  
Nox erat, & sparso triste cubile gelu,  
Sæpe uago Asopi sonitu permota fluentis  
Credebat dominæ ponè uenire pedes,  
Et durū Zeithum, & lacrymis Amphiona mollē  
Experta est stabulis mater abacta suis.  
Ac ueluti magnos cùm ponunt æquora motus,*



*Eurus in aduersos desinit ire Notos:  
 Littore sic tacito sonitus rarefcit arenæ,  
 Sic cadit inflexo lapsa puella genu.  
 Sera tamen pietas, natis est cognitus error,  
 Digne Iouis natos qui tueare senex:  
 Tu reddis pueris matrem, pueriq; irahendam  
 Vinxerunt Dircen sub trucidis ora bonis,  
 Antiopæ cognosce Iouem: tibi gloria Dirce  
 Ducitur in multis mortem habitura locis.  
 Præta cruentantur Zeti, victorq; canebat  
 Pæana Amphion rupe Aracynthe tua.  
 At tu non meritam parcas vexare Lycynnam.  
 Nescit uestra ruens ira referre pedem.  
 Fabula nulla tuas de nobis conciet aures,  
 Te solam & lignis funeris ustus amem.*

## DE IMPERIO AMICAE.

**N**Ox media: et domina mihi uenit epistola no-  
 Tybure me missa iussit adesse mora, (stræ,  
 Candida quæ geminas ostendunt culmina turres,  
 Et cadit in patulos lymphæ Aniena lacus.  
 Quid faciam? obductis committam me ne tenebris,  
 Ut timeam audaces in mea membra manus?  
 At si hæc distulero nostro mandata timore,  
 Nocturno fletus sæuior hoste mihi.  
 Peccarem semel, & totum sum pulsus in annum:  
 In me mansuetas non habet illa manus.  
 Nec tamen est quisquam, sacros qui ledat amâtes,  
 Scyronis media si licet ire uia.  
 Quisquis amator erit, Scyticis licet ambulet oris:

Nemo

*Nemo adeò, ut noceat, barbarus esse uolet.  
 Luna ministrat iter, demonstrant astra salebras:  
 Ipse Amor accensas percussit anie faces.  
 Seu a canum rabies morsus auertit hiantes,  
 Huic generi quouis tempore tuta uia est.  
 Sanguine tam paruo, quis enim spargatur amantis  
 Improbus? exclusis fit comes ipsa Venus.  
 Quòd si certa meos sequerentur funera casus,  
 Talis mors pretio uel sit emenda mihi,  
 Afferet huc unguenta mihi, fertisq; sepulcrum  
 Ornabit custos ad mea busta sedens.  
 Dii faciant, mea ne terra locet ossa frequenti,  
 Quà facit assiduo tramite uulgus iter.  
 Post mortem tumuli sic infamantur amantum.  
 Me tegat arborea denia terra coma,  
 Aut humet ignota cumulus uallatus arena.  
 Non iuuat in media nomen habere uia.*

## AD BACCHVM.

**N**unc ô Bacche tuis humiles aduoluimur aris:  
 Da mihi pacato uela secunda, pater.  
 Tu potes insane Veneris compescere fastus,  
 Curarumq; tuo sit medicina mero.  
 Per te iunguntur, per te soluantur amantes:  
 Tu uitium ex animo dilue Bacche meo.  
 Te quoq; enim non esse rudem testatur in aëtris  
 Lyncibus in cœlum uecta Ariadna tuis.  
 Hoc mihi, quod ueteres custodit in ossibus ignes,  
 Funera sanabunt, uel tua uina, malum.  
 Semper enim uacuos nox sobria torquet amantes:  
 Spesq;



Spesq; timorq; animo uersat utroq; modo.  
 Quod si, Bacche, tuis per feruida tempora donis  
 Accersitus erit somnus in ossa mea:  
 Ipse seram uites, pangamq; ex ordine colles,  
 Quos carpant nulla me uigilante ferae:  
 Dum modò purpureo spument mihi dolia musto,  
 Et noua pressanteis inquinet uua pedes.  
 Quod superest uitæ, per te, & tua cornua, uinam:  
 Virtutisq; tuæ, Bacche, poëta ferar.  
 Dicam ego maternos Aetnæo fulmine partus,  
 Indica Nysæis arma fugata choris:  
 Vesantumq; noua nequicquam in uite Lycurgum:  
 Pentheos in triplices funera grata greges:  
 Curuaq; Tyrrhenos delphinum corpora nautas  
 In uada pampinea dissiluisse rate,  
 Et tibi per mediam beneolentia flumina Naxon,  
 Vnde tumm potant Naxia turba merum.  
 Candida laxatis onerato colla corymbis,  
 Cinget Bassaricas Lydia mitra comas.  
 Leuis odorato ceruix manabit oliuo,  
 Et feries nudos ueste fluente pedes.  
 Mollia Dirceæ pulsabunt tympana Thebæ,  
 Capripedes calamo Panes hiantes canent.  
 Vertice turrigero iuxta Dea magna Cybelle  
 Fundet ad Idæos cymbala rauca choros.  
 Ante fores templi crater antiistitis auro  
 Libatum fundens in tua sacra merum.  
 Hæc ego non humili referā memoranda cothurne,  
 Qualis Pindarico spiritus ore tonat.

*Tu modò seruitio uacuum me siste superbo,  
Atq; hoc sollicitum uince sopore caput.*

## MORTEM ESSE

ineuitabilem.

**C***lausus ab umbroso quàm ludit pötus Auerno  
Humida Baiarum stagna tepentis aquæ:  
Quàm iacet & Troiæ tubicen Misenus arena,  
Et sonat Herculeo structa labore uia:  
Hic ubi mortaleis dextra cùm quæreret urbes,  
Cymbala Thebano concrepuere Deo:  
At nunc inuisæ magno cum crimine Baia,  
Quis deus in uestra constituit hostis aqua?  
His pressus Stygias uultum demisit in undas,  
Errat & in uestro spiritus ille lacu.  
Quid genus, aut uirtus, aut optima profuit illi  
Mater, & amplexum Cæsaris esse focos?  
Aut modò tam pleno fluitantia uela theatro,  
Et per maternas omnia gesta manus?  
Occidit, & misero steterat uigesimus annus,  
Tot bona tam paruo clausit in orbe dies.  
I nunc, tolle animos, & tecum finge triumphos:  
Stantiaq; in plausum tota theatra iuuent.  
Attalicas supera uestes, atq; omnia magnis  
Gemmea sint ludis: ignibus ista dabis.  
Sed tamē huc omnes, huc primus, & ultimus ordo:  
Est mala, sed cunctis ista terenda uia est.  
Exoranda canis tria sunt latrantia colla.  
Scandenda est torui publica cymba senis.  
Ille licet ferro cantus se condat, & ære,*

Mors



*Mors tamen inclusum protrahit inde caput.  
 Nirea non facies, non uis exemit Achillem,  
 Cræsum aut Pæctoli quas parit humor opes.  
 Hic olim ignaros luctus populauit Achinos,  
 At ride magno cùm stetit alter amor.  
 At tibi nauta, pias hominum qui traiecis umbras,  
 Huc animæ portent corpus inane tuæ:  
 Quà Siculæ uictor telluris Claudius, & quà  
 Cæsar ab humana cessit in astra uia.*

## D E M V L I E R V M

incontinentia.

**O** *Bijciur toties à te mihi nostra libido:  
 Crede mihi, uobis imperat illa magis.  
 Vos ubi contempti rupistis frena pudoris,  
 Nescitis capte mentis habere modum.  
 Flamma per incensas citius sedetur aristas,  
 Fluminaq; ad fontis sint reditura caput,  
 Et placidum Syries portum, & bona littora nautis  
 Præbeat hospitio seuæ Malea suo,  
 Quàm possit uestros quisquam reprehendere cursus,  
 Et rapida stimulos frangere nequitia.  
 Testis Cretæi fastus quæ passa iuueni  
 Induit abiogne cornua falsa boui.  
 Testis Thessalico flagrans Salmonis Enipco,  
 Quæ uoluit liquido tota subire Deo.  
 Crimen & illa fuit patria succensa senecta  
 Arboris in frondes condita Myrrha nouæ.  
 Nam quid Medæ referam, quo tempore matris  
 Iram natorum cæde piavit amor?*

Quid

Quid'ue Clytemnestra, propter quam tota Mycenis  
 Infamis stupro stat Pelopea domus?  
 Tuq; ô Mino a uenundata Scylla figura  
 Tondens purpurea regna paterna coma.  
 Hanc igitur dotem uirga desponderat hosti:  
 Nise, tuas portas fraude reclusit Amor.  
 At uos innuptæ felicius urite tædas,  
 Pendet Cretæa tracta puella rate.  
 Non tamen immeritò Minos sedet arbiter Orci,  
 Victor erat, quamuis æquus in hoste fuit.

## DE CONTEMPTO-

re amicæ.

**C**Redis eum iam posse tuæ meminisse figuræ,  
 Vidiſti à lecto quem dare uela tuo?

Durus, qui lucro potuit mutare puellam:

Tantis'ne in lacrymis Africa tota fuit?

At tu stulta Deos, tu fingis inania uerba.

Forſitan ille alio pectus amore terit.

Est tibi forma potens, sunt castæ Palladis artes,

Splendidaq; à docto fama reſulget auo,

Fortunata domus: modò sit tibi fidus amicus,

Fidus ero, in nostros curre puella toros.

Tu quoq; , qui æſtiuos ſpatioſius exigis ignes,

Phœbe moraturæ contrahe lucis iter.

Nox mihi prima uenit, primæ data tēpora noctis:

Longius in primo Luna morare toro.

Fœdera sunt ponenda prius, ſignandaq; iura,

Et ſcribenda mihi lex in amore noua.

Hæc Amor ipſe ſuo conſtringit pignora ſigno,

Testis



*Testis fidereæ torta corona Dea,  
 Quàm multæ antè meis cedant sermonibus horæ,  
 Dulcia quàm nobis concitet arma Venus!  
 Nanq; ubi non certo uincitur fœdere lectus,  
 Non habet ultores nox uigilanda Deos:  
 Et quibus imposuit soluit nox uincla libido.  
 Contineant nobis omnia prima fidem.  
 Ergo qui pactas in fœdera ruperit aras,  
 Pollueritq; nouo sacra marita toro,  
 Illi sint quicunq; solent in amore dolores:  
 Et caput arguta præbeat historia:  
 Nec flenti domine patefiant nocte fenestræ:  
 Semper amet, fructu semper amoris egens.*

## A D C Y N T H I A M.

**M**agnū iter ad doctas proficisci cogor Athe-  
*Vi me lōga graui soluat amore uia. (nas,  
 Crescit enim assidue spectando cura puella,  
 Ipse alimenta sibi maxima præbet Amor.  
 Omnia sunt tentata mihi, quacunq; fugari  
 Possit: at ex omni me premit ipse Deus.  
 Vix tamen, aut semel admittit: cū saepe negauit,  
 Seu uenit, extremo dormit amica toro.  
 Vnum erit auxilium mutatis, Cynthia, terris:  
 Quantum oculis, animo tam procul ibit amor.  
 Nunc agite, ô socij, propellite in æquora nauem:  
 Remorumq; pares ducite sorte uices,  
 Iungiteq; extremo felicia lintea malo,  
 Nam liquidum nautis aura secundat iter.  
 Romanæ turres, & nos ualcatis amici,*

Qualiscunq; mihi tuq; puella uale.  
 Ergo ego nūc rudis Adriaci uehar æquoris hospes,  
 Cogar & undisonos nunc prece adire Deos.  
 Deinde per Ionium uectus cum fessa Lechæo  
 Sedarit placida uela phaselus aqua:  
 Quod superest, sufferite pedes, properate laborem,  
 Isthmos quæ terris arcet utrinq; mare.  
 Inde ubi Piræi capient me littora portus,  
 Scandam ego Theseæ brachia longa uia.  
 Illic uel studijs animum emendare Platonis  
 Incipiam, aut hortis doctæ Epicure tuis:  
 Persequar aut studium linguæ, Demosthenis arma,  
 Librorumq; tuos doctæ Menandre sales:  
 Aut certè tabulæ capient mea lumina pictæ,  
 Siue ebore exactæ, seu magis ære manus.  
 Aut spatia annorū, aut longa interualla profundi  
 Lenibunt tacito uulnera nostra sinu:  
 Seu moriar fato non turpi fractus amore:  
 Atq; erit illa mihi mortis honesta dies.

## AD TVLLVM.

**F** Rigida iā multos placuit tibi Cyzicus annos  
 Tulle, Propontiaca quæ fluit Isthmos aqua:  
 Dindymus, & sacre fabricata inuenta Cybellæ,  
 Raptorisq; tulit quæ uia Diis equos.  
 Si te fortè iuuant Helles Athamanidos urbes:  
 Et desiderio, Tulle, mouere meo:  
 Tu licet aspicias cælum omne Atlanta gerentem,  
 Sectaq; Persea Phorcydos ora manu:  
 Geryonæ stabula, & luctantum in puluere signa.

s

Hercu



Herculis Antæiq; Hesperidumq; choros:  
 Træq; tuo Colchon propellas remige Phasin,  
 Peliacæq; trabis totum iter ipse legas:  
 Quà rudis Argoa natat inter saxa columba  
 In faciem proræ pinus adacta nouæ:  
 Et quà Gygeti uisenda est ora Caiëtri,  
 Et quà septenas temperat unda uias,  
 Omnia Romanæ cedent miracula terræ,  
 Natura hic posuit quicquid ubiq; fuit.  
 Armis apta magis tellus, quàm commoda noxæ,  
 Famam Roma tuæ non pudet historiæ.  
 Nam quantum ferro, tantum pietate potentes  
 Stamus, uictrices temperat ira manus.  
 Hic Anio Tyburte fluis, Clitumnus ab Umbro  
 Tramite, & æternum Martius humor opus:  
 Albanus lacus, & socij Nemorensis ab unda,  
 Potaq; Pollucis lymphæ salubris equo.  
 At non squamoso labuntur uentre cerastræ,  
 Itala portentis nec fuit una nouis.  
 Non hic Andromedæ resonant pro matre catenæ,  
 Nec tremis Ausonias Phœbe fugate dapes:  
 Nec cuiquam absentis arserunt in caput ignes,  
 Exilium nato matre parante suo.  
 Penthea non seuæ uenantur in arbore Bacchæ,  
 Nec soluit Danaas subdita cernæ rates.  
 Cornua nec ualuit curuare in pellice Iuno,  
 Aut faciem turpi dedecorare boue.  
 Arboreasq; cruces Scinis, & non hospita Graijs  
 Saxa, & curuatas in sua fata trabes.

*Hæc tibi Tulle parens, hæc est pulcherrima sedes:  
 Hic tibi pro digna gente petendus honos:  
 Hic tibi ad eloquium cives, hic ampla nepotum  
 Spes, & uenturae coniugis aptus amor.*

## DE TABVLIS PERDITIS.

**E***Rgo iam doctæ nobis periere tabellæ,  
 Scripta quibus pariter tot periere bona.  
 Has quondam nostris manibus detriuerat usus,  
 Qui non signatas iussit habere fidem.  
 Illæ iam, sine me, norant placare puellas:  
 Et quædam, sine me, uerba diserta loqui.  
 Non illas fixum charas effecerat aurum,  
 Vulgari buxo sordida cera fuit.  
 Qualescunq; mihi semper mansere fideles:  
 Semper & effectus promeruere bonos.  
 Forsitan hæc illis fuerant mandata tabellis,  
 Irascor quoniam es lente moratus heri.  
 An tibi nescio quæ uisa est formosior? an tu  
 Non bona de nobis crimina ficta iacis?  
 Aut dixit, Venies hodie, cessauimus unâ.  
 Hospitium tota nocte parauit Amor:  
 Et quæcunq; dolens reperit non stulta puella  
 Garrula, cum blandis ducitur hora dolis.  
 Me miserum his aliquis rationem scribit auari,  
 Et ponit duras inter ephemeridas.  
 Quas si quis mihi rettulerit, donabitur auro.  
 Quis pro diuitijs ligna retenta uelin?  
 I puer, & citus hæc aliqua propone columna,  
 Et dominum Exquilijs scribe habitare tuum.*



## A D C Y N T H I A M

superbientem.

**F**alsa est ista tua, mulier, fiducia formæ  
 Olim oculis nimium facta superba meis.  
 Noster amor tales tribuit tibi, Cynthia, laudes:  
 Versibus insignem te pudet esse meis.  
 Mistam te uaria laudauit sæpe figura:  
 Ut quod non esses, esse putaret Amor.  
 Et color est toties roseo collatus Eoo,  
 Cum tibi quæsitus candor in ore foret.  
 Quid mihi non patrij poterant auertere amici,  
 Eluere aut uasto Thessala saga mari:  
 Hæc ego non ferro, non igne coactus, & ipsa  
 Naufragus Aegæa uerba fatebor aqua:  
 Corruptus sæuo Veneris torrebar ahenis,  
 Victus eram uersas in mea terga manus.  
 Ecce coronatæ portum tetigere carinæ,  
 Traiectæ Syrtes, anchora iacta mihi est.  
 Nunc demum uasto fessi resipiscimus æstu,  
 Vulneraq; ad sanum nunc coiere mea.  
 Mens bona, si qua Dea es, tua me in sacraria dono:  
 Exciderent surdo tot mea uota Ioui.

## A D A M I C A M.

**R**isus eram, positis inter conuiuia mensis  
 Et de me poterat quilibet esse loquax.  
 Quinq; tibi potui seruire fideliter annos:  
 Vngue meam morso sæpe querere fidem.  
 Nil moueor lacrymis, ista sum captus ab arte:  
 Semper ab insidijs, Cynthia, flere soles.

Flebo

*Flebo ego discedens, sed fletum iniuria vincit:  
 Tu bene conueniens non sinis esse iugum.  
 Limina iam nostris ualeant lacrymania uerbis,  
 Nec tamen irata ianua fracta manu.  
 At te celatis ætas grauis urgeat annis,  
 Et ueniat forma ruga sinistra tua.  
 Vellere cum cupies albos à stirpe capillos  
 A speculo rugas increpitante tibi,  
 Exclusa inq; uicem fastus patiare superbos,  
 Et quæ fecisti, facta queraris anus.  
 Has tibi fataleis cecinit mea pagina diras:  
 Euentum formæ disce timere tuæ.*

## SEX. PROPERTII

AVRELII VMBRI ELE-

GIARVM LIBER IIII.

DE VRBE ROMA.



*HOC quodcunq; uides hospes quàm  
 maxima Roma est,*

*Ante Phrygem Aeneam col-  
 lis, & herba fuit.*

*Atq; ubi nauali stant sacra pala-  
 tia Phœbo,*

*Euandri profugæ procubuere boues.*

*Fictilibus creuere deis hæc aurea templa.*

*Non fuit opprobrio facta sine arte casa:*

*Tarpeiusq; pater nuda de rupe tonabat,*

*Et Tyberis nostris aduena bobus erat.*



Quo gradibus domus ista Remi se sustulit olim,  
 Unus erat fratrum maxima regna focus.  
 Curia, prætexto quæ nunc nitet alta Senatu,  
 Pellitos habuit, rustica corda, patres.  
 Buccina cogebat priscos ad uerba Quirites,  
 Centum illi in prato sæpe Senatus erat.  
 Nec sinuosa cauo pendebant uela theatro.  
 Pulpita solenneis non oluere crocos.  
 Nulli cura fuit, externos querere diuos,  
 Cùm tremeret patrio pendula turba sacro:  
 Annuaq; accenso celebrare Palilia jæno:  
 Qualia nunc curto iustra nouantur equo.  
 Vesta coronatis pauper gaudebat asellis,  
 Ducebant macra uilia sacra boues.  
 Parua saginati lustrabant compita porci,  
 Pastor & ad calamos exta litabat onis.  
 Verbera pellitus setosa mouebat arator,  
 Vnde licens Fabius sacra LuperCUS habet.  
 Nec rudis infestis miles radiabat in armis:  
 Miscebant uستا prælia nuda sude.  
 Prima Galeritus posuit prætoria Lygmon,  
 Magnaq; pars Tatio rerum erat inter oues.  
 Hinc Titicens, Rhamnesq; uiri, Luceresq; coloni:  
 Quattuor hinc albos Romulus egit equos.  
 Quippe suburbanæ parua minus urbe Bouillæ,  
 Et qui nunc nulli, maxima turba Gabij:  
 Et stetit Alba potens. Albæ suis omine nata,  
 Hæc ubi Fidenas longè erat ire uias.  
 Nil patrium nisi nomen habet Romanus alumnus:

Sanguinis altricem nunc pudet esse lupam.  
Huc melius profugos misisti Troia Penates,  
O quali uecta est Dardana puppis aue!  
Iam bene spondebant tunc omina, quod nihil illam  
Laserat abiegni uenter apertus equi.  
Cum pater in nati tremulus cervice pependit,  
Et uerita est humeros urere flamma pios:  
Tunc animi uenere Decij, Bruiq; secures,  
Vexit & ipsa sui Caesaris arma Venus:  
Arma resurgentis portans uictricia Troie,  
Felix terra tuos cepit Iule Deos.  
Si modò Auernalis tremule cortina Sibyllæ  
Dixit, Auentino rura pianda Remo:  
Aut si Pergamæ serò rata carmina uatis  
Longæum ad Priami uera fuere caput.  
Vertite equum Danai, malè uincitis: Ilia tellus  
Viuet, & huic cineri Iuppiter arma dabit.  
Optima nutricum nostris Lupa Martia rebus,  
Qualia creuerunt mœnia lacte tuo!  
Mœnia nanq; pio conor disponere uersu:  
Hei mihi, quod nostro est paruus in ore sonus.  
Sed tamen exiguo quodcunq; è pectore rini  
Fluxerit, hoc patriæ seruiat omne meæ.  
Ennius hirsuta cingat sua dicta corona:  
Mi folia ex edera porridge Bacche tua:  
Ut nostris tumefacta superbiat Umbria libris,  
Umbria Romani patria Callimachi.  
Scandentes si quis cernet de uallibus arces,  
Ingenio muros æstimet ille meo.



Roma faue: tibi surgit opus: date candida cines  
 Omina, & inceptis dextera cantet auis.  
 Sacra, diesq; canam, et cognomina prisca locorum:  
 Has meus ad metas sudet oportet equus.  
 Quò ruis imprudens uage dicere facta Propertii?  
 Non sunt à dextro condita fila colo.  
 Accersis lacrymis cantus, auersus Apollo:  
 Poscis ab inuita uerba pigenda lyra.  
 Certa feram certis autoribus, aut ego uates  
 Nescius arata signa mouere pila.  
 Me creat Archia soboles Babylonius Horops  
 Horon, & à proauo ducta Conone domus.  
 Dii mihi sunt testes, non degenerasse propinquis,  
 Inq; meis libris nil prius esse fide,  
 Nunc pretium fecere Deos, & fallitur auro  
 Iuppiter obliqua signa iterata rota:  
 Felicesq; Iouis stellas, Mariisq; rapacis,  
 Et graue Saturni sidus in omne caput:  
 Quid moueant Pisces, animosaq; signa Leonis,  
 Lotus & Hesperia quid Capricornus aqua:  
 Dicam, Troia cades, & Troica Roma resurges:  
 Et maris, & terræ longa sepulchra canam.  
 Dixi ego cùm geminos perduceret Arria natos,  
 Illa dabat natis arma uetante Deo:  
 Non posse ad patrios sua pila referre penates:  
 Nempe meam firman nunc duo busta fidem.  
 Quippe Luperus equi dum saucia protegit ora,  
 Heu sibi prolapso non bene cauit equo.  
 Gallus at in castris dum credita signa tuetur,  
Concid

Concidit ante aquila rostra cruenta sua:  
Fatales pueri duo funera matris auara.  
Vera sed inuito contigit ista fides.  
Idem ego cum Cynara iraheret Lucina dolores,  
Et facerent uteri pondera lenta moram:  
Iunonis uotum facite impetrabile dixi,  
Illa parit, libris est data palma meis.  
Hoc neq; arenosum Libyci Iouis explicat antrum,  
Aut sibi commissos fibra locuta Deos:  
Aut si quis motas cornicis censerit alas,  
Vmbraq; nec magicis mortua prodit aquis:  
Aspicienda uia est cœli, uersusq; per astra  
Trames, & ab zonis quinq; petenda fides.  
Exemplum graue erit Calchas. nanq; Aulide soluit  
Ille bene hærentes ad pia saxa rates:  
Idem Agamemnoniæ ferrum ceruice puellæ  
Tinxit, & Atrides uela cruenta dedit,  
Nec rediere tamen Danai. tu diruta fletum  
Supprime, & Euboicos respice Troia sinus.  
Nauplius ultores sub noctem porrigit ignes,  
Et natat exuijs Græcia pressa tuis.  
Victor Oilide rape nunc, & dilige uatem,  
Quam uetat auelli ueste Minerva sua.  
Hactenus historiæ, nunc ad tua deuehor astra:  
Incipe tu lacrymis æquus adesse nouis.  
Vmbria te notis antiqua penatibus edit.  
Mentior? an patriæ tangitur ora tuæ?  
Quà nebulosa cauo rorat Meuania campo,  
Et lacus æstini intepet Vmber aquis:



*Scandentisq; axis consurgit uertice murus,  
 Murus ab ingenio notior ille tuo:  
 Ossaq; legisti non illa etate legenda  
 Patris, & in tenues cogeris ipse lares.  
 Nam tua cum multi uersarent rura iuuenti,  
 Abstulit excultas pertica tristis opes.  
 Mox ubi bulla rudi demissa est aurea collo,  
 Matris & ante Deos libera sumpta toga:  
 Tum tibi pauca suo de carmine dictat Apollo,  
 Et uetat insano uerba tonare foro.  
 Et tu finge elegos fallax opus, hæc tua castra,  
 Scribat ut exemplo cætera turba tuo.  
 Militiam Veneris blandis patiere sub annis,  
 Et Veneris pueris utilis hostis eris.  
 Nam tibi uictrices, quascunq; labore parasti,  
 Eludat palmas una puella tuas,  
 Et bene cum fixum mento discusserit uncum,  
 Nil erit hoc, rostro te premet ansa suo:  
 Illius arbitrio noctem, lucemq; uidebis,  
 Gutta quoq; ex oculis non nisi iussa cadet.  
 Nec mille excubie, nec te signata iuuabunt  
 Limina, persuasæ fallere rima sat est.  
 Nunc tua uel medijs puppis luctetur in undis,  
 Vel licet armatis hostis inermis eas:  
 Vel tremefacta cauo tellus deducat hiatum,  
 Octipedis cancri terga sinistra time.*

## T A B U L A V E R T U M N I.

**Q**uid mirare meas tot in uno corpore formas?  
 Accipe Vertumni signa paterna Dei.

Thusc

Thuscus ego, Thuscis orior: nec poenitet inter  
Prelia Volscinos deseruisse focos.  
Nec me turba iuuat, nec templo lator eburno,  
Romanum satis est posse uidere forum.  
Hæc quondam Tyberinus iter faciebat, & aiunt  
Remorum auditos per uada pulsa sonos.  
Ast postquam ille suis tantum concessit alumnis,  
Vertumnus uersor dicor ab æmne Deus:  
Seu quia uertentis fructum percepimus anni,  
Vertumni rursus credidit esse sacrum.  
Prima mihi uariat liuentibus uua racemis,  
Et coma lactenti spicea fruge tumet.  
Hic dulces cerasos, hic autumnalia pruna  
Cernis, & æstiuo mora rubere die.  
Insitor hic soluit pomosa uota corona,  
Cum pyrus inuito stipite mala tulit.  
Mendax fama nocet: alius mihi nominis index:  
De se narranti tu modò crede Deo.  
Opportuna mea est cunctis natura figuris:  
In quancunq; uoles uerte, decorus ero.  
Indue me Cois, fiam non dura puella:  
Meq; uirum sumpta quis neget esse toga?  
Da falcem, & torto frontem mihi comprime sæno,  
Iurabis nostra gramina secta manu.  
Arma tuli quondam, et, memini, laudabar in illis:  
Corbis & imposito pondere, messor eram.  
Sobrius ad lites, at cum est imposta corona,  
Clamabis capiti uina subisse meo.  
Cinge caput mitra, speciem furabor Iacchi:  
Furabor Phœbi, si modò plectra dabis.



*Cassibus impositis uenor: sed arundine sumpta,  
Faunus plumoso sum Deus aucupio.  
Est etiam aurigæ species Verumnus, & eius  
Traiicit alterno qui leue pondus equo.  
Suppetat, hoc pisces calamo prædabor: & ibo  
Mundus demissis institutor in tunicis.  
Pastorem ad baculum possum curare, uel idem  
Serpiculis medio puluere ferre rosam.  
Nā qd ego adiiciā, de quo mihi maxima fama est,  
Hortorum in manibus dona probata meis?  
Ceruleus cucumis, tumidoq; cucurbita uentre  
Me notat, & iunco brassica uincta leui.  
Nec flos ullus hiat pratis, quin ille decenter  
Impositus fronti langueat ante meæ.  
At mihi quid formas unus uertebar in omnes,  
Nomen ab euentu patria lingua dedit.  
At tu Roma meis tribuisti premia Thuscis,  
Vnde hodie uicus nomina Thuscus habet:  
Tempore quo socij ueniet Lycomedius armis,  
Atq; Sabina feri contudit arma Tati.  
Vidi ego labentes acies, & tela caduca,  
Atq; hostes turpi terga dedisse fuga.  
Sed facias Diuū sator, ut Romana per æuum  
Transseat ante meos turba togata pedes.  
Sex superant uersus: te qui ad uadimonia curris,  
Non moror, hæc spatij ultima meta meis.  
Stipes acernus eram properanti falce dolatus,  
Ante Numam grata pauper in urbe Deus,  
At tibi Mamuri formæ calator ahene  
Tellus artifices ne terat Osca manus:*

*Qui me tam docilis potuisti fundere in usus,  
Unum opus est, operi non datur unus honos.*

## EPISTOLA ARETHV-

*ſæ ad Lycotam.*

**H** Aec Arethusa ſuo mittit mandata Lycotæ:  
*Cum toties abſis, ſi potes eſſe meus.  
 Siqua tamen tibi lecturo pars oblita deerit,  
 Hæc erit è lacrymis facta litura meis:  
 Aut ſiqua incerto faller te littera tractu,  
 Signa meæ dextræ iam morientis erunt,  
 Te modò uiderunt iteratos Baëtra per ortus,  
 Te modò munito Sericus hoſtis equo:  
 Hyberniq; Getæ, pictoq; Britannia curru,  
 Uſtus & Eoa diſcolor Indus aqua.  
 Hæc ne marita fides, & pactæ ſunt mihi noctes,  
 Cum rudis urgenti brachia uicta dedi?  
 Quæ mihi deductæ fax omen prætulit, illa  
 Traxit ab euerſo lumina nigra rogo:  
 Et Stygio ſum ſparſa lacu, nec recta capillis  
 Vittæ data eſt, nupſi non comitante Deo.  
 Omnibus heu portis pendent mea noxia uota.  
 Texitur hæc caſtris quarta lacerna tuis.  
 Occidat, immerita qui carpsit ab arbore uallum,  
 Et ſtruxit querulas rauca per oſſa tubas.  
 Dignior obliquo funem qui torqueat Ocno,  
 Aeternusq; tuam paſcat aſelle famem.  
 Dic mihi num teneros urit lorica lacertos?  
 Num grauis imbelles atterit hæſta manus?  
 Hæc noceant potius, quàm dentibus ulla puella  
 Det mihi plorandas per tua colla notas.*



Diceris & macie uultum tenuasse: sed opto  
E desiderio sit color iste meo.  
At mihi cum noctes induxit uesper amaras,  
Siqua relicta iacent, osculor arma tua:  
Tum queror in toto non fidere pallia lecto,  
Lucis & autores non dare carmen aues.  
Noctibus hybernis castrensia pensa laboro,  
Et Tyria in gladios uellera secta suos.  
Et disco, qua parte fluat uincendus Araxes:  
Quot sine aqua Parthus millia currat equus.  
Cogor & è tabula pictos ediscere mundos,  
Qualis & hæc docti sit positura Dei:  
Quæ tellus sit lenta gelu, quæ putris ab æstu,  
Ventus in Italiam quis bene uela ferat.  
Assidet una soror: curis & pallida nutrix  
Peierat hyberni temporis esse moras.  
Felix Hippolyte nuda tulit arma papilla,  
Et texit galea barbara molle caput.  
Romanis utinam patuissent castra puellis:  
Essem militiæ sarcina fida tuæ:  
Nec me tardarent Scythiæ iuga, cum pater altas  
Africus in glaciem frigore neclit aquas.  
O M N I S amor magnus, sed apto in cōiuge maior,  
Hanc Venus, ut uiuat, uentilat ipsa facem.  
Nam mihi quo Pœnis tibi purpura fulgeat ostris,  
Cristallusq; tuas ornet aquosa manus,  
Omnia surda tacent: rarisq; assueta calendis,  
Vix aperit clausos una puella lares.  
Graucidos & catule uox est mihi grata querētis:  
Illa tui partem uendicat una tori.

Flore sacella tego, uerbenis compita uelo,  
 Et crepat ad ueteres herba Sabina focos:  
 Sine in finitimo gemuit stans noctua tigno,  
 Seu uoluit tangi parca lucerna mero:  
 Illa dies hornis cadem denuntiat agnis,  
 Succinctæq; calenti ad noua lucra popæ.  
 Ne precor ascensis tanti sit gloria Baëtris,  
 Raptæ ue odorato carbasa lina duci:  
 Plumbea cum toriæ sparguntur pondera fundæ,  
 Subdolus & uersis increpat arcus equis.  
 Sed tua sit domitis Parthæ telluris alumni,  
 Pura triumphanteis hasta sequatur equos.  
 Incorrupta mei conserua fœdera lecti,  
 Hac ego te sola lege redisse uelim,  
 Armaq; cum tulerò portæ uotina Capenæ,  
 Subscribam saluo gratio puella uiro.

## FABULA TARPEIANÆ.

**T**Arpesium nemus, et Tarpeiæ turpe sepulcrum  
 Fabor, & antiqui limina capta Iouis.  
 Lucus erat felix ederoso conditus antro,  
 Multaq; natiuis obstrepit arbor aquis:  
 Syluani ramosa domus, quò dulcis ab æstu  
 Fîstula poturas ire iubebat oues.  
 Hunc Tatiùs fontem uallo præcingit acerno,  
 Fidaq; suggesta castra coronat humo.  
 Quid iam Rema fuit, subicen uicina Curetis,  
 Cum quateret lento murmure saxa Iouis?  
 Atq; ubi nunc terris dicuntur iura subactis,  
 Stabant Romano pila Sabina foro.  
 Murus erant montes: ubi nunc est curia septa.



*Bellicus ex illo fonte bibebat equus.  
Hinc Tarpeia Dea fontem libavit, at illi  
Urgebat medium fictilis urna caput,  
Et satis una male potuit mors esse puellæ,  
Quæ uoluit flammæ fallere Vesta tuas.  
Vidit arenosis Tatium perludere campis,  
Pictaq; per flavas arma leuare iubas.  
Obstupuit Regis facie, & regalibus armis,  
Interq; oblitæ excidit urna manus.  
Sæpe illa immeritæ causata est omnia Luna,  
Et sibi tingendas dixit in amne comas.  
Sæpe tulit blandis argentea lilia Nymphis,  
Romula ne faciem lederet hasta Tati.  
Dumq; subit primo Capitolia nubila fumo,  
Retulit hirsutis brachia secta rubis:  
Et sua Tarpeia residens ita fleuit ab arce  
Vulnera vicino non patienda Ioui.  
Ignes castrorum, & Tatiæ prætoria turmæ,  
Et formosa oculis arma Sabina meis:  
O' utinam ad uestros sedeam captiua penates,  
Dum captiua mei conspicer esse Tati.  
Romani montes, & montibus addita Roma,  
Et ualeat probro Vesta pudenda meo.  
Ille equus, ille meos in castra reponet amores,  
Cui Tatius dexteras collocat ipse iubas.  
Quid mirum in patrios Scyllam sæuisse capillos?  
Candidaq; in sæuos inguina uersa canes?  
Prodita quid mirum fraterni cornua monstri,  
Cum patuit lecto stamine torta uia?  
Quantum ego sum Ausonijs crimē factura puellis,*

*Improba uirgineo lecta ministra foco.  
Pallados extinctos si quis mirabitur ignes,  
Ignoscat, lacrymis spargitur ara meis.  
Cras (ut rumor ait) tota pugnabitur urbe,  
Tu cape spinosi rosida terga iugi.  
Lubrica tota uia est, & perfida: quippe tacentes  
Fallaci celat limite semper aquas.  
O utinam magicæ nossem cantamina Musæ  
Hæc quoq; formoso lingua tulisset opem.  
Te tota picta decet: non quem sine matris honore  
Nutrit inhumana dura papilla lupa.  
Sic hostes patiare tua regina sub aula  
Dos tibi non humilis prodita Roma uenit.  
Sin minus, at raptæ ne sint impune Sabine:  
Me rape, & alterna lege repende uices.  
Commisssas acies ego possum soluere, nuptæ  
Vos medium palla fœdus inite mea.  
Adde Hymenæe modos, tubicæ fera murmura cõde,  
Credite uestra meus molliet armatorus.  
Et iam quarta canit uenturam buccina lucem,  
Ipsaq; in Oceanum sidera lapsa cadunt:  
Experiar somnum, de te mihi somnia queram,  
Fac uenias oculis umbra benigna meis.  
Dixit, & incerto permisu brachia somno  
Nescia nefarijs accubuisse nouis.  
Nam Vesta Iliacæ felix tutela fauille  
Culpam alit, & plures condit in ossa faces.  
Illa ruit, qualis celerem propè Thermodoonta,  
Strymonis abscisso fertur aperta sinu.*

Vibi



*Urbi festus erat, dixere Palilia patres:*  
*Hic primus coepit moenibus esse dies.*  
*Annua pastorum conuiuia lusus in urbe*  
*Cum pagana madent fercula diuitijs:*  
*Cumq; super raros fœni flammantis acervos*  
*Traijcit immundas ebria turba dapes.*  
*Romulus excubias decreuit in otia solui,*  
*Atq; intermissa castra silere tuba.*  
*Hoc Tarpeia suum tempus rata, cōuenit hostem:*  
*Pacta ligat, pactis ipsa futura comes.*  
*Mons erat ascensu dubius, festoq; remissus:*  
*Nec mora uocales occupat ense canes.*  
*Omnia præbebant somnos: sed Iuppiter unus*  
*Decreuit poenis inuigilare tuis.*  
*Prodiderat portæq; fidem, patriamq; iacentem:*  
*Nubendiq; petit, quem uelit ipsa, diem.*  
*At Tatiùs (neq; enim sceleri dedit hostis honorẽ)*  
*Nube ait, & regni scande cubile mei.*  
*Dixit, & ingestis comitum super obruit armis:*  
*Hæc uirgo officijs dos erat apta tuis.*  
*A duce Tarpeio mons est cognomen adeptus.*  
*O uigil iniuste præmia sortis habes.*

## A D L E N A M.

**T***erra tuum spinis obducat lena sepulchrum:*  
*Et tua, quod non uis, sentiat umbra sitim:*  
*Nec sedeant cineri manes, & Cerberus ultor*  
*Turpia ieiuno terreat ossa sono:*  
*Docta uel Hippolytum Veneri mollire negantem,*  
*Concordiq; toro pessima semper auis:*

Penel

Penelopen quoq; neglecto rumore mariti  
 Nubere lasciuo cogeret Aninoo.  
 Illa uelit, poterit magnes non ducere ferrum,  
 Et uolucris nidis esse nouerca suis.  
 Quippe & collinas ad fossam mouerit herbas,  
 Stagnaq; currenti diluerentur aqua.  
 Audax cantata leges imponere Luna,  
 Et sua nocturno fallere terga lupo.  
 Posset & intentos astu cecare maritos.  
 Cornicum immeritas eruit ungue genas.  
 Consuluitq; striges nostro de sanguine, & in me  
 Hippomanes foeta semina legit equa.  
 Exornabat opus uerbis ceu blanda perurat,  
 Saxosamq; terat sedula culpa uiam:  
 Si te Eoa iuuat, Doroxantumq; aurea ripa,  
 Et quae sub Tyria concha superbit aqua:  
 Eurypiliq; placet Coe textura Minerae,  
 Sectaq; ab Attalicis puria signa toris:  
 Seu quae palmifera mittunt uenalia Thebae,  
 Murrhaeq; in Parthis pocula cocta focis,  
 Sperne fidem, prouolue Deos: mendacia uincant:  
 Cedant damnose iura pudicitiae.  
 Et simulare uirum pretium facit, ut ere causis.  
 Maior dilata nocte recurret amor.  
 Si tibi forte comas uexauerit utilis ira,  
 Post modò mercata pace premendus erit.  
 Deniq; ubi amplexu Venerem promiseris empto,  
 Fac simules puros Isidis esse dies.  
 Ingerat apriles Iole tibi, tundat Amycle



Natalem Maijs idibus esse iuum.  
 Supplex ille sedet: posita tu scribe cathedra  
 Quidlibet: has artes si pauet ille, tenes.  
 Semper habe morsus circa tua colla recentes,  
 Litibus alternis quos putet esse datos.  
 Non te Medea delectent probra sequacis,  
 Nempe tulit fastus ausa rogare prior,  
 Sed potius mundi Thais pretiosa Menandri,  
 Cum ferit astutos comica mœcha Getas.  
 In mores te uerte uiri: si cantica iactat,  
 I comes. & uoces ebria iunge tuas.  
 Ianitor ad dantes uigilet: si pulset inanis,  
 Surdus in obductam somniet usq; seram.  
 Nec tibi displiceat miles modò factus amor,  
 Nauta nec attrita si ferat æra manu:  
 Aut quorum titulus per barbara colla pependit,  
 Celati medio cum saliere foro.  
 Aurum spectato, non quæ manus afferat aurum:  
 Versibus auditis quid nisi uerba feres?  
 Qui uersus Coæ dederit, nec munera uestis:  
 Ipsius tibi sit surda sine arte lyra,  
 Dum uernat sanguis, dum rugis integer annus,  
 Vtere: nequis eat liber amore dies.  
 Vidi ego odorati uictura rosaria Pæsti  
 Sub matutino cocta iacere Noto.  
 His animos nostra dum uersat Acanthis amica,  
 Per tennes ossa sunt numerata cutes.  
 Sed cape torquata Venus ò regina columba,  
 Ob meritum ante tuos guttura secta focos.

Vidi

*Vidi ego rugoso iussim concrescere collo,  
 Sputaq; per dentes ire cruenta canos:  
 Atq; animam in tegetes putrē expirare paternas.  
 Horruit argenti pocula curua foco.  
 Exequiæ fuerant rari furina capilli  
 Vincula, & immundo pallida mitra sua.  
 Et canit in nostros nimis experrecta dolores,  
 Cum fallenda meo pollice claustra forent.  
 Sit tumulus lenæ curto uetus amphora collo:  
 Urgeat hunc supra uis caprifice tua.  
 Quisquis amas, scabris hoc bustum cedito saxis,  
 Mistaq; cum saxis addito uerba mala.*

## DE ACTIACA

pugna nauali.

*S* *Acra facit uates: sint ora fauentia sacris.  
 Et cadat ante meos ic̃ta iuuenca focos.  
 Cera Phileteis certet Romana corymbis,  
 Et Cyrenæas urna ministret aquas.  
 Costum molle date, & blande mihi iuris honores:  
 Terq; focum circa lanceus orbis eat.  
 Spargite me lymphis, carmenq; recentibus aris.  
 Tibia Mygdonijs libet eburna cadis.  
 Ite procul fraudes, alio sint aëre noxæ,  
 Pura nouum uati laurea mollit iter.  
 Musa Palatini referemus Apollinis ædem,  
 Res est Calliope digna fauore tuo.  
 Cæsaris in nomen ducuntur carmina: Cæsar  
 Dum canitur, quæso Iuppiter ipse uaces.  
 Est Phœbi fugiens Athamana ad littora portus,*



Quà sinus Ionie murmura condit aquæ,  
 Actia Iuleæ pelagus monimenta carinæ  
 Nantarum uotis non operosa uia.  
 Huc mundi coiere manus, stetit æquore moles  
 Pineæ, nec remis æqua fauebat auis.  
 Altera clāssis erat tenero damnata Quirino,  
 Pilaq; fœminea turpiter apta manu.  
 Hinc Augustæ ratis plenis Iouis omine uelis,  
 Signaq; iam patriæ uincere docta sue.  
 Tandem acies geminos Nereus lunarat in arcus,  
 Armorum & radijs picta tremebat aqua:  
 Cùm Phœbus linquens stantem se uindice Delon  
 (Nam tulit iratos mobilis una Notos)  
 Astiuit Augusti puppem super, & noua flamma  
 Luxit in obliquam ter sinuata facem.  
 Non ille attulerat crines in colla solutos,  
 Aut testudineæ carmen inerme lyre,  
 Sed quali aspexit Pelopeū Agamemnona uultu,  
 Egressitq; auidis Dorica castra rogis:  
 Aut qualis flexos, soluit Pythona per orbes  
 Serpentem, imbelles quem timuere lyre.  
 Mox ait, ò longa mundi seruator ab Alba  
 Auguste, Hectoreis cognite maior auis,  
 Vince mari: iam terra tua est, tibi militat arcus,  
 Et fauet ex humeris hoc onus omne meis.  
 Solue metu patriam, quæ nunc te uindice freta,  
 Imposuit proræ publica uota tuæ.  
 Quam nisi defendes, murorum Romulus augur  
 Ire Palatinas non bene uidit aues.

*Et nimum remis audent propè turpe Latinis  
Principe te fluctus regia uela pati.  
Nec te, quòd classis centenis remiget alis,  
Terreat: inuito labitur illa mari.  
Quodq; uehunt proræ, Centaurica saxa minantes:  
Tigna caua, & pictos experiare metus.  
Frangit, & attollit uires in milite causa:  
Quæ nisi iusta subest, excutit arma pudor.  
Tempus adest: committe rates: ego temporis autor  
Ducam laurigera Iulia rostra manu.  
Dixerat, & pharetræ pondus consumit in arcus,  
Proxima post arcus Cæsaris hasta fuit.  
Vincit Roma, fide Phæbi: dat sæmina pœnas:  
Sceptra per Ionias fracta uehuntur aquas.  
Et pater Idalio miratus Cæsar ab astro:  
Sum Deus, & nostri sanguinis ista fides.  
Prosequitur cantu Triton, omnesq; marinæ  
Plauserunt circa libera signa Dee.  
Illa petit Nilum, cymba malè nixa fugaci:  
Hoc unum iusso non moritura die.  
Dij melius, quantus mulier foret una triumphus,  
Ductus erat per quas antè Iugurtha uias.  
Actius hinc traxit Phæbus monimēta, quòd eius  
Vna decem uicit missa sagitta rates.  
Bella satis cecini: cit haram iam poscit Apollo  
Victor, & ad placidos exiit arma choros.  
Candida nunc molli subeant conuiuia luco,  
Blanditiæq; fluant per mea colla rosæ:  
Vinaq; fundantur prælis elisa Falernis,*



Terq; lauet nostras spica Cilissa comas.  
 Ingenium potis irritet Musa poetis.  
 Bacche soles Phœbo fertilis esse tuo.  
 Ille paludosos memoret servire Sicambros,  
 Cepheam hic Meroën, fuscaq; regna canat:  
 Hic referat sero confessum fœdere Parium,  
 Reddat signa Remi: mox dabit ipse sua.  
 Sine aliquid pharetris Augustus parcat Eois,  
 Differat in pueros ista trophæa suos.  
 Gaude Crasse nigras siquid sapis inter arenas:  
 Ire per Eufraten ad tua busta licet.  
 Sic noctem patera, sic ducam carmine, donec  
 Inijciat radios in mea uina dies.

## A D C Y N T H I A M.

**S**unt aliquid manes: LETVM non omnia finit,  
 Lucidaq; euictos effugit umbra rogos.  
 Cynthia nanq; meo uisa est incumbere fulcro,  
 Marmor ad extremæ nuper humata uicæ.  
 Cùm mihi ab exequiis somnus penderet amoris,  
 Et quererem lecti frigida regna mei:  
 Eosdem habuit secum, quibus est elata capillos,  
 Eosdem oculos: lateri uestis adusta fuit:  
 Et solitum digito beryllon adederat ignis,  
 Summaq; Lethæus triuerat ora liquor:  
 Spiranteisq; animos, & uocem misit: at illi  
 Pollicibus fragiles increpuere manus.  
 Perfide, nec cuiquam melior sperande puellæ,  
 In te iam uires somnus habere potest?  
 Iam'ne tibi exciderant uigilantis furti Suburra,

Et

*Et mea nocturnis irita fenestra dolis?  
Per quam demisso quoties tibi fune pependi  
Alternata ueniens in tua colla manu.  
Sæpe Venus iriuio commista est pectore musto,  
Fecerunt tepidas pallia nostra uias.  
Fœderis heu taciti cuius fallacia uerba  
Non audituri diripere Noii.  
At mihi non oculos quisquam inclinavit eunteis,  
Vnum impetrassem te reuocante diem.  
Nec crepuit fixa me propier arundine custos,  
Læsi & obiectum tegula curta caput.  
Deniq; quis nostro curuum te funere uidit?  
Atram quis lacrymis incaluisse togam?  
Si piguit portas ultra procedere, at illuc  
Iussisset lectum lentius ire meum.  
Cur uentos non ipse rogis ingratis petisti?  
Cur nardo flammæ non oluere meæ?  
Hoc etiam graue erat nulla mercede hiacynthos  
Inicere, & fracto busta piare cado.  
Lygdamus uratur, candescat lamina uernæ.  
Sensi ego, cum insidijs pallida uina bibi.  
Aut Nomas arcanas tollat uersuta salinas,  
Dic & damnatas ignea testa manus,  
Quæ modò per uiles inspecta est publica noctes.  
Hæc nunc aurata cyclade signat humum.  
Et grauiora rependit iniquis pensa quasillis,  
Garrula de facie siqua locuta mea est,  
Nostraq; quòd Petale tulit ad monimēta corollas,  
Codicis immundi uincula sentit anus.*



Ceditur & Lalage iortis suspensa capillis,  
 Per nomen quoniam est ausa rogare meum,  
 Te patiente mea conflauit imaginis aurum,  
 Ardent è nostro dotem habitura rogo.  
 Non tamen insector, quamuis mercare, Propertii.  
 Longa mea in libris regna fuere tuis.  
 Iuro ego fatorum nulli reuocabile carmen:  
 Tergeminusq; canis sic mihi molle sonet:  
 Me seruasse fidem: si fallo, uipera nostris  
 Sibilet in tumultis, & super ossa cubet:  
 Nam gemina est sedes turpem sortita per amnem,  
 Turbaq; diuersa remigat omnis aqua.  
 Vna Clytemnestra stuprum uehit, altera Cresse  
 Portat mentite lignea monstra bonis.  
 Ecce coronato pars altera parte phaselo,  
 Mulcet ubi Elysias aura beata rosas.  
 Quà numerosa fides, quà queritur unda Cybelles,  
 Miraisq; sonant Lydia plectra choris,  
 Andromedeq;, & Hypermestre sine fraude ma-  
 Narrant historiae pectora nota sua. (rit.  
 Hæc summa æternis queritur liuere catenis  
 Brachia, nec meritas frigida saxa manus.  
 Narrat Hypermestre magnum ausas esse sorores  
 In scelus, hoc animum non ualuisse suum.  
 Sic mortis lacrymis uitæ sanamus amores.  
 Celo ego perfidiæ crimina multa tuæ.  
 Sed tibi nunc mandata damus si forte moueris,  
 Si te non totum Chloridos herba tenet:  
 Nutrix in tremulis ne quid desideret annis,

Parthenie patuit, nec tibi auara fuit.  
 Delitiæq; meæ Lais, cui nomen ab usu est,  
 Ne speculum domina porrigat illa noua.  
 Et quoscunq; meo fecisti nomine uersus,  
 Vre mihi: laudes desine habere meas.  
 Pelle ederam tumulo, mihi quæ pugnante corymbo  
 Mollia contortis alligat ossa comis.  
 Ramosis Anio quæ pomifer incubat aruis.  
 Et nunquam Herculeo numine pallet ebur.  
 Hoc carmen media, dignum me, scribe columna:  
 Sed breue, quod currens uector ab urbe legat.  
 Hac Tyburtina iacet aurea Cynthia terra.  
 Accessit ripæ laus Aniene tuæ.  
 Nec tu sperne pijs uenientia somnia portis:  
 Cum pia uenerunt somnia, pondus habent.  
 Nocte uagæ ferimur, nox clausas liberat umbras,  
 Errat & abiecta Cerberus ipse sera.  
 Luce iubent leges Lethæa ad stagna reuerti:  
 Nos uehimur, uectum nauta recenset onus.  
 Nunc te possideant aliæ, mox sola tenebo:  
 Mecum eris, & mustis ossibus ossa teram.  
 Hæc postquam querula mecum sub uoce peregit,  
 Inter complexus excidit umbra meos.

## DE CYNTHIA ET DRACONE.

Disce qd Exqlias hac nocte fugarit aquosas,  
 Cum uicina meis turba cucurrit agris.  
 Lanuium annosi uetus est tutela Draconis,  
 Hic ubi Tartaræ non perit hora moræ:  
 Quæ sacer abripitur cæco descensus hiatu,

Quæ



Quà penetrat uirgo tale iter omne caue.  
 Ieiuni serpentis honos, cum pabula poscit  
 Annua, & ex ima sibila torquet humo.  
 Talia demissa pallent ad sacra puella,  
 Cum temere anguino creditur ore manus.  
 Ille sibi admoias a uirgine corripit escas,  
 Virginis in palmis ipsa canistra tremunt.  
 Si fuerint castæ, redeunt in colla parentum:  
 Clamantq; agricolæ, Fertilis annus erit.  
 Huc mea detonsis auecta est Cynthia mannis:  
 Causa fuit Iuno, sed mage causa Venus.  
 Appia dic queso, quantum, te teste, triumphum  
 Egerit effusis per tua saxa rotis:  
 Turpis in arcana sonuit cum rixa taberna:  
 Si sine me, fama non sine labe meæ.  
 Spectaclum ipsa sedens primo temone pependit,  
 Ausa per impuros frena mouere locos..  
 Serica nam taceo Volsi carpenta nepotis:  
 Atq; armillatos, colla molossa, canes,  
 Qui dabit immundæ uenalia farta saginæ,  
 Vincet ubi erasas barba pudenda genas.  
 Cum fieret nostro toties iniuria lecto,  
 Mutato uolui castra mouere toro.

## DEPREHENSVM PROPERTIVM

cum Phyllide, & Thesia amicis à Cynthia:  
 uapulasseq; ab ea omnes ue-  
 hementer.

**P**hyllis Auentinæ quædam est uicina Dianæ:  
 Sobria, grata parum: cum bibit, omne decet.

Alicia

*Altera Tarpeios est inter Theia lucos  
Candida: sed potæ non satis unus erit.  
His ego constitui noctem lenire uocatis,  
Et Venere ignota furtâ nouare mea.  
Vnus erat tribus in secreta lectulus herba.  
Quæris concubitus? inter utranq; fui.  
Lygdamus ad Cyathos, utriq; æstiuâ supellex,  
Et Methymnæi grata salina meri.  
Nile tuus tibicen erat coraliftria Phyllis,  
Et facilis spargi munda sine arte rosa.  
Nanus & ipse suos breuiter concretus in artus  
Iactabat truncas ad caua buxa manus,  
Sed neq; suppletis constabat flamma lucernis,  
Decidit inq; suos mensa supina pedes.  
Me quoq; per talos Venerem quærente secundos,  
Semper damnosi subsiluire canes,  
Cantabant surdo, nudabant pectora cæco,  
Lanuuij ad portas hei mihi solus eram:  
Cum subito ranci sonucrunt cardine postes,  
Et leuia ad primos murmura facta lares.  
Nec mora cum totas resupinat Cynthia ualuas,  
Non operosa comis, sed furibunda decens.  
Pocula mi digitos inter cecidere remissos,  
Palluerantq; ipsa labra soluta mero.  
Fulminat illa oculis, & quantum fœmina senit:  
Spectaculum capta nec minus urbe fuit.  
Phyllidos iratos in uultum coniicit ungues,  
Territa uicinas Theia clamat aquas.  
Lumina sopitos turbant elata Quirites,*

*Omnis*



Omnis & insana semita nocte sonat.  
Illas direptisq; comis, tunicisq; solutis,  
Excipit obscura prima taberna uia.  
Cynthia in exuijs gaudet, uictrixq; recurrit,  
Et mea peruersa sauciat ora manu.  
Imponitq; notam collo, morsuq; cruentat:  
Præcipueq; oculos, qui meruere, ferit.  
Atq; ubi iam nostris lassauit brachia plagis,  
Lygdamus ad plurei fulcra sinistra iacens  
Exuitur, geniumq; meum prostratus adorat.  
Lygdame, nil potui: tecum ego captus eram.  
Supplicibus palmis tum demum ad fœdera ueni,  
Cum uix tangendos præbuit illa pedes.  
Atq; ait, Admisse si uis me ignoscere culpæ,  
Accipe quæ nostræ formula legis erit.  
Tu neq; Pompeia spatiabere cultus in umbra,  
Nec cum lascium sternet arena forum:  
Colla caue inflectas ad summum obliqua theatrū,  
Aut lectica tuæ sudet aperta mora.  
Lygdamus in primis, omnis mihi causa querela,  
Veneat, & pedibus uincula bina trahat.  
Indixit leges. respondi ego, Legibus utar.  
Riserat imperio facta superba dato.  
Dein quemcunq; locum externa tetigere puellæ  
Sufficit, & pura limina tergit aqua.  
Imperat & totas iterum mutare lacernas,  
Terq; meum tetigit sulfuris igne caput.  
Atq; ita mutato per singula pallia lecto,  
Respondi: & toto soluimus arma toro.

## DE HERCVLE,

&amp; morte Caci.

**A**mphitryoniades qua tempestate iuuenos  
Egerat à stabulis, ô Erythræa, tuis:  
Venit ad inuictos pecorosa palatia montes,  
Et statuit fessos fessus & ipse boues,  
Quà uelabra suo stagnabant flumine, quaq;  
Nata per urbanas uelificabat aquas.  
Sed non infido manserunt hospite Caco  
Incolumes, furto polluit ille locum.  
Incola Cacus erat, metuendo raptor ab antro,  
Per tria paritos qui dabat ora sonos.  
Hic, ne certa forent manifestæ signa rapinæ,  
Auersos cauda traxit in antra boues:  
Nec sine teste Deo, furem sonuere iuueni,  
Furis & implacidas diruit ira fores.  
Menalio iacuit pulsus tria tempora ramo  
Cacus: & Alcides sic ait, Ite boues:  
Herculis ite boues nostræ labor ultime clauæ,  
Bis mihi quæsita, bis mea præda boues:  
Aruaq; mugitu sancite Boaria longo  
Nobile erit Romæ pascua nostra forum.  
Dixerat, & sicco torret suis ora palato,  
Terraq; non ullas fœta ministrat aquas.  
Sed procul inclusas audit ridere puellas.  
Lucus ab umbroso fecerat orbe nemus:  
Fœminæ loca clausa Deæ, fontesq; piandos,  
Impunè & nullis sacra relecta uiris:  
Deuia puniceæ uelabant limina uittæ,

Putris



Putris odorato luxerat igne casa:  
 Populus & longis ornabat frondibus adem,  
 Multaq; cantantes umbra tegebat aues.  
 Huc ruit in siccam congesto puluere barbam,  
 Et iacit ante fores uerba minora Deo:  
 Vos precor, ô luci sacro quæ luditis antro,  
 Pandite defessis hospita uestra uiris:  
 Fontis egens erro, circaq; sonantia lymphis,  
 Et caua suscepto flumine palma sat est.  
 Audistis'ne aliquem, tergo qui sustulit orbem?  
 Ille ego sum, Alciden terra recepta uocat.  
 Quis facta Herculeæ non audit foriua clauæ?  
 Et nunquam ad natas irrita tela feras?  
 Atq; uni Sygias hominum luxisse tenebras?  
 Accipite hæc: fesso uix mihi terra patet.  
 Quod si Iunoni sacrum faceretis amara,  
 Non clausisset aquas ipsa nouerca suas.  
 Sin aliquam uultusq; meus, setæq; leonis  
 Terrent, & Libyco sole perusta coma:  
 Idem ego Sidonia feci seruilia palla  
 Officia, & Lydo pensa diurna colo:  
 Mollis & hirsutum cepit mihi fascia pectus,  
 Et manibus duris apta puella fui.  
 Talibus Alcides: at talibus alma sacerdos,  
 Puniceo canas stamine uincta comas,  
 Parce oculis hospes, luccq; abscede uerendo:  
 Cede agedum, & iuta limina linque fuga,  
 Interdicta uiris metuenda lege piatur,  
 Quæ se summotâ uindicat ara casa.

Magnam

*Magnam Tiresias aspexit Pallada uates,  
 Fortia dum posita Gorgone membra lauat.  
 Dii tibi dent alios fontes, hæc lympa puellis  
 Auia secreti liminis una fuit.  
 Sic anus ille humeris postes concussit opacos,  
 Nec tulit iratam ianua clausa suum.  
 At postquam exhausto iam flumine uicerat æstus,  
 Ponit uix siccis tristia iura labris.  
 Angulus hic mundi nunc me mea fata trahentem  
 Accipit: hæc fesso uix mihi terra patet.  
 Maxima quæ gregibus deuota est ara repertis,  
 Ara per has, inquit, maxima facta manus:  
 Hæc nullis unquam pateat ueneranda puellis,  
 Herculis eximij ne sit inulta suis.  
 Sancte pater salue, cui iam fauet aspera Iuno,  
 Sancte uelis libro dexter inesse meo.  
 Nunc quoniã manibus purgatum sanxerat orbem,  
 Sic sanctum Tatiae composuere Cures.*

## QVARE IVPITER

Feretrius dictus.

**N***unc Iouis incipiam causas aperire Feretri,  
 Armaq; de ducibus irina recepta tribus.  
 Magnum iter ascendo: sed dat mihi gloria uires:  
 NON inuat ex facili lecta corona iugo.  
 Imbuis exemplum primæ tu Romule palma  
 Huius, & exuuijs plenus ab hoste redis:  
 Tempore quo portas Ceninum Acrona petentem  
 Victor in euersum cuspide fundis equum.  
 Acron Hercules Cenina ductor ab arce,*



Roma tuis quondam finibus horror erat.  
 Hic spolia ex humeris ausus sperare Quirini,  
 Ipse dedit, sed non sanguine sicca suo.  
 Hunc uidet ante cauas vibrantem spicula turres  
 Romulus, & uotis occupat ante ratis.  
 Iuppiter hæc hodie tibi uictima corruat Acron:  
 Vouerat, & spolium corruit ille Ioui.  
 Urbis, uirtutisq; parens sic uincere suenit,  
 Qui tulit aprico frigida castra lare.  
 Idem eques, & frenis, idem fuit apius aratris,  
 Et galea hirsuta compta lupina iuba.  
 Picta nec inducto fulgebat parma pyropo,  
 Præbebant cæsi baltea lenta boues.  
 Cossus at insequitur Veientis cæde Tolumni,  
 Vincere cum Veios posse laboris erat.  
 Necdum ultra Tyberim belli sonus, ultima præda  
 Nomentum, & capta iugera pauca Coræ.  
 Et Veij ueteres & uos tum præda fuistis,  
 Et uestro posita est aurea sella foro:  
 Nunc intra muros pastoris buccina lenti  
 Cantat, & in uestris ossibus arua metunt.  
 Fortè super portæ dux Veius astitit arcem,  
 Colloquiumq; sua fretus ab urbe dedit.  
 Dumq; aries murum cornu pulsabat ahenò,  
 Vineaq; inductum longa tegebat opus:  
 Cossus ait, forti melius concurrere campo.  
 Nec mora fit: plano sistit uterq; gradu.  
 Dij Latias inuere manus, desecta Tolumni  
 Cernix, Romanos sanguine lauit equos.

*Claudius à Rheno traicctos arcuit hostes,  
 Belgica cùm uasti parma relata ducis.  
 Vir domari genus hic Rheno iactabat ab ipso,  
 Nobilis erectis fundere gesa rotis.  
 Illi uirgatis iaculantis ab inguine braccis  
 Torquis ab incisa decidit unca gula.  
 Nunc spolia in templo iria condita causa Fereiri,  
 Omne quòd certo dux ferit ante decem:  
 Seu quia uicta suis humeris hæc arma ferebant,  
 Hinc Fereiri dicta est ara superba Iouis.*

AD PAULVM.

**D***Esine Paule meū lacrymis urgere sepulcrum,  
 PANDITVR ad nullas ianua nigra pre-  
 Cū semel infernas intrarunt funera leges, (ces.  
 Non exorato stant adamante uie.  
 Te licet orantem fusca Deus audiat aule,  
 Nempe tuas lacrymas littora surda bibent.  
 Vota mouent superos: ubi portitor ara recepit,  
 Obserat herbosos lurida porta rogos.  
 Sic mæsta cecinere tubæ, cū subdita nostrum  
 Detraheret lecto fax inimica caput.  
 Quid mihi coniugium Pauli? quid currus auorum  
 Profuit? aut famæ pignora tanta meæ?  
 Num munus immiles habuit Cornelia Parcas?  
 Et sum quod digitis quinq; leuatur onus.  
 Damnatæ noctes, & uos uada lenta paludes,  
 Et quæcunq; meos implicat unda pedes,  
 Immatura licet, tamen huc non noxia uenit:  
 Det pater hic umbræ mollia iura meæ.*



*Aut si quis posita iudex sedet Aeacus urna,  
 In mea sortita iudicet ossa pila.  
 Assideant fratres, iuxta Minoia sella,  
 Eumenidum intento tuba seuera foro.  
 Sisyphæ molle uaces, taceant Ixionis orbes,  
 Fallax Tantaleo corripere liquor.  
 Cerberus & nullas hodie petat improbus umbras,  
 Et iaceat tacita lapsa catena sera.  
 Ipsa loquor pro me: si fallor, pœna sororum  
 Infelix, humeros urgeat urna meos.  
 Si cui fama fuit per auita trophæa decori,  
 Aera Numantinos regna loquuntur auos.  
 Altera maternos exæquat turba Libones,  
 Et domus est titulis utraq; fulta suis.  
 Mox ubi iam facibus cessit prætexta maritis,  
 Vinxit & acceptas altera uitta comas:  
 Iungor Paule tuo sic discessura cubili,  
 In lapide hoc uni nupta fuisse legar.  
 Testor maiorum cineres tibi Roma colendos,  
 Sub quorum titulis Africa tonsa iaces:  
 Et Persen proavi simulantem pectus Achillis,  
 Quiq; tuas proauus fregit Achille domos:  
 Me neq; censura legem mollisse, nec ulla  
 Labe mea nostros erubuisse focos.  
 Non fuit exuijs tantis Cornelia damnum,  
 Quin & erat magna pars imitanda domus.  
 Nec mea mutata est ætas sine crimine tota est.  
 Viximus insignes inter utranq; facem.  
 Mi natura dedit leges à sanguine ductas,*

Ne possim melior iudicis esse metu.  
Qualibet austeras de me ferat urna tabellas,  
Turpior assensu non erit ulla meo.  
Vel tu, quæ tardam mouisti sune Cybellen,  
Claudia turrita rara ministra Deæ:  
Vel cui commissos cum Vesta reposceret ignes,  
Exhibuit uinos carbasus alba focos.  
Nec te dulce caput mater Scribonia lasi,  
In me mutatum, quid nisi fata uelis?  
Maternis laudor lacrymis, urbisq; querelis:  
Defleta & gemitu Cesaris ossa mea.  
Ille sua nata dignam uixisse sororem  
Increpat, & lacrymas uidimus esse Deo.  
Et tamen emerui generosos uestis honores,  
Nec mea de sterili facta rapina domo.  
Te Lepide, & te Paule meum post fata leuamen  
Condita sunt uestro numina nostra sinu.  
Vidimus & fratrem sellam geminasse curulem,  
Consule quo facto tempore rapta soror.  
Filia tu speciem censura nata paterna,  
Fac teneas unum, nos imitata, uirum:  
Et serie fulcite genus. mihi cymba uolenti  
Solvitur aucturis tot mea fata malis.  
Hæc est fœminei merces extrema triumpho,  
Laudat ubi meritum libera fama rogam.  
Nunc tibi commendo, communia pignora, natos:  
Hæc cura, & cineri spirat iniusta meo.  
Fungere maternis uicibus pater: illa meorum  
Omnis erit collo turba ferenda tuo.



Oscula cū dederis tua flentibus, adijce matris:  
Tota domus cœpit nunc onus esse tuum.  
Et siquid doliurus eris, sine testibus illis:  
Cū uenient, siccis oscula falle genis.  
Sat tibi sunt noctes, quas de me Paule fatiges,  
Somniaq; in faciem credita sæpe meam.  
Atq; ubi secretò nostra ad simulacra loquēris,  
Ut responsuræ singula uerba iace.  
Seu tamen aduersum mutarit ianua lectum,  
Sederit & nostro cauta nouerca toro:  
Coniugium pueri laudate, & ferte paternum.  
Capta dabit uestris moribus illa manus.  
Nec matrem laudate nimis: collata priori  
Vertet in offensas libera uerba suas.  
Seu memor ille mea contentus manserit umbra,  
Et tanti cineres duxerit esse meos:  
Discite uenturam iam nunc sentire senectam,  
Cœlibis ad curas nec uacet ulla uia.  
Quod mihi detractū est, uestros accedat ad annos:  
Prole mea Paulum sic iuuat esse senem.  
Et bene habet: nunquam mater lugubria sumpsit,  
Venit in exequias tota caterna meas.  
Causa perorata est, flentes me surgite testes,  
Dum pretium uitæ grata rependit humus.  
Moribus & cœlum patuit: sim digna merendo,  
Cuius honoratis ossa uehantur aquis.

F I N I S.

C. N. CORNELII GAL-  
LI VITA.

**C**ornelius Gallus Foroiulienſis, Orator, ac Poëta clariffimus, ex infima fortuna in Auguſti amicitiam ſuſceptus, Aegyptum prouinciam Romanorū primus obtinuit: mox cū quēdam in conuiuium per merum faſſus eſſet, in ſuſpicionem coniurationis adductus, damandūſq; Senatui traditus, ob pudorem, propria ſe manu interfecit, anno ætatis ſuæ L X I I I. Hunc P. V. Maro uſq; adeò ſibi amiciffimum habuit, ut Bucolica & Georgica in eius laudibus terminarit. Verū quia in Georgicis pleniores de eo laudes continebantur, iubente Auguſto, in Ariſtei fabulam commutauit. Scripſit Cornelius Gallus Elegiarum libros I I I I. de Cytheride quadam, P. Volumnij liberta, quam ficto nomine Lycorida appellauit: inque ijs imitatus eſt Euphorionem Chalcidicum poëtam. Laſciuioſculus ſemper fuit: In compoſitione tamen cæteris, qui Elegiam Latinè ſcriptitarunt, durior à Fabio non temerè iudicatus. Eius ſcripta penitus interciderunt, præter hunc unum libellum, quem paulò ante mortem in Aegypto uiſus eſt perſcripſiſſe. Nam cū ibi Græcam quandam puellam adamaffet, nec propter ingraueſcentem iam ætatem eius libidini ſatisfacere potuiſſet: materia ſatis opportunè oblata eſt, ut ſenectutis incommoda deſcribens, iuueniles ſuos amores recenſeret, ſe q; in ſuis carminibus, multò melius, quàm in nummo, ſpectandum effingeret. Nam quòd fuerit Hetruſcus, quòd Orator, quòd Poëta, quòd etiā uinolētus, quòd Lycorida adamarit, quòd Legatus Aegypto præfuerit, hinc maniſſimè colligitur: quæ ſiquis diligenter animaduertat, fatebitur huc libellum Cornelii Galli, nō alterius fuiſſe, ut quidam parū prudenter exiſtimarunt.



## C N. CORNE-

## LII GALLI POE-

ta clarissimi ex ijs quæ colligi po-  
tuere fragmentis, Elegia-  
rum Libellus.

\*



EMULA cur cessas finem pro-  
perare Senectus?

Cur & in hoc fesso corpore tar-  
da sedes?

Solve, precor, miseram tali de  
carcere vitam,

Mors est iam requies, uiuere pœna mihi.

Non sum qui fueram: perijt pars maxima nostri:

Hoc quoq; qd' superest, læguor, et horror habet,

Lux grauis in luctu, rebus mœstissima latis.

Quodq; omni est peius funere, uelle mori.

Dum iuuenile decus, dum mens, sensusq; manebat,

Orator toto clarus in orbe fui.

Sæpe poëtarum mendacia dulcia finxi,

Et ueros titulos res mihi ficta dedit.

Sæpe perorata percepi lite coronam,

Et data sunt linguæ præmia digna meæ.

Quæ cum defunctis iam sunt immortua membris:

Heu senibus uitæ portio quanta manet?

Nec minor his aderat sublimis gratia formæ:

Quæ, uel si desint cætera multa, placet.

Quinetiam VIRTUS fuluo pretiosior auro,

Per quam præclarum plus micat ingenium.

*Si placuit canibus densos circumdare salus,  
Occubuit telis præda petita meis:  
Si libuit celeres arcu tentare sagittas,  
Prostravi multas non sine laude feras.  
Dulce fuit madidam si fors uersare palæstram,  
Implicui ualidis lubrica membra toris.  
Nunc agili cursu cunctos anteire solebam:  
Nunc tragicos cantus exuperare meo.  
Augebat meritum dulcis mixtura bonorum:  
Ut semper uarium plus micat artis opus.  
Nam quæcunq; solent per se perpensa placere:  
Alternò potius uincta decore placent.  
Has inter uirtutis opes, tolerantia rerum  
Spernebat cunctas insuperata minas.  
Vertice nudato uentos, pluuiasq; ferebam:  
Non mihi solstitium, nec graue frigus erat.  
Innabam gelidas Tyberini fluminis undas:  
Nec metui dubio credere membra freto.  
Quamuis exiguo poteram requiescere somno,  
Et quamuis modico membra fouere cibo.  
At si me subito uinosus repperit hospes,  
Aut lenis fecit sumere uina dies,  
Cessit & ipse pater Bacchus stupuiq; bibentem,  
Et quicumq; solet uincere, uictus abit.  
Haud facile est animum tantis inflectere rebus,  
Ut res oppositas mens ferat una duas.  
Hoc quoq; uirtutum quondam certamine, magnum  
Socratem palmam promeruisse ferunt.  
Hinc etiam rigidum memorant ualuisse Catonem:*



Non res in uitium, sed malè facta cadunt.  
Intrepidus quæcunq; forent, ad utrunq; ferebar:  
Cedebant animo tristia cuncta meo.  
Pauperiem, modico contentus, semper amari:  
Et rerum dominus nil cupiendo fui.  
Tu me sola tibi subdis miseranda Senectus,  
Cui cedit quicquid uincere cuncta potest.  
In te corruimus: tua sunt quæcunq; fatiscunt:  
Ultima quæq; tuo conficis ipsa malo.  
Ergo his ornatum meritis Hetruria nostris  
Optabat natis me sociare suis:  
Sed mihi dulce magis resolutò uiuere collo,  
Nullaq; coniugij nincula grata pati.  
Ibam per mediam uernali corpore Romam,  
Spectandus cunctis undiq; uirginibus.  
Quæq; peti poterat, fuerat uel foriè petita,  
Erubuit uultus uisa puella meos.  
Et nunc subridens latebras fugitiua petebat,  
Non tamen effugiens, tota latere uolens.  
Sed magis ex aliqua cupiebat parte uideri:  
Letior hoc multo, quòd malè recta foret.  
Sic cunctis formosus ego, gratusq; uidebar  
Omnibus, & sponsus sic genialis eram.  
Sed tantum sponsus: nam me natura pudicum  
Fecerat, & casto pectore durus eram.  
Nam dum precipue cupio me iungere formæ,  
Permansi uiduo frigidus usq; toro.  
Omnis fœda mihi, atq; omnis mihi rustica uisa est,  
Nullaq; coniugio digna puella meo.

Horrebam tenues, horrebam corpore pingues.

Nec mihi grata brevis, nec mihi longa fuit.

Cum media tantum dilexi ludere forma:

Maiores enim medijs gratia rebus inest.

Corporis has nostri mollis lascivia partes

Incolit: has sedes mater amoris habet.

Querebam gracilem: sed non quæ macra fuisset:

Carnis ad officium carnea membra placent.

Sic quod in amplexu delectat stringere corpus,

Ne lædant pressum quælibet ossa latius,

Candida contempsi, nisi quæ suffusa rubore

Vernarent proprijs ora serena rosis.

Hunc Venus ante alios sibi uendicat ipsa colorem,

Diligit & florem Cypris ubiq; suum.

Aurea Casaries, demissaq; lactea cervix,

Vultibus ingenuis uisa sedere magis.

Nigra supercilia, & frons libera, lumina nigra,

Vrebant animum sæpe notata meum.

Flammea dilexi, modicumq; tumentia, labra,

Quæ mihi gustanti basia plena darent.

In tereti collo uisum pretiosius aurum,

Gemmaq; iudicio plus radiare meo.

Singula turpe seni quondam quæ sita referre:

Et quod tunc decuit, iam modò crimen habet.

Diuersos diuersa iuuant: non omnibus annis

Omnia conueniunt: res prius apta, nocet.

Exultat leuitate puer, grauitate senectus:

Inter utrunq; manens stat iuuenile decus.

Hunc tacitum, tristemq; decet. fit clarior ille

Leuitia, & lingue garrulitate sua.



“ Cuncta trahit secum, ueritq; uolubile tempus:  
“ Nec patitur certa currere quenq; uia.  
“ Nunc quia longa mihi grauis est: & inuilis ætas,  
“ Viuere cum nequeam, sit mihi posse mori.  
“ O quam dura premit miseros conditio uitæ!  
“ Nec mors humano subiacet arbitrio.  
“ Dulce mori miseris: sed mors optata recedit:  
“ At cum tristis erit, præcipitata uenit.  
“ Me uerò heu tantis defunctum paribus olim,  
Tartareas uiuum constat inire uias.  
Iam minor auditus, gustus minor, ipsa minora  
Lumina uix tactu noscere certa queo.  
Nullus dulcis odor, nulla est iam grata uoluptas,  
Sensibus expertem quis superesse putet?  
En Lethæa meam subeunt obliuia mentem,  
Nec confusa, sui iam meminisse potest.  
Ad nullum consurgit opus, cum corpore languet:  
Atq; intentæ suis obstupet ipsa malis.  
Carmina nulla cano: cantandi summa uoluptas  
Heu fugit, & uocis gratia uera perit.  
Non fora sollicito: nec blanda poemata fingo:  
Litibus heu rapidis commoda dura sequor.  
Ipsaq; me species quondam dilecta reliquit:  
Et uideor formæ mortuus esse meæ.  
Pro niueo, rutiloq; prius, nunc inficit ora  
Pallor, & exanguis, funereusq; color.  
Aret sicca cutis, rigidi stant undiq; nervi,  
Et lacerant uncæ tabida membra manus.  
Quondam ridentes oculi: nunc fonte perenni  
Deplangunt pœnas nocte, dieq; suas.

*Et quos grata prius ciliorum ferta tegebant,  
Desuper incumbens hispida sylua premit.  
Ac uelut inclusi cæco conduntur in antro:  
Nescio quid toruum, uel furiale uident.  
Iam pauor est uidisse senem: nec credere possis  
Hunc hominem, humana qui ratione caret.  
Si libros repeto, duplex se littera findit,  
Largior occurrit pagina nota mihi.  
Claram per nebulas uideor mihi cernere lucem:  
Nubila sunt oculis ipsa serena meis.  
Eripitur sine nocte dies: caligine cæca  
Septum tartareo quis neget esse loco?  
Talia quis demens homini persuaserit autor,  
Ut cupiat uoto turpior esse suo?  
Iam subeunt morbi, subeunt discrimina mille:  
Iam dulces epule, deliciaeque nocent.  
Cogimur à gratis animum suspendere rebus,  
Atque ut uiuamus, uiuere desinimus.  
Et iam me dudum cui nulla aduersa nocebant,  
Ipsa, quibus regimur, nunc alimenta grauant.  
Esse libet saturum, saturum mox esse pigebit:  
Præstat ut abstineam, ast astinuisse nocet.  
Quæ modò præfuerat, contraria redditur esca:  
Fastidita iacet, quæ modò dulcis erat.  
Non Veneris sunt grata mihi, nec munera Bacchi,  
Nec quicquid uitæ fallere damna solet.  
Sola iacens natura manet, quæ sponte per horas  
Soluitur, et initio carpitur ipsa suo.  
Non potus, experta mihi medicamina, prosunt,  
Non agris quicquid ferre solebat opem.*



Sed cum materia pereunt quaecunq; parantur,  
Fit magis & damnis tristior urna meis.  
Non secus instantem cupiens fulcire ruinam,  
Diuersis contrà nititur obicibus,  
Donec longa dies, omni compage soluta,  
Ipsam cum rebus subruat auxilium.  
Quid, quòd nulla leuant animum spectacula rerū.  
Nec mala tot uitæ dissimulare licet?  
Turpe seni uultus nitidi, uestesq; decoræ,  
Atq; etiam est ipsum uiuere turpe senem.  
Crimen amare iocos, crimen conuiuia, cantus,  
O miseri quorum gaudia crimen habent.  
Quid mihi diuitiæ, quarum si demeris usum,  
Quamuis largus opum, semper egenus ero?  
Imò etiam pœna est partis incumbere rebus,  
Quas cum possideas, est uiolare nefas.  
Non aliter suiens uicinas Tantalus undas  
Capit, & apposis abstinet ora cibis.  
Efficior custos rerum magis ipse mearum,  
Conseruans alijs, quæ periere mihi.  
Sicut in auricomis pendentia plurimus hortis  
Peruigil obseruat non sua poma draco.  
Hinc me sollicitum torquent super omnia curæ,  
Hinc requies animo non datur ulla meo.  
Querere quæ nequeo, semper retinere laboro,  
Et retinens semper nil tenuisse puto.  
Stat dubius, tremulusq; senex, semperq; malorum.  
Credulus, & stultus quæ facit ipse timet.  
Laudat præteritos, præsentis despicit annos:  
Hoc tantum rectum, quod sapit ipse, putat.

Se solum doctum, se iudicat esse peritum,  
Et quod sit sapiens, desipit inde magis.  
Multa licet nobis referens, eademq; reuoluens,  
Horret, & alloquium conspuit ipse suum.  
Deficit auditor, non deficit ipse loquendo:  
O' sola fortes garrulitate senes.  
Omnia nequicquam clamosis uocibus implet,  
Nil satis est, horret, quæ placuere modò.  
Arridet de se ridentibus: ac sibi plaudens,  
Incipit opprobrio lætior esse suo.  
Hæ sunt primitiæ mortis. his pariibus ætas  
Defluit, & pigris gressibus ima petit.  
Non habitus, non ipse color, non gressus cunctis,  
Non species eadem, quæ fuit antè, manet.  
Labitur ex humeris demisso corpore uestis.  
Quæq; breuis fuerat, iam modò longa mihi est.  
Contrahimur, miroq; modo decrescimus ipsi.  
Diminui nostri corporis ossa putes.  
Nec cælum spectare licet, sed. prona senectus  
Terram, à qua genita est, & reditura uidet.  
Eūq; tripes, prorsus quadrupes, ut paruulus infans,  
Et per sordentem flebile serpit humum.  
Ortus cuncta suos repetunt, matremq; requirunt,  
Et redit ad nihilum, quod fuit antè nihil.  
Hinc est quòd baculo incumbens ruitura senectus  
Assiduo pigram uerbere pulsat humum.  
Et numerosa mouens certo uestigia passu,  
Talia rugato creditur ore loqui:  
Suscipe me genitrix, nati miserere laborum,  
Membra uelis gremio fessa fovere tuo:



Horrent me pueri, nequeo uelut antè uideri,  
Horrendos partus cur sinis esse tuos?  
Nil mihi cum superis: expleui munera uitæ,  
Redde, precor, patrio mortua membra solo.  
Quid miseros uarijs prodest suspendere pœnis?  
Non est materni pectoris ista pati:  
His dictis, trunco titubantes sustinet artus,  
Neglecti repetens stramina dura tori.  
Quo postquam iacuit, misero quid funere differi?  
Heu tantum attriti corporis ossa uides.  
Cumq; magis iaceam semper, uiuamq; iacendo:  
Quis sub uitali me putet esse loco?  
Iam pœna est totum quod uiuimus: urimur æstu,  
Officiunt nebulae, frigus, & aura nocet.  
Ros ledit, modicoq; etiam corrumpimur hymbre,  
Veris, & Autumnus ledit amœna dies.  
Hinc miserum scabies, hinc tuſſis anhela fatigat:  
Continuos gemitus ægra senectus habet.  
Hos superesse rear, quibus & spirabilis aër,  
Et lux, qua regimur, redditur ipsa gravis?  
Ipsa etiam cunctis requies gratissima somnus  
Abuolat, & sera uix mihi nocte redit.  
Vel si lassatos nunquam dignabitur artus,  
Turbidus in quantis horret imaginibus?  
Mollia fulcra tori duris sunt cotibus æqua:  
Parua licet, magnum pallia pondus habent.  
Cogor per mediam turbatus surgere noctem,  
Multaq; ne patiar deteriora, pati.  
Vincimur infirmi defectu corporis: & qua  
Noluerò, infelix, hac ego parte trahor.

Omnia naturæ solvuntur viscera nostræ,  
Et tam præclarum quod malè mutat opus.  
His ueniens onerata malis inopina senectus,  
Cedere ponderibus se docet ipsa suis.  
Ergo quis has cupiat per longum ducere pœnas?  
Paulatimq; anima deficiente mori?  
Morte mori melius, quàm uitam ducere mortis.  
Et sensus membris sic sepelire suis.  
Non queror heu longi quòd totum soluitis anni,  
Improba naturæ dicere iura nefas.  
Deficiunt ualidi longæuo tempore tauri:  
Et quondam pulcher, qui modò turpis, equus.  
Fracta diu rabidi compescitur ira Leonis:  
Lentaq; per senium Caspia tigris erit.  
Ipsa etiam ueniens consumeret saxa uetustas:  
Et nullum est quod non tempore cedat opus.  
Sed mihi uenturos melius præuertere casus,  
Atq; infelices anticipare dies.  
Pœna minor, certam subiò perferre ruinam,  
Quod timeas grauius sustinuisse diu.  
At quos fert alios quis possit dicere casus?  
Hoc quoq; difficile est commemorasse seni.  
Iurgia, contemptus, uiolentaq; damna sequuntur,  
Nec quisquam ex tantis præbet amicus opem.  
Ipsi me pueri, atq; ipse sine lite puellæ,  
Turpe putant dominum iam uocitare suum.  
Irrident gressus, irrident deniq; uulium,  
Et tremulum quondam quod timuere, caput.  
Quumq; nihil uideam, tamen hoc spectare licebit,



*Vt grauior misero pœna sit ista mihi.  
 Felix qui meruit tranquillam ducere vitam,  
 Et letos stabili claudere fine dies.  
 Dura satis miseris memoratio prisca bonorum,  
 Et grauius summo culmine missa ruunt.*

**E***N dilecta mihi nimium formosa Lycoris,  
 Cum qua mens eadem, res fuit una mihi.  
 Post multos quibus indiuisi uiximus annos,  
 Respuit amplexus heu stupefacta meos.  
 Iamq; alios iuuenes, aliosq; requirit amores:  
 Me uocat imbellem, decrepitumq; senem.  
 Nec meminisse uolet transactæ dulcia uitæ,  
 Nec quod me potius reddidit ipsa senem.  
 Imò etiam causas ingrata, ac perfida fingit,  
 Ut spretus uitio iudicer esse meo.  
 Hæc me præteriens cum dudum forte uideret,  
 Expuit, obductis uestibus ora tegens.  
 Hunc ego dilexi? meq; hic complexus amauit?  
 Huic ego sæpe, nefas, oscula blanda dedi?  
 Nauseat: & priscum uomitu cœu fundat amorem,  
 Imponit capiti plurima dira meo.  
 Heu quid longa dies nunc affert? ut sibi quisquam  
 Quondam dilectum prodere turpe putet?  
 Nonne fuit melius tali me tempore fungi,  
 Quo nulli merito despiciendus eram:  
 Quàm post quàm perijt qcquid fuit antè decoris,  
 Extinctum meritis uiuere criminibus?  
 Iam nihil est totum quod uiximus: Omnia secum  
 Tempus*

Tempus præteriens, horaq; summa trahit.  
At mea iam niuei circundant tempora cani,  
Et iam cæruleus inficit ora color.  
Præstat adhuc, nimiumq; sibi speciosa uidetur,  
Atq; annos mecum despicit illa suos.  
Et fateor, primæ retinet monumenta figuræ,  
Atq; inter cineres condita flamma manet.  
Vt uideo, pulchris etiam uos parcitis anni,  
Nec ueteris formæ gratia tota perit.  
Reliquiis ueterum iuuenes pascuntur amorum.  
Sed siquid nunc est, quod fuit antiè, placet.  
Antiè oculos statuunt primæui temporis actus.  
Atq; in præteritum luxuriantur opus.  
Et quia nos totus membrorum deserit usus,  
Nullos amplexus, quos remoretur, habet.  
Sed miseris solus superest post omnia luctus:  
Quot bona tunc habui, tot modò damna fleo.  
Ergo uelut pecudum præsentia sola manebunt?  
Nil de transactis, quod memoretur, erit?  
Cum fugiant & bruta nouos animalia campos,  
At repellant celeres pascua nota greges,  
Sub qua decubuit requiescens diligat umbram  
Taurus, & amissum quærat ouile pecus,  
Dulcius in solitiis cantet philomela rubetis,  
Sicq; suum rapidis dulce cubile feris,  
Tu tantum bene nota tibi, atq; experta relinquis  
Hospitia, & potius non manifesta petis?  
Nonne placet melius ceriis confidere rebus?  
Euentus uarios res noua semper habet.



*Sum grandæuus ego, nec tu minus alba capillis,  
 Par ætas animos conciliare solet.  
 Si modò non possum, quondam potuisse memento:  
 Sit satis ut placeam, me placuisse prius.  
 Permanet in ualidis reuerentia prisca colonis,  
 Quod fuit in uctulo milite, miles amat.  
 Rusticus expertum deflet cessisse iuuentum,  
 Cum quo consenuit miles honorat equum.  
 Nec me adeò primis spoliauit floribus ætas:  
 En facio uersus, & mea dicta cano.  
 Sit grauitas, sitq; ipsa tibi ueneranda senectus:  
 Sit quòd te nosti uiuere uelle diu.  
 Quis suam in alterius condemnet crimine uitam?  
 Et quò prætendit claudere certet iter?  
 Dicere si fratrem, seu dedignaris amicum,  
 Dic patrem, affectum nomen utrunq; tenet.  
 Vincat honor luxum, pietas succedat amor:  
 Plus ratio, quamuis cæca, ualere solet.  
 His lacrymis lōgos, quantum fas, fleuimus annos:  
 Est graue quòd doleat commemorare diu.*

**N**unc operæpretiū est quædā memorare iuue-  
 Atq; senectutis pauca referre meæ: (tæ,  
 Quò lector mentem rerum uertigine fractam  
 Erigat, & mœstum noscere curet opus.  
 Captus amore tuo demens Aquilina ferebar,  
 Pallidus, & tristis, captus amore tuo:  
 Nondū, qd sit amor, uel quid Venus ignea, noram:  
 Torquebar potius rusticitate mea.

Nec

*Nec minus illa mea percussa à cuspide, flagrans  
Errabat, tota non capienda domo.  
Carmina pulsa procul, nimium dilecta, iacebant.  
Solus amor cordi, curaq; semper erat.  
Nec reperire uiam, qua cecum pasceret ignem,  
Docta, nec alternis reddere uerba notis.  
Tantum in conspectu studio perstabat inani,  
Anxia uel solo lumina corde fouens.  
Pedagogus adit m, illam tristissima mater  
Seruabat, tanti poena secunda mali.  
Prensabantq; oculos, nutusq; per omnia nostros,  
Quiq; solet mentis ducere signa color.  
Dum licuit, uotum tacite compressimus ambo,  
Et uaria dulces teximus arte dolos.  
At postquam teneram rupit uerecūdia frontem,  
Nec ualuit penitus flamma recepta regi,  
Mox captare dolos, & tempora cepimus ambo,  
Atq; supercilijs, luminibusq; loqui.  
Fallere sollicitos, suspensos ponere gressus,  
Et tota nullo currere nocte sono.  
Nec longo, genitrix furtiuum sensit amorem.  
Et medicare parans uulnera uulneribus  
Increpitat, ceditq; ignes in pectore crescunt,  
Ut solet adiecto crescere flamma rogo.  
Concipiunt geminum flagrantia corda timorem,  
Et sic permixto seuit amore dolor.  
Tunc me uisceribus perterrita querit anhelis,  
Emptum supplicijs quem putat esse suis.  
Nec memorare pudet, turpesq; reuoluere uersus,*



Imò etiam gaudens imputat illa mihi.  
Pro te susceptos iuuat, inquit, ferre labores.  
Tu pretium tanti dulce cruoris eris.  
Sit modò certa fides, atq; inconcussa uoluptas.  
Quæ nihil imminui passio, nulla fuit,  
His egomet stimulis angebar semper, & ardens  
Languēbam: nec spes ulla salutis erat.  
Prodere non ausus carpebar uulnere cæco,  
Sed stupor, & macies uocis habebat opus.  
Hic mihi, magnarum scrutator maxime rerum,  
Solut Bobei fers miseratus opem.  
Nam cū me curis intentum sæpe uideres,  
Nec posses causam noscere tristitiæ:  
Tandem prospiciens tali me peste teneri,  
Mihi alloquijs pandere clausa iubes.  
Dicito & unde nouo correptus carperis igne?  
Dic precor, & dicti sume doloris opem.  
Non intellecti nulla est curatio morbi,  
Vt magis inclusis ignibus antè fremunt.  
Dum pudor est tam fœda loqui, uisumq; fateri,  
Agnouit, tanti conscia lingua mali.  
Mox ait, occultæ satis est res prodita causa,  
Pone metum, ueniam uis tibi tanta dabit.  
Prostratus pedibus uerecunda silentia rupi,  
Cum lacrymis referens ordine cuncta suo.  
Fare, ait, ut placida potiari munere forma  
Responde: pietas talia uelle fugit.  
Solutur in risum, exclamans, proh mira uoluptas:  
Castus amor Veneris dicito quando fuit?

Parcere

Parcere dilectæ iuuenis desiste puellæ,  
Impius huic fueris, si pius esse uoles.  
Vnguibus, & morsu teneri pascuntur amores:  
Vulnera non refugit, res magis apta plaga.  
Interea donis permulcet corda parentum,  
Et pretio faciles in mea uota trahit.  
Auri cæcus amor natium uincit amorem:  
Cœperunt natæ crimen amare suæ.  
Dant uitijs furtisq; locum: dant iungere dextras,  
Et totum ludo concelebrare diem.  
Permissum fit uile nefas, fit languidus ardor.  
Vicerunt morbum languida corda suum.  
Illa nihil quæsitâ uidens procedere, causam  
Odit, & illeso corpore tristis abit.  
Proieci uanas sanato pectore curas,  
Et subiò didici quàm miser antè fui.  
Salue sancta inquam, semperq; intacta maneo  
Virginitas, per me plena pudoris eris.  
Quæ post quam perlata uiro sunt omnia tuto,  
Meq; uidet fluctus exuperasse meos:  
Maeste, inquit, iuuenis proprij dominator Amoris,  
En de contemptu sume trophæa tuo.  
Arma tibi Veneris, cedantq; Cupidinis arcus,  
Cedat & armipotens ipsa Minerva tibi,  
Si tibi peccandi studium permissa potestas  
Abstulit, atq; ipsum talia uelle fugit.  
Ingrati, tristes pariter discessimus ambo.  
Dissidij ratio uita pudica fuit.



**R**estat adhuc alios, turpesq; reuoluere casus,  
Atq; aliquo molli pascere corda ioco.  
Conueniunt etenim deliræ ignaua senectæ,  
Aptaq; sunt operi carmina uana meo.  
Sic uicibus uarijs, alternis uoluimur annis,  
Et mutata magis tempora grata mihi.  
Virgo fuit, species dederat cui candida nomen,  
Candida, diuersis sat bene compta comis.  
Huic ego per totum uidi splendentia corpus  
Cymbala multiplices edere pulsa sonos.  
Nunc nucis digitis, nunc pulsans pectine chordas,  
Arguto quicquid murmure dulce loqui.  
Hanc ego saltantem subito correptus amari,  
Et cœpi tacitus uulnera grata pati.  
Sic me diuersis tractum de partibus, una  
Carpebat uarijs pulchra puella modis.  
Singula uisa semel, semper memorare libebat,  
Hærebatq; animo nocte, dieq; meo.  
Sæpe uelut uisa letabar imagine formæ,  
Et procul absenti uoce, manuq; fui.  
Sæpe uelut præsens fuerit, mecum ipse loquebar,  
Cantabam dulces quos solet illa modos.  
O quoties demens, quoties sine mente putabar,  
Nec puto fallebar, nec bene sanus eram.  
Certè difficile est abscondere pectoris æstus,  
Panditur & clauso sæpius ore furor.  
Nam subito inficiens uultum pallorq;, ruborq;,  
Interdum certæ uocis habebat opus.  
Nec minus ipsa meas prodebant somnia curas,

Somnia

Somnia secreti non bene fida mei.  
Nam cum sopitos premerent obliuia sensus,  
Confessa est facinus conscia lingua suum.  
Candida clamabam propera: cur candida cessas?  
Nox abit, & furtis lux inimica uenit.  
Proximus ut genitor mecum comitatus amata  
Virginis, in gelida fortè iacebat humo:  
Illius ad nomen turbatos excitat actus:  
Exilit, & natam credit adesse suam.  
Omnia collustrans, toto me corde solutum  
Prospicit afflantem, nec meminisse mei.  
Vana putas? an uera sopor ludibria iactat?  
Et te uerus, ait, pectoris ardor habet?  
Credo equidem assuetas animo remeare figuras.  
Et fallax studium ludii imago suum.  
Stat tamè attonitus, perplexa q; murmura capiat.  
Et tacitis precibus dicere plura rogat.  
Sic ego, qui cunctis sanctæ grauitatis habebam.  
Proditus indicio sum miser ipse meo.  
Et nunc infelix tota est sine crimine uita,  
Et peccare senem non potuisse pudet.  
Deserimur uitijs, fugit indignata uoluptas:  
Et quod non possum, non potuisse iuuat.  
Hoc etiam meminisse licet, quod serior ætas  
Intulit, & gemitus quos mihi læta dedit.  
Has sed quis possit naturæ astringere partes?  
Gnarus, & ut sapiens noxia sæpe uelit?  
Interdum rapimur uitijs, trahimurq; uolentes.  
Et quæ non capiunt, pectora bruta uolunt.



**M**issus ad Eoas legati munere functus,  
Tranquillum cunctisnectere pacis opus  
Dum studeo gemina componere fœdera pacis,  
Inueni cordis bella nefanda mei.  
Hic me suscipiens Heiruscæ gentis alumnum,  
Inuoluit patrijs Graia puella dolis.  
Nam cùm se nostro captam simularet amore,  
Me potius uero fecit amore capi.  
Peruigil ad nostras adstabat manè fenestras,  
Nescio quid Græco murmure dulce canens,  
Nunc aderant lacrymæ, gemitus, suspiria, pallorq;  
Et quicquid nullum fingere posse putes.  
Sed uelut afflicto nimium miscratus amore,  
Efficior potius tunc miserandus ego.  
Hæc erat egregia forma, uultusq; sereni,  
Grata, micans oculis, nec minus arte placens.  
Docta loqui digitis, & carmina fingere docta,  
Et responsuram sollicitare lyram.  
Illam Sirenijs stupefactus cantibus æquans,  
Efficior demens alter Vlysses ego.  
Et quia non poteram tantas euadere moles,  
Nescius in scopulos, & uada ceca feror.  
Quid referam gressus certa se lege mouentes?  
Suspensosq; nouis passibus ire pedes?  
Grande erat inflexos gradibus numerare capillos,  
Grande erat in nineo pulchra colore coma.  
Vrebant oculos duræ, stantesq; papille,  
Et quas astringens clauderet una manus.  
Ah quantum mentem stomachi fultura monebat,  
Atq;

*Aiq; sub exhausto pectore pingue femur.  
Vrebar teneros astringere fortiter artus,  
Visa per amplexus ossa sonare meos.  
Grandia clamabam nimium me brachia ledunt.  
Non tolerant pondus subdita membra tuum.  
Dirigui, quantusq; fuit calor ossa reliquit,  
Et nata est uenia causa pudenda mea.  
Non sic lac tenerum permista coagula reddunt,  
Nec liquidi mellis spuma liquoris erit.  
Succubui, fateor, Graiae tum nescius artis.  
Succubui Thysca simplicitate senex.  
Qua defensa suo superata est Hector Troia,  
Vnum non poterat fraus superare senem?  
Muneris inuicti curam, studiumq; reliqui,  
Deditus imperijs saepe Cupido iuis.  
Nec memorare pudet tali me vulnere victum,  
Subditus his flammis Iuppiter ipse fuit.  
Sic mihi prima quidem nox affuit, & sua soluit  
Munera: grandaevo nix subeunda uiro.  
Proxima destituit vires, uaciusq; recessit  
Ardor, & in Venerem segnis ut ante fui.  
Illa, uelut proprium repetens infesta tributum,  
Instat, & increpitans, debita reddis? ait.  
Sed nihil hic clamor, nil sermo mitis agebat:  
Quod natura negat, reddere nemo potest.  
Eribui, stupuiq; omnes uerecundia motus  
Abstulit, & blandum terror ademit opus.  
Contrectare manu coepit frigentia membra,  
Meq; etiam digitis sollicitare suis.*

*Nil*



Nil mihi torpenti, nil tactis profuit illis,  
Restitit in medio frigus ut antè foco.  
Quæ te crudelis rapuit mihi fœmina? dixit,  
Cuius ab amplexu fessus ad arma redis?  
Iurabam curis animum mordacibus uri,  
Nec posse ad luxum tristia corda trahi.  
Illa dolum credens, non falles, inquit, amorem.  
Plurima cæcus amor lumina semper habet.  
Quin potius placido noli unquam parcere ludo.  
Proijce tristitias, & renouere iocis.  
Obtundunt siquidem curarum pondera sensus:  
Intermissa minus sarcina pondus habet.  
Tunc egomet toto nudatus corpore lecto,  
Effusis lacrymis talia uerba dedi.  
Cogimur heu segnes crimen, uitiumq; fateri,  
Ne meus extinctus fortè putetur amor.  
Me miserum, cuius non est culpanda uoluptas.  
Iudicor infelix debilitatis ope.  
En longo confecta situ tibi tradimus arma,  
Arma ministerijs quippe dicata tuis.  
Fac quodcunq; potes. nos cedimus: hoc tamen ipse  
Grandior est hostis, quo minus ardet amor.  
Protinus Argiuas admonit turpiter artes,  
Meq; cupit flammis uiuificare suis.  
Ast ubi dilecti persensit funera membri,  
Nec uelut expositum surgere uidit opus,  
Erigitur: uiduoq; toro laniata recumbens,  
Vocibus his luctus, & sua damna fouet.  
Mentula festorum cultrix operosa dierum

Quond

Quondam diuitiæ, delitiæq; meæ,  
Quo te deiectam lacrymarum gurgite plangam?  
Quæ de tot meritis carmina digna feram?  
Tu mihi flagranti succurrere sæpe solebas,  
Atq; æstus animi ludificare mei.  
Tu mihi per totam custos gratissima noctem,  
Consors lætitiæ, tristiæq; meæ.  
Conscia secreti semper fidissima nostri,  
Adstans in nostris peruigil obsequiis.  
Quò tibi feruor abiit, per quem feritura placebas?  
Quò tibi cristatum, uulniferumq; caput?  
Nempe iaces nullo, ut quondam, suffusa rubore,  
Pallida demisso uertice nempe iaces.  
Nil tibi blandiciæ, nil dulcia carmina profunt,  
Non quicquid mentem sollicitare solet.  
Sic uelut exposito meritam te funere plango,  
Occidit assiduo quod caret officio.  
Hæc ego cum lacrymis deducta uoce canentem  
Irridens, dictis talibus increpui:  
Dum defles nostri languorem fœmina membri,  
Ostendis morbo te grauiore premi.  
Vade inquam felix, semper felicibus apta,  
Vtere cognatis utere delicijs.  
Illa furens, credo quod nescis perfide dixit,  
Non fleo priuatum, sed generale chaos.  
Hæc genus humanũ, pecudũ, uolucrũq; ferarũq;  
Et quicquid toto spirat in orbe, creat.  
Hæc sine diuersi nulla est concordia sexus,  
Hæc sine coniugij gratia summa perit.

Hæc



*Hæc geminas tanto constringit fœdere mentes,  
Vnius ut faciat corporis esse duos.  
Pulchra licet pretium si desit, fœmina perdit,  
Hæc si defuerit, uir quoq; turpis erit.  
Hæc si gemma micans ruilum non cõterat aurũ,  
Æternum fallax, mortiferumq; genus.  
Tecum pura fides, secretaq; certa loquuntur,  
O uerè pretium, fructiferumq; bonum.  
Cedunt cuncta tibi, quodq; est sublimius, uliro  
Cedunt imperijs maxima quæq; tuis.  
Nec subtracta gemunt, sed se tibi subdere gaudet.  
Vulnera sunt iræ prosperiora tuæ.  
Ipsa etiam totum moderans sapientia mundum,  
Porrigit inuitas ad tua iura manus.  
Sternitur icta tuo uotiuo uulnere uirgo,  
Et percussa nouo læta cruore iacet.  
Flet tantum, ridetq; suum laniata dolorem,  
Et percussori plaudit amica suo.  
Non tibi semper iners, non mollis conuenit ætus,  
Mixtaq; sunt ludis fortia facta tuis.  
Nam nunc ingenio, magnis nunc uiribus usa,  
Nunc his quæ iuueni sunt inimica malis.  
Nam tibi peruigiles impendunt sæpe dolores,  
Hymbres, insidiæ, iurgia, damna, pudor.  
Tum mihi sæpe feri commendas corda tyranni,  
Sanguineus per te Mars quoq; mitis erit.  
Tu post extinctos, debellatosq; gigantes,  
Excutis irato tela trisulca Ioui.  
Tu cogis rapidas affectus discere tigres,*

Per te blandus amans redditur ipse leo,  
 Mira tibi uirtus, mira est patientia, uictos  
 Diligis, & uinci, uincere saepe uolens.  
 Quum superata iaces, uires, animosq; resumis,  
 Atq; iterum uinci, uincere rursus amans.  
 Ira breuis, longa est pietas, recidua uoluptas,  
 Et quum posse perit, mens tamen una manet.  
 Conticuit tandem longo satiata dolore,  
 Ac uelut expletis desinit exequijs.

**C**laude precor miseras etas uerbosa q̃relas,  
 Nunquid adhuc uitium uis referare tuum?  
 Sit satis indignum leuiter tetigisse pudorem,  
 Contrectata diu crimina crimen habent.  
 Omnibus est eadem lcti uia: non tamen unus  
 Est uitæ cunctis, exitijq; modus.  
 Hac pueri, atq; senes pariter, iuuenesq; ferentur,  
 Hac par diuitibus pauper egenus erit.  
 Ergo quod astrictum, quodq; est uitabile nulli,  
 Festino gressu uincere præstat iter.  
 Infelix ceu iam defleto funere surgo,  
 Hac me defunctum uiuere parie puto.

F I N I S.

## S E Q V E N S L Y R I C V M Q V I A

à plerisq; Cor. Gallo attribuitur,  
 hîc adicere libuit.

L I D I A bella puella, candida,  
 Quæ bene superas lac, & liliū,

Libamq;



Albamq; simul rosam rubidam,  
 Aut expolitum ebur Indicum.  
 Pande puella, pande capillulos  
 Flavos, lucentes ut aurum nitidum.  
 Pande puella collum candidum,  
 Productum bene candidis humeris.  
 Pande puella stellatos oculos,  
 Flexaq; super nigra cilia.  
 Pande puella genas roseas,  
 Perfusas rubro purpure Tyria.  
 Porrige labra, labra corallina,  
 Da columbatim mitia basia:  
 Sugis amentis partem animi:  
 Cor mihi penetrant hæc tua basia.  
 Quid mihi sugis vinum sanguinem?  
 Conde papillas, conde gemitomas,  
 Compresso lacte quæ modò pullulant.  
 Sinus expansa profert cinnama:  
 Undiq; surgunt ex te delicia.  
 Conde papillas, quæ me sauciant  
 Candore, & luxu niuei pectoris.  
 Sæua non cernis quòd ego langueo?  
 Sic me destituis iam semimortuum?



